

# মাধব-লীলা

বা

## অগাধ-বিজয় গীতাভিনয়

শ্রীসিদ্ধ বৌকুণ্ডু-নামীয় যাত্রাসম্প্রদায়ে অভিনীত

“চীয়েতে বালিশশ্যাপি সংক্ষেত্রে পতিতাকুবিঃ ।

নশালে স্তম্বকরিতা বপুগুণমপেক্ষতে ॥”

পূজোপঃ

কঙ্কি-অবতার, পুত্রপরিচয়, পাতালপ্রবেশ প্রভৃতি প্রণেতা

মিত্র ইন্সটিটিউসনের হেডপণ্ডিত

শ্রীঅঘোরচন্দ্র কাব্যতীর্থ

গুরুদাস চট্টোপাধ্যায় এণ্ড সন্স্

২০৩১১, কর্ণওয়ালিস্ স্ট্রীট, কলিকাতা

শ্রীহরিনন্দন চট্টোপাধ্যায়  
৩০৪/১১ কলকাতা  
২০৩/১১ কলকাতা

প্রথম সংস্করণ আষাঢ়, ১৩৪৬

শ্রীহরিনন্দন চট্টোপাধ্যায়  
৩০৪/১১ কলকাতা

# ভক্ত্যুপহারঃ

পরম-পূজ্যপাদ —

সকলসুধীকুল-সমাশ্রয়-কল্প-পাদপ—বহল-যশশ্চিক্রিকোদ্ধাসিতবঙ্গ—

নিত্য-বাণী-কমলৈকবিলাস-নিলয়—কলিকাতাস্থ-রাজকীয়-

সংস্কৃতবিদ্যালয়স্থ ভূতপূর্বাধ্যক্ষ—মহামহোপাধ্যায়-

পদলাঞ্জন—সি, আই, ই, ইত্যুপাধিক—

শ্রীল-শ্রীযুক্ত মহেশচন্দ্র ন্যায়রত্ন মহোদয়—

কর-কমল-কণিকান্তরেষু ।

মহাত্মন !

সর্বথা সার্থকং খলু তেষামেব হ্রীবিতং ; যে চ নানাপূজোপকরণ  
সস্তারৈঃ স্বাভীষ্ট-দৈবতং কিল যথোপ্সতং পরিপূজ্য, তৎ-সন্তোষ-  
সমুৎপাদনায় যতন্তে । যে বা আত্মনঃ সদভিলসিতানাং শতোংপি  
পরিসম্পাদন-ক্ষমাঃ । মৃত স্তাবদহং পূজোপকরণ-পরিশ্রুত্যা হি, লোক-  
লোচন-দর্শনপথাদ্বিনিঃসৃত্য, দিবাভীতকৌশিক ইব একান্তে নিবসামি ।  
মনোরথা হি নাম ক্ষণ বিলসদামিনীব মনস্যুখায় চৈব বিলীয়ন্তে । কেবল  
মন্তুর্দিনং হি, সংসার-সংগ্রাম-প্রণিত-হৃদয়ং মে প্রতিপদ মবসাদ এব  
নিতরাং পরিবাধতে । অতস্তাবৎ কালে বহুতিথে-গতে, ভবৎ-পদারবিন্দ-  
পাদিশনেনাশ্রুসাফল্য-সমুৎপাদনার্থং মহমাগতোহস্মি । মহাত্ম্য-সন্দর্শনলিপ্সা  
হি কেমাং বা মনসি ন বলবতী জায়তে ? শ্রামলতরুচ্ছায়ামাশ্রিত্য কো বা ন  
আতপ-তাপং নিবারয়িত্ব কামাঃসুঃ ? সর্বথা দেবপাদানাং সহজবৎসলতরা  
ন কোংপি কথমপি বঞ্চয়িতব্যম । এতাবতা বিশ্বাসেনৈব সাম্প্রত মহং  
সাহসিকো নির্গন্ধকিংশুককুসুমমালামেকং বিরচয়্য তত্র ভবতো ভবতঃ  
সকাশ মুপাগতোহস্মি, হ । চাপল-প্রণোদিতস্য মে  
“মগধবিজয়নামগীতাভিনয়” মিমম্ ।

ভবদারি ৩৫

প্রাচীনতন্ত্র—

অথোর

শ্রীমৎ  
চন্দ্র

# নাট্যোল্লিখিত ব্যক্তিগণ

## পুরুষগণ

কৃষ্ণ	মথুরাপতি	বিদূষক	ঐ বয়স্য
বলরাম	ঐ জ্যেষ্ঠ	বৃদ্ধ-মন্ত্রি	ঐ সূমন্ত্রণা-দাতা
শিব	কৈলাস-পতি	যুধিষ্ঠির	ইন্দ্র প্রহের অধিপতি
নারদ	দেবর্ষি	ভীম, অর্জুন	ঐ ভ্রাতৃদ্বয়
উদ্ধব	কৃষ্ণসখা	নন্দ	ব্রজরাজ
নন্দ	শিব-দাস	সহদেব	জরাসন্ধ-পুত্র ( কৃষ্ণভক্ত
জরাসন্ধ	মগধেশ্বর ( কৃষ্ণদ্রোণী )		বালক )

শ্রীদাম, সুদাম, বসুদাম, মগধসেনাপতি, যাদবসেনাপতি, ঘাতক, প্রহরী, ঘোষণা-প্রচারক, মগধ-সৈন্য, যাদব-সৈন্য, মগধদূত, যাদবদূত, বন্দি-নৃপগণ, ছদ্মবেশি কৃষ্ণ, কৃষ্ণ-বেশি-উদ্ধব, ব্রজবাসি-বৈষ্ণবগণ ইত্যাদি

## স্ত্রীগণ

দুর্গা	...	...	কৈলাসেশ্বরী
পাগলী-মা	...	...	ছদ্মবেশধারিণী দুর্গা
রাধা	...	...	বৃন্দাবনেশ্বরী
বৃন্দা, ললিতা, বিশাখা, শ্যাম			ঐ সখীগণ
রাণী	...	...	জরাসন্ধ-পত্নী
অন্তি, প্রাপ্তি	...	...	ঐ তনয়াদ্বয় ( কংস-পত্নী )
বশোদহা	...	...	নন্দ-পত্নী

ভগ্ন্যলক্ষ্মী, মায়া, আশা, নেশা, পিয়াসা, প্রভৃতি, রাধাকৃষ্ণের যুগ্মসুতি

মাধব-লীলা

বা

# মগধ-বিজয় গীতাভিনয়

প্রথম অঙ্ক

স্থান—মগধপুরী

রণবেশে অস্তির প্রবেশ

অস্তি । ( উত্তেজিত হইয়া )

প্রতিহিংসা ! প্রতিহিংসা ! প্রতিহিংসা সার ।

প্রতিহিংসা মূলমন্ত্র ।

নাহি অন্য ধ্যান, নাহি অন্য জ্ঞান,

উপাসনা প্রতিহিংসা ।

বৈধব্যপালন, ব্রত, উপবাস—

একমাত্র প্রতিহিংসা ।

শোণিতের শেষ বিন্দু সনে,

প্রতিহিংসা মিলাইবে ;

নতুবা এ দুর্গম পিপাসা—

দূর নাহি হবে ।

যেদিনে সেই—

পতিহন্তার পাপ-তুণ্ড—

খণ্ড খণ্ড করি, পাড়িয়া রূপাণে,

উত্তপ্ত রুধির-ধারা,

রণোন্মত্তা চামুণ্ডার ঞ্চায়,

পান করি মিটাইব প্রাণের পিপাসা ;

সেই দিন হবে পূর্ণ সাধ !

কে বলে অবলা, নাহি জানে রণ ?

নাহি জানে কঠিনা সাজিতে ?

চক্ষু মেলি দেখিবে জগৎ,

পতি-হারা বীরবালা—

কেমনে বিপক্ষ-পক্ষ করিবে দলন ।

কেমনে সেই ক্ষুদ্র গোপাঅজে,

করি ছিন্ন-মুণ্ড—

বামপদে বিনদিব দেখিবে ত্রিলোক ।

ওহো :—

পতি-শোক, শেলসম বিধিয়া মরমে,

অহরহঃ দিতেছে বাতনা ।

না পারিব, বীরাকনা হ'য়ে,

দুর্ভাগার সম শোকাবল অস্তরে পুষিতে

শিখি নাই কভু—

পিঞ্জর-আবদ্ধ বিহঙ্গিনী মত,

দিবানিশি একান্তে তিষ্ঠিতে ।

আজ হ'তে পুনঃ,  
 বজ্রসম দৃঢ় করি বাঁধিব হৃদয় ।  
 দৃঢ়মুষ্টি ধরি অসি, হ'রে এলোকেশী,  
 অক্ষিহয় করিব ঘূর্ণন ।  
 রণোন্মাদে উন্মাদিনী সাজি,  
 নাচিব আহব-মাবে ।  
 ছহকারি কাঁপাব বক্ষাণ্ড ।  
 নরমুণ্ড কাতারে কাতারে,  
 পাড়িব এই ভীম করবালে ।  
 অসংখ্য কবকশ্রেণী পিশাচের সহ,  
 গিরা থিরা নাচিবে তাণ্ডবে ।  
 শকুনি গৃধিনী মহানন্দে মাতি,  
 বাঁকে বাঁকে উড়িবে চৌদিকে ।  
 যাই, তবে যাই,  
 বিলম্ব না সহে আব ।  
 নৈর্য্য নাহি মানে মন ।  
 শ্মশান ভুবন. শ্মশান ভবন,  
 শূন্য দশ দিক ।  
 শূন্য মনে, শূন্য প্রাণে,  
 নাহি সাধ সংসারে থাকিতে ।  
 যাই যাই ঝাঁপ দিগে সমর-তরঙ্গে ।

( কিঞ্চিৎ প্রস্থান ও সম্মুখে জরাসন্ধের প্রবেশ )  
 জরা । ( গতিরোধ করিয়া )  
 কে রে বর্ণকল্যাণি আমার !

কোথা যাস্ মা ! রণসাজে ?

অস্তি । পিতঃ ! পিতঃ !

পতি-হত্যার প্রতিহিংসা সাধিবার তরে,  
যায় অস্তি মথুরা নগরে ।

জরা । পাগলিনী মা আমার ! স্থির হ ।

অস্তি । পিতঃ ! পিতঃ !

স্থির নাহি হয় মন ।

অস্থির অন্তরে অসহ্য যাতনা ।

দিবানিশি দাবানল জ্বলিছে হৃদয়ে ।

পিতঃ গো !

পড়ে ননে অহরহঃ,

মথুরা-নগরে, ক্ষুদ্র গোপ-শিশু,

মল্লযুদ্ধে বধিল মথুরানাথে ।

ছিঃ ছিঃ লজ্জা হয় মুখ দেখাইতে ।

দীৰ্ববল কুরঙ্গ-শাবকে,

বিনাশিল কেশরীর প্রাণ !

তাই পিতঃ আজি,

সাজিল সন্নর-সাজে তনয়া তোমার ।

দীৰ্ববলা বীর-কর্মে হ'য়েছে নিপুণা,

প্রতিহিংসা করিবে সাধন ।

জরা । অস্তি ! অস্তি !

জাগাইলি নিদ্রিত পিতাকে ।

মাতাইলি নবীন উৎসাহে ।

ধনু, ধনু পুলি ! তুই ।



বীর-তেজ ফুটিয়াছে ও কোমল দেহে ।  
বীরাঙ্গনা বীরের কুমারী,  
সার্থক জনম তোর !

হোঃ—

হেরি তোর বৈধব্যের বেশ,  
শোক-ভঙ্গী উঠে রে বাজিয়ে ।  
ক্ষোভে ক্রোধে হই আত্মহারা ।  
আজন্ম-পোষিত আশা,  
জীবনের সাধ, এইবার পূর্ণের সময় ।  
পাইয়াছি অবসর ।  
মা গো ! পতি-ঘাতী তোর,  
এইবার পাবে প্রতিফল !  
বিশ্বজিৎ মহাযজ্ঞে জলন্ত-বহ্নিতে,  
পূর্ণাহুতি হবে সেই বসুদেবাত্মজ ।  
কি কাজ মা ! রণসাজে তোর ?  
প্রতিহিংসা পিতা ভাল জানে ।  
যাও তুমি অন্তঃপুরে,  
পিতা তব যায় বনে ।

অস্তি । পিতঃ ! বড় সাধ মনে,  
রণরঙ্গে মাতিব পুলকে ;  
স্বহস্তে সেই গোপসুতে,  
শান্তি দিব প্রচণ্ড আহবে ।  
শান্তি পাব অশান্ত-অস্তুরে ।  
পিতঃ ! ধরি পদে,

ক'র না নিষেধ ।

দাবদফা কুরঙ্গিনী নাহি শান্তি পায় ।

(সহঃথে) কার কাছে যাব, কার কাছে রব,

যার কাছে যাব, যার কাছে রব,

সে ত চ'লে গেছে ছেড়ে ।

কত দূরে ?

উঃ—বহুদূরে চ'লে গেছে ।

দিয়ে গেছে স্মৃতি আর প্রতিহিংসানল ।

জ্বালিয়াছি সে অনল হৃদয়-কন্দরে ।

শত্রুর শোণিত বিনে,

নিভিবে না সে অনল কভু ।

জরা । ওমা অস্তি !

না কাঁদাও আর মোরে ।

না পারি হেরিতে তোর অক্ষপূর্ণ আঁখি ।

সুকুমার অঙ্গ তোর আভরণ-হীন,

রক্ষ কেশ, রক্ষ বেশ, বিরস বদন,

সীমন্ত সিন্দূরশূক, শূক দৃষ্টিপাত,

অশনি-সম্পাত যেন হয় মর্ম্মস্থলে ।

ওঃ—বৃথা অলুতাপ এবে ।

যুগাক্ষরে যদি জানিতাম বৎসে !

ভুজঙ্গ-বিবরে পশি দুর্বল মণ্ডুক,

বিনাশিবে ভীম ফণিবরে ।

তা হ'লে মা ! সেই দণ্ডে, সেই ক্ষণে,

সেই যজ্ঞালয়ে, মশক সমান,

অঙ্গুলে পিশিয়ে, ( সেই ) গোপকুলাঙ্গারে,  
 করিতাম সেই দিনে শেষ ।  
 তাই বলি মা গো !  
 সেই যজ্ঞ-কথা তুলি,  
 অনুতাপানলে দগ্ধ ক'র না আমার ।  
 শোন বৎসে !  
 নহে এই শোকের সময়,  
 প্রতিশোধ লইবারে চল যুদ্ধে যাই ।  
 প্রতিষেধ না করিব তোরে ।  
 শত্রু-রুদ্ধে অবগাহি পিতা-পুত্রী আজি,  
 যুচাব মনের বাধা, মনের কালিমা ।

প্রাপ্তির প্রবেশ

প্রাপ্তি । একি ! কোথা যাবে পিতঃ ! কোথা যাবে দিদি !  
 রণ-সাজে সাজি ?  
 অস্তি । যাব বোন্ বহুদূরে !  
 পতি-হত্যার প্রতিশোধ নিতে,  
 পতিহন্তায় বিনাশ করিতে,  
 যাব বোন্ বহু দূরে ।  
 পুরে যদি আশা,  
 পুনঃ দেখা হবে,  
 নতুবা এই শেষ দেখা,  
 অস্তি আর না ফিরিবে গৃহে ।  
 প্রাপ্তি । প্রতিশোধ ! প্রতিশোধ নিতে ?

পতিহত্যার প্রতিশোধ নিতে ?  
 কেন তব হেন মতি বোন্ ?  
 প্রতিশোধে মিটিবে কি প্রাণের যাতনা ?  
 যে আগুন জ্বলিছে হৃদয়ে,  
 নিভিবে কি সে আগুন শক্র-শোণিতে ?  
 যার তরে এ যাতনা দিদি !  
 সে ত ফিরে আসিবে না আর ।  
 অদৃষ্টের দোষে,  
 পাই মোরা মনস্তাপ ।  
 নারীজন্ম দিয়েছেন বিধি !  
 থাকি মোরা নারীর মতন ।  
 ইহকালের সুখ-আশা,  
 দিছি জলাঞ্জলি ।  
 করি পূজা পার্বতী-চরণ,  
 পরকালে পাব পতি,  
 মিলিব সে পতি-সনে,  
 বৃথা রণে কিবা ফল দিদি !

### গীত

( দিদি ) কেন গো বলনা, হইরে ললনা, ক'রেছ বাসনা, করিবারে রণ ।  
 বিধি ক'রেছেন রমণী, রহিব রমণী,  
 ( নারী-জন্ম বড় দুঃখের জন্ম ) ( মোরা থাকিব গো নারীর মতন )  
 দিদি, সাজেনা রমণীর সমরে গমন ।  
 দিদি, যে অনলে প্রাণ জ্বলে,  
 জলে গেলে দ্বিগুণ জ্বলে,

পাপ-সমর-বারিতে,                      সে জ্বালা নিবারিতে,  
 ( দিদি, পাপের আগুন জুড়াবে না )      ( সেই জ্বালার জ্বালা প্রবল হবে )  
 বৃথা সাধ চিতে করি গো বারণ ॥

দিদি, পূজি মা অভয়া-পদ,  
 পাব অন্তে অভয় পদ ।

সে যে মুক্তিপ্রদ পদ,                      শান্তি-হৃদ-কোকনদ,  
 ( পদে পতি-পদে হবে নিলন )      ( সে মিলনে বিরহ নাই গো )  
 নাশিবে বিপদ জনম-মরণ ॥

অস্তি । কর তুই ব্রত-আচরণ ।  
 থাক তুই পরকাল নিয়ে ।  
 না পারিব তোর মত যাতনা সহিতে ।  
 নাহি চাহি স্বর্গের দুয়ার ।  
 গতি মুক্তি নাহি চাহে মন ।  
 ভক্তি, শ্রদ্ধা, সাধন, ভজন,  
 নাহি জানে হৃদয় আমার ।  
 স্থান নাই এ হৃদয়ে নিকাম-ব্রতের ।  
 নাহি জানি আত্ম-বলিদান ।  
 হৃদয়ের প্রবল-প্রবাহে,  
 ধৈর্য্য-বাধ গিয়াছে ভাসিয়া ।  
 সেই স্রোতে, উত্তাল-তরঙ্গে,  
 নাচিতেছে, ছুটিতেছে সদা,  
 একমাত্র প্রতিহিংসা ।  
 জলে, স্থলে, অন্তরীক্ষে,  
 পর্কতে, গহনে,

ষেদিকে নেহারি,  
 সেই দিকে দেখিবারে পাই,  
 জগন্ত অক্ষরে যেন র'য়েছে লিখিত,  
 একমাত্র প্রতিহিংসা, প্রতিহিংসা, প্রতিহিংসা ।

জরা । মা প্রাপ্তি !  
 কেন মিছে দিতেছ প্রবোধ ?  
 অস্তির অস্তির-হৃদে,  
 না তিষ্ঠিবে প্রবোধ-বচন ।  
 পতি-হত্যার প্রতিশোধ নিতে,  
 সাজিয়াছে রণসাজে ।  
 যাবে অস্তি মম সাথে ।  
 পিতা-পুত্রী উভয়ে মিলিয়া,  
 নাশিব অরাতিদল ।  
 ক'র না নিষেধ প্রাপ্তি !  
 থাক তুমি অবসার সম ।  
 পূজ তুমি দেবীর চরণ ।  
 যাই মোরা করিবারে রণ ।  
 ( অস্তির প্রতি )

আয় মা !  
 শিবের মন্দিরে গিয়ে, পূজি বিশ্বনাথে,  
 হর হর বম্ বম্ রবে,  
 করি যাত্রা ভীষণ-সমরে ।

( জরাসন্ধ ও অস্তির প্রশ্নান )

প্রাপ্তি । ( স্বগতঃ ) তাই ত, পিতা এবং দিদি উভয়েই আজ উত্তেজিত হ'য়ে, সমর-সাগরে ঝাঁপ দিতে অগ্রসর হ'লেন ; কিন্তু এর পরিণামফল যে সুফল হবে, তা ত আমার বোধ হ'চ্ছে না ! আমি দেব অক্রুরের নিকট শুনেছি যে, স্বয়ং ভগবান্ হরি—এই ভূ-ভার হরণ করবার জন্ত, কৃষ্ণরূপে বৃন্দাবনে অবতীর্ণ হ'য়েছেন । সেই কৃষ্ণসঙ্গে যুদ্ধ ক'রে কি কারও নিস্তার আছে ? শেষে কি দিদির বুদ্ধিদোষে, পিতার কোনও বিপদ উপস্থিত হবে ! নারীর বুদ্ধিতে কাজ ক'রলে, সে কাজে সুফলের পরিবর্তে কুফলই ফলে । লক্ষ্মেশ্বর রাবণ, আপন ভগ্নী সূৰ্পণখার পরামর্শে সীতাহরণ ক'রে, শেষে সবংশে সংহার হ'লেন । সীতার কথা শুনে রামচন্দ্র, সোনার হরিণ ধ'রতে গিয়ে অবশেষে সীতা-হারী হ'লেন । রাজা দশরথ, কৈকেয়ীর কুপরামর্শে, রামকে বনে দিয়ে শেষে 'হা রাম ! হা রাম !' বলে প্রাণত্যাগ ক'রলেন । তাই মনে বড় ভয় হ'চ্ছে যে, পিতারও পাছে সেই দশা ঘটে । হায় ! আমরা এমনই কুলনাশিনী হতভাগিনী জন্মেছিলাম যে, যে কুলেই যাই, সেই কুলকেই অকূল বিপদ-সাগরে ডুবিয়ে দি । হায় ! যে দিন সেই জীবনের সম্বল, ঠিক পরকালের গতি, সংসার-বৃক্ষের অমৃতফল, রমণী-হৃদয়ের অমৃত্যু-নিধি, সতীর পরমদেবতা পতি-ধনে বঞ্চিত হ'লেম ; যেদিন সেই পতিসঙ্গে সুখ, শান্তি, আশা, ভরসা সব চিরদিনের মত বিসর্জন ক'রেছিলাম ; সেই দিন, সেই দিন কেন, সেই প্রাণনাথ মধুরেশ্বরের সঙ্গে সঙ্গে, এই পাপ জীবন-তৃণও ভস্মীভূত হ'ল না ! আত্মহত্যা মহাপাপ ; তাই আত্মহত্যা ক'রে পতি-শোকানল নির্বাণ ক'রতে পারি নে । ( করপুটে উদ্দেশে )

ওমা মহামায়ে! মা! মা গো! একবার এই পতিহীনা  
 পাগলিনী প্রাপ্তির প্রতি কি রূপা ক'রবিনে মা? আমি যে স্বামি-  
 শোক আর সহ ক'রতে পারিনে মা! শান্তিময়ি! তোর  
 সন্তানকে একবার শান্তিবারি দান কর। ( দেখিয়া ) ঐ যে,  
 সহদেব এইদিকে আসছে, এই বেলা চ'থের জল মুছে ফেলি।  
 ( অশ্রুমার্জন )

### সহদেবের প্রবেশ

সহ। এই বুঝি দিদি! তুমি আর কাঁদবে না ব'লেছিলে?

প্রাপ্তি। না ভাই! আমি ত আর কাঁদিনি।

সহ। হ্যাঁ দিদি! তুমি কাঁদনি? আমার কাছে লুকাচ্ছ? আমি যে  
 লুকিয়ে লুকিয়ে সব দেখেছি। আমার আস্তে দেখে, অমনি  
 চ'থের জল পুঁছে ফেলে। ঐ যে, এখনও চ'থে জল লেগে  
 র'য়েছে। দেখি দিদি! আমি পুঁছে দি। ( চক্ষু মুছাইয়া )  
 হ্যাঁ দিদি! তুমি মা মা ব'লে কাকে ডাকছিলে গা? আমাদের  
 ঘরের মা ছাড়া কি, আরও এক মা আছেন?

প্রাপ্তি। হ্যাঁ ভাই! আরও একজন মা আছেন।

সহ। কৈ দিদি! সে মাকে ও আর কখনও দেখি নাই। সে  
 মা কোথায় থাকেন?

প্রাপ্তি। সে মা ঐ উপরে থাকেন।

সহ। সে মাও কি আমাদের ঘরের মায়ের মত কোলে ক'রে  
 খাবার দেয়?

প্রাপ্তি। সে মা আরও যত্ন ক'রে খাবার দেয়। সে মায়ের কোলে  
 উঠলে, আর নামতে সাধ হয় না। আর সে মা যে খাবার খেতে  
 দেয়, তা খেলে, আর কখনও শ্বিমে পায় না।



সহ । সে মারও কি তবে আপনার ছেলে আছে ?

প্রাপ্তি । ভাই রে ! জগতের সকলই যে তাঁর আপন ছেলে ।

সহ । তবে তুমি এত ক'রে ডাকলে, কিন্তু কৈ, সে মা ত তোমার ডাক শুনলে না ।

প্রাপ্তি । ভাই ! আমি যে তেমন ক'রে ডাকতে পারিনি । তাঁকে ডাকতে হ'লে যে, আর সব ভুলে যেতে হয় । আর কিছুতে মন থাকলে সে মা ডাক শোনেন না ।

সহ । তবে দিদি ! তুমিও আমায় ভুলে যাবে । সে মাকে পেলে তবে আর আমাকে কোলে ক'রবে না ?

গীত গাহিতে গাহিতে পাগলী-মার প্রবেশ

গীত

পাগল আমার রয়না ক ঘরে ।

পেঁত্নী নিয়ে ধেয়ে ধেয়ে শশানে ঘোরে !

কেমন মন তার যায় না জানা,

ভুলায় তারে কত জনা,

সঙ্গে সঙ্গে করে দানা, আমায় জ্বালাতন করে ॥

পাগল বড় ভালবাসি,

পাগল নিয়ে কাঁদি হাসি,

পাগল তরে দিবানিশি, আমার মন কেমন করে ॥

পাগলী । আমার পাগল কোথায় গেল গা, হি, হি, হি ।

প্রাপ্তি । হ্যাঁগা, তুমি কে গা ?

পাগলী । আগে আমায় মা ব'লে ডাক, শেষে তোকে আমার নাম ব'লব ।

প্রাপ্তি । মা ! তোর নাম কি ?

পাগলী । আমার নাম পাগলী-মা গা । ( সহদেবকে দেখাইয়া ) এটা কে মা ?

প্রাপ্তি । এটি আমার ভাই, নাম সহদেব ।

পাগলী । এস ত বাবা ! পাগলী-মার কোলে এস ।

সহ । দ্বিদি ! পাগলের কোলে যাব ?

প্রাপ্তি । যাও ভাই ! পাগলি-মার কোলে যাও ।

পাগলী । ( সহদেবকে কোলে করিয়া ) ডাক দেখি বাবা ! আমার  
একবার পাগলী-মা বলে ডাক !

সহ । পাগলী-মা ! তুমি ঐ ডাক শুন্তে ভালবাস ?

পাগলী । খুব বাসি বাবা ! খুব বাসি । হি, হি, হি ।

সহ । আর বুঝি কেউ তোমায় ডাকে না ?

পাগলী । কত লোকে ডাকে বাবা ! আমি দিনরাত কেবল ডাক শুনে  
বেড়াই ।

প্রাপ্তি । ( স্বগতঃ ) আহা ! না জানি অভাগিনী কোন্ হুঃখে  
পাগলিনী হ'য়ে ঘুরে বেড়াচ্ছে । আর পাগলিনীর কথাগুলিতে  
যেন কত মমতা মাখান র'য়েছে । ( প্রকাশ্যে ) পাগলী-মা !  
তুমি किसের জন্ত পাগল হ'য়েছ গা ?

পাগলী । ওমা ! সে বড় অনেক কথা মা ! অনেক কথা । আমার  
পাগলই আমার পাগল ক'রেছে ! আমার সে নিজেও পাগল,  
ভাই আমাকেও পাগলী ক'রে রেখেছে । জানিস্ ত মা ! যে  
যেন, সে তেমনটী চায় । হি, হি, হি ।

প্রাপ্তি । আচ্ছা পাগলী-মা ! তোমার পাগল তোমার ভালবাসে ত ?

পাগলী । ভাল বাসে মা । ভাল বাসে । খুব ভাল বাসে । তবে  
জান কি মা ! পাগলের মন, সব সময়ে ঠিক থাকে না । সে  
আমার বড় ভোলা, তাই সময় সময় সব ভুলে, গঙ্গার  
কাছে গিয়ে প'ড়ে থাকে । গুদ্বাজল সে আমার বড়ই ভাল-

বাসে। সকলে গঙ্গার জলে নেবে ডুব দেয়, আর পাগল সে জল একেবারে মাথায় ক'বে রাখে। মাথা গরম কি না? তাই গঙ্গাজল মাথায় দিয়ে মাথা ঠাণ্ডা করে। হি, হি, হি।

প্রাপ্তি। হাঁ পাগলী-মা! তোমায় কে খেতে দেয়?

পাগলী। আমাকে কত লোকে খেতে দেয় মা।

প্রাপ্তি। তোমাদের থাকবার ঘর আছে গা?

পাগলী। হাঁ মা! আমাদের বনের ভিতর একখানা কুঁড়ে-ঘর আছে।

সে এখান থেকে অনেক উত্তরে। তুই সেখানে যাবি মা?

আমার পাগল তোকে দেখলে বড়ই খুসী হবে। একদিন

তোকে সেখানে নিয়ে যাব। যাবার সময় আমার পাগলের জন্ত

কিছু বেলপাতা নিয়ে যাস। সে বেলের পাতা বড় ভালবাসে।

প্রাপ্তি। তোমার পাগলও কি ঘুরে ঘুরে বেড়ায়?

পাগলী। বেড়ায় মা! বেড়ায়; পাগল আমার শ্মশানে মশানে দিন-

রাত ঘুরে ঘুরে বেড়ায়।

নহ। শ্মশানে বেড়ায়, তবে তার বুদ্ধি ভূতের ভয়, সাপের ভয়

নাই?

পাগলী। না বাবা! তার সে ভয় নাই। সে যেন কি মন্তর জানে,

সেই মন্তর দিয়ে ভূতগুলোকে সাপগুলোকে বেশ বশ ক'রে

রেখেছে। কি ব'লব বাবা! বিষ খেয়েও বিষ হজম ক'রে

ফেলে।

প্রাপ্তি। আচ্ছা পাগলী-মা! তোমার স্বামী পাগল হ'লেন কেন গা?

পাগলী। কি জানি মা! জিজ্ঞেস ক'রলে তা বলে না। দেখতে পাই,

কেবল হরিবোল ব'লে নেচে বেড়ায়। হরিনাম ক'রলে তার

চো'খ বেয়ে জল পড়ে। সে বলে যে, হরিনামে যম পালায়,

হরিনামে খিদে তেষ্ঠা কিছুই থাকে না। তবে যাই মা! যাই।  
ঐ যে পাগল আমার ডাকছে, পাগলের জন্তু প্রাণ কেমন করে  
মা! বেশীক্ষণ পাগল ছেড়ে থাকতে পারিনি। হি, হি, হি।

সহ। পাগলী-মা! কি নাম বলছিলে। আর একবার ঐ নাম বল  
ত, বড় মিষ্টি লাগছে।

পাগলী। বড় মিষ্টি বাবা! বড় মিষ্টি। হরিবোল, হরিবোল। তুমি  
একবার বল দেখি, তোমার মুখে আরও মিষ্টি লাগবে।

সহ। হরিবোল, হরিবোল। আ—পাগলী-মা এমনধারা মিষ্টি নাম ত  
আর কখনও শুনিনি। বলি—আর একবার বলি—

সুরে—

হরি বল, হরি বল, হরি বল।

পাগলী মা! হরি কার নাম? হরি কোথায় থাকেন? তাঁর  
বাড়ী কোথায়? আমায় একবার বলে দাও না।

পাগলী। পাগল আমায় বলেছে, হরি বন্দাবনে গোপের ঘরে জন্ম-  
গ্রহণ ক'রেছেন। তাঁর এক নাম কৃষ্ণ, যে কৃষ্ণ ধড়াচূড়া প'রে,  
বাঁশরী নিয়ে, গোষ্ঠে গোষ্ঠে রাখালদের সঙ্গে খেতু চরায়  
বেড়াতেন! যে কৃষ্ণ এখন মথুরায় এসে কংশ-বধ ক'রে রাজা  
হ'য়েছেন। (প্রাপ্তির দিকে চাহিয়া) ও কি মা! হঠাৎ তোর  
মুখখানা অমন শুকিয়ে গেল কেন গা?

প্রাপ্তি। পাগলী-মা! আমার এই পোড়াকপাল সেই মথুরাতেই  
পুড়েছে। এই হতভাগিনীই সেই মথুরাপতির পত্নী ছিল। সেই  
পতি-শোকেই আমি দিবানিশি দগ্ধ হ'য়ে বেড়াচ্ছি। কিছুতেই  
আর শান্তি পাচ্ছি না।

পাগলী। শান্তি পাবি মা! শান্তি পাবি। প্রাণ জুড়াবে গো জুড়াবে।

সব ভুলে যা মা ! সব ভুলে যা । তুই যে আমার লক্ষ্মী মেয়ে,  
তোর কি কখনও কষ্ট হ'তে পারে ? তবে যাই মা ! যাই ।

সহ । পাগলী-মা ! আমিও তোমার সঙ্গে যাব । আমাকে সেই হরির  
বাড়ীতে নিয়ে চল, আমি তাকে দেখব । তার নাম শুনে, তাকে  
দেখবার জন্ত বড় সাধ হ'য়েছে !

পাগলী । ( স্বগতঃ ) হাঁ, এতক্ষণে উদ্দেশ্য সিদ্ধ হ'ল । কোশলে  
সহদেবকে কৃষ্ণ-ভক্ত করবার জন্তই, আমি পাগলিনীবেশে,  
কৈলাস থেকে এই মগধে এসেছি । সহদেবকে হরিনাম প্রদান  
করবার প্রথম উদ্দেশ্য,—শিবভক্ত জরাসন্ধের বংশ রক্ষা করা ;  
কারণ, জরাসন্ধ পরম শৈব হ'লেও, ষোরতর কৃষ্ণদেবী, এবং  
সম্প্রতি আবার সেই কৃষ্ণ-সঙ্গে বিরোধ ক'রতে মথুরায় গমন  
ক'রেছে । কৃষ্ণের কোপানলে ক্ষুদ্রমতি জরাসন্ধ, পাবকে  
পতঙ্গবৎ শীঘ্রই ভস্মসাৎ হবে । সেই জরাসন্ধের জন্তে পাছে-তার  
বংশ পর্য্যন্ত ধ্বংস হয়, এই আশঙ্কায় আমি সহদেবকে কৃষ্ণ-ভক্ত  
করতে এসেছি ; কেননা, কৃষ্ণ-ভক্তের কখনও বিনাশ নাই ।  
আর আমার দ্বিতীয় উদ্দেশ্য—সহদেবকে হরিপ্রেমের পাগল  
ক'রে, প্রেমিক বালকের মূখে মধুর হরিনাম শ্রবণ ক'রব ।  
স্বহস্তে তরু রোপণ ক'রে, সেই তরু যদি কালে ফলবান্ হয়,  
তাহ'লে সেই রোপণকর্তার মনে যেমন পরমানন্দ-সঞ্চার হয়,  
আমিও তেমনি সুকুমারমতি সহদেবের হৃদয়-ক্ষেত্রে, হরিনাম-  
বীজ বপন ক'রলেম । কালে যখন এই বীজ—মহাবৃক্ষে পরিণত  
হ'য়ে, অভীষ্টফল ধারণ ক'রবে, তখন আমি বিনা সাধনায়, ঐ  
সাধন-বৃক্ষ হ'তে ফললাভ ক'রে, পরমানন্দ লাভ ক'রব, সন্দেহ  
নাই ।

সহ। কি ভাবছ পাগলী-মা! আমাকে হরির বাড়ীতে নিয়ে যাবে না? আমার তোমার কোলে ক'রে নিয়ে যেতে হবে না, আমি চ'লে যেতে পারব।

পাগলী। বাবা! পাগল আমার ব'লেছে, হরিকে ডাকতে হ'লে, তাঁর বাড়ীতে যেতে হয় না, মন-প্রাণ খুলে ঘরে ব'সে ডাকলেই, সেই দয়ালচাঁদ এসে উদয় হন। বাবা! তুমিও তাঁকে একমনে ঘরে ব'সে বাছ তুলে ডাক, তাহ'লে তুমিও তাঁর দেখা পাবে, তোমাকেও তিনি দয়া ক'রবেন।

### গীত

ডাক হরি ব'লে, ছ'বাহু তুলে, পাবি কুতুহলে হরি-দরশন।

সে যে বড় দয়াল হরি,                      শুনলে হরি হরি,

ভক্তে কৃপা-বারি করে বিতরণ ॥

ভক্তি-ডোরে তারে যে করে বন্ধন,

থাকে না রে তার আর ভবের বন্ধন,

হরিনামে হয়,                                      শমন-পরাজয়,

করেন মৃত্যুঞ্জয় যে নাম সাধন ॥

হরিনাম-সুধা-পানে ক্ষুধা হরে

এত সুধা কিরে সুধাকরে ক্ষরে,

নামে সুধা নাহি ধরে,                              ভক্তের অধরে,

করে অকাতরে সুধা-বরিষণ ॥

পাগলী। তবে যাই, আর দেরি ক'রতে পারছি'নে। পাগলের জন্ত প্রাণ বড় পাগল হ'য়েছে। আবার কাল আসবে। হি হি হি।

( প্রস্থান )

প্রাপ্তি । ( স্বগতঃ ) ওঃ—পাগলিনীর জন্ত, প্রাণ যেন কেঁদে উঠছে ।  
পাগলিনীর পাগল আছে, সে তার কাছে গেল ; হায় ! আমি কার  
কাজে যাব ?

সহ । দিদি ! প্রাণ বড় কাঁদছে, কুণ্ডের কাছে যাবার জন্ত প্রাণ বড়  
কাঁদছে, কোথায় যাই ? কোথায় গেলে তার দেখা পাই দিদি ?

প্রাপ্তি । কেন ভাই ? পাগলী-মা যে ব'লে গেলেন, তাঁকে ডাকলেই  
তুমি ঘরে ব'সে দেখা পাবে । তবে আর সেখানে যাবার জন্ত  
অস্থির হ'য়েছ কেন ভাই ? ( স্বগতঃ ) এ আবার কি হ'ল !  
পাগলিনীর মুখে হরিনাম শুনে, সহদেব এমন-ধারা আকুল হ'য়ে  
উঠল কেন ? ( প্রকাশে ) চল ভাই ! আমরা এখন মায়ের  
কাজে যাই ।

সহ । ( প্রাপ্তির সহ যাইতে যাইতে )

সুরে———

হরি বল, হরি বল, হরি বল ।

( প্রস্থান )

## দ্বিতীয় অঙ্ক

[ মথুরা-রণভূমি ]

যুদ্ধ করিতে করিতে জনৈক মগধ-সৈন্য ও যাদব-সৈন্যের প্রবেশ ও  
প্রস্থান । অপরদিক দিয়া যুদ্ধ করিতে করিতে বলরাম ও  
মগধ-সেনাপতির প্রবেশ এবং যুদ্ধ ভঙ্গ দিয়া মগধ-  
সেনাপতির পলায়নোচ্চোগ, বলরাম কর্তৃক  
লাঙ্গলদ্বারা গ্রীবা-ধারণ

বল । কোথা যাস্‌ ভীকু ! ওরে, ক'ত্র-কুলঙ্গার ?  
প্রাণভরে পলায়ন কাপুরুষের প্রায় !  
হারে ! তুই না কি মগধের মুখ্য-সেনাপতি ?  
ছিঃ ছিঃ মূর্থ ! লজ্জা নাই পৃষ্ঠভঙ্গ দিতে ?  
সেনা । কি বলিলি গোপালক—রোহিণী-কুমার !  
কাপুরুষ আমি ? ওরে উন্মত্ত বালক !  
শস্ত্রক্ষেত্র নহে রাম ! হের রণক্ষেত্র ।  
হলক্ষ্মে কেন হেথা কৃষক-সমান ?  
কি জানিবি শিশু ! তুই সমর কৌশল ।  
যুদ্ধ করা নহে ত রে রাখালের খেলা ।  
যুদ্ধ করা নহে ত যুক্তিকা-কর্ষণ ।



তাই ত রে সঙ্কর্ষণ ! কৃষকের সনে,

যুদ্ধ করি, নাহি সাধ—

লভিবারে কলঙ্ক-কালিমা ।

বল । সাবধান ছুরাচার, কর্ণ গর্ভ পরিহার,

বৃথা কেন অহঙ্কার-গর্ভিত পামর ।

সেনা । তোর কাছে অহঙ্কার, করিব রে পরিহার,

হাসি পায় কুলাঙ্গার ! কথা শুনি তোর ।

বল । ফুরাবে এখনি হাসি, হের কাল আছে বসি,

বিকট বদনে আসি, অসির উপর ।

সেনা । আছে শুধু বাচালতা, বালকের চপলতা,

ঘুণাব ও প্রগল্ভতা আজিরে বর্কর ।

বল । হারে দুষ্ট পাপমতি ।

লজ্জা নাই বিন্দুমাত্র ?

কোন্ মুখে হেন কথা বলিস্ নির্লজ্জ !

পৃষ্ঠভঙ্গ দিয়ে যেই করে পলায়ন,

বুঝেছি তার কত দীর্ঘ্য, কত বীরপণা ।

কোন্ গুণে তোরে, বরি সেনাপতি-পদে,—

পাঠাইলা রণক্ষেত্রে মগধ-ভূপতি ?

পাত্রাপাত্র বোধ নাহি যার,

কেমনে সে রাজ-ছত্র করিছে ধারণ ।

সেনা । ওঃ—অসহ্য, অসহ্য বাক্য ।

ক্ষুদ্র ফের-আফালন কেশরী-সম্মুখে ?

ইচ্ছা ছিল শিশু বলি উপেক্ষিব তোরে,

কিন্তু মরণ নিকট যার, কে তারে রক্ষিবে !



তোর মত নীচাশয় মহাপাপিগণে,—  
বিনাশিতে অবনীতে মোদের জনম ।

সেনা । জানি, জানি,

ধেহু চরাবার তরে তোদের জনম ।

আজন্ম—বার গোপ-অন্নে পোষিত শরীর,  
দধিভাণ্ড করি মাথে বিক্রয়ের তরে,  
ভ্রমিতি নিয়ত তোরা ছুয়ারে ছুয়ারে ।

ছিঃ ছিঃ ঘৃণ্য, অতি ঘৃণ্য, জঘন্ত-প্রবৃত্তি ।

কোন্ মুখে ক্ষ'ত্র ব'লে দিস্ পরিচয় ?

থাক্, কাজ নাই বৃথা বাকাবাসে,

না ক্ষমিব শিশু বালি আর ;

আয় রণে হ অগ্রসর ।

বল । র'য়েছি প্রস্তুত আমি ।

র'য়েছে প্রস্তুত পুনঃ কৃতান্ত-কিঙ্কর ।

আর যুদ্ধ পাঠাই নরকে ।

( উভয়ের যুদ্ধ করিতে করিতে প্রস্থান )

সবেগে ত্রস্তভাবে জনৈক মগধ-দূতের প্রবেশ

দূত । বাপরে বাপ্                      বিবম দাপ্,

লেগে গেছে দাঁড়া ।

রক্তে রক্তে,                      নর-রক্তে

ব'য়ে যাচ্ছে গঙ্গা ॥

টন্ টনা টন্,                      ঠন্ ঠনা ঠন্,

বাগে.কাটাকাটি ।

## মগধ-বিজয় গীতাভিনয়

পট্ পটা পট্,                      ফট্ ফটা ফট্,  
মাথা কাটাফাটি ॥

পাই পাই,                      সাই সাই,  
দিচ্ছে গদার পাক ।

গেলাম্ গেলাম্,                      ম'লেম্ ম'লেম্,  
উঠ্ছে সেনার ডাক্ ॥

আর, বলা ব্যাটা, লাজন্ টা না,—  
এম্নি ক'রে ধ'বে ।

পাচ্ছে যারে,                      মান্ছে তারে,  
ছাড়্ছে না ক কারে ॥

## বেগে মন্ত্রার প্রবেশ

মন্ত্রী । কিরে দূত ! যুদ্ধের স'বাদ কি ?

দূত । কে-ও মন্ত্রীমশাই,                      'যুদ্ধে সবাই,  
পেলেন প্রায় অবা ।

কিন্তু, মহারাজ,                      বড়ই আজ,  
পেয়ে গেছেন রক্ষা ॥

মন্ত্রী । আমি মহারাজের অমুসন্ধানে চ'লেম ।

( প্রস্থান )

## বিদুষককে লইয়া জনৈক যাদব-সৈন্যের প্রবেশ

দূত । এই বে বাবা, বিদুষক-মশাইকেও পাক্ড়েছে । এই বেলা  
পিট্টান মারি ।

( পলায়নোচ্চোগ ও সৈন্যকর্তৃক হস্তধারণ )

দূত । (সভয়ে) আমি না বা ! আমি দূত, দূত, অবধা বাবা ! আমি তোমাদের কোনও লোকসান করি নাই, আমার ছেড়ে দাও বাবা ! দোহাই তোমাদের কেঁচু-বলরামের ।

সৈন্য । কাউকে ছাড়ব না, কাউকে ছাড়ব না । তা দূতই হও, আর ভূতই হও ।

দূত । এখনও বাবা মানুষভাবেই আছি, শেষে অপমৃত্যু ম'লেই ভূত হ'য়ে দাঁড়াব ।

বিদূ । ওরে ! নির্বংশ হবি, নির্বংশ হবি, ব্রাহ্মণের প্রতি অত্যাচার ক'রলে নির্বংশ হবি ।

সৈন্য । বলি, তুই আবার ব্রাহ্মণ, যে ব্রাহ্মণ অস্ত্র নিয়ে যুদ্ধ ক'রতে আসে, সে আবার ব্রাহ্মণ ! তোর মত বামুনকে মেরে ফেললেও কোন পাপ নাই ।

বিদূ । রাধামাধব ! আমি কেন, আমার পৌনে-তিথ্যায় পুরুষের মধ্যেও, কেউ কখন যুদ্ধ ক'রতে শেখেনি ।

সৈন্য । আরে মিথ্যাবাদী বামুন ! তবে তোর হাতে অস্ত্র কেন রে ?

বিদূ । এই জন্মেই তো বাবা, আঙু থেকে ব'লেছিলেম যে, মহারাজ ! আমার হাতে অস্ত্র দিও না ; তা বাবা ! বামুনে-কপালের দোষ, মহারাজ কিছুতেই সে কথা না শুনে, জোর ক'রে আমার হাতে অস্ত্র গুঁজে দিলেন । তার ফলও এই হাতে হাতে ফ'লে গেল । বাবা ! কুকুরের পেটে কি কখনও ঘি হজম হ'য়ে থাকে ?

সৈন্য । বলি, তুই এলি কেন ?

বিদূ । আমি যে রাজার বয়স গো, কাজেই আমাকে রাজার পেছু পেছু ফিরতে হয় । আর ভেবেছিলে যে, এই ফুরসতে কৃষ্ণ-দর্শনটাও

হ'য়ে যাবে ; এখন যে গতিক দেখছি, তাতে কৃষ্ণপ্রাপ্তি না  
ঘটলে বাঁচি ।

দূত । বলি, আমার ছাড়বে না ?

সৈন্য । না, না ।

দূত । বলি তোমাদের কি রকম রাজা গা ?

সৈন্য । ছুষ্টের দমনকর্তা ।

দূত । না দূতের দমনকর্তা ।

সৈন্য । সাবধানে কথা ক'ন্স ।

বিদূ । তবে আর কেন বাবা ! আমার ছেড়ে দাঁও, ঘরের লক্ষ্মী,  
ঘরে গিরে হাজির হইগে । ব্রাহ্মণীশর্মা হয় ত এতবেলা  
হাতের ন'-খাড়ু খুলে ব'সে আছে । তাই ব'লছি—এ নিরীহ  
বামুন-বেচারীকে কষ্ট দিয়ে তোমাদের কি লাভ হবে ?  
তোমাদের মত বীরের তাতে বীরত্বে কলঙ্ক হবে । পার ত  
দাঁও, রাজা আছে, সেনাপতি আছে, তাদের কায়দা ক'রতে  
পারলে বরং লাভ আছে ; নতুবা মরার উপর খাঁড়ার ঘা দিয়ে  
লাভ কি ।

সৈন্য । রাজা, সেনাপতি, তারা কি এখনও আছে, তারা অনেকক্ষণ হ'ল  
কুকুরের মত পিটুটান মেয়েছে ।

বিদূ । ( সরোদনে ) এঁ্যা বল কি গো । রাজামশাই, সেনাপতিমশাই,  
সব চ'লে গেলেন ? তবেই ত আমার সর্কনাশ হ'য়েছে ! ওরে,  
আমার ব্রাহ্মণী হয় ত এতক্ষণ পিণ্ডদানের উদ্যোগ ক'ব্চে রে !  
হায় ! হায় ! কি সর্কনাশ হ'ল রে । ওরে আমার ব্রাহ্মণী—বড়  
জীবিত মৎস্যের ঝোল ভালবাস্ত রে । ওরে তার মৎস্য খাওয়া  
উঠে গেল রে । আতপ-তুঙ্গ তার পেটে হজম হয় না রে !

দেখ্ বাবা ! আমি তোর ধর্মের বাপ ; আমায় ছেড়ে দে ।  
তোকে দু'হাত তুলে অশীর্বাদ ক'রব । তোর ধনে পুত্র  
লক্ষীলাভ হবে বাবা !

সৈন্ত । আচ্ছা, যা বামুন ! যা । তোকে ছেড়ে দিলেম । দেখো, যেন  
সাবধান, আর কখনও যুদ্ধে এস না । যার যে ধর্ম, তা না রেখে  
চ'লে, শেষে এই গতি হয় ।

( বিদূষককে পরিত্যাগ )

বিদূ । ঝক্‌ঝক্‌ বাবা ! চৌদপুরুষের ঝক্‌ঝক্‌ । আর হ'চ্ছে না ।  
এই নাকে খত্ বাবা, এই নাকে খত্ । আর কখনও বড়লোকের  
পেয়ার হ'তে যাচ্ছিনে । বামুনের ছেলে, না হয় ভিক্ষা  
ক'রে খাব, তবুও আর ম'লেও বড়লোকের ধামাধরা হ'তে  
যাচ্ছিনে ।

সৈন্ত । ( দূতের প্রতি ) যা ব্যাটা ! তুইও যা, তোকে ছেড়ে দিলেম ।  
যে রাজা সৈন্ত-সামন্তের দিকে লক্ষ্য না ক'রে, আপন প্রাণ  
ল'য়ে পলায়ন করে, তেমন কাপুরুষ রাজার কাছে প্রাণান্তেও  
থাকিসনে ।

( দূতকে পরিত্যাগ )

দূত । কিছুতেই না, কখনই না । আঁস্তাকুড়ের পাতা কুড়িয়ে খাব,  
তবুও আর অমন রাজার দূতগিরি ক'রছি নে ।

( যাদবসৈন্তের প্রশ্ন )

( বিদূষক ও দূতের বগল-বাণ ও নৃত্য )

বিদূ । ওরে বামুনে বুদ্ধি রে, বামুনে বুদ্ধি । এত বুদ্ধি যদি না  
থাকত, তবে কি এমন রাজ-বয়স্ হ'তে পারতেন ? এই শাদা  
ধপ্পে পৈতাগাছি, আর এই তীক্ষ্ণ তরবারির গায় বুদ্ধিটুকু  
ছিল ব'লেই ত আজ রক্ষা, নইলে ত অক্সা পাইয়েছিল আর কি ।

দূত । প্রণাম ঠাকুরমশাই ! প্রণাম । পা-খানা মাথায় তুলে দাও দেখি ।

বিদু । আর পা মাথায় তুলে কাজ নাই, এখন। সত্বর সত্বর পথ দেখা  
যাক্ । বলি, হাঁ রে দূত ! আমাদের নৈক-সামন্তও কি সব  
পালিয়েছে ?

দূত । তা পারলেও ত কাজ হ'ত । প্রায় সবাই এই মথুরার ভাগাড়ে  
শিল্পে ফুঁকে পড়ে আছেন ।

বিদু । রাজকুমারী প্রাপ্তি ?

দূত । তাকে মহারাজ আগু থেকেই শিবিরে পাঠিয়ে দিয়েছিলেন ।

( নেপথ্য )

জয় মথুরাপতি শ্রীকৃষ্ণের জয় ।

বিদু । ঐ রে ! আবার এল বুকি, আয় পালাই ।

( বেগে উভয়ের প্রস্থান )



# তৃতীয় অঙ্ক

[ কৈলাস-কানন ]

নন্দীর প্রবেশ

নন্দী ! ( স্বগতঃ ) অহো ! দেখি নিত্য উমাশেষে,  
মা আমার এলোকেশে,  
রুদ্রাক বিভূতি ফেলি,  
সর্ব অঙ্গে মাথে ধুলি ।  
তাজি ব্যাত্র-চন্দ্র-বাস,  
পয়েন অঙ্গে ছিন্ন-বাস ।  
পাগলিনী-বেশ ধরি,  
চ'লে যায় ধীরি ধীরি ।  
শান্তিময় উধাকালে,  
শান্তিময়ী যায় চ'লে ।  
আবার, সন্ধ্যাকাল হ'লে পরে,  
মা আমার ফেরে ঘরে ।  
সারাদিন মা মা ব'লে,  
তাসি আমি আঁখি-জলে ।

## মগধ-বিজয় গীতাভিনয়

পূজতে মায়ের পাদপদ্ম,

তুলি নিত্য কত পদ্ম ।

কিন্তু, কোথা যায় মা পাইনে তাকে,

তোলা ফুল মোর শুকিয়ে থাকে ।

হায় রে ! শীতল জলের কাছে থাকতে,

পিপাসায় জল পাইনে খেতে ।

ভাবি নিত্য, মা ফিরে এলে,

প'ড়'ব মায়ের পদতলে ।

কেন্দে কেন্দে ব'ল'ব তারে,

কোথা বাস্ মা ফেলে মোরে ?

নন্দী যে তোরে পাগ'লা ছেলে,

কাঁদে, তোরে না দেখতে পেলে ।

কিন্তু যে, কি আশ্চর্য্য,

বুঝিনে এর কোন তাৎপর্য্য !

মায়ের কাছে ব'ল'তে গেলে,

কি যে ব'ল'ব, সব যাই ভুলে ।

দক্ষবজ্রের গুরুল কথা,

মনে মনে আছে গাঁথা ।

তাই, মনে, বড় ভয় হয়,

কি জানি কি ঘটে প্রলয় ।

ধরার মাঝে কোথাও যদি,

শিব-নিন্দা শুনে সতী ;

তবেই বাধ্বে তুমুল কাণ্ড,,

হবে বিশ্ব লণ্ডলণ্ড ।

প্রাণ ত্যজিবে পার্শ্বতী,  
 পাগল হবে পশুপতি !  
 বসুমতী আঁধার হবে,  
 নন্দী আবার মা হারাবে ।  
 অন্নপূর্ণা বিনে আর কে,  
 অন্ন দিবে ভূতগুলোকে ?  
 এই ত প্রায় সন্ধ্যা হ'ল,  
 মা বুঝি মোর ফিরে এল  
 যা থাকে আজ মোর কপালে ;  
 পড়'ব মায়ের পদতলে !  
 কেঁদে কেঁদে হব সারা,  
 দেখি আজ কি করে তারা ।  
 হার রে ! হ'ত যদি তত্ত্ব-জ্ঞান,  
 তাহ'লে কি কাঁদত প্রাণ ?  
 জ্ঞান-চ'ক্ষে নয়ন মুদে ;  
 শতদল হৃদ-পদ্মে ;  
 রেখে কুলকুণ্ডলিনী ;  
 দেখতেম রাঙা পা-ছ'খানি ।  
 ঘুচ'ত বাইরের দেখা-শুনা,  
 থাকত না আর হাসা-কান্না ।  
 জপ, তপ, ধ্যান, ধারণা,  
 ব্রত, পূজা, উপাসনা,  
 থাকত না আর এ সব ভুল,  
 তুলতেম না আর পূজার ফুল ।

নৈবেদ্যের আয়োজন,  
 হ'ত না আর প্রয়োজন ।  
 ক্ষুধা তৃষ্ণা যেহেতম ভুলে,  
 মৃত্তিকার কবাটু যেত খুলে ।  
 কৰ্ম্য কাণ্ড হ'ত শেষ,  
 থাকত না আর ভ্রান্তির লেশ ।  
 তখন, কোথায় গেল মা আমার,  
 ভেবে ভেবে হ'তেম না সার ।  
 কিন্তু, হয় না যে সে জ্ঞানোদয়,  
 জ্ঞান বিনে কি মোক্ষ হয় ?  
 বাবার কাছে জ্ঞান-যোগ :  
 শুনেছি, দ্বিবে মনোযোগ !  
 কিন্তু, যোগমারার নাস্তি-যোগ,  
 ভুলিয়ে দেয় মোর সকল যোগ ।  
 হায় রে হায় ! কল্পতরু-মূলে এসে,  
 ফলের তরে ভাবছি ব'সে ।  
 আহা ! এমন দিন মোর কবে হবে,  
 যেদিন, আমার আশিত্ব-ভাব দূরে যাবে ।  
 ওমা আশুশক্তি মহামায়া !  
 দে গো মোরে পদছায়া ।  
 এই নন্দীর হৃদ-কৈলাস-ধামে,  
 পরমাত্মা শিবের বামে,  
 কুণ্ডলিনী রূপে শ্রীমা !  
 ব'সনা এসে হর-রমা ।

ভক্তি শ্রদ্ধা জয়া বিজয়া,  
 আছে তারা নিরাশ্রয়া ।  
 অজ্ঞান-নন্দী আছে দ্বারে,  
 মা মা ব'লে ডাকছে তোরে ।  
 আয় মা শূন্য কৈলাসপুরে,  
 মুক্তির শিক্ষা বাজাই পুরে ।

গীত

আয় মা, হর-রমা, নন্দীর হৃদি-কৈলাসপুরে ।  
 আনি মা মা ব'লে ডাকি, ভাসি অঁখি নীরে, ( ওমা মহামায়া )  
 কুলকুণ্ডলিনীরূপে আয় মা !  
 ( একবার দেখি মা তোরে ) ( পরমাত্মা শিবের বামে )  
 যে দেখা দেখি তোরে মা, সে দেখা ত দেখা নয় মা,  
 সে দেখায় যে, দেখার আশা যায় না গো শ্রামা,  
 এমন দেখা কবে হবে,  
 যেদিন দেখার সাক্ষ হবে,  
 আশার নেশা ছুটে যাবে মা গো ।  
 ( আঁধার যাবে মা দূরে ) ( মূলাধারা তারা হেরে )  
 ( জ্ঞানের আলোয় আলো হবে )  
 হৃদি পদ্ম উঠবে কুটে, প্রেমভরঙ্গ পড়বে ছুটে,  
 মুক্তি মন্দাকিনী-তটে করিব শয়ন ;  
 তখন, ডাকব না আর মা মা ব'লে,  
 ভাসব না আর নয়ন-জলে,  
 সন্ধ্যা পূজা যাব ভুলে মা গো,  
 ( যাব ডকা ঘেরে ) ( শমন-শঙ্কা ত্যজে ) ( আমি শান্তিপুরে ) ॥

## জয়ার প্রবেশ

জয়া । ও কি নন্দী-দাদা ! একলাটা চুপ ক'রে দাঁড়িয়ে আছ যে ?  
কই ? সিদ্ধি যুট্ছ না যে ?

নন্দী । ওরে জয়ী ! সিদ্ধি ঘোটা,  
সিদ্ধি-পথের বিষম কাঁটা ।  
সিদ্ধি যে, কি, তা যুটতে গেলে,  
সিদ্ধির পথ যে আর না নেলে ।  
কেবল, মনে হয় সংশয় বৃদ্ধি,  
সংশয় হ'লেই সব অসিদ্ধি ।

জয়া । আমি তোমার সে সিদ্ধির কথা ব'ল্ছিলাম না ।

নন্দী । তবে আবার কোন্ সিদ্ধি ?

জয়া । ঐ বাবার সিদ্ধি ।

নন্দী । ওরে, হ'ত যদি বাবার সিদ্ধি,  
বাকী থাকত কি মায়ের সিদ্ধি ?  
ঐ এক সিদ্ধিতেই সকল সিদ্ধি,  
পৃথক্ পৃথক্ নাই রে সিদ্ধি ।  
ভেদ-জ্ঞান যদি না থাকত,  
এতদিন তবে সিদ্ধি হ'ত ।

জয়া । ভেদ-জ্ঞান না থাকলে যদি সিদ্ধি হয়, তবে তুমি সে ভেদ-জ্ঞান  
দূর কর না কেন ?

নন্দী । ঐ ত জয়ী ! শক্ত কথা,  
সে শক্তি মোর আছে কোথা ?  
যখন হবে আত্ম-জ্ঞান,  
তখন যাবে ভেদ-জ্ঞান,

কিন্তু কিসে যে হয় সে আত্ম-জ্ঞান,  
 জানি না যে সে সন্ধান ।  
 অভেদ-রূপ হরগৌরী,  
 অভেদ-রূপী হরহরি,  
 শুন, কিঙ্ক বৃষ্টি কৈ ?  
 কেবল, গোলক-বাঁধার মেতে রই ।  
 যাক্ এখন ওসব কথা,  
 স্মৃধাই তোমায় দেই কথা ।  
 ভাল, পাগলিনী সেজে নিত্য,  
 কোথা যায় মা জানিস্ সত্য ?

জয়া । জানি নন্দী-দাদা ! জানি, মর্ত্যাপুরে মায়ের ছুঁচী নূতন ছেলে মেয়ে  
 হ'য়েছে, মা নিত্য নিত্য পাগলিনী সেজে সেখানে যায় । ঐ যে,  
 মা এই দিকেই আসছে ।

ছুঁচার প্রবেশ

ছুঁচার । যাও মা জয়া ! ভোলানাথের অঙ্গে বিভূতি লেপন ক'রে  
 দাও গে ।

জয়া । বাই মা ।

[ প্রস্থান ।

ছুঁচার । বাবা নন্দি ! তোমার মুখখানি আজ এত মলিন দেখছি কেন ?  
 অন্ত দিন আমায় দেখলে, মা মা ব'লে এসে পা-ছুঁখানি জড়িয়ে  
 ধর । কিন্তু আজ যে চুপ্‌চুপ ক'রে দাঁড়িয়ে আছ ?

নন্দী । না, নন্দী আর মা মা ব'লে,  
 প'ড়বে না তোমার পদতলে ।

## মগধ-বিজয় গীতাভিনয়

মা যে এখন পরের মা,  
 এতদিন তা জানতেম না ।  
 তোর, মায়া হ'য়েছে পরের 'পর,  
 তাই দেখছি পয় পয় ।  
 আপন ছেলে কেঁদে মরে,  
 সেদিক একবার চাসনে ফিরে ?

হুর্গা । নন্দি ! এই জন্মই কি তুমি এমন বিষণ্ণ হ'য়েছ ? হাঁ বাপ !  
 তুমি কি জান না যে, আমি—মা ডাক শুনতে বড় ভালবাসি ।  
 লোকে আমার যতই কেন আড়ম্বরের সঙ্গে পূজা করুক না,  
 কিন্তু সেই পূজার সঙ্গে যদি প্রাণভরা মা ডাক না থাকে, তা  
 হ'লে আমি, সে পূজায় সন্তুষ্ট হই নে । কিন্তু নন্দি ! কেহ  
 যদি আমাকে বিনা আড়ম্বরে কেবল উর্দ্ধমুখে, প্রাণ খুলে, প্রাণভরা  
 মা মা ব'লে ডাকে, তা হ'লে আর আমি স্থির থাকতে পারিনে ।  
 আমি তখনই গিয়ে, সেখানে উপস্থিত হই । তাতে তোমার  
 অভিমানের কারণ কি ? মাকে যদি কেউ আদর ক'রে ডাকে,  
 তা হ'লে ছেলের তাতে আনন্দ বই নিরানন্দের সম্ভব কোথা ?  
 আর বল দেখি বাবা ! তাতে তোমার প্রতি কি আমার মমতার  
 হ্রাস হ'য়েছে ?

নন্দী ।

জানি বেশ তা মহামায়া !  
 আমাতেই তোর যত মায়া ।  
 ঐ মায়ায়ই ত সব ভুলে,  
 র'য়েছি তোর পদমূলে ।  
 তোর মায়ায় যে মুগ্ধ হয়,  
 মোক্ষ-পথ তার রুদ্ধ হয় ।



নইলে কি মোক্ষদার ছেলে,  
বঞ্চিত হয় মোক্ষফলে ।

কেবল মহামায়ায় ভুলাস্ তারা,  
হ্যাঁ মা ! বলি মায়ের মায়ী কি এমনি ধারা ?  
মায়ের মায়ী পেত যদি,  
তা হ'লে কি ভাবত নন্দী ।  
বন্দী ক'রলি মায়ী-ডোরে,  
কাঁদি তাই মা ! প'ড়ে ফেরে ।  
অন্ধকার কাঁরাগারে,  
অন্ধ ক'রে রাগলি মোরে ।  
জ্ঞানের আলো যে দিসনে জ্বলে,  
তাই কাঁদে তোর পাগলা-ছেলে ।

দুর্গা। নন্দি ! শুধু কি তুমিই একা এই মায়ায় বন্দী ? তা ত নয়  
বাপ ! মায়ার হাত হ'তে কেহই অব্যাহতি পান না । যার  
কায়া হতে মায়ার উৎপত্তি, সেই মহামায়ী আমিও মায়ী-পাশ  
হ'তে সম্পূর্ণ মুক্ত হ'তে পারি নাই । যদি তাই হ'ত তা হ'লে  
শিব-নিন্দা শুনে, দক্ষালয়ে প্রাণত্যাগ ক'রব কেন ? যিনি—  
সদানন্দ, শান্ত, নিৰ্ম্মল ; যিনি—স্তুতি নিন্দায় বিচলিত হন না ;  
যিনি বিষ্ঠা ও চন্দনের তুল্য জ্ঞান করেন, সূখা ও বিষকে যিনি  
সমভাবে দর্শন করেন ; সেই নির্বিকার বিশ্বনাথের নিন্দা শুনে  
যখন আমি নিজেই অভিমানভরে দক্ষালয়ে প্রাণত্যাগ ক'রেছিলাম,  
তখন আমাকেও মায়ীমুগ্ধা ব'লতে হবে । আবার সেই পরাংপর  
মহেশ্বরও কি সকল সময়ে মায়ীভীত ? তাও ত নয় ; তিনিও  
মধ্যে মধ্যে মায়ীমুগ্ধ হ'রে থাকেন । তা না হ'লে, সেই দক্ষযজ্ঞে

আমার মৃত দেহ স্কন্ধে ক'রে, উন্নতভাবে দিক্ বিদিক্ ভ্রমণ ক'রে  
বেড়াবেন কেন? তাই বলছি নন্দি! ত্রিলোকে সকলেই  
মায়া-শৃঙ্খলে বন্দী হ'য়ে আছে! মহামায়া ভিন্ন যে অনন্ত জগৎ  
স্থির থাকতে পারে না।

নন্দী।

একি শুনি!—

আগাশক্তি মহারুদ্র,

এঁরাও হবে মায়া-রুদ্ধ।

সন্দেহ যে এঁটে এল,

বলনা মা! এ কেমন হ'ল?

বল মা! এ তোমার কেমন খেলা,

বুঝতে নাগ্নি এ সব লীলা।

### শিবের প্রবেশ

শিব। ঔর খেলা, তুমি কেন নন্দি! এই—ভোলাই ছ'বেলা কাছে  
থেকে, বুঝে উঠতে পারে না। লীলারূপিণীর লীলা-তরঙ্গে  
ভাসতে ভাসতে, কত দেখলেম, কত ক'বলেম, কত ভাবলেম,  
কিঙ্ক, নন্দি! কিছুতেই ঔর খেলার মর্ম্ম বুঝতে পারলেম না!  
নন্দি রে! ঔর খেলা বুঝবার জগ্গ, স্বর্গস্থ বিসর্জন দিয়ে,  
নিবিড় বৈলাসারণ্যে এসে বাস ক'রছি, ঔকে নিয়ত হৃদপদ্মে  
রেখেও স্থির রাখতে পারি নে, সেই মহাশক্তির লীলা-চাতুর্য্য  
হৃদয়ঙ্গম করবার শক্তি, কেবল ঐ এক আগাশক্তি ভিন্ন, এ  
সংসারে অস্ত্র কারুই নাই। নন্দী রে! কত সাধনা ক'রে যে  
ঐ হৈমবতীকে লাভ ক'রেছি, তা আর কি বলব। মহাপ্রলয়ে,  
সংসার বধন জলমগ্ন হয়, তখন ঐ ক্ষীরোদবাসিনী শক্তিরূপা



শিব। নন্দী রে ! সাধনা কর, তবেই সিদ্ধি হবে। সাধনা ভিন্ন সিদ্ধির উপায় নাই।

নন্দী। বল বাবা ! কেমন ক'রে,  
মোক্ষ ফল সাধন করে ?

শিব। নন্দি ! মোক্ষফল লাভ ক'রতে হ'লে, জ্ঞানযোগ, ভক্তিয়োগ এবং কর্মযোগ, এই তিনটি যোগ সাধন ক'রতে হয়। বদ্বারা দুঃখবোধ হ'য়ে, সংসারে কর্মফলের প্রতি বিরক্তি জন্মে, তাকেই জ্ঞানযোগ বলে। আর যাতে দুঃখবোধ না হ'য়ে, বরং কর্মফলে অধিকতর আসক্তি জন্মে, তাকে কর্মযোগ বলে। আর কোনরূপ সৌভাগ্যবশতঃ, ভগবৎ-বাক্যে যে শ্রদ্ধার সঞ্চার হয়, অথচ কর্মফলে বিরক্তি বা আসক্তি থাকে না, তারই নাম হ'ল, সিদ্ধিপ্রদ ভক্তিয়োগ। পুরুষ যতদিন কর্মফলে বিরক্ত না হবে, অথবা, ভগবৎ-কথা-শ্রবণে শ্রদ্ধাবান্ না হবে, ততদিন পুরুষের কর্মেই নিরত থাকা কর্তব্য।

নন্দী। তাই ত !! কর্ম, কর্ম, কর্ম,  
কর্মেতে কি হয় ধর্ম ?  
বাবা ! কর্মে যদি মুক্তি হবে,  
তবে গৃহী কেন বনে যাবে ?  
সন্ন্যাস-যোগ না হ'লে পরে,  
কিসে মুক্তি সাধন করে ?

শিব। নন্দী রে ! কর্ম ভিন্ন কি কখনও সন্ন্যাস উদয় হয় ? আকাঙ্ক্ষা-শূন্য হ'য়ে যিনি কর্তব্য-কর্মের অন্তর্ধান করেন, তিনিই সন্ন্যাসী, তিনিই যোগী। বাসনাশূন্য না হ'য়ে বনে গেলেও, তাকে সন্ন্যাসী বলা যায় না। কিন্তু নিষ্কামভাবে গৃহে থেকে কর্ম

ক'রলে, তাকে যোগী বা সন্ন্যাসী বলা যায়। আর বৈরাগ্য, জ্ঞান ও উপরম এই পৃথক তিনটি বিষয় একসঙ্গে যার হৃদয়ে উদ্ভিত হয়, তিনিই প্রকৃত যোগী।

নন্দী।

বল বাবা! কিসে হয়,

মন হ'তে বাসনার ক্ষয়?

শিব। জ্ঞানোদয় হ'লেই চিত্ত হ'তে বাসনার ক্ষয় হয়। ঐ বাসনার ক্ষয় হ'লেই, সাধুগণ যম, নিয়ম, আসন, প্রাণায়ামাদি দ্বারা চিত্তকে স্থির ক'রে, পবমানন্দ প্রাপ্ত হয়। নন্দী রে! বৈরাগ্য বল, জ্ঞান বল, উপরম বল, এই তিনের মধ্যে জ্ঞানই শ্রেষ্ঠ। তবে যতদিন না এই জ্ঞান লাভ হয়, ততদিন ক্রিয়াদি দ্বারা চিত্তের স্থৈর্য্য সম্পাদন ক'রতে হয়। নন্দী রে! মূঢ় মানবগণ, এ সকল সহজে হৃদয়ক্ষম ক'বতে পারে না। তাই তারা পঞ্চভূতময় দেহকেই সার ব'লে মনে ক'রে, কেবল সেই শারীরিক সৌন্দর্য্যসাধনেই সর্বদা সম্বৃত থাকে। কিন্তু যঁারা প্রকৃত সাধু, তাঁরা এই দেহকে অসার ব'লে বুঝতে পেরে, সাবধান পূর্বক পূর্ব হ'তেই মোক্ষসাধনে যত্নবান্ হন। বৃক্ষ-ছেদনকালে, সেই বৃক্ষস্থ বিহঙ্গম যেমন, সেই আশ্রয়স্বরূপ তরু ও কুলায় পরিত্যাগ ক'রে অন্ত্র প্রস্থান করে; সাধুগণও তেমনি প্রতিক্ষণে আয়ুক্ষয় হ'চ্ছে জেনে, সেই দেহের এবং সংসারের অসারতা ত্যাগ ক'রে, শাস্তিময় পরমেশ্বরকে অবগত হ'য়ে নিশ্চিন্ত হন। সর্বকল সিদ্ধির মূল এবং দুর্লভ গুরুস্বরূপ কর্ণধার-যুক্ত এই দেহ-তরুনীকে যদি পরব্রহ্ম রূপ বায়ু দ্বারা ভব-সাগর পার হবার জন্য জীবে পরিচালিত না করে, তবে সেই জীবকেই আত্মঘাতী বলা যায়।

নন্দী ।

কর্মযোগ আর জ্ঞানযোগ,  
দেখছি বড়ই গোলযোগ !

শিব । মনঃসংযোগ ক'রে শ্রবণ কর, তাহ'লেই আর গোলযোগ দেখতে  
পাবে না ।

নন্দী ।

আচ্ছা, ত্রৈ য়ে ব'লে—

কর্ম যোগ, আর জ্ঞানযোগ,  
এর মধ্যে, কোন্টী বল শ্রেষ্ঠ-যোগ ?

শিব । নন্দী ! জ্ঞান এবং কর্ম—এ উভয়েই শ্রেষ্ঠযোগ ; কেননা—  
উভয়ের মধ্যে যে কোনটির অমুষ্ঠান ক'রতে পারলেই, উভয়  
যোগেরই ফল লাভ হয় । কারণ, ক্রিয়া সিদ্ধি হ'লে, আপনা  
হ'তেই জ্ঞানোদয় হয় । জ্ঞানোদয় হ'লেই নির্বাণপদ প্রাপ্ত হওয়া  
যায় । অতএব এই উভয় যোগকে, যিনি অভেদরূপে দর্শন করেন,  
তিনিই তত্ত্বদর্শী ।

নন্দী ।

কর্ম ত্রিন্ন জ্ঞানোদয়,  
কেন বল নাহি হয় ?

শিব । ক্রিয়া-বিহীন যে জ্ঞান, সে জ্ঞান যথার্থ জ্ঞান নয়, সে জ্ঞানের  
ভাগ, কেবল মিথ্যাচারে পরিপূর্ণ । প্রকৃত জ্ঞান না জন্মিলে,  
কিছুতেই কর্মত্যাগ ক'রতে পারা যায় না, এবং চিন্তেরও  
হৈম্য-সাধন হয় না । চিন্তের হিরতা না হ'লেও, কৈবল্য-  
লাভের আশা সূদূরপর্যায়ত । উত্তমরূপে কবিতাক্ষেত্রে বীজ  
বপন ক'রলে, সেই বীজ যেমন শুষ্ক হ'য়ে, যথাকালে  
বাঞ্চিত ফল প্রদান করে ; কর্মদ্বারা হৃদয়-ক্ষেত্র কর্ষিত অর্থাৎ  
স্পৃহা-শূন্য হ'লে, তা হ'তে শীঘ্রই জ্ঞানরূপ তরু উৎপন্ন হয়, এবং  
সময়ে সে তরু হ'তেই, মোক্ষফল লাভ করা যায় । নন্দী রে !

পদ্মপত্রস্থ জল যেমন সেই আধারস্বরূপ পদ্মপত্রের সঙ্গে মিলিত হ'তে পারে না, তেমনি নির্লিপ্তভাবে কর্মফল ব্রহ্মকে অর্পণ ক'রে কর্মানুষ্ঠান ক'রলে, পাপও তাকে স্পর্শ ক'রতে পারে না। কর্ম ভিন্ন কিছুতেই জ্ঞানের বিকাশ হয় না। সেই জন্যই সাধুগণ, সংসারে নির্লিপ্তভাবে ক্রিয়া-সম্পাদনপূর্বক, জ্ঞানকাণ্ডে প্রবেশ ক'রে, শীঘ্রই কৈবল্য-পদ প্রাপ্ত হ'য়।

( যোগমগ্নভাবে অবস্থিতি )

নন্দী ।

( স্বগতঃ )

তাহ'লে কর্ম ভিন্ন জ্ঞান সংগ্রহ,  
কিছুতেই না করা যায় !

আগে কর্ম শেষে জ্ঞান,  
তবেই হবে নির্বাণ !

রূপাবান্ বাবার রূপায়,  
নন্দী এখন পেলে উপায় ।

তবে কর্মযোগে মনোযোগ—  
দিয়ে, সাধি জ্ঞানযোগ ।

হুর্গা । আহা ! যোগীশ্বর নন্দীকে যোগের কথা ব'লতে ব'লতে, মহাযোগে নিমগ্ন হ'য়ে প'ড়'লেন। আহা ! কি অপূর্ব মূর্তি রে ! প্রশান্ত-মহাসাগরের তায় নিশ্চল, শীত, গস্তীর। নির্বাত নিষ্কম্প—প্রদীপের তায় মহেশ্বর যোগে মগ্ন। অদ্বয় মধ্যে দৃষ্টিস্থাপনপূর্বক, অন্ধনিমীলিতনেত্রে, চিত্তকে বাহুজগৎ হ'তে নিবৃত্ত ক'রে, সুসু্যামার্গ দ্বারা কেমন—প্রাণ, অপান, চিন্তা ক'রছেন।

সুবপাঠ করিতে করিতে নারদের প্রবেশ

ভব-ভীতি-বিনাশন মাণ্ডবিভূম্,  
 শব-ভূতি-বিভূষণ মন্তু-রিপুম্ ।  
 জলদগ্নি-বিভাসিত-ভালতটম্,  
 ধৃত-লম্বিত লোহিত-মূর্দ্ধজটম্ ।  
 করি-চর্ম্ম-সুবেষ্টিত-মধ্যতনুম্,  
 লয়কাল-সুতা গুণ-নৃত্যপটুম্ ।  
 নরমালিক মন্ধক-নাশকরম্,  
 অতিভীষণ-নাশক-শূলধরম্ ।  
 নম্ননার্কনিমীলন-যোগরতম্,  
 মৃড়মিন্দু-বিজৃষ্টিত জহু-সুতম্ ।  
 নরখর্পর-ধারক মভ্রনিভম্,  
 ত্রিপুরাস্তক-ভৈরব-রূপ-শিবম্ ।  
 বিয় কণ্ঠ মনীষর মূর্দ্ধদৃশম্,  
 পরমাত্ম-সুচিন্তন-জাতভূশম্ ।  
 গতঘোর মঘোর-বিভাব্যপদম্,  
 প্রণমানি ভবং ভবশাস্তি-নদম্ ।

গীত

জয় ভোলা শঙ্কর,

দিক্-বসন, ভূতি-বিভূষণ হর

অর্দ্ধচন্দ্র ভালে, ধ্বক্ ধ্বক্ জ্বালা জ্বলে, জটা-জ্বালে প্রথর ॥

কটীকটে কিবা বেড়া বাথ-ছালে,

কঙ্কাল-মালা গলে,

মানব-খর্পর বামকরতলে, হেজঙ্গ ভূধর ॥



মদন মখন প্রমথগণ সঙ্গে,

বিশ্ব নাশ ক্রভঙ্গে,

নন্দী-ভৃঙ্গী নাচে কত রঙ্গে, হে অঘোর মনোহর ॥

নারদ ।

( শিবের প্রতি )

“কপূর-কুন্দ ধ্বলেন্দু জটাধরায়,

দারিদ্র্য-হুঃখ-রহনার নমঃ শিবায় ॥”

( প্রণাম )

( দুর্গার প্রতি )

“সর্বমঙ্গল-মঙ্গল্যে শিবে-সর্বার্থসাধিকে,

শরণ্যে-ত্রাশুকে-গৌরী নারায়ণি-নমোহস্ত তে ॥”

( প্রণাম )

শিব । ( ধ্যান ভঙ্গ করিয়া ) কে ও ? নারদ ! মনোবাসনা পূর্ণ হবে ।

নারদ । কৈ মা ! শ্বাসনা ! তুমি ত আশীর্বাদ ক’রলে, না ।

দুর্গা । কেন নারদ ! মহেশ্বর যখন আশীর্বাদ ক’রলেন, তখন কি আর আমার আশীর্বাদ করা হ’ল না ? পশুপতিতে আর এই পার্কর্তীতে কি কোন প্রভেদ আছে ? তোমার কি এখনও ভেদ জ্ঞান আছে নারদ ?

নারদ । না মা ! পূর্বে ছিল না, কিন্তু সম্প্রতি আবার ভেদজ্ঞানটা যেন হ’য়ে উঠেছে ।

শিব । কেন কেন নারদ ! সম্প্রতি আবার ভেদজ্ঞান হবার কারণ কি ?

নারদ । কারণ অবশ্য আছে বই কি । কারণ ব্যতীত কি কার্য হয় প্রভো ?

শিব । তবে বল দেখি শুনি ।

নারদ । না প্রভো ! নারদ আবার কোন্ কথায় কি ব’লে ফেলবে,

শেষে কি হ'তে কি হ'য়ে যাবে। দক্ষ-বজ্রের সময় একটা কথা ব'লে, শেষে তুমুল কাণ্ড উপস্থিত। তাই ব'লছি, আমাকে ক্ষমা করুন প্রভো! আমি আর এখন কোন কথাতেই নাই। তবে জানেন কি, মনের কথা মনে চেপে রাখাটা, কোন দিন অভ্যাস ক'রতে পারি নাই ব'লেই নারদের কলঙ্ক। সেই জনুই নারদকে সকলে কলহ-প্রিয় ব'লে অপবাদ দেয়। তা—নারদ কলহ-প্রিয়ই হ'ক, আর যে প্রিয়ই হ'ক, ভেবে দেখতে গেলে, এই নারদের কলহেই আবার সংসারের উপকার হ'য়ে থাকে। তথাপি ছুঁয়াম! তাই মনে ক'রেছি, আর কারুর কোন কথাতেই থাকব না, কোন কাজেই যাব না। কোন অন্টার কাঁধ দেখলে, চক্ষু মুদ্রিত ক'রে থাকব; কোনও কথা শুনে, কর্ণে অঙ্গুলি প্রদান ক'রব। দেখি—সুন্মাম কিন্তে পারি কি না। শিব! শিব!! শিব!!!

শিব। নারদ! তোমার এই সমস্ত কথা শুনে, মনে আরও সন্দেহ বৃদ্ধি হচ্ছে। দেখ নারদ! আমি অন্টা কোন কথা হ'লে, জানুবার জন্ম এতদূর উৎকণ্ঠিত হতেম না। কিন্তু এই শিব-শিবানীতে হেদের কথা শুনেই, এতদূর ব্যাকুল হয়েছি। অতএব বল নারদ! ব্যাপারটা কি?

নারদ। তা আপনি যখন জানুবার জন্ম এতদূর ব্যাকুল হ'য়েছেন, তখন না ব'লেই বা পারি কি ক'রে? কিন্তু—

( দুর্গার দিকে দৃষ্টিপাত )

শিব। আবার—কিন্তু কি নারদ?

নারদ। যে কথা আজ আমি ব'লব, তাতে বোধ হয় মা মহামায়া আমার প্রতি বিশেষ ক্রুকা হ'তে পারেন। ঐ দেখুন, মা

বিশ্বেশ্বরী আমার বক্তব্য বিষয় বুঝতে পেরে, কেমন বিষমভাব ধারণ ক'রেছেন।

শিব। না, না, তোমাকে ব'লতেই হবে।

নারদ। কথাটা কি, তবে শুনুন; “মর্ত্যপুরে মগধসম্রাট জরাসন্ধ আপনার একজন পরম প্রিয়-ভক্ত। মগধপতির স্ত্রীর পতন শৈব বোধ হয় সংসারে দ্বিতীয়টী অসম্ভব।”

শিব। হাঁ নারদ! জানি, জরাসন্ধ আমার যথার্থ-ই প্রিয়-ভক্ত। আমি তার প্রতি বড়ই সন্তুষ্ট।

নারদ। কেবল তার প্রতি তুষ্ট থাকলেই চলে না। বিপদাদি উপস্থিত হ'লে, তা হ'তে ভুলকে উদ্ধার করাও ত প্রভুর কর্তব্য। তা আপনি যখন সর্বদাই যোগ-মগ্ন থাকেন, বহির্জগতের কোন তরুই রাখতে পারেন না, তখন আর ভক্তের উপায় কি?

শিব। কেন নারদ! আমি যোগ-মগ্ন থাকলেও, আমার যোগমায়াই সর্বদা আমার ভক্তগণকে রক্ষা ক'রে থাকেন। লঙ্কাপতি রাবণ আমার ভক্ত ছিল; তাই তাকে রক্ষা করার জন্য, শঙ্করী চামুণ্ডামূর্তি ধারণ ক'রে, লঙ্কার দ্বারে প্রহরা দিতেন; তা কি তুমি জান না?

নারদ। জান্তেম দেব! জান্তেম! সেই জান্তেম ব'লেই ত আজ এত মনস্তাপ ভোগ ক'রছি। শিবভক্তকে শিবানীই রক্ষা ক'রে থাকেন, এই অভেদজ্ঞান ছিল ব'লেই ত, আজ তার বিপরীত ভাব দর্শন ক'রে, প্রাণ কেঁরে উঠছে; শুধু আমি ব'লে নয় প্রভো! শিবভক্ত মাত্রই আজ আকুল হ'য়ে উঠেছে।

শিব। কেন, কেন? দুর্গা কি আমার জরাসন্ধের কোন সংবাদই রাখেন না?

নারদ। তাই যদি রাখবেন, তা হ'লে কি এতদূর ঘটে? যার নাম হ'ল—দুর্গতিহারিণী দুর্গা, সেই দুর্গাই যদি কাউকে দুর্গমে ফেলে দুর্গতি দান করেন, তাহ'লে তাকে আর কে রক্ষা ক'রবেন. বলুন দেখি? ( দুর্গার দিকে দৃষ্টি করিয়া ) প্রভো! আমার বড় ভয় হ'চ্ছে, ঐ যে—মা কাত্যায়নী আমার দিকে কোপ-দৃষ্টিপাত ক'রছেন।

শিব। কোন ভয় নাই নারদ! তুমি নির্ভীকচিত্তে, সকল কথা ক'রে ব'লে যাও।

নারদ। সেই মগধপতির অস্তিত্ব এবং প্রাপ্তি নামে দু'টী কন্যা, এবং সহদেব নামে একটী পুত্র আছে। মথুরেন্দ্র কংশ, সেই কন্যা-দ্বয়কে বিবাহ ক'রেছিলেন।

শিব। তার পর।

নারদ। তার পর—কৃষ্ণ-হস্তে কংশের নিধন,—একথা বোধ হয় অবগত আছেন; এবং শ্রীকৃষ্ণ সেই মথুরার সিংহাসন অধিকার ক'রেছেন, একথাও বোধ হয় প্রভুর অজ্ঞাত নাই।

শিব। হাঁ, জানি নারদ! তার পর কি হ'য়েছে বল।

নারদ। তারপর—কংশের নিধনবার্ত্তা-শ্রবণে জামাতৃশোকে নিতান্ত অন্ধ—জরাসন্ধ, প্রতিহিংসা সাধনজন্য, শ্রীকৃষ্ণের সঙ্গে যুদ্ধে প্রবৃত্ত হ'য়েছে, বহুবার যুদ্ধ ক'রেও, মগধপতি প্রতিহিংসা সাধন করা দূরে থাক, বরং নিজ সৈন্তসামন্ত প্রভৃতি সেই ভীষণ সমর-সাগরে বিসর্জন দিয়ে, ক্রমে বলহীন হ'য়ে আসছে। আবার এদিকে মা মহামায়া, সেই জরাসন্ধ-সুত বালক সহদেবের কর্ণে কৃষ্ণনাম প্রদান ক'রে, সহদেবকে কৃষ্ণপ্রেমের পাগল ক'রে তুলেছেন। এখন ভেবে দেখুন, জরাসন্ধ হ'ল

ঘোরতর ক্রোধদেবী, আর তার পুত্র হ'ল সেই পিতৃশত্রু ক্রোধের একান্ত ভক্ত ; এরূপ অবস্থায় পিতাপুত্রের সদ্ভাব থাকা নিতান্তই অসম্ভব । গৃহবিচ্ছেদ যে হবে, তাতে আর সন্দেহ নাই । গৃহবিচ্ছেদ হ'লে সে সংসার শীঘ্রই ধ্বংস হবে । প্রহ্লাদ, ক্রোধ-ভক্ত হ'য়ে, নিজ পিতা হিরণ্যকশিপুর বিনাশের কারণ হ'য়েছিল । সহদেব হ'তেও জরাসন্ধের সেই গতি লাভ হবে । তা হ'লেই দেখুন প্রভো ! আপনার ভক্ত জরাসন্ধের ভাবী নিধনের পথ, মা হৈমবতী হ'তেই পরিকৃত হ'ল কি না ? এখন বলুন দেখি, শিব-শিবানীতে ভেদ হ'ল কি না ?

শিব । (সক্রোধে) না, আর না নারদ ! আর শূন্যে চাইনে ; আমি সমস্তই বুঝতে পেরেছি । শিবানীর শিব-ভক্তির পরাকাষ্ঠা কতদূর, তা আমার এতদিনে পরীক্ষা করা হ'য়েছে । ওঃ কি আশ্চর্য্য ! শিবানীর হৃদয়ে শিববিদ্বেষ ! বুঝলেম, আবার মহাপ্রলয়ের সময় উপস্থিত । প্রলয় হয় হউক, সংসার রসাতলে যায় যাউক, চন্দ্র, সূর্য্য, গ্রহদল সব ব্যোমতল হ'তে স্থলিত হয় হউক, আবার সৃষ্টি ক'রব,—আবার নূতন প্রণালীতে জগৎ সৃষ্টি ক'রব । কিন্তু একবার দেখতে হবে যে, শিবানীর শিব-বিদ্বেষের সীমা কতদূর, আর সেই শ্রীক্রোধের জরাসন্ধকে নাশ করবার শক্তি কতদূর, তাও দেখতে হবে । জরাসন্ধকে রক্ষা করবার জন্ত, যদি আমাকে সংহারমূর্ত্তি ধারণ ক'রতে হয়, তাও ক'রব ; ভক্তকে রক্ষা করবার জন্ত যদি আবার আমাকে সতীহারা হ'য়ে উন্নত হ'তে হয়, তাতেও কুণ্ঠিত হব না । তথাপি আমি ভক্তকে রক্ষা ক'রব । ( দুর্গার প্রতি ) সতি ! সতি ! সতি !

বলি, এই তোমার পতি-ভক্তি ? বলি, এই বুঝি তোমার শিবভক্তি  
 প্রকাশ করা ? অধিকে ! বলি, তুমিই না একদিন তোমার  
 পিতৃমুখে শিবনিন্দা শ্রবণ ক'বে, নিজ প্রাণত্যাগ দ্বারা  
 সতীত্বের জলন্ত কীর্তি প্রকাশ ক'রেছিলে ? বলি, তুই কি  
 সেই সতী ? বলি, তুই কি সেই দক্ষযজ্ঞ-বিনাশিনী সতী ?  
 অহঙ্কার হ'য়েছে ? ব্রহ্মাণ্ডেশ্বরী হ'য়ে, মনে বড় অহঙ্কার হ'য়েচে ?  
 আমি দিবানিশি শাস্ত্রভাবে ধ্যানে মগ্ন থাকি ব'লে, তোমার  
 যা ইচ্ছা তাই ক'রতে আরম্ভ ক'রেছ ! তুমি জান না যে, প্রশান্ত  
 মহাসাগর যদি একবার চঞ্চলমূর্তি ধারণ করে, তা হ'লে সেই  
 বায়ু-বিক্ষোভিত উত্তাল-তরঙ্গ-সঙ্কুল সাগরকে কার সাধ্য যে,  
 শান্ত করে । এ তোলাও যদি একবার পাগলমূর্তি ধারণ করে,  
 তা হ'লে ব্রহ্মাণ্ড পর্য্যন্ত ধ্বংস হবে । ওঃ—কি অসহ ! আমার  
 ভক্তের প্রতি অত্যাচার ।

নন্দি ! কি দেখ চাহিয়া ?

ধর শূল বিশ্বঘাতী ।

সাজাও প্রমথ-দলে ।

বাজাও ডমরু ।

ডিমি ডিমি ডমরুর ধ্বনি ;

উঠুক অশ্বর-পথে ।

শিঙ্গা-রবে বিশ্ব হ'ক্ বিচঞ্চল ;

অটুহাস্ত-রোলে কাঁপুক মেদিনী ।

হর, হর, বম্, বম্, রবে,

মাত নববলে, নবীন-উৎসাহে ।

রামকৃষ্ণ দৌহে কর পরাজয় ।

চল চল সবে বিলম্ব না সয়,  
সংহার, সংহার, আজি ব্রহ্মাণ্ড সংহার ॥

( বেগে নন্দীসহ শিবের প্রস্থান )

গীত

চল রে চল ডরা ।

ভৈরব রব কর, বম্ বম্ হর হর, সব সংহর  
ছিন্ন ভিন্ন কর, কিন্নর নর, প্রথর ভাস্কর অমরা ॥

চল প্রচণ্ড প্রমথ প্রথমে,  
পশি' অবল পরাক্রমে,  
শক্র-সনে সংগ্রামে বিক্রমে,

ক্রমে রণে কর দিশেহারা ॥

কর আহবে শাক্ত ত্যাগবে,  
মাধব সহিত পাণ্ডবে,  
বাধ রে সবাধবে, যাদবে.

আজি, সাগরে ডুবা রে মথুরা ॥

দুর্গা ।

অহো ! লাগে ত্রাস,  
বিশ্ব নাশ করে বুঝি বিশ্বনাথ !  
রুদ্রমূর্তি মহাকাল হইল চঞ্চল,  
অকালে প্রলয়-ঝঙ্কার উঠিবে নিশ্চয় ।  
না করিব ক্রোধ,  
ক্রোধে ফল হবে বিপরীত ।  
শাস্তবাক্যে সন্তোষিতা আশুতোষে এবে,  
ক্রোধানল করিগে নির্বাণ ।  
যাই, যাই, বিলম্বে বিপদ হবে ।

( বেগে প্রস্থান )

নারদ । ( স্বগতঃ ) হরি, হরি, যে উদ্দেশ্য ক'রে এসেছিলাম, তার ত কিছুই হ'ল না দেখছি ; ভেবেছিলাম, ভক্ত-নির্যাতনের কথা উত্থাপন দ্বারা, সদাশিবকে উত্তেজিত ক'রে, শিবশক্তি এবং বিষ্ণুশক্তির মধ্যে, কোন্ শক্তি শ্রেষ্ঠ, তাই পরীক্ষা ক'রব । কিন্তু তা হ'ল না ; অস্তুর্যামিনী মহাশক্তি আমার ছলনা বুঝতে পেরে, শিবকে শাস্ত্রক'রতে প্রস্থান ক'রলেন । তা শিব শাস্ত্র হ'লে, আর শিব-শক্তিতে বিষ্ণু-শক্তিতে সংঘর্ষের সম্ভাবনা কোথা ? বুঝলেম, ছলনা দ্বারা কখনই ইষ্টলাভ হয় না । যাই, এখন সেই অপরাধ-ভঞ্জিনী মা অভয়ার নিকটে, নিজ অপরাধ প্রকাশ ক'রে অপরাধ ভঞ্জন করিগে ।

( প্রস্থান )





## চতুর্থ অঙ্ক

[ মগধ-রাজসভা ]

জরাসন্ধ, মন্ত্রী, বিদূষক, সেনাপতি ও

প্রহরীর প্রবেশ

জরা । মন্ত্রিন্ ! পুনরায় যুদ্ধার্থে প্রস্তুত হও । আমার রাজ্য মধ্যে ঘোষণা ক'রে দাও যে,—আজ হ'তে আবালবৃদ্ধ সকলেই যেন, সমর-সজ্জায় সুসজ্জিত হ'য়ে, আমার অনুমতির অপেক্ষায় প্রস্তুত থাকে । কিন্তু, যারা রণভয়ে ভীত হ'য়ে আমার আদেশ-প্রতিপালনে শৈথিল্য প্রকাশ ক'রবে, সেই সকল কাপুরুষগণকে শৃঙ্খলাবদ্ধ ক'রে, কারাগৃহে রুদ্ধ রাখবে । আর সেনাপতি ! তুমিও আজ হ'তে সপ্তাহের মধ্যে, সৈন্যগণকে সুন্দররূপে রণ-কৌশলে সুশিক্ষিত ক'রবে ।

সেনা । যে আজ্ঞা ।

মন্ত্রী । মহারাজ ! আবার যুদ্ধ ?

জরা । হাঁ মন্ত্রি ! আবার যুদ্ধ ।

মন্ত্রী । কিছুদিন নিরস্ত থাকলে ভাল হয় না মহারাজ !

জরা । না মন্ত্রি ! যতদিন না—সেই মথুরানগরী মহাশ্মশানে পরিণত হ'চ্ছে, ততদিন যুদ্ধ ; যতদিন না—সেই শ্মশান-ভস্মরেণু, প্রবল

বাত্যার সহিত, দিগ্-দিগন্তে মগধের জয়-ঘোষণা ক'রবে,—তত-  
দিন যুদ্ধ । যতদিন না—সেই মথুরাবাসিনী রমণীগণ বৈধব্যবেশে,  
আলুলায়িত-কুন্তলে, পতি-পুত্র-শোকে, হাহাকার ক'রতে ক'রতে,  
অশ্রুজলে সেই শ্মশানক্ষেত্র অভিষিক্ত ক'রে আমার অস্তির—  
অস্তির-হৃদয়ে, শান্তি-বারি প্রদান ক'রবে,—ততদিন যুদ্ধ ।  
যতদিন না—সেই নির্বোধ উগ্রসেনের জীর্ণ দেহ, শৃগাল-কুকুরের  
ভক্ষ্য হবে, ততদিন যুদ্ধ । তাই ব'লছি, মন্ত্রী! আমার এই  
দৃঢ়সঙ্কল্পে বাধা-প্রদানের বাসনা পরিত্যাগ ক'রে, পুনরায় যুদ্ধার্থে  
প্রস্তুত হও ।

মন্ত্রী । মহারাজ ! আপনার সঙ্কল্পে বাধা প্রদান করে কার সাধ্য ।  
তবে একটা কথা বলি,—দেখুন বারংবার এইরূপ যুদ্ধ ক'রে,  
কেবল বল-ক্ষয় এবং রাজকোষ শূন্য হ'চ্ছে মাত্র । মহারাজ !  
সৈন্য-দুর্গ ত একরূপ নিঃশেষ হ'য়েছে ; যে কয়েকজন অবশিষ্ট  
আছে, তাদের মধ্যে কেহ বা বিকলাঙ্গ, কেহ বা শয্যাশায়ী ।  
প্রবলঝটিকাঘাতে বনমধ্যস্থ বৃহৎ বিটপী সকল ধরাশায়ী হ'লে,  
অবশিষ্ট ক্ষুদ্র ক্ষুদ্র বৃক্ষসকল যেমন ভগ্নশাখ ও পত্রবিহীন হ'য়ে  
বিশৃঙ্খলতার পরিচয় প্রদান করে, মহারাজ ! আপনার অবশিষ্ট  
মুষ্টিময় সৈন্যগণের দশাও ঠিক তদ্রূপ হ'য়েছে । নিশীথকালে  
যদি একবার নগরমধ্যে বহির্গত হওয়া যায়, তবে কেবল এক  
পতিপুত্রবিহীনা রমণীগণের আর্তনাদ ভিন্ন, আর কিছুই শ্রুতি-  
গোচর হয় না ; তাই ব'লছিলাম, মহারাজ ! সম্প্রতি যুদ্ধের  
বাসনা ত্যাগ ক'রে রাজ্যে শান্তিস্থাপনা করুন ।

জয় । না মন্ত্রী ! তা কখনই পারব না । যুদ্ধবাসনা পরিত্যাগ  
ক'রে, নিতান্ত হীনবীৰ্য্য কাপুক্ষণের জ্ঞান শক্রভয়ে ভীত হ'য়ে,

অন্দরবাসিনী অবলার মত এই মগধপুরীতে লুক্কায়িত থেকে, অরাতির বিক্রম-বাক্য শ্রবণ ক'রে জীবনধারণ ক'রব, তা কখনই হ'তে পারে না। সে কল্পনা মূর্ছমাত্রও এই জরাসন্ধের হৃদয়ে স্থান পাবার যোগ্য নয়। মন্ত্রী! আমি পুনরায় বলছি,— যতক্ষণ এই মগধরাজ্যে, একটা মাত্র সৈন্য জীবিত থাকবে, যতক্ষণ এই জরাসন্ধের ধমনীতে বিন্দু মাত্রও শোণিত সঞ্চা রিত হবে, ততক্ষণ যুদ্ধ ক'রব।

নিদু। তা ক'রবেন বৈকি মহারাজ! ও—মন্ত্রীর কথা গ্রাহ্যও ক'রবেন না। ও মন্ত্রী এখন বৃদ্ধ, ঠাঁর এখন সে তেজ নাই, বল নাই, ঠাঁর জরাজীর্ণ বপুখানি, কেবল এখন আয়েস খুঁজে বেড়ায়। ঠাঁর কথা শুনে কি এখন কোন কাজ ক'রতে আছে? যুদ্ধের কথা শুনে সকল সময় কাজ ক'রতে গেলে, শেষে দক্ষিণ-হস্তের ব্যাপার পর্য্যন্ত বন্ধ হ'য়ে আসে। মন্ত্রীর কি বলুন না, মাসকাবারের মাইনেটা পাওয়া নিয়ে বিষয়, তাই পেলেই সন্তুষ্ট। রাজ্যের শ্রীবৃদ্ধি কিসে হয়, সেদিকে লক্ষ্যও নাই। মহারাজ! আপনাদের ত ক্ষত্র-তেজ, উত্তেজিত হবারই কথা; কিন্তু বলতে কি মহারাজ! যুদ্ধের নাম শুনে, এই নিস্তেজ ব্রাহ্মণেরও গায়ের রোমগুলো কাঁটা মেরে উঠে। মহারাজ! যেদিন হ'তে সেই গরলার ছেলেটার সঙ্গে আপনার যুদ্ধ আরম্ভ হ'য়েছে, বললে বিশ্বাস ক'রবেন না মহারাজ! সেদিন হ'তে—আহার নাই, নিদ্রা নাই, স্নান নাই, আহ্নিক নাই, কেবল দু'মক্কে ঘোড়শোপচারে ভোজনটা বই আর কিছুই নাই; দিনরাত যেন আমার মনের মধ্যে যুদ্ধ লেগেই র'য়েছে। নিদ্রা ত হয়ই না, তবুও যদি অশ্ব-তন্ত্রার মত একটু তন্ত্রা এল,

অমনিই স্বপ্নে দেখতে পাই যেন, সেই লাঙ্গল-স্কন্ধে বলরাম দাঁড়িয়ে আছে, আর সেই কালকুটে ছোড়াটা, একটা চাকা নিয়ে, কুমারের চাকার মত পিন্ পিন্ ক'রে ঘুরছে। অমনিই মহারাজ! যুদ্ধং দেহি, যুদ্ধং দেহি ব'লে, একবারে চীৎকার ক'রে শয্যা হ'তে লাফিয়ে উঠি। কোন কোন দিন বা ভুলক্রমে, শত্রু ভেবে আমার ব্রাহ্মণীশর্ম্মাকেই চেপে ধরি।

মন্ত্রী। (স্বগতঃ) হায়! এই সব কর্ণে-জপ পারিষদবর্গ-ই মহারাজের সর্বনাশ সাধন ক'রলে। রসনা যেমন আপাত-মধুর কুপথ্য-সেবনে রোগীকে পরিতুষ্ট এবং সমধিক প্রলুব্ধ ক'রে, ক্রমে প্রেতভূমির দিকে ল'য়ে যায়, অথচ রোগী যেমন সেই কুপথ্যের অপকারিতা বুঝতে পারে না; মহারাজও তেমনি প্রতিহিংসা-সাধনরূপ মহারোগে আক্রান্ত হ'য়ে, পারিষদরূপ রসনা দ্বারা কুপরামর্শরূপ কুপথ্য সেবনে, ক্রমেই সর্বনাশের পথে অগ্রসর হ'চ্ছেন। তথাপি জ্ঞানচক্ষু ফুটছে না।

জরা। ভাল মস্ত্রিন্! আমি যদি এখন তোমার পরামশমত যুদ্ধে নিবৃত্ত হই, তা হ'লেও যে সেই ঋণগর্ভে গব্বিত যাদবগণের হস্ত হ'তে পরিত্রাণ লাভ করা যাবে, তারই বা স্থিরতা কি? তারা যে আমার মগধপুরী পর্য্যন্ত আক্রমণ না ক'রে নিরস্ত থাকবে, তারই বা প্রমাণ কি? তুমি জান, কুকুরকে যদি স্পর্ধা দেওয়া যায়, তা হ'লে সেই স্পর্ধিত কুকুর, ক্রমে ক্রমে প্রভুর মস্তক পর্য্যন্ত আরোহণ করে।

মন্ত্রী। স্পর্ধিত কুকুরকে পূর্ব হ'তে যদি বন্ধ রাখা যায়, তা হ'লে আর মস্তক আরোহণ ক'রতে পারে না।

জরা । ভাল, বুঝ্লেম, কিন্তু যাদবগণকে, এক যুদ্ধ বাতিরেকে কোন্ উপায়ে বন্ধ রাখা যেতে পারে ?

মন্ত্রী । কেন মহারাজ ! সন্ধি-সূত্র ।

জরা । (সক্রোধে) কি ! কি ! সন্ধি ! ঘণিত যাদবের সহিত সন্ধি ! দেখ মন্ত্রী ! আজ যদি এই জরাসন্ধ-জীবনের সেই মহাসন্ধির দিন এসে উপস্থিত হয়, তা হ'লেও তুমি নিশ্চয় জেনো যে, তোমার দুরভিসন্ধি কিছুতেই পূর্ণ হবে না । কি বিশ্বাসের বিষয় ! তুমি এই প্রবলপরাক্রান্ত মগধ-ভূপতির মন্ত্রী হ'য়ে, এই লজ্জাজনক রমণী-সুলভ—অসার মন্ত্রণা দিতে কিছুমাত্র লজ্জা বোধ ক'ব্লে না ? বলি, বার্কাক্যের সঙ্গে সঙ্গে কি মান, সম্মান, দর্প সবই থক্ব হ'য়ে এসেছে ? পণিত-কেশের সঙ্গে সঙ্গে কি, মস্তিষ্কেরও বিকৃতি ঘ'টেছে ? স্থলিত দস্তের সঙ্গে সঙ্গে কি, দস্তও বিদায় গ্রহণ ক'রেছে ? বলি, কুঞ্চিত-ভ্রুকের সঙ্গে সঙ্গে কি, বুদ্ধিবৃত্তিও সমুচিত হ'য়ে এসেছে ? কি ব'ল্ব, তুমি আমার স্বর্গীয় পিতৃদেবের মন্ত্রী, তাই তুমি এইরূপ ঘণিত উপদেশ প্রদান ক'রে, এখনও আমার সম্মুখে উপবেশন ক'রে আছ । নতুবা অন্ত কেহ হ'লে, তাকে এই দণ্ডে, সমুচিত দণ্ডে দণ্ডিত ক'রে নিরস্ত হ'তেম ।

মন্ত্রী । (সহৃৎখে) মহারাজ ! আপনি এই বিপুল সাম্রাজ্যের সম্রাট, আমি আপনার ভৃত্য মন্ত্রীমাত্র । তথাপি আপনাকে সূমন্ত্রণা প্রদান করা, আমার একান্ত কর্তব্য মনে ক'রেই, সন্ধির কথা উত্থাপন ক'রেছিলাম ; কিন্তু আজ আমাকে তার উপযুক্ত ফলই দান ক'রেছেন । যার মন্ত্রণা—সূমন্ত্রণা ব'লে স্বর্গীয় মহারাজ পর্যন্ত সাদরে গ্রহণ ক'রে গিয়েছেন ; আজ সেই মন্ত্রীকে কি না,

সভামধ্যে বিনাদোষে অপমানিত হ'তে হ'ল ! গৃহোপরি প্রজ্জ্বলিত  
অনল দর্শন ক'রে, বারিপূর্ণ-কুস্ত-স্কন্ধে, সেই অনল নির্বাণ ক'রতে  
এসে, অবশেষে সেই গৃহস্থ কর্তৃক, কুস্ত-চৌর ব'লে লাঞ্চিত  
হ'লেম ! হায় রে কাল ! তোর কি বিষময় পরিবর্তন ।  
যারা তোষামোদে পটু, অলীক বাক্য দ্বারা প্রভুর মনোরঞ্জন  
ক'রতে পারে, যারা “বিষকুস্ত পয়োধু”, যারা মশকের ন্যায়  
প্রথমে পদতলে পতিত হ'য়ে, কর্ণে সুমধুর গুঞ্জন ক'রে, ক্রমে  
বক্র অনুসন্ধানপূর্বক, সেই বক্র দ্বারা শোণিত পান ক'রতে  
পারে, তারাই আজকাল প্রভুর পরম প্রিয়পাত্র । ধন্য কাল !  
তোরে ধন্য ।

### গীত

ধন্য রে কাল ধন্য তোরে ।

সকলই কালেতে করে,

বিচিত্র হে তব চিত্র, মিত্রকে শত্রু নেহারে ॥

সুকোশলে কথার ছলে, খলে সদা প্রভু ছলে,

ভুলে প্রভু সেই ছলে, সুধা ব'লে বিষ ধরে ।

যারা মাপু শাস্ত মতি, তাদের নিদাঙ্গ দুর্গতি,

বুঝিলাম হায় কালের গতি, দুর্মতির জয় এ সংসারে ॥

বিদু । উঃ—অভিমানটুকুও আবার দেখছি সাড়ে ষোল আনা । বলি,  
এখন কি আর সে দিন আছে যে, মন্ত্রী যা ব'লবে, রাজা  
অমনি ভাল মন্দ বিবেচনা না ক'রে, যন্ত্র-পুতুলিকার মত তাই  
ক'রবে ? বিশেষতঃ আমাদের রাজা, যিনি নিজে একজন  
অসাধারণ বুদ্ধিমান, তাঁর কাছে কি আর ঐ সব মেয়েলি-বুদ্ধি  
খাটে ? বলি, দৃষ্টিশালী-ব্যক্তিকে কণ্টকাকীর্ণ পথ দেখিয়ে দিলে,

সে, সে পথে যাবে কেন ? সে যে আপনা-আপনি পথ দেখে নেবে । তাই ব'লছি মন্ত্রীমহাশয় ! আপনি এখন আর এ মুক্-বিগ্রহের কথাই মধ্যে, কথা ব'লবেন না । আপনি যেমন ব'সে ব'সে ভুঞ্জি উড়াচ্ছেন, তাই করুন ; আর যদি অবসর নিতে ইচ্ছা হয়, তাও নিতে পারেন ! বিবেচনা ক'রে দেখলে, আপনার এখন অবসর নেওয়াই উচিত । আপনি এখন জরাগ্রস্ত, কবে ভবের পটল তুলবেন ; এ সময়ে ঘরে ব'সে আয়েস্ ভোগ করাই ভাল । মহারাজ হয় ত, চক্ষু-মজ্জায় ব'লতে পারছেন না । নিজের ক্ষমতাটা ত একবার নিজের বুকে দেখা উচিত ?

মন্ত্রী । দেখুন, আপনি রাজ-বয়স্কা, আপনার—

জরা । ( কথায় বাধা দিয়া ) যাক, আর বুথাবাক্যে প্রয়োজন নাই । ক্রমেই সময় অতিবাহিত হ'চ্ছে । মন্ত্রী ! তোমাকে আমি যা ব'ল্লেম, তুমি তাই অবনতমস্তকে পালন ক'রতে প্রস্তুত হও । তুমি কোনরূপেই আমাকে সমর বাসনা হ'তে নিবারিত ক'রতে পারবে না । আমার হৃদয়ের প্রত্যেক তন্ত্রীতে, প্রতিহিংসার অনন্ত-কল্লোল কল্লোলিত । প্রতি লোমকূপে জিঘাংসার অনন্ত উৎস উৎসারিত ! শিরায় শিরায়, মজ্জায় মজ্জায়, বৈর-নির্ঘাতন-লালসা সঞ্চারিত হ'য়ে, ক্রমেই আমাকে অধিকতর উত্তেজিত ক'রে তুলছে । এ অবস্থায় তোমার কোন বাক্যই আমার হৃদয়ে স্থান পাবে না ।

( সেনাপতির প্রতি )

তবে যাও সেনাপতি !

নবোত্তমে নবোৎসাহে মাতি,

স্বকর্মে নিযুক্ত হও ।

নূতন বিধানে, নূতন সৈনিকে,  
শিক্ষা দিবে সমর-কৌশল ।  
সেনা । রাজ-আজ্ঞা শিরোধার্য্য ।

[ প্রস্থান ।

জরা । ওহো ! বিশ্ব-সিন্ধু বক্ষে করি তাণ্ডব-নর্ভন  
নাহি মন স্থির ;  
অস্থির-হৃদয়ে দীপ্ত রুদ্ধ হতাশন ।  
ত্রিভুবন করিব দাহন ।  
রুদ্ধবলে বলী, ত্রিলোকমণ্ডলী—  
নাহি করি তৃণমুষ্টি জ্ঞান ।  
এ বিশ্ব-ব্রহ্মাণ্ডে, মহাপ্রলয় ঝটিকা—  
কেন্দ্র হ'তে কেন্দ্রান্তরে উঠাইব পুনঃ ।  
ভগ্নমূল ধ্বংসশেষ ধরাধর স্বরা,  
যাবে রদাতলে এবে চূর্ণ রেণু হ'য়ে ।  
বিদর্ভ, নিষধ, কুরু, পাঞ্চাল, কেকয়,  
অঙ্গ, বঙ্গ, কলিঙ্গ, বিদেহ, দ্রাবিড়,  
দাক্ষিণাত্য, ব্রহ্মাবর্ত, অবন্তি প্রভৃতি,  
ধ্বংসশেষ ভস্মশ্ঠামরূপে,  
সাক্ষ্য দিবে স্তূপে স্তূপে ।  
রুষ্টি, ভোজ, যাদব, পাণ্ডব,  
চন্দ্র, সূর্য্য, দশর্ষ, অক্ষয়,  
একে একে বলি দিব রুদ্ধ-সম্মিধানে ।  
বহিবে রুধির-ধারা অতি খবশ্রোতে ;  
চূর্ণ ধরা-ধূলিকণা করি স্তূপাকার,



সে রুধিরে করিয়ে মিশ্রণ,  
গঠিব নূতনভাবে নূতন ব্রহ্মাণ্ড  
বিধি-শক্তি করি লোপ—  
নব বিধি করিব সৃজন ।

মন্ত্রী । ( স্বগতঃ ) অহো ! যে পতন হবে, তাকে আর কিছুতেই রক্ষা করা যায় না । গাত্রে উত্তাপপ্রাপ্তির আশঙ্কায়, সর্বাঙ্গে বস্ত্রাচ্ছাদন ক'রে অগ্নিমধ্যে প্রবেশ ক'রতে গেলে, সেই গাত্রাচ্ছাদিত বস্ত্র ত ভস্ম হবেই ; কিন্তু সেই সঙ্গে সঙ্গে, সেই ব্রাহ্মনরকেও অগ্নিদগ্ধ হ'তে হয় । মহারাজও তেমনি, নূতন সৈন্ত-সামন্তরূপ বসন দ্বারা সর্বাঙ্গ আচ্ছাদন ক'রে, সেই শ্রীকৃষ্ণের কোপ-বহ্নিতে ঝাঁপ দিতে উত্তত ; তা, সে কোপ-বহ্নিতে সৈন্ত-গণ ত দগ্ধ হবেই, পরিশেষে নিজেও ভস্মীভূত হবেন । রুদ্র-তেজে তেজস্বী হ'য়ে, মহারাজ আপনাকে জগতের অজেয় ব'লে মনে করেছেন । কিন্তু একবার বিবেচনা ক'রে দেখছেন না যে, স্বয়ং মহারুদ্র যাঁর তেজে রৌদ্রতেজ প্রাপ্ত হ'য়েছেন, সেই পূর্ণব্রহ্ম কি সামান্ত জরাসন্ধের তেজে নিস্তেজ হবার পাত্র ? বুঝ্লেম, আর রক্ষা নাই ; যখন এরূপ মহাবিকারে আক্রান্ত হ'য়েছেন, তখন আর এ বিকার হ'তে আরোগ্য লাভ করবার কোন উপায় নাই । এই বহুবার যুদ্ধ ক'রেও, যাকে পরাজয় করা গেল না ; কেবল আপন বলই ক্ষয় ক'রে, দিন দিন দুর্বল হ'য়ে প'ড়ছেন ; তখন আর উদ্ধারের উপায় নাই । তবে দুঃখ রইল যে, আমরা দ্বারা কোন উপায় হ'ল না । স্বর্গীর মহারাজ মৃত্যুসময়ে, জরাসন্ধকে আমার হাতে হাতে সমর্পণ ক'রে গিয়েছিলেন ; কিন্তু হতভাগ্য আমি, তাই তাঁর সে আদেশ

পালন ক'রে উঠতে পারলেম না। আজ সভামধ্যে সামান্য বিদূষকের বিক্রপ-বাক্যও সহ ক'রতে হ'ল। সূর্য্য-উত্তাপ সহ করা যায়, কিন্তু সেই সূর্য্যতাপে প্রতাপ অগ্নিকণাতুল্য বালুকাতাপ যে নিতান্ত অসহ।

### সহদেবের প্রবেশ

সহ। বাবা! বাবা!

জরা। কে ও? বৎস সহদেব! এস।

(ক্রোড়ে ধারণ)

সহ। বাবা! আবার না কি যুদ্ধে যাবে?

জরা। হ্যাঁ বৎস! তোমারও কি বেতে সাধ হ'য়েছে?

সহ। না বাবা! আমিও যাব না, তোমাকেও যেতে দেব না।

জরা। এ কথা বুঝি তোমাকে মহিষী শিথিয়ে দিয়েছেন?

সহ। না বাবা! মা শিথিয়ে দেন নাই, আমি নিজেই ব'লছি।

জরা। তুমি নিজেই ব'লছ? ক্ষত্রিয় শিশু কি, কখন পিতাকে যুদ্ধে যেতে মানা ক'রে থাকে?

সহ। মানা করে না জানি, কিন্তু বাবা! কৃষ্ণের সঙ্গে যুদ্ধ ক'রতে মানা ক'রছি!

জরা। কেন সহদেব! কৃষ্ণের সঙ্গে যুদ্ধ ক'রতে ভয় কি? কয়েকবার যুদ্ধে পরাস্ত হ'য়েছি ব'লে কি, তোমার মনে ভয় হ'য়েছে? এইবার সেই প্রতিহিংসা সাধন ক'রব।

সহ। কৃষ্ণ যে দেবতা বাবা! দেবতার সঙ্গে কি মানুষে যুদ্ধ করে?

জরা। এ কথা আবার তোমাকে কে ব'লে? কৃষ্ণ যে দেবতা, এ অলীক কথা তোমাকে কে ব'লে দিলে? আমার রাজ্যমধ্যে

এমন নির্বোধ কি কেউ এখনও আছে যে, কৃষ্ণকে দেবতা ব'লে বিশ্বাস করে ?

সহ। কেন বাবা ! যিনি দেবতা, তাঁকে দেবতা ব'লে কি তাতে দোষ হয় ?

জরা। অবোধ ! দেবতাকে দেবতা ব'লে দোষ হবে কেন ? কিন্তু কৃষ্ণ যে সামান্ত বন্তু-রাখাল, তাকে দেবতা ব'লে যে, দেবতা-নামে কলঙ্কারোপ করা হয় ।

সহ। বাবা ! তিনি ত বন্তু-রাখাল নন ।

জরা। বন্তু-রাখাল না হ'লে, সে রাখালদের সঙ্গে বৃন্দাবন-গোষ্ঠে গোচারণ ক'রে বেড়াবে কেন ?

সহ। না বাবা ! আমি যে শুনেছি, রাখালেরা তাঁকে বড় ভালবাসত, বড় ভক্তি ক'রত, তাই তিনি তাদের ভালবাসা আর ভক্তিতে আবদ্ধ হয়ে, রাখাল সঙ্গে তাদের সঙ্গে সঙ্গে গোচারণ ক'রে বেড়াতেন । ভক্তগণ তাঁকে যেভাবে দেখতে চায়, তিনি তাকে সেইভাবেই দেখা দেন ।

জরা। ( ঈষৎ কোপের সহিত ) বলি, এত লম্বা লম্বা কথা তোমাকে কে শিক্ষা দিয়েছে সহদেব ?

সহ। আমার এক পাগলী-মা আছে, সেই পাগলী-মাই আমাকে এই সব কথা শিখিয়েছে বাবা !

জরা। পাগলী-মাটা আবার কে ?

সহ। কে তা জানিনে বাবা ! সে মাঝে মাঝে আসে, আমার আর প্রাপ্তি-দ্বিধিকে বড় ভালবাসে । কত মিষ্টি মিষ্টি কথা কয় ।

জরা। দেখ সহদেব ! তুমি একজন রাজপুত্র, তোমার কি ও-সব যার তার কাছে যাওয়া শোভা পায় ? আর পাগলের কথা কি

বিশ্বাস ক'রতে আছে ? পাগলের যখন যা মনে উদয় হয়, তাই বলে ; তার আবার ভাল মন্দ কি ? অতএব সহদেব ! তোমাকে নিষেধ ক'রে দিচ্ছি, তুমি আজ হ'তে আর পাগলের কাছে যেও না, ওতে তোমার গৌরব নষ্ট হয় ।

সহ । বাবা ! রাজপুত্র হ'লে কি তার আর কারুর সঙ্গে মিশতে নাই ? যে ভালবাসে, তার কাছেও কি যেতে নাই ? হ্যাঁ বাবা ! তবে রামচন্দ্র চণ্ডালের বাড়ী গিয়ে, ছড়িধানের মুড়ি খেতেন কেন ? তাতে কি বাবা ! রামচন্দ্রের গৌরব নষ্ট হ'য়েছিল ? পাগলী-মা আমার ব'লেছে, “যদি বড় হবে ত ছোট হও ।” রাজপুত্র ব'লে মনে যেন অহঙ্কার ক'র না ।” “সেই হরির কাছে রাজা-প্রজা সকলেই শমান ।”

জরা । ও অজ্ঞান-বালক ! তোর এতদূর অজ্ঞতা বর্দ্ধিত হ'য়েছে ? ( স্বগত ) হায় ! এই জন্মই লোকে, পুত্রকে শৈশব হ'তে সংশিক্ষা প্রদান ক'রে থাকে ; নতুবা, সচ্যগঠিত মৃৎ-ভাণ্ডে কোনও চিহ্ন অঙ্কিত ক'রলে, সেই ভাণ্ড দগ্ধ হ'লেও যেমন সেই পূর্বচিহ্ন তা হ'তে বিচ্যুত হয় না ; বালক-হৃদয়েও যদি কোন কুসংস্কার প্রবেশ করে, তা হ'লে পরিণামে সেই কুসংস্কারও তেমনি, সেই বালক-হৃদয় হ'তে কিছুতেই দূরীভূত হয় না । বোধ হয়, কোন পাগলিনী মিষ্ট কথায় তুষ্ট ক'রে, বালক সহদেবের নিকট হ'তে আহার্য্য সংগ্রহ করে । যা হ'ক, এখন হ'তে সতর্কতা বিধান করা কর্তব্য । ( প্রকাশ্যে ) সহদেব ! প্রাণাধিক ! আজ তোমার মুখে এই সব কথা শুনে, বড়ই দুঃখিত এবং বিস্মিত হ'লেম ; কেন না, তুমি রাজপুত্র, ছ'দিন পরে তুমি আবার এই রাজসিংহাসন অলঙ্কৃত ক'রবে,

কত কোটি কোটি লোকের জীবনমরণ তোমার হস্তে নির্ভর ক'রবে। সেই তুমি কি না আজ ব'লছ যে,—‘যুদ্ধে যেও না’, ‘যদি বড় হবে ত ছোট হও’, ‘কৃষ্ণ দেবতা নয়।’ ছিঃ ছিঃ ছিঃ, এ সব বড়ই আক্ষেপের কথা! তুমি এখনও বালক ব'লে ক্ষমা ক'রলেম, কিন্তু সাবধান সহদেব! আর যেন কখন ভ্রমক্রমেও, এইরূপ অতৃপ্তিকর পৌরুষহীন কথা তোমার মুখে শুনতে না পাই।

বিদু। মহারাজ! আমার বোধ হয়, সেই পাগলীটাই আমাদের রাজ-কুমারের মাথাটা খেয়ে দিয়েছে। নইলে—“আকরে পদ্মরাগানাং জন্ম-কাচমনেঃ কুতঃ” একথা হবে কেন?

সহ। বাবা! যুদ্ধ কর! ক্ষত্রিয়-ধর্ম হ'লেও, আমার সে নিষ্ঠুর ধর্মের কাজ নাই। যে ধর্ম কেবল প্রজাপীড়ন, লোকের সর্বনাশ-সাধন ক'রতে হয়, এমন কি, যে ধর্ম পিতা-পুত্রেরও যুদ্ধ ক'রতে হয়, তেমন ধর্ম আমার কাজ নাই। আহা! না জানি রণস্থলে, কত মাতাপিতার নয়নের মণিগণকে নিধন ক'রে, প্রশংসা লাভ ক'রতে হয়। কত লোক অস্ত্রাঘাতে ক্ষতবিক্ষত হ'য়ে, যন্ত্রণায় ছুট্‌ছুট ক'রতে থাকে। কত লোক রক্তের মধ্যে প'ড়ে, উত্থানশক্তি রহিত হ'য়ে পিপাসায় জল জল ব'লে প্রাণত্যাগ করে। বল বাবা! এমন নিষ্ঠুরের কাজ আমি কেমন ক'রে পালন ক'রব? আমি রাজ্য চাইনে বাবা! রাজা হ'তে হ'লে, তাদের প্রাণ বড় পাষণ হয়। দ্বন্দ্বা মায়া সব দূর হ'য়ে যায়। কেবল হিংসা, ঘেব ঘারাই রাজাদের হৃদয় পূর্ণ হ'য়ে থাকে। বল দেখি বাবা! একরূপ রাজা হবার চেয়ে, ভিখারী হ'য়ে দ্বারে দ্বারে ঘুরে বেড়ানও ভাল নয় কি?

তাই ব'লছি বাবা ! আমি রাজা হ'তে চাইনে । তুমিও আর যুদ্ধ ক'রে আমাদের প্রজাকুল নাশ ক'র না । আর যাঁর সঙ্গে তোমার যুদ্ধ, তিনি কখনই মানুষ নন ; তিনিই সেই গোলোক-বিহারী হরি । আহা ! যাঁর নাম শুন্লে প্রাণ পাগল হ'য়ে উঠে, তাঁর সঙ্গে কি যুদ্ধ ক'রতে সাধ হয় বাবা ? যাঁর পায়ে সচন্দন তুলসী দিতে হয়, তাঁর গায়ে কি অস্ত্রাঘাত করা যায় ? দেখ দেখি বাবা ! কৃষ্ণনাম কি মধুর নাম ! কৃষ্ণ, কৃষ্ণ, কৃষ্ণ, আহা কি মিষ্ট নাম রে ! যত বলি, ততই যেন ব'লতে সাধ হয় ! আহা ! কি মিষ্ট নাম রে !

কিবা মিষ্ট কৃষ্ণনাম ।

যতই বলি, ততই সাধ, হয় ব'লতে অবিরাম ।

রসনা যে রসে রসে,

কেমনে ত্যজি সে রসে,

যে মজে এই নাম-স্বরসে, শেষে পায় সে নিত্যধাম ॥

কেমনে ভুলিব পিতা,

স্বমিষ্ট সে কৃষ্ণকথা,

জগদিষ্ট কৃষ্ণ পিতা, জীবের পুরাণ, মনস্কাম ॥

জরা । ( সক্রোধে ) ও দুর্ভুঙ্কি বালক । তোমার কুসংস্কার এতদূর বুদ্ধিপ্রাপ্ত হ'য়েছে ? বুঝলেম, তুমি মগধকুলের কুলান্তাররূপে জন্মগ্রহণ ক'রেছ ।

বিদু । মহারাজ ! “অঙ্গারঃ শতধৌতেন মলিনত্বং ন মুঞ্চতি ।” রাজ-কুমারের বুদ্ধিতে, যেরূপ প্রকার মালিন্য জড়িয়ে গেছে, ও মালিন্য যে সহজে নষ্ট হবে, তা আমার বোধ হয় না । মহারাজ ! এ সবই সে পাগলী-বেটীর কাজ । বেটীকে পেলে একেবারে ঝটী-সই ক'রতেম্ ।

জরা। শোন্ হতভাগ্য পুত্র! তোকে পুত্র ব'লে এবারও ক্ষমা ক'রলেম ; কিন্তু সাবধান কুলাঙ্গার! পুনর্বার যেন ঐ নিকৃষ্ট কৃষ্ণনাম উচ্চারণ ক'রতে না শুনি। তুমি জান না যে, কৃষ্ণ আমার পরম শত্রু, আমার পরম শত্রুকে তুমি ইষ্ট ব'লে পূজা ক'রবে, আমি তাই সহ ক'রব ?—কখনই না! পূর্বে তোমার মুখ দেখে মনে ক'রতেম্ যে, কালে তুমি একজন অসাধারণ বুদ্ধিমান্ হবে ; এখন দেখছি, সে মুখে কেবল মূর্খতা মাথান। শূন্যদৃষ্টিতে নিরীক্ষণ,—ও ত সম্পূর্ণ মস্তিষ্কহীনতার পরিচয়মাত্র। তা নইলে, যে কৃষ্ণের গুণ, আবাল-বৃদ্ধ-বনিতা সকলেই বিদিত আছে ; যে কৃষ্ণ কেবল নন্দের বাধা বহন ক'রে, বালালীলা অতিবাহিত ক'রেছে ; দুর্কৃত্ত ব'লে যাকে যশোদা পর্যাস্ত উদ্বলে বন্ধন ক'রে রেখেছে ; রাখালদের উচ্ছিষ্ট ফলই যার অতি প্রিয় খাদ্য ; আর যার অন্তাত্ত ঘণিত ব্যবহারের কথা জগৎনয় রাষ্ট্র হ'রে আছে ; সেই পরম পাপিষ্ঠ গোপ-তনয়কে, তুই গোলোকের নারায়ণ ব'লে ধারণা ক'রে রেখেছিস্ ?

সহ। বাবা! আমাকে তিরস্কার করুন, তাতে কষ্ট নাই ; কিন্তু কৃষ্ণনিন্দা ক'রে পরকালের পথ নষ্ট ক'রবেন না। কৃষ্ণ যে কেন নন্দের বাধা বহন ক'রেছিলেন, তা কি আপনি জানেন না ? নন্দ—একজন পরম কৃষ্ণভক্ত, তাই সেই ভক্তবৎসল হরি, কৃষ্ণরূপে নন্দের বাধা বহন ক'রে, জগৎকে দেখালেন যে, আমি ইহকালেও যেমন ভক্তের বাধা বহন করি, আবার পরিণামেও তেমনি ভক্তের মুক্তি-পথের সকল বাধা-বিঘ্ন নিজেই বহন ক'রে, ভক্তকে মুক্তিধামে ল'রে যাই। আর যশোদার বন্ধন গ্রহণ ক'রে শমনকে দেখালেন যে, দেখ্ রে শমন! আমি স্বয়ং

শমন-দমনকারী হ'য়েও যখন যশোদার বন্ধন গ্রহণ ক'রলেন, তখন অন্তকালে তুই যেন এই যশোদাকে কখনও বন্ধন ক'রতে আসিস্ নে। যশোদাকে ভব-বন্ধন হ'তে মোচন করবার জন্মই, নিজেই তাঁর বন্ধন গ্রহণ ক'রোছিলেন। আর উচ্ছিষ্ট ভোজনের কথা ব'লছেন? পিতঃ! একবার ভেবে দেখুন দেখি, যিনি স্বয়ং পরব্রহ্ম নির্বিকার, তাঁর কাছে কি আর উচ্ছিষ্ট-অর্নুচ্ছিষ্ট ভেদ আছে? আর সেই ব্রহ্মের রাখালগণে, আর তাঁতে কি কোন প্রভেদ আছে? আমি শুনেছি যে, সেই গোলোকধামের শ্রীদাম আদি রাখালগণই, গোপাল সঙ্গে গোকুলে এসে উদয় হ'য়েছেন।

জরা। ( স্বগতঃ ) ওঃ—বৈর্যশাক্ত যে ক্রমেই শিথিল হ'য়ে আসছে। আর পুত্র ব'লে ক্ষমা করা যে দুঃসাধ্য হ'য়ে উঠল। ( প্রকাশ্যে ) শোন্ সহদেব! তুই কিছুতেই নিজের ভ্রম-সংশোধন ক'রে নিচ্ছিস্ না? তুই গোলোকের হরিতে, আর সেই পরদারাপহারী হরিতে সমজ্ঞান ক'রছিস্। কোন্ মূর্খ তোকে এ কথা শিক্ষা দিয়েছে? নন্দন-পারিজাতে আর নির্গন্ধ কিংশুকে যতদূর অন্তর, চন্দ্রমায় আর খড়োতে যতটা পার্থক্য, সেই বৈকুণ্ঠনাথ শ্রীনাথের সঙ্গে, আর তোর এই সামান্য গোপালপরিপুষ্ট নিকৃষ্টকর্মা কৃষ্ণের সঙ্গেও ততদূর ব্যবধান। না, না, তা হ'তেও অধিক; কেননা নির্গন্ধ কিংশুকে সৌরভ না থাকলেও সৌন্দর্য্য ত আছে? খড়োত, চন্দ্রতুল্য কিরণশালী না হ'লেও, তাতে কিছুমাত্র কিরণ ত আছে? কিন্তু তোর সেই নিগুণ কৃষ্ণের কোন গুণ বা কোন রূপই নাই, যা দ্বারা তার মনুষ্যত্বের অস্তিত্ব পর্য্যন্ত স্বীকার করা যেতে পারে।



সহ। বাবা! কৃষ্ণের যে কোন গুণ বা রূপ নাই, এ কথা জ্ঞানীমাত্রই স্বীকার করেন। তাঁর কোন গুণ নাই ব'লেই ত তিনি ত্রিগুণাতীত নিগুণ পুরুষ। তাঁর কোন রূপ নাই ব'লেই ত তিনি নিরাকার বিরাট আকাশ।

জরা। ভাল মূর্খ! তুই নিজেই ত ব'ল্ছিছ্ যে, তাঁর কোন রূপ নাই, তিনি নিরাকার। তবে নিকোঁধ কি ব'লে সেই সাকার কৃষ্ণকে ব্রহ্ম ব'লে বর্ণনা ক'র্ছিছ্ ?

সহ। কেন পিতঃ! তিনি যে আবার সর্বশক্তিমান, তাঁর কাছে কিছুই অসম্ভব হ'তে পারে না। তিনি কখন সাকাররূপে ভক্তের মনোরঞ্জন করেন, আবার কখনও নিরাকারভাবে যোগীহৃদয়ে মিলিত হন।

জরা। এ ভিন্ন আর কি উত্তর দেবে। (স্বগতঃ) কি ভ্রম, কি মহাব্রহ্মের মধ্যে সহদেব উপস্থিত! সহদেবের এ ভ্রম দূর করা ত সহজসাধ্য নয়। হায়! যে সহদেব আমার একমাত্র বংশধর, যার মুখের দিকে চেয়ে, যাকে যৌবরাজ্যে অভিষিক্ত ক'রে, আমি ভাবী বৃদ্ধজীবন পরমসুখে অতিপাত ক'র্ব ব'লে মনে মনে কল্পনা ক'রে রেখেছি; সেই পুত্র আজ কোন্ বিধি-চক্রে—জানি না, এমন অসার অপদার্থরূপে পরিণত হ'ল! যা হ'ক্ দেখি, চেষ্টা ক'রে দেখি, সহদেবের ভ্রমপূর্ণ সংস্কারগুলি দূর ক'রতে পারি কি না। বালকের চঞ্চল হৃদয়ের দুর্বলতা, হয় ত বিশেষরূপে বুঝিয়ে দিলে, দূর হ'তে পারে। (প্রকাশে) আচ্ছা সহদেব! যার নামগুলিতে পর্য্যস্ত ঘণিত অর্থ প্রকাশ পাচ্ছে, তাকে তুমি কোন্ বুদ্ধিতে ঈশ্বর ব'লে হির ক'রে রেখেছ? যার একটা নাম হ'ল “গোপাল”; “গো” শব্দের অর্থ

হ'ল দেখে, আর “পাল” শব্দের অর্থ হ'ল যে পালন ক'রে, তবেই দেখে, গোপাল শব্দের প্রকৃত অর্থ হ'ল,—“গো-রাখাল”। আর একটা নাম হ'ল “কেশব”; “ক” শব্দে জলকে বুঝায়, আর “শব” শব্দে মৃতদেহ। তবে কেশব শব্দের পরিষ্কার অর্থ হ'ল,—“জলমধ্যে ভাসমান শবদেহ”। জলে কোন্ শবদেহ ভাসমান হয়? যে শবদেহকে লোকে সংকার না ক'রে জলে নিক্ষেপ করে, যে মৃত-দেহের সংকার হয় না, তার মত মহাপাপী আর কে আছে? কৃষ্ণও একজন মহাপাপী, তাই পূর্বে হ'তে, কোন সূচতুর বুদ্ধিমান ব্যক্তি বুঝতে পেরে, পাপিষ্ঠকে কেশবনামে অভিহিত ক'রে রেখেছে। নিরক্ষর গোপকুমার আবার, ঐ নামকেই খুব উৎকৃষ্ট বলে, ধারণা ক'রে রেখেছে। আর একটা নাম হ'ল—“হরি”; তা হরি শব্দের সার্থকতার মধ্যে দেখতে পাই যে, গোপীগণের সতীত্ব-হরণ, পরগৃহ হ'তে নবনী-হরণ, এই সব হরণ-বিঘ্নায় বিশেষ পারদর্শী বলেই, তার “হরি” নাম হ'য়েছে। আর ঐ যে কৃষ্ণ কৃষ্ণ বলে, প্রাণ দিতে উত্তম হ'য়েছে, “কৃষ্ণ” শব্দের অর্থ কি জান? “কৃশ” ধাতুর অর্থ—কর্ষণ করা; যে কর্ষণ করে, তা এ-ত তার উপযুক্ত নামই হ'য়েছে; কারণ, তার জ্যেষ্ঠ-ভ্রাতার নাম সঙ্কর্ষণ হলধর। এর দ্বারাই প্রমাণ পাওয়া যাচ্ছে যে, কৃষ্ণ কেবল গোপালক রাখাল নয়, কৃষ্ণের মত মৃত্তিকাকর্ষণও ক'রে থাকে। এই ত সহদেব, তোমার কৃষ্ণের নামগুলির অর্থ।

সহ। (স্বগতঃ) কৃষ্ণ! কৃষ্ণ! আমার পিতার পাপ তুমি হরণ কর। শুনেছি, কৃষ্ণ-নিন্দা মহাপাপ; যে কৃষ্ণ-নিন্দা করে, তার আঁব

গতি হয় না ; তবে কি আমার পিতারও গতি হবে না ? তা না হ'লে তোমার এক নাম পাপহারী হরি হ'য়েছে কেন ?

জরা। ( স্বগতঃ ) সম্ভবতঃ, এইবার সহদেবের ভ্রম দূর হ'য়েছে, আর কৃষ্ণকে দেবতা ব'লে বিশ্বাস ক'রবে না। ( প্রকাশ্যে ) বৎস সহদেব ! চুপ্ ক'রে রইলে যে ? আমি তোমাকে তিরস্কার ক'রেছি ব'লে কি অভিমান হ'য়েছে ? প্রাণাধিক ! পিতামাতার নিকট পুত্র কি অমূল্য জিনিস, তা সেই পিতামাতা ভিন্ন অণ্ডে বুঝতে পারে না। এমন প্রাণাপেক্ষা প্রিয়তম পুত্রকে, জনক-জননী যখন তিরস্কার করেন, সে কেবল পুত্রের মঙ্গলের জন্য, অন্য কোন কারণ নাই। তাই ব'লছি সহদেব ! তোমার এই অলীক ভ্রমসংশোধনের জন্যই, তোমাকে আজ নির্দয়ের ছায়া তিরস্কার ক'রেছি। এখন আর ক'রবে না ; তোমার ভ্রম যখন দূর হ'য়েছে, তখন আর তিরস্কার ক'রবে না। এখন হ'তে আবার দ্বিগুণরূপে পিতৃস্নেহ উপভোগ ক'রবে।

সহ। বাবা ! আমি তোমার তিরস্কারে অভিমান করি নাই।

জরা। তবে কিসের জন্য দুঃখিত প্রাণাধিক ?

সহ। তোমার মুখে, কেবল কৃষ্ণ-নিন্দা শুনে আমার দুঃখ হ'য়েছে, আর ভয় হ'চ্ছে, পাছে এই পাপে তোমার কোন অমঙ্গল হয়।

জরা। হুঁ—আচ্ছা সহদেব ! যে নিন্দনীয়, তাকে নিন্দা না ক'রে, কিরূপে তার স্তুতিগান ক'রবে ? তার নামগুলির ব্যাখ্যা ত শুনলে।

সহ। বাবা ! যে সব অর্থ ক'রলে, ওসব নামের ত ওসব ঠিক অর্থ নয়।

জরা। ( স্বগতঃ ) কি আশ্চর্য্য ! আমি মনে ক'রেছি, সহদেব বুঝি

আমার কথা বিশ্বাস ক'রে কুসংস্কারগুলি দূর ক'রেছে ; এখন দেখছি তা নয়, আমার বাক্যের প্রতিবাদ করবার জন্য সম্পূর্ণ প্রস্তুত। পিতার বাক্যে পুত্র প্রতিবাদ ক'রবে, এ ত বড়ই ঘণা, বড়ই আক্ষেপের বিষয়। মনে ক'রেছিলাম যে, অন্ত কোনও কঠিন শাসন না ক'রে, কেবল মিষ্ট-কথায় তুষ্ট ক'রে, সহদেবের লমগুলি সংশোধন ক'রব, কিন্তু যেরূপ ভাব দেখছি, তাতে গুরুতর পীড়ন ব্যতীত কিছুতেই সহদেবকে সংশোধন করা যাবে না। ( প্রকাশে ) আচ্ছা, বল পণ্ডিত! তুই কি অর্থ জানিস্ বল।

সহ। পিতঃ! গো শব্দে পৃথিবী, সেই পৃথিবীকে যিনি পালন করেন তিনিই 'গোপাল।' আর প্রলয়কালে সব জলময় হ'য়ে যায় ; তখন সেই জলমধ্যে কেবল এক হরিই শব্দরূপে শয়ন ক'রে থাকেন, তাই সেই কৃষ্ণকে সবাই 'কেশব' বলে ডাকে ; আর যিনি সকলের পাপতাপ হরণ করেন, তাঁকেই 'হরি' বলে ; আর কৃষি শব্দের অর্থ 'সর্ক' এবং 'ন' শব্দের অর্থ 'আত্মা', যিনি সর্কজীবে আত্মারূপে বাস করেন, তিনিই কৃষ্ণ, কিম্বা 'ন' শব্দের অর্থ 'আদি', যিনি সর্কজীবের আদি, সেই অনাদিকেই কৃষ্ণ বলে।

মন্ত্রী। ( স্বগতঃ ) ধন্য রাজকুমার! তুমিই ধন্য। তোমার যে এতদূর জ্ঞান হ'য়েছে, তা জান্তেম না। আহা! বিষবৃক্ষ যে অমৃত-ফল ধারণ করে, তা আজ এই সহদেব দিয়েই পরীক্ষা করা গেল। দৈত্যবংশে যেমন গয়ামুর, প্রহ্লাদ প্রভৃতি মহাত্মগণ জন্মগ্রহণ ক'রে, অপবিত্র দৈত্যকুলকে পবিত্র ক'রেছিলেন ; মগধকুলেও তেমনি উজ্জল-রত্ন সহদেব জন্মগ্রহণ ক'রে, মগধকুলকে

উজ্জল ক'রেছে। কিন্তু হায়! মহারাজ এমন উজ্জলরত্ন লাভ ক'রেও, রত্ন চিন্তে পারলেন না। এমন অমূল্য রত্ন পেয়েও, তাকে যত্ন ক'রলেন না। তা না করবারই কথা। অন্ধের হস্তে মানিক পতিত হ'লে, সেই অন্ধ যেমন তাকে মানিক ব'লে জানতে পারে না, মহারাজও তেমনি ভ্রমাক্ষ, তাই বিষম ভ্রমে পতিত হ'য়ে, করস্থিত এমন হরিভক্ত-রত্নকে যত্ন না ক'রে অযত্নে নষ্ট ক'রতে উদ্যত হ'য়েছেন।

গীত

বিষম ভ্রমেতে অন্ধ জরাসন্ধ নরপতি ।

নইলে কেন অযতনে, রতনে হারাতে মতি ॥

অন্ধ কি বুঝিতে পারে,                      মানিকে কি গুণ ধরে,

বালকে চিন্তে নায়ে, পেয়ে করে গজমতি ॥

এমন কুমার কাথা আছে কৃষ্ণ-পরায়ণ

অধার মগধকূলে অলিছে যেন রতন,

এ রতন সূযতনে,                      মিলে গোলোক রতনে,

পেয়ে করে হেন ধনে, কে করে রে দুর্গতি ॥

জর! সহদেব! সহদেব! মতিচ্ছন্ন হ'য়েছে? নতুবা একরূপ কুমতি হবে কেন? ওঃ! ধৈর্যশক্তি ক্রমেই শিথিল হ'য়ে আস্ছে। ক্রোধ সীমা অতিক্রম ক'রেছে। আর পুত্র-স্নেহ হৃদয়ে স্থান পায় না। পুত্র অবাধ্য হ'লে, তাকে শাসন করবার জন্ত, স্নেহ-মমতা সব বিসর্জন দিতে হয়। অবাধ্য এবং মূর্খ পুত্র হ'লে, তার জন্ত পিতামাতাকে, পদে-পদে কষ্ট পেতে হয়। তার চেয়ে,—সেই জীবনান্ত-কাল যন্ত্রণা-ভোগ করবার চেয়ে, সে পুত্রকে বধ করাও শ্রেয়ঃ। সর্প-দষ্ট অঙ্গুলিকে তৎক্ষণাৎ কর্তন

না ক'বলে, শেষে সেই একটা অক্ষুণ্ণ জন্ম হয় ত, জীবন পর্য্যন্ত  
বিনষ্ট হ'তে পারে। তাই ব'লছি সহদেব! আর অধিকক্ষণ সহ  
ক'ব না। এখনও ব'লছি, আমাব পরমশত্রু কৃষ্ণনাম পরিত্যাগ  
কর, নতুবা মরণের জন্ম প্রস্তুত হও।

সহ।

কৃষ্ণ ধ্যান, কৃষ্ণ জ্ঞান, কৃষ্ণ প্রাণাধার,  
কৃষ্ণ নাম বিনে পিতা কি বলিব আর।  
কৃষ্ণ-পাদ মন প্রাণ ক'বেছি অর্পণ,  
কেমনে সে কৃষ্ণ-পাদ ভুলিব বাণে।  
কৃষ্ণ নামে প্রাণ গেলে কিছু কষ্ট নাট,  
মাবিলেও কৃষ্ণে যেন নাতি ভুলে বাই।  
বধ কর পিতা তব কুগলান মোরে,  
ডাকি আমি কৃষ্ণ কৃষ্ণ ব'লে উচ্চৈঃস্বরে।  
ত্রিভঙ্গ-বঙ্কিম-ঠাম নীবদববণ,  
দেখিতে দেখিতে আমি মুদিব নয়ন।

গীত

কৃষ্ণনাম বিনে পিতা, বল তার কি ন'ম লব।  
কৃষ্ণ মাতা, কৃষ্ণ পিতা, কৃষ্ণ লাতা, কৃষ্ণ সব ॥  
মরণের ভয়ে পিতা, ভুলিব কি কৃষ্ণ কথা,  
মরণে না পাব ব্যথা, মরিলে গোলোকে যাব দ  
বধ পিতা বধ মোরে ডাকি আমি সকাতরে,  
কোথা কৃষ্ণ গাছ ব'লে ছ'বাহু তুলে,  
নিরুপম অ'রাপ, ত্রিভঙ্গ বঙ্কিম বাপ,  
নবীন সাহন রূপ দেখিয়ে অ'খি মুদিব ॥

জয়া। ( সক্রোধে ) দূর হ' কুলাঙ্গার। ( ভূমিতে নিক্ষেপ )



জরা । দোষ ? গুরুতর দোষ , সে দোষের ক্ষমা নাই । আমার  
বাক্য-লজ্বল কবাই ওর পক্ষে গুরুতর দোষ ।

প্রাপ্তি । বাবা ! সহদেব যে এখনও বালক ।

জরা । তুমি বালক দেখছ, কিন্তু তর্ক ক'বতে যে বুদ্ধ অপেক্ষাও শ্রেষ্ঠ ।

প্রাপ্তি । পিতঃ ! সহদেবকে ক্ষমা কর । ঐ দেখ সহদেবের কোমল  
অঙ্গ ধূলার প'ড়ে গড়াগড়ি যাচ্ছে । ( সহদেবের প্রতি ) ভাই !  
ভাই ! উঠ, আব কেঁদ না ( সহদেবকে উত্তোলন ) ; পিতঃ  
সহদেবকে কোলে কর ।

জরা । কাকে ? সহদেবকে ? আবাব কোলে ? অমন নরাধম পুত্রকে  
আবাব কোলে ?

প্রাপ্তি । পিতঃ ! এইবার সহদেবকে ক্ষমা কর ; আব সহদেব কোনও  
দোষ ক'রবে না ।

জরা । প্রাপ্তি ! অনেক ক্ষমা ক'বেছি ! পুত্র ব'লে, বালক ব'লে,  
অনেক ক্ষমা ক'বেছি ; পুত্র-স্নেহে মুগ্ধ হ'য়ে, অনেক সহ ক'বেছি ;  
কিন্তু হতভাগ্য বিড়তেই আমার কথা গ্রাহ্য ক'রলে না । এখন  
আর সে স্নেহ, সে মমতা কিছুই নাই ; বরং ঐ কুলাস্রাবের মুগ্ধ  
দেখে, 'আবও ক্রোধের দাবানল হ'চ্ছে ।

প্রাপ্তি । কেন ভাই ! তুমি বাবাব কথা গ্রাহ্য ক'রলে না ?

সহ । দিদি ! কৃষ্ণনাম নিলে কি দোষ হয় ?

জরা । শুনলে প্রাপ্তি ! এখনও বর্ষের সেই নাম ক'রছে ।

সহ । পিতঃ !

কৃষ্ণ নামে প্রাণ বাদে কৃষ্ণ-নাম নেব,

প্রাণ রাখা কৃষ্ণ-পদে কেমনে ভুলিব ?

জরা । ( সক্রোধে ) কে আছে বে ?



জনৈক প্রহরীর প্রবেশ

প্রহ। কি আজ্ঞা মহাবাজ !

ডরা। প্রহরি ! তুই এই—

প্রাপ্তি। ( সরোদনে ) বাবা ! বাবা ! আমি তোমাব পায়ে ধরি,  
সহদেবকে ক্ষমা কব। ( পদধারণ )

ডরা। প্রাপ্তি ! তুমি আমার পদদ্বয় পবিত্যাগ ক'রে অস্ত্রপুরে যাও ।  
আমি কোনকপেই ও কুলাঙ্গারকে ক্ষমা ক'ব না ।

প্রাপ্তি। ( পদদ্বয় পবিত্যাগ করিয়া ) বাবা ! তুমি সহদেবকে ক্ষমা না  
ক'লে, আমিও অস্ত্রপুরে যাব না ।

ডরা। তবে দাঁড়িয়ে দেখ । ( প্রহরীর প্রতি ) প্রহরি ! তুই এখনই  
আমার সম্মুখে, এই হতভাগ্যকে সজোবে বেত্রাঘাত কর ।

প্রহ। ( সভয়ে ) আজ্ঞে মহাবাজ ! রাজকুমারকে কেমন ক'রে  
বেত্রাঘাত ক'ব ?

ডরা। ও আর এখন রাজকুমার নয়, ও এখন বাজকুলের অঙ্গার ।

প্রাপ্তি। দোহাই পিতঃ ! রক্ষা কর, রক্ষা কব । সহদেবের অঙ্গে ও  
নিদারুণ বেত্রাঘাত সহ হবে না !

ডরা। কি যত্নে প্রাপ্তি ! তুমি এখনই এখান হ'তে প্রস্থান কর ;  
রাজসভায় তোমার আসবার অধিকার নাই ।

প্রাপ্তি। পিতঃ ! দিদি অস্ত্র রণসাজে সেজে যুদ্ধে যেতে পারে,  
আর আমি এই রাজসভায় এলেই কি এত দোষ ? তা আমার  
যে দোষ হয়, তার জন্য আমার যদি ক্ষমা না কর, তবে যে দণ্ড  
হয় সেই দণ্ড দিও, কিন্তু সহদেবকে বেত্রাঘাত ক'রতে আদেশ  
ক'র না ।

মন্ত্রী । মহারাজ ! এই বৃদ্ধ মন্ত্রীর একটি কথা রাখুন । রাজকুমার নিতান্ত শিশু, অমন শিশুর প্রতি ওরূপ কঠিন দণ্ডবিধান না ক'রে, অল্প কোন সামান্য দণ্ড দান করুন । এই আমার প্রার্থনা ।

জরা । শোন মন্ত্রী ! এ রাজ্যশাসন নয় যে, তোমাদের সব মন্ত্রণা শুনে কাজ ক'রতে হবে । আমার পুত্রকে আমি যেরূপ সুবিধা মনে, করি, সেইরূপে শাসন ক'রব । এ সব শাসনোও যদি কোন ফল না পাই, তা হ'লে ঐ নরাধম পুত্রকে, আমি চরম দণ্ডে দণ্ডিত ক'রতেও বিন্দুমাত্র বিচলিত হব না । কর্তব্যের জন্ত আমি সমস্ত ক'রতে পারি । তাই ব'লছি, তোমরা বিনা বাক্যব্যয়ে, আপন আপন স্থানে উপবেশন ক'রে, আপন আপন কাজ দেখ, রণা আমাকে বিরক্ত ক'র না ।

মন্ত্রী । ( স্বগতঃ ) না, এ নরাধম পিশাচের অস্তঃকরণে বিন্দুমাত্রও স্নেহ নাই । হা কৃষ্ণ ! এই তোমার মনে ছিল ? একবার চেয়ে দেখ, তোমার ভক্ত শিশু সহদেব তোমার নাম উচ্চারণ ক'রে, আজ কি বিপদেই পতিত হ'ল ! ভক্তবৎসল ! ভক্তকে রক্ষা ক'রে ভক্তবৎসল নামের গুণ দেখাও । লীলাময় ! তোমার উদ্দেশ্য কি তা জানি না, কিন্তু এ দৃশ্য যে আর দেখা যায় না ।

জরা । প্রহরি ! বলি এখনও যন্ত্রপুতালিকার মত স্থির হ'য়ে দাঁড়িয়ে রইলি যে ? মৃত্যুভয় নাই বুঝি ?

প্রহরী । রাজ-আজ্ঞা শিরোধার্য্য ।

( সহদেবকে বেত্রাঘাত করিতে বেত্র উত্তোলন এবং প্রাপ্তির

সহদেবের সঙ্খুখে দাঁড়াইয়া বাধা প্রদান )

( নেপথ্য হইতে পাগলিনীর "হা-হা" রবে অট্টহাস্যকরণ )

জরা। ( চতুর্দিক নিরীক্ষণ পূর্বক ) কে রে ? অন্তরাল হ'তে ওরূপ  
অট্টহাস্য ক'রছে ?

হাসিতে হাসিতে পাগলিনীর প্রবেশ

পাগলী। আমি গো ! আমি। ( হি, হি, হি, )

জরা। কে তুই ?

পাগলী। আমি পাগলী-মা।

জরা। তোর এখানে আসবার প্রয়োজন ?

পাগলী। আমার প্রয়োজন নয় ত, কার প্রয়োজন ? আমার ছেলেকে  
মারবার আয়োজন ক'রে নিয়েছ, আমি বুঝি তা' দেখব না।  
( হি, হি, হি, )

বিদু। মহারাজ ! ঐ সেই পাগলী, ঐ বেটাই রাজকুমারের মাথাটা  
খেয়েছে। ওকেই আগে বেত্রাঘাত ক'রতে বলুন।

পাগলী। মার রাজা মার মোরে,  
কিন্তু, রাগ ক'র না ছেলের' পরে।  
অমন চাঁদের মত কচি ছেলে,  
চাঁদের তলে আর না মেলে।

জরা। প্রহরি ! কৈ বেত্রাঘাত করার ক্ষান্ত হ'লি যে ?

( প্রহরী সহদেবকে বেত্রাঘাতকরণ ও পাগলিনীর হস্তদ্বারা রক্ষণ )

সহ। পাগলী-মা ! দিদি ! তোমরা স'য়ে যাও। পিতা আমাকে  
বেত্রাঘাত ক'রতে আদেশ দিয়েছেন, আমি সেই আঘাত সহ  
করি। আমার জন্ত তোমরা কেন কষ্ট পাবে ?

জরা। প্রহরি ! আগে তুই ঐ পাগলিনীকে রক্ষন কর। আর প্রাপ্তি !  
তুমি ওই হতভাগ্যের সম্মুখ হ'তে প্রস্থান কর।

প্রাপ্তি । পিতঃ । পাগলী-মাকে বাঁধতে নিষেধ করুন ; বিনা দোষে  
 দুঃখিনীকে দণ্ড দেবেন না । রমণীকে বন্ধন ক'রে পাপের স্রোত  
 বৃদ্ধি ক'রবেন না ।

জরা । দূর হও হতভাগিনী ! আমাকে তোমার সে উপদেশ দিতে  
 হবে না ।

( প্রহরীর পাগলিনীকে বন্ধন করিবার উপক্রম )

সহ । পিতঃ ! পাগলি-মাকে না বেঁধে আমাকে বাঁধতে বলুন ।

জরা । নিরস্ত হ দুর্ভাগ ! তোকেও বন্ধন ক'রবে ।

পাগলী । বাঁধ রে বাঁধ আমায় দ্বারি !

( আমি ) বাঁধার জ্বালা সহিতে পারি ।

কিন্তু আমার ছেলের গায়ে,  
 হাত দিবি ত ঠেকবি দায়ে ।

( তাদের ) রাজায় আমি ভয় করিনে,  
 রাজা রাজড়ার ধার ধারিনে ।  
 এই দিলাম হাত পেতে তোরে,  
 বাঁধ্ আমারে শক্ত ক'রে ॥

( প্রহরীকর্তৃক বন্ধন )

জরা । এখন ঐ নরাধমকে প্রহার কর ।

( সহদেবকে প্রহার করিতে প্রহরীর বেত্র উত্তোলন—তৎক্ষণাৎ

পাগলিনীর নিজ বন্ধন মোচন করিয়া হস্তদ্বারা

বেত্রাঘাতে বাধাপ্রদান )

জরা । ( স্বগতঃ ) কি আশ্চর্য্য ! অমন দৃঢ়-বন্ধন পলকমধ্যে ছিন্ন ক'রলে ?  
 কুহকিনী নিভাতুই কোন যাদুবিদ্যা জানে । ঐ যাদুবলেই ডাকিনী  
 আমার পুত্রকে মুক্ত ক'রে ফেলেছে ।

পাগলী ।

( সহদেবকে কোলে করিয়া )

ভয় কি বাবা ! ভয় কি তোমার,

হরি নাম কর সার ।

হরিনামে বিপদ যায়,

হরিনামে কাল পলায় ।

যতই বিপদ হ'ক না কেন,

হারনাম ভুল না যেন ।

কেবল দুই বাছ তুলে,

ডেকে হরি হরি ব'লে ।

দয়া ক'রবেন দয়াল হরি,

বল বাবা ! হবি হরি ।

সহ । হবি-বল, হরি-বল, হরি-বল ।

ভবা । প্রহবি ! প্রহরি !

শশবাস্তে একজন দূতের প্রবেশ

দূত । মহারাজ ! মহারাণী ধারদেশে উপস্থিত । মহারাজের অনুমতি  
হ'লে, এখানে আগমন কবেন ।

ভবা । ওঃ, কি বিষম উৎপাত ! সব দিক হ'তে যেন আমাকে  
ব্যতিব্যস্ত ক'রে তুলেছে । দূত ! তুই নীত্র গিয়ে বল যে, আমি  
সত্বর অন্তঃপুরে যাচ্ছি । সাবধান, দেখিস্ যেন রাজ্ঞী রাজসভায়  
প্রবেশ না করে ।

দূত । যে আজ্ঞা ।

( প্রস্থান )

ভবা । প্রহরি ! আমি চ'ল্লেম্ । তুই এই নরান্নমের হস্তপদ দৃঢ়রূপে  
শৃঙ্খলাবদ্ধ ক'রে, অন্ধকারময় কারাগারে রক্ষা করগে ; এবং

যতদিন না বর্ষের কৃষ্ণনাম পরিত্যাগ ক'রবে, ততদিন কঠিন প্রস্তর দ্বারা বক্ষঃস্থল পীড়ন ক'রবি। দেখিস্, যেন আমার আজ্ঞা পালন ক'রতে অন্তথা করিস্ না। আর ঐ কুহকিনীর মুণ্ড এখনই অস্ত্রাঘাতে ছিন্ন কর। আমি চ'ল্লেম। (সহদেবের প্রতি কোপদৃষ্টিতে চাহিয়া)

ভুঞ্জ নিজ কৰ্মফল বর্ষের সন্তান।

(প্রস্থান)

### গীত

নিজ, কৰ্ম-ফল লভ কুসন্তান।

তব, কারাগারে, অন্ধকারে, অনাহারে যাবে শ্রাণ,

নিতান্ত কৃতান্ত তোরে ক'রেছে আহ্বান ॥

পুত্র হ'য়ে শত্রু-ভাব এমন, মিত্র নহ তুমি শত্রু এখন,

দিছি মমতা স্থিরতা ধীরতা বিসর্জন,

কৃষ্ণনাম না ত্যজিলে নাহি পরিত্রাণ ॥

মন্ত্রী। না, এ পাপদৃশ্য আর দেখা যায় না। অথচ কোনও প্রতীকার করবারও ক্ষমতা নাই। তার চেয়ে এখান হ'তে প্রস্থান করি, আর এ পাপরাজ্যে মুহূর্তও থাকব না। বুঝ্লেম, এতদিনে এ মগধ-রাজ্য সত্য সত্যই শ্মশানে পরিণত হবে। রাজকুমার! আর কি ক'রব। আমি তোমার কোনও উপকার ক'রতে পার্লেম না, তাই চ'ল্লেম; জন্মের মত এ মগধ-রাজ্য ত্যাগ ক'রে চ'ল্লেম। আশীর্বাদ করি, তুমি যেন সেই গোলোকবিহারী শ্রীহরির কৃপায়, এই বন্ধন হ'তে শীঘ্রই মুক্তিলাভ কর। চিন্তা কি বৎস! তুমি একমনে সেই ভববন্ধনমোচনকারী পদ্মপলাশ-লোচন হরিকে ডাক, তা হ'লেই তোমার বন্ধন মোচন হবে।

আর মা প্রাপ্তি ! ভেব না মা ! সহদেবের জন্ত ভেব না । কৃষ্ণ-  
ভক্তের কি কখনও বিপদ আছে ? ভক্তকে রক্ষা করবার জন্তই,  
হরি কৃষ্ণরূপে জন্মগ্রহণ ক'রেছেন । তাই ব'লছি মা ! কেঁদ না ।  
আর পাগলিনী ! মা ! তুমি কে ? কি জন্ত এ পাপ-পুরীতে প্রাণ  
দিতে এসেছিলে ? উপায় নাই মা ! রক্ষা ক'রতে পারলেম না,  
এখন বিদায় হ'লেম । হরি-বল, হরি-বল ।

( প্রস্থান )

বিদু । ( স্বগতঃ ) মন্ত্রী মহাশয় ত দেখছি, একেবারে রাজ্যই ছাড়লেন ।  
আমি আর কোথায় যাব, এ উদরদেবের পূজা ত আর যেখানে  
সেখানে গেলে হবে না ; কাজেই আমার আর গতি নাই ।  
এদিকে রাজার ঘেমন খামখেয়ালি হ'য়ে দাঁড়িয়েছে, তাতে কবে যে  
কি হয়, তাও বলা যায় না । যা হ'ক, এখন এ বাঁধাবাঁধি  
কাটাকাটির মধ্যে থেকে স'রে পড়ি ।

( প্রস্থান )

প্রহ । আয় রে বেটি ! আয়, তোর পাগলামীটা ছুটিয়ে দি ।

সহ । প্রহরি ! সাবধান, তুমি আমার পাগলী-মাকে কেট না ।

প্রহ । মহারাজের হুকুম, কি ক'রব । আর রাজকুমার ! তোমাকেই  
যখন শিকলি প'রে কারাগারে যেতে হবে, তখন আর তোমার  
কথাই বা কে শোনে ।

প্রাপ্তি । প্রহরি ! রমণীকে বধ ক'রলে যে তোর নরকেও স্থান  
হবে না ।

প্রহ । না হয়, নেই নেই, তা ব'লে মহারাজের আদেশ অমান্য ক'রে  
প্রাণ হারাতে কে যায় ?

প্রাপ্তি । ( সরোদনে ) শেষে এই হ'ল ! আমাদের জন্ত পাগলী-মারও

প্রাণ গেল। পাগলী-মা। তুমি কেন এই পাপ-পুত্রীতে এগে-  
ছিলে? এ পাপ-পুত্রীতে পাপের ভয় নাই; নরকেব ভয় নাই।  
এ বাস্কসেব পুত্রী- এ পুত্রীতে দয়া মায়া কিছুই নাই।

পাগলী। কেন ভাবছিলাম আমার তবে,  
আমায় কি কেউ কাটতে পারে! হি, হি, হি!

প্রহ। এই দেখ্ কাটতে পারি কি না।

( হস্ত উত্তোলন )

পাগলী। ( সবিস্ময় গিয়া অট্টহাস্য করিতে করিতে পশ্চাৎ দিক হইতে  
অস্ত্রগ্রহণ এবং প্রহরীর কণ্ঠ ধবিয়া )

এখন দেখ্ দেখি, কে কাটে কাবে,  
এইবার আমি কাটি তোরে ?

( অস্ত্র উত্তোলন )

প্রহ। ( সভয়ে ) এঁা এঁা

পাগলী। আচ্ছা, দিলাম ছেড়ে দয়া ক'রে,  
আর কাটতে আস্বি মোবে ?

( কণ্ঠ পবিত্যাগ )

প্রহ। ( স্বগতঃ ) তাই ত বে, একটা পাগলী-বেটী গায়ে এত জোব!  
বাঁ-হাতখানা দিয়ে ঘাড়টা ধ'বেছে, বোধ হ'ল যেন দশ-মণ  
পাথর আমার ঘাড়ে চাপা দিয়েছে। বাপ বে বাপ! ঘাড়টা  
যেন ভেঙ্গে গেছে।

পাগলী। ( স্বগতঃ ) যাই, এখন এখান হ'তে যাই, আমি থাকতে ত  
সহদেবকে বন্ধন ক'রতে পারবে না। সহদেবকে বন্ধন না  
ক'রলেও, এদের অবশিষ্ট পাপটুকু পূর্ণ হ'চ্ছে না; এবং  
সহদেবেরও কৃষ্ণ-ভক্তি কতদূর, তারও পরীক্ষা করা হ'চ্ছে না।



কেননা, সম্পদে থেকে সকলেই হরিকে ডাকে, কিন্তু যে বিষম  
বিপদে পড়েও হরিনাম পরিত্যাগ করে না, সেই প্রকৃত ভক্ত।  
তাই দেখ্‌ব, সহদেবের ভক্তি কতদূর উন্নতিলাভ ক'রেছে।  
( প্রকাশ্যে )

বাবা প্রাণ খুলে হরি-বল,  
পাগলী-মা তোর বিদায় হ'ল।

( প্রস্থান )

প্রহ। ( স্বগতঃ ) এঁা পাগলীটা দেখতে দেখতে পালাল! মহারাজ  
শুনলে যে, আমার প্রাণও রাখবেন না। এখন উপায়! না হয়  
এক কাজ ক'রব, মহারাজকে গিয়ে ব'লব যে, আমি পাগলীকে  
বেঁধে বেঁধে, খাঁড়া আন্তে গিয়েছিলেম, এই কাঁকে রাজকুমার  
আব রাজকুমারী এরা দু'জনে মিলে, পাগলীর বাঁধন খুলে দিয়েছে ;  
আমি গিয়ে দেখি যে, পাগলী পালিয়ে গেছে। এই খাঁটি-বুদ্ধি বের  
ক'রেছি, হয় তো এই কথায় রাজকুমারীরও কিছু হ'য়ে যাবে।  
( প্রকাশ্যে ) এখন এস রাজকুমার! তোমাকে বেঁধে কারাগারে  
নিয়ে যাই।

সহ। বাঁধবে বাঁধ, কাটবে কাট, যা ইচ্ছে হয় কর।

( প্রহরী কর্তৃক সহদেবের বন্ধন )

প্রাপ্তি। প্রহরি! আমি তোকে মিনতি ক'রে ব'লছি, অত শক্ত  
ক'রে বাঁধিসনে। বলি, তোর অন্তরে কি একটু মমতাও  
নাই রে? একবার চেয়ে দেখ্‌ দেখি, তোদের বড় আদরের  
রাজকুমারের মুখের দিকে একবার চেয়ে দেখ্‌ দেখি। ওরে!  
ও মুখ দেখলে, পাষণ পর্যন্ত গ'লে যায় রে! তোর হৃদয় কি  
পাষণ হ'তেও কঠিন? ওরে! কাল যারে রাজকুমার ব'লে

কোলে ক'রেছি, আজ আবার তारे কোন্ প্রাণে বন্ধন  
ক'রছি? শ্রহরি! তোরে বিনয় ক'রে ব'লছি, রাজকুমারকে  
ছেড়ে দে ।

## গীত

তোরে বিনয় করি, শোন্‌রে শ্রহরি ছেড়ে দে রে বলি রাজকুমারে ।

দারুণ বন্ধন ক'রে দে ছেদন,

কোমল করে বেদন, সহিতে কি পারে ॥

সতত রে যারে রাজপুত্র ব'লে, কতই আদরে রু-রতিস্‌ নিত্য কোলে,

কঠিন বন্ধনে বল না কেমনে,

বাধিলি কোন্ প্রাণে, আজি রে তারে ॥

হেরিলে রে যার বিরস-বদন, শত্রুর হৃদয়ে হয় রে বেদন,

তার নয়নের জল, ঝরে অবিরল

দেখে তোর কি বল প্রাণ, কাঁদে না রে ॥

সহ । কেন দিদি কাঁদে? আমার বেঁধেছে ব'লে কাঁদে? আমার  
ত কষ্ট হ'চ্ছে না । আমাকে যদি আজ মেরেও ফেলে, তাতেও  
আমার কোন কষ্ট হবে না । যে পুত্রকে আপন পিতা পর্যাঙ্ক  
ত্যাগ ক'রলেন, যাকে কত আদর ক'রে পিতা কোলে ক'রেছেন,  
তাকে নিজেই যখন আবার পদাঘাত ক'রলেন, তখন আর তার  
জীবনধারণে ফল কি? দিদি! অশীর্ষাদ কর, যেন আমার  
কারাগারে গিয়েই মৃত্যু হয় । আর মরণকালে যেন আমার  
পদ্মপলাশলোচন হরির দেখা পাই । জীবন থাকতে ত আর দেখা  
পেলাম না ; এখন মরণকালে যদি পাই ।

প্রাপ্তি । ভাই! ভাই! আমি যে এক তোমার মুখ দেখেই এ  
সংসারে ছিলাম । আজ হ'তে আমি আর কার মুখ দেখব? আর  
কার কোলে ক'রে প্রাণ জুড়াব? আর কে আমাকে তোমার

মত দিদি ব'লে ডাকবে ? ভাই রে ! আজ কেমন ক'রে গিয়ে ব'লবে যে, মা ! তোমার সাধের সহদেব আজ বন্ধন-যন্ত্রণায় ছটফট ক'রছে । ভাই রে ! মা শুনলে যে সহদেব সহদেব ক'রে প্রাণত্যাগ ক'রবেন ।

সহ । দিদি ! মাকে ব'ল যে, মা যেন আমার জন্তু কাঁদেন না । এমন কুসন্তানের জন্তু কাঁদতে নাই ; যে মা আমাকে গর্তে ধ'রে কত কষ্ট সহ্য ক'রেছেন, যার স্তনদুগ্ধ পান ক'রে জীবনধারণ ক'রেছি, হায় ! আমি এমনই নরাধম যে, সেই স্নেহময়ী মায়ের একধার দুধের ধারণও শুধুতে পারলেম না । কেবল কাঁদার জন্তুই সংসারে এসেছিলাম । দিদি ! মনে কত সাধ ছিল, আমার সে কোন সাধই পূর্ণ হ'ল না । মনের আশা মনেই মিশে গেল, মেল উঠতে না উঠতেই প্রবল ঝড়ে সে মেঘ উড়িয়ে দিলে । দিদি ! চ'ল্লেম,—কারাগারে চ'ল্লেম ; কিন্তু মনে বড় দুঃখ রইল যে, কারাগারে ষাবার সময়ে, মাকে একবার দেখে যেতে পারলেম না । অমন মায়ের কোলে একবার উঠতে পেলাম না, আর প্রাণ ভ'রে মাকে মা ব'লে ডাকতে পেলাম না । দিদি ! এ কষ্ট যে আমার ম'লেও যাবে না । আর পাগলী-মার সঙ্গে দেখা হ'লে ব'ল যে, পাগলী-মা যেন আর আমাদের বাড়ী আসে না, তা হ'লে বাবা কেটে ফেলবেন । দিদি ! কেঁদ না, কেঁদ না, এই হতভাগ্য ভাইয়ের জন্তু কেঁদ না । আমার জন্তু যে কাঁদে, তাকেও কষ্ট পেতে হয় । তুমিও আর এখানে থেক না, এ পাপরাজ্য ছেড়ে চ'লে যাও ।

প্রাপ্তি । কোথায় যাব ভাই ! এ হতভাগিনীর কি আর ষাবার যায়গা আছে ? কার কাছে গিয়ে দাঁড়াব ভাই ? যার কাছে দাঁড়াবার

জুড়াবাব স্থান ছিল, সে যখন আমার ফেলে গিয়েছে, তখন  
আব কোথায় যাব? এক যমালয় ভিন্ন যে আব আমার স্থান  
নাই।

প্রহ। বলি বাজুকুমার। আব কেন, এখন এস।

সহ। না প্রহবি। আব বিলম্ব কবিস্ নে, আমাকে কোথায় নিয়ে  
যাবি, নিয়ে চল। না হয় এক কাজ কব্, আমাকে এখনই বধ  
ক'বে ফে-া, তা হ'লে বাবা আরও খুসী হবেন। আমারও  
মনঃসাধ পূর্ণ হবে।

প্রাপ্তি। ভাই! ভাই! অমন কথা ব'ল না; তা হ'লে আমি এখনই  
তোমার সম্বন্ধ এ প্রাণ ত্যাগ ক'বব। ভয় কি ভাই! সেই  
দীনের দয়াল, কাজালেব বন্ধু হবিকে ডাক, তিনিই তোমার  
সকল দুঃখ দূব ক'ববেন। ভাই বে! ক্ষুধা তৃষ্ণায় কাতব হ'লে  
সেই পীতবসনকে স্মরণ ক'ব, তিনিই এসে তোমার ক্ষুধা তৃষ্ণা দূব  
ক'ববেন। যিনি প্রহ্লাদকে সকল বিপদ হ'তে রক্ষা ক'রেছিলেন,  
যিনি প্রবকে বনের মধ্যে রক্ষা ক'রেছিলেন, তিনিই তোমাকে  
বক্ষা ক'ববেন। ভয় কি ভাই! একমনে কেবল কৃষ্ণ কৃষ্ণ  
ব'লে ডাক।

সহ। দিদি! আমি এ নিয়তই কেবল মনে মনে সেই পদ্মপলাশ-  
লোচন ব্রহ্মক ডাকছি, কিন্তু কৈ, আমার প্রতি ত তাঁব দয়া  
হ'ল না? আমার প্রতি হবি কৃপা ক'বলেন না। নইলে ষাঁব  
নামে জীবব ভব-বন্ধন মোচন হয়, আজ তাঁব নাম ক'বে,  
আমাকে বন্ধন-যাতনা ভোগ ক'বতে হ'ল! দিদি! সব দুঃখই  
সহ হবে, কিন্তু আমার গুণ যে, সেই দয়াল হরির দয়াময় নামে  
কলঙ্ক হবে, এ কলঙ্ক আমি যে সহ ক'বতে পারব না! দিদি!

প্রহ্লাদ, ক্রব তাঁকে ভক্তি-ডোরে বেঁধেছিল ; তাই তিনি দয়া ক'রে, তাদের সকল দুঃখ দূর ক'রেছিলেন । কিন্তু আমার যে সে ভক্তি-ডোর নাই দিদি !

প্রাপ্তি । ভাই ! তোমার যদি ভক্তি না থাকে, তবে আর কার আছে ? তোমায় তিনি দেখা দেবেন । বিপদ-বিনাশন তোমার সকল বিপদ বিনাশ ক'রবেন । তুমি তাঁকে ডাকতে ভুল না । শুনেছি, তিনি বিপদে ফেলে ভক্তকে পরীক্ষা করেন ; তাই ব'লছি, দেখ ভাই ! এই মহাপরীক্ষার সময়ে যেন তাঁকে ভুলে থেক না ।

( করযোড়ে ক্রবের প্রতি উদ্দেশে )

গীত

দয়া কর হে দীনে দয়াল শ্রীহরি ।

বন্ধন-জালায় জ্বলে মরি,

দুখ-নীরে, আজ ভাসি আমি, হরি দেহি তব পদ-তরী ॥

বিপদভঞ্জন মানস-মোহন, ভক্ত-রঞ্জন কোথা নারায়ণ,

বিপদ-নময়, হও হে সদয়, হও না নিদয় মুরারি ॥

কাম্বালেয়ে যদি দয়া না করিবে, দয়াল নামে তব কলঙ্ক রহিবে,

জগত সংসার, বালবে না আর, দয়াল আধার হরি ॥

প্রহ । নেও, আর বিলম্ব ক'রতে পারি নে, এখন শীঘ্র এস রাজকুমার !

সহ । আর কেন প্রহরি ! আর আমাকে রাজকুমার ব'লে সম্বোধন কেন ? এ কুলাঙ্গার সহদেব এখন তোমাদের বন্দী, বন্দীকে আর রাজকুমার ব'লে ডেক না । চল এখন যাই । ( প্রাপ্তির প্রতি ) যাও দিদি ! যাও । আমি চ'ল্লেম, জন্মের মত চ'ল্লেম, আর দেখা হবে না । আমার ভুলে যাও, আর আমার জন্ত

ছঃখ ক'র না। ( যাইতে যাইতে সুরে ) হরি-বল, হরি-বল,  
হরি-বল।

( প্রস্থান )

প্রাপ্তি। ভায়! আর কেন? প্রাণ! আর তুই কার জন্ম সংসারে  
থাকতে চান? সবই ফুরাল। সমুদ্র-মগ্ন হ'য়ে যে তৃণগাছি  
আশ্রয় পেয়েছিলেন, তাও চ'লে গেল। সেই স্বপ্ন দেখে অবধি  
না তারাকেও কত ডাকলেম, তাঁরও কৃপা হ'ল না। যার  
অদৃষ্ট মন্দ, তার প্রতি কেহই কৃপা করে না।

বেগে পাগলিনীর প্রবেশ

পাগলী। আয় মা! আয়, আমার সঙ্গে যাবি আয়।

( প্রাপ্তির কণ্ঠ-ধারণপূর্বক প্রস্থান )

## পঞ্চম অঙ্ক

[ মথুরা ]

রাখালবেশে কৃষ্ণ, তৎসহ বলরাম ও

উদ্ধবের প্রবেশ

বল । আহা ! অনেক দিন ভায়াকে রাখালের সাজে সাজতে দেখি নাই ।  
উদ্ধব ! আজ তোমার জন্মই পুনরায় কৃষ্ণকে ব্রজের সাজে সজ্জিত  
দেখে প্রীত হ'লেম । হায় ! মনে পড়ে, মা যশোদা, নিত্য নিত্য  
উষাকালে, কৃষ্ণকে এইরূপ ধড়া চূড়া পরিয়ে দিতেন, আর  
করতালি দিয়ে বনমালীকে নাচাতেন । আর অমনি রাখালগণ  
ধেনু-বৎস সঙ্গে “কানাই, কানাই” বলে, দ্বারে এসে উপস্থিত হ'ত,  
আমরাও তখন দুই ভাই সেই সঙ্গে সঙ্গে গোষ্ঠে চ'লে যেতাম ।  
আজ ভায়ার এই ব্রজের বেশ দেখে সেই বহুদিনের স্মৃতি একটা  
একটা ক'রে, আমার মনের মধ্যে জেগে উঠছে । উদ্ধব ! কৃষ্ণের  
রাজবেশ অপেক্ষা বৃন্দাবনের বেশই যেন প্রাণমনের অধিক  
তৃপ্তি-জনক ।

উদ্ধব । তা ত হবারই কথা, ও রাখাল-বেশ যে ভক্তগণের প্রাণের  
বেশ । ভক্তগণ যখন কৃষ্ণকে প্রাণের সহিত চিন্তা করেন,

তখন সখার ঐ দ্বিভুজ, মুরলীধারী, বনমালা-পরিশোভিত, পীত-বসন-বেষ্টিত ঐ ত্রিভঙ্গ-বক্ষিম রূপকেই চিন্তা করেন ; অল্প রূপ ভক্ত-হৃদয়ে স্থান পায় না। তা ভক্তের ভাব-সাগর হ'তে যে রূপের বিকাশ হবে, সে রূপে ত জগজ্জনের মন বিমোহিত হবেই। আমি অনেকদিন হ'তে সখার এই ভুবনমোহন বেশ দেখে ব'লে মনে মনে আশা ক'রেছিলাম ; তাই আজ স্বহস্তে সখাকে এই সাজে সাজিয়েছি। কৃষ্ণকে সাজিয়েছি বটে, কিন্তু সখাকে এই বেশ পরিধান করিয়ে অবধি, সখার মুখে আর হাসি দেখতে পাইনি। ঐ দেখ, সখার মুখ-চন্দ্র যেন বিষাদ-রাহতে গ্রাস ক'রে রেখেছে। সখা যেন কি এক গভীর ভাবনাসাগরে ভাসমান। তবে কি আমিই সখার এই ভাববিপর্যয়ের কারণ ? আমি সখার রাজবসন ত্যাগ করিয়ে, রাখালবেশে সাজিয়েছি ব'লে কি, সখা এমন দুঃখিত হ'য়েছেন ? তা যদি হয় তবে বলদেব ! এ উদ্ধবের গতি কি হবে ? আমি আপন সুখের জন্য সুখের ধনকে কষ্ট দিলাম ?

বল। তা নয় উদ্ধব ! তা নয়। কৃষ্ণকে রাখাল সাজিয়েছ ব'লে যে, কৃষ্ণ তোমার প্রতি দুঃখিত হ'য়েছে, তা নয় ; আমি জানি, কৃষ্ণ রাখালসাজে সাজতেই ভালবাসে, তবে ভায়ার এরূপ হবার অল্প কোনও গুণ কারণ আছে। ( কৃষ্ণকে কাঁদিকে দেখিয়া ) এ কি ভাই কৃষ্ণ ! এ কি ? শ্রাবণের ধারার ঝাঁপ তোমার নয়নদ্বয় হ'তে জলধারা প'ড়ছে কেন ভাই ? অবশ্যই তোমার এ ভাব হবার কারণ কি বল।

কৃষ্ণ। দাদা ! দাদা ! ( রোদন )

বল। ও কি ভাই ! দাদা দাদা ব'লেই যে চুপ ক'রলে ? এমন কি



কষ্টকর কথা মনে হ'য়েছে, যা তুমি আমার কাছে ব'লতে পারছ না ? ভাই রে ! আমার সবই সহ হয়, কিন্তু তোর চ'ক্ষের জল দেখলে আমার সহ হয় না ।

কৃষ্ণ । ( আহরভাবে সরোদনে ) কৈ মা ? কোথায় মা ? ও মা ! কোথায় গেলি মা ? আমার কোলে নে মা ! আমি তোর কোলে যাব । অনেক দিন তোর কোলে যাইনি মা ! আজ তোর কোলে যাব । আর মথুরায় রাজা হ'য়ে থাকব না, আর রাজবসন প'রব না, আমি তোর যেমন গোপাল তেমনই থাকব । রাখালসাজ প'রব, গোঠে গো চরিয়ে বেড়াব, তোর আঁচলে-বাঁধা ননী খাব, তোকে মা মা ব'লে ডাকব । ওমা, মা গো ! তুই-ই আমার মা, আর আমার কেউ নাই মা ! আর তোর গোপালকে কাঁদাস্ নে । তোকে বড় কাঁদিয়েছিলেম, বড় ব্যথা দিয়েছিলেম, আজ তার ফলভোগ ক'রছি । মা গো ! এতদিনে বুঝতে পেরেছি,—মায়ের মনে ব্যথা দিলে কি ফল হয়, তা এতদিনে বুঝতে পেরেছি । কাঁদালে কাঁদতে হয়, আগে জানি নাই, তাই তোকে কাঁদিয়েছিলাম ; আজ জেনেছি, আর কাঁদাব না । কুসন্তান কৃষ্ণকে আর কাঁদাস্ নে মা ! আজ দেখে যা মা ! তোর সেই নির্দয় পুত্রের চক্ষের জলে ধরা ভেসে যাচ্ছে ।

উদ্ধব । ওঃ—কৃষ্ণলীলার ভাব কি গূঢ় আবরণে আবৃত !

কৃষ্ণ । ( পূর্ববৎ ) ও মা ! ছুখিনী মা ! আমি তোরই কৃষ্ণ, আমার বাঁধ্ মা, তেমনি ক'রে উদুখলে বেঁধে রাখ্, আর আমি কোথাও যাব না । কৈ মা ! এলি নে ? আমার চ'ক্ষের জল মুছে দিলি নে ? গোপাল ব'লে কোলে নিলি নে ? এই দেখ্ মা ! চেয়ে

দেখ, তোঁর জগ্গ রাজবসন ছেড়েছি, রাজসিংহাসন ছেড়েছি,  
 ধড়া প'রেছি, চূড়া বেঁধেছি, মোহন-বাঁশী হাতে নিয়েছি। এখন  
 দে মা! তেমনি ক'রে ক্ষীর নবনী দে, বড় ক্ষিদে মা! বড়  
 ক্ষিদে!—নবনী বিনে যে এ ক্ষিদে যাবে না মা! কৈ মা?  
 দিলি নে? নবনী দিলি নে? মা গো! তোঁর যে গোপালের মুখ  
 একটু মলিন দেখলে, তুই কেঁদে আকুল হ'তিস্, আজ সেই  
 গোপাল ক্ষুধার জালায় কাতর হ'য়ে, 'নবনী দে, নবনী দে',  
 ব'লে তোঁর কাছে কাঁদছে; যার চোখে এক বিন্দু জল দেখলে,  
 সংসার আঁধার দেখ'তিস্, আজ তোঁর সেই কৃষ্ণ, সেই বড়  
 স্নেহের কৃষ্ণ—মা, মা ব'লে কেঁদে কেঁদে ধরা ভাসাচ্ছে, একবার  
 চেয়েও দেখ'লি নে? তবে আর কার কাছে গিয়ে প্রাণ জুড়াব,—  
 আর কোথায় গেলে তোঁর মত মা পাব? অত মায়া আর কোন্  
 মা'র আছে মা?

## গীত

আর, কোথা কি মা, বল্ গো ও মা, তোঁর মত মা! মা পাব।

ও মা, অত মায়া, কার কাছে মা, বল কার কাছে গে' প্রাণ জুড়াব ॥

কাঁদিয়েছি ব'লে কি মা,

সস্তানে কাঁদাবি গো মা,

আমি, মা মা ব'লে, নয়নজলে, কেঁদে আজ ধরা ভাসাব ॥

তেমনি ক'রে বেঁধে রাখ্ মা,

ব্রজ ছেড়ে আর যাব না,

মা গো, বড় ক্ষিদে. নবনী দে, তেমনি ক'রে ননী খাব,

রাজার বসন রাজার ভূষণ,

দিয়েছি মা সব বিসর্জন,

এই দেখ্, ধড়া প'রে, চূড়া বেঁধে, এসেছি তোঁর কোলে যাব ॥

ল। কৃষ্ণ! ভাই!—

কৃষ্ণ। দাদা! দাদা! ব'লে দাও, ব'লে দাও, কোন্ পথে যাব?  
কোন্ পথে গেলে, আমার দুঃখিনী যশোদা-মায়ের দেখা পাব?  
ব'লে দাও, নইলে আর কৃষ্ণকে পাবে না। আমি মা'কে না  
পেলে এ প্রাণ রাখ'ব না।

ল। ছিঃ ছিঃ, জ্ঞানময় তুমি,  
এ কি ভাব তব?

কৃষ্ণ। দাদা!  
ছুটে যাব, ছুটে যাব, কোথা “মা আমার”,  
ব'লে দাও, পায়ের ধরি, জান যদি তুমি। ( পদধারণ )  
( উঠিয়া )

কৈ? দিলে না, দিলে না ব'লে মা আছে কোথায়?

তুমিও নির্দয় হায়! আমার উপর?

কারে বা শুধাই আমি? কে আছে আমার?

কে বলিবে দয়া ক'রে “কোথা মা আমার”?

হে পবন সদাগতি! কর উপকার,

ব'লে দাও, মোরে তুমি মা আছে কোথায়?

পাগলিনী মা আমার মুখে কৃষ্ণ-বোল,

দেখেছ কি প্রভঞ্জন! ব'লে দাও মোরে।

হে তপন! সর্বদর্শী সহস্র-কিরণ,

তোমারই প্রথর-করে তাপিত হইয়া—

দেখেছ কি যেতে কোথা দুঃখিনী মায়ে?

ব'লে দাও বিহ্বল! জান যদি কেহ,

কোথা গেলে পাব মোর পাগলিনী মায়ে?

করঘোড়ে সবাকারে করি প্রণিপাত,  
জান যদি ব'লে দাও ক'রো না বঞ্চনা ।

একবার দেখে আসি, একবার কেঁদে আসি,

পায়ে ধ'রে সেধে আসি শুধু একবার ।

একবার উঠে কোলে, তেমনি ক'রে মা মা ব'লে,

কেঁদে আসি, ডেকে আসি শুধু একবার ॥

কৈ, কেহ না কহিল মোরে মা আছে কোথায়,

পাষ গু বলিয়ে মোরে হইল নির্দয় ?

যাই তবে ছুই চোখ যেই দিকে যায়,

দেখিব সংসার খুঁজে মা আছে কোথায় ?

পাতি পাতি করি অনন্ত-সংসার,

দেখি খুঁজে কোথা আছে জননী আমার ।

দাও দাদা ! দাও সখে ! বিদায় আমার,

দেখিব খুঁজিয়া আমি, মা আছে কোথায় ।

পাই যদি মায়ে পুনঃ ফিরিব আবার,

নতুবা এই শেষ-দেখা ফিরিব না আর ।

ওহো, মার তরে প্রাণ কাঁদে, মার কাছে যাব,

প্রাণভ'রে মা মা ব'লে হৃদয় জুড়াব ।

বল । বুঝিতে না পারি তব এ কেমন লীলা,

ধন্য ধন্য কৃষ্ণ ! তোর ধন্য নর-লীলা ।

কৃষ্ণ । দাদা গো !

মনে পড়ে সেইদিন, যেদিনে আমার—

নন্দাণয়ে নিতে পিতা কাঁদিলেন কত ;

গোপাল গোপাল ব'লে হায় রে তখন,

কত অশ্রু ফেলিলেন এই মথুরাতে ।  
 সেই অশ্রু ! হায় হায় সেই পিতৃ-অশ্রু,  
 তীক্ষ্ণ শেলসম আজি বাজিছে মরমে ।  
 ননে হয় রাখালেবা কত না কাঁদিল,  
 মরল হৃদয়ে তাদেব কতই বাজিল ।  
 আনি মৃত অক্লান্ত, নিষ্ঠুরবচনে,  
 বলিলাম, ব্রজে আব যাব না কদাচ ।  
 শুনিয়া আমার সেই দাকণ বচন,  
 কাঁদিত কাঁদিত তারা ব্রজে ফিবে গেল ।  
 আব—আব দাদা ! ওহো ! শেষ চিত্র সেই—  
 ফ'থের সম্মুখে যেন ব'য়েছে চিত্রিত ।  
 শোকেব জলস্র-ছবি সেই আত্মহারা—  
 অকুলা অধীবা হায় পাগলিনীপারা—  
 গোপবালা বাধিকাব ককণ বিলাপ,  
 মর্ষভেদি-হাহাকাব, সতৃষ্ণ দশন,  
 সকলি নেত্রাবি যেন চক্ষের উপব ।  
 ফাতে বুক, কাঁদে প্রাণ, দাদা গো ! আমার ।  
 ওহো, কিবা প্রেম, ভালবাসা, কিবা আত্মদান,  
 আমা ধ্যান, আমা জ্ঞান, আমা প্রাণমন ।  
 জাতি, কুল, মান ত্যজি, ত্যজি নিজ পতি,  
 দূবে ফেলি সরমের কঠিন নিগড়,  
 ঢেলেছিল আমাতেই জীবন-যৌবন ।  
 সাঁপেছিল আমাতেই ইহপরকাল ।  
 আমারি কারণে হায় কলঙ্ক-পশরা,

করি শিরে বিনোদিনী ব্রজে কলঙ্কিনী ।  
কিন্তু হায় !

না পুরিতে কিশোরীর আকুল পিয়ারা,  
কিশোরে ভাসিল রাই হতাশা-সাগরে ।

ডুবিল অকূলে তার সুখের তরণী ।

ভাসালাম দুখ-নীরে জনমের মত ।

প্রাণময়ী ব'লে যারে সুধাতাম সদা,

কতরূপে তুষিলাম প্রাণ মন তার ।

সকলি চাতুরী মম সকলি শঠতা ।

না বুঝি সরলা বালা কপটতা মম,

মজিল ভজিল মোরে অভাগিনী হায় !

না চিনিল বিষবৃক্ষে চন্দন-লতিকা ।

না চিনিল চাতকিনী নির্জল জলদে ।

ওহো ! কি কঠিন আমি, কিবা নিরদয়,

ত্যজিলাম অবহেলে সে প্রেমের ছবি ।

দাদা গো !

কিসে যাবে হেন পাপ ব'লে দাও মোরে ।

করি' সেই প্রায়শ্চিত্ত চিত্ত করি' স্থির ।

তুষানলে হয় যদি পাপ-বিমোচন,

করিব এখনি তাহা না হবে অশ্রুতা ।

না না, নাই বুঝি এ পাপের প্রায়শ্চিত্ত কভু

বিশ্বাস-ঘাতক বুঝি ডোবে রে নরকে ।

পাপ-কীটে তারে বুঝি করয়ে দংশন !

বল ।

একি ব্রাহ্মি ভাই ! তব অদ্রাস্ত হৃদয়ে ?

যারে ভাবি ভ্রান্তি-জাল ছিন্ন করে সবে ;  
 যার নামে কাঁটে মায়া,—মায়া-মুক্ত জীব ;  
 তারে আজি ভ্রান্তি-মায়া ক'রেছে আচ্ছন্ন !  
 বলিহারি মায়া তোর ভাই রে কানাই !  
 কেমনে বুঝিব তোর মায়ার কৌশল ।  
 তাজ ভাই শোক তাপ, নির্ঝিকার তুমি,  
 সাজে না তোমার ভাই ! এ সব চাতুরী ।

কৃষ্ণ । দাদা ! আমার সব চাতুরী, সব চাতুরী । আমি কপট পাষণ,  
 আমি বজ্র হ'তেও কঠিন !

বল । তা ভাই ! তুমি যে পাষণ, সে কথা মিথ্যা নয় । নতুবা লোকে  
 শালগ্রামশিলাকে নারায়ণ ব'লে, পূজা ক'রবে কেন ? আর তুমি  
 বজ্র হ'তেও যে কঠিন, তাও সত্য ; কেননা, তোমার পদতলে  
 বজ্রচিহ্ন এখনও শোভা পাচ্ছে ! বজ্র হ'তে কঠিন ব'লেই, বজ্রকে  
 পদ-দলিত ক'রেছ ।

কৃষ্ণ । দাদা ! দাদা ! প্রাণ বড় কাঁদে, বড় কাঁদে । আজ সেই  
 পুরাতন স্মৃতি মনের মধ্যে জেগে উঠেছে । ভস্মাচ্ছাদিত বহি  
 যেমন ভস্মাপগমে স্মৃতি ধারণ ক'রে তাপ প্রদান করে,  
 আমারও আজ সেই স্মৃতি-বহি হ'তে, তেমনি বিশ্বিতিক্রপ  
 ভস্ম দূর হ'য়েছে ; তাই সেই পূর্ব-স্মৃতি-বহি প্রজ্জ্বলিত হ'য়ে  
 আমার দগ্ধ ক'রছে । দাদা গো ! আর যে সহ্য ক'রতে  
 পারছি না । কেবল সেই হাহাকারময় ব্রজের কথা মনে  
 প'ড়ছে । শ্মশান-সমান বৃন্দাবনের শোচনীয় দশা যেন মূর্তিমতী  
 হ'য়ে, আমার সম্মুখে বিরাজ ক'রছে । ঐ দেখ দাদা ! মা  
 যশোদা কাঁদছে,—গোপাল রে গোপাল রে ব'লে কাঁদছে ; হাতে

নবনী ল'য়ে, 'নীলমণি রে কোথায় গেলি, নীলমণি রে কোথায় গেলি' ব'লে, উন্মাদিনীর ঞায় ছুটে বেড়াচ্ছে! ঐ যে পিতা নন্দ, নিরানন্দভাবে কৃষ্ণ কৃষ্ণ বলে, দীর্ঘনিশ্বাস ত্যাগ ক'রছে! ঐ যে আমার প্রাণের আধা শ্রীরাধা, কারুর বাধা না শুনে, ছিন্নলতার ঞায় ধূলায় প'ড়ে গড়াগড়ি যাচ্ছে; আর মধ্যে মধ্যে 'কোথা প্রাণসখা! কোথা প্রাণসখা' ব'লে চীৎকার ক'রছে! আর ঐ দেখ দাদা! আমার শৈশবসঙ্গী রাখালগণ আমাহারা হ'য়ে, দিশেহারার ঞায় 'ভাই কানাই! ভাই কানাই' ব'লে, কালীদহে বাঁপ দিবার জন্ত কালীদহের কূলে গিয়ে দাঁড়িয়ে আছে! দাদা! দাদা! না না, আর পারি না;— আর হির থাকতে পারি না। আজ আমার পাষণ প্রাণ গ'লেছে। দাদা গো! দুঃখ রইল যে, সখা শ্রীদামের অভিশাপ আর রাখতে পারলেম না। তা আমার সখাগণের প্রাণ বড়, না আমার সত্যপালন বড়। যাই, এখন যাই। একবার গিয়ে দেখে আসি। আমার সাধের ব্রজ শ্মশান হ'য়েছে, একবার গিয়ে স্বচক্ষে দেখে আসি। আর সেই শ্মশানে ব'সে একবার কেঁদে আসি। দাদা গো! বিদায়, বিদায়!

( গমনে উত্ত ও বলরামকর্তৃক ধারণ )

গীত

বিদায় বিদায় দাদা, ব্রজধামে যাব।

ব্রজধাম শূন্য ধাম, হ'ল আমা বিনে,

আমি তেমন ব্রজ আর কি পাব ॥

নন্দন-কানন সম ছিল কৃন্দাবন,

বুঝি আমা বিনে দিনে দিনে হ'য়েছে শ্মশান,



( বারেক দেখে আসি ) ( সাধের ব্রজের দশা ) ( আমার মঞ্জুকুণ্ডবনের দশা )

বিসম বিরহানলে দহিছে গোপিনী,

আর, হা কৃষ্ণ বলিয়া কঁাদে দিবস রজনী,

তারা জানে না জানে না জানেনা, ( প্রাণকৃষ্ণ বিনে )

তাদের আর কিছু নাই নে,

( তারা আমায় সব দিয়েছে )

( তাদের জীবন যৌবন সব সঁপেছে )

আছে রে সম্বল শুধু নয়নের জল, ( আর কিছুই যে নাই রে )

গোকুল আঁধার হ'য়েছে ( আনার শৈশবের সাধের পুতী )

আকুল হ'য়েছে প্রাণ, গোকুল-গোকুল তরে,

আমার কমলিনী রাই, বুঝি বেঁচে নাই, চ'লেছে কনকলতা,

তার, আমি সে ধ্যান, আমি সে জ্ঞান, আমি সে পরাণ-গাঁধা,

অস্তিমানে, নিছপ্রাণ, বুঝি সঁপেছে যমুনার জলে,

প্রেমময়ী ব'লে আমি কারে বা সুধাব ।

( একবার বেঁদে আসি ) ( রাধা রাধা ব'লে )

( সেই শ্মশান সমান ব্রজে ব'সে )

প্রেমময়ী ব'লে আমি কারে বা সুধাব ॥

বল । জ্ঞানময় ! তুমি জীবগণের জ্ঞান-দাতা হ'য়ে, এমন অজ্ঞানের  
 গ্রায় আচরণ ক'রছ কেন ভাই ? হাঁ রে ইচ্ছাময় ! এ আবার  
 তোর কি নূতন ইচ্ছার উদয় হ'ল ? জীবকে হাসান কাঁদানই  
 যে তোর নিয়ম ভাই ! তবে আজ আবার তোর নিজের  
 কাঁদতে সাধ হ'য়েছে কেন ভাই ? ব্রজের দুঃখ-স্মৃতি যদি তোর  
 মনে ষথার্থ-ই উদ্ভিত হবে, তা হ'লে কি আর তেমন ক'রে,  
 ব্রজবাসীকে নিষ্ঠুর-বাক্যে বিদায় দিতে পারতিস্ ? বল দেখি  
 ভাই ! সেই শোকের জলন্ত-দৃশ্য দর্শন ক'রেও, যার মনে বিন্দুমাত্র  
 বিষাদের সঞ্চার হ'ল না, আজ কি সেই পুরাতন-স্মৃতি

উদিত হ'য়ে, তার হৃদয়কে এতদূর শোকাকুল ক'রতে পারে ?  
ধনু ভাই ! তোর খেলাকে ।

উদ্ধব । আহা কি শোভা রে ! বর্ষণকারী মেঘের সঙ্গে আজ শুভ্র  
হিমাচলের যোগ হ'য়ে, আজ কি অপক্লপ শোভাই হ'য়েছে !  
আমি জান্তেম যে, কঠিন পর্বতের সঙ্গে মেঘের সংযোগ হ'লে,  
সেই মেঘ হ'তে বজ্রপাতেরই সম্ভাবনা ; কিন্তু এ দেখছি তা নয়,  
পর্বত-সংযোগে, জলদ হ'তে কেবল জলধারাই বর্ষণ হ'চ্ছে ।  
আজ কৃষ্ণ-মেঘ বলরামরূপ হিমালয়ের সঙ্গে সংমিলিত হ'য়ে,  
পর্বতকে কেবল অশ্রুধারার দ্বারাই অভিষিক্ত ক'রছেন । হরি,  
হরি, যিনি স্বয়ং নির্ঝিকার, তার আবার হৃদয়ে বিকার উপস্থিত ।  
নির্ঝিকার ভিন্ন এ বিকারের তাৎপর্য হৃদয়ঙ্গম ক'রতে কে  
পারে ? ধনু ব্রজবাসী ! তোরাই ধনু ! তোদের জন্ম আজ  
স্বয়ং গোলোকবাসী ভুলোকবাসী হ'য়ে, উদাসীর ন্যায় বিলাপ  
ক'রছেন । দেখ্ রে জগৎবাসি ! প্রেমের কি অবিনাশী মাধুরী !  
স্বয়ং শ্রীহরিকে পর্য্যন্ত মুগ্ধ হ'তে হ'য়েছে । আর নন্দ-বশোদার  
কি সাধনবল, তাই দেখ্ । যিনি অনাদি অনন্ত, বঁার কটাঙ্কে  
এই বিশ্ব সৃষ্টি হ'য়েছে, সেই বিশ্বপিতা, বিশ্বধাতা আজ আবার  
পিতামাতার জন্ম ব্যাকুল ; এ হ'তে আর আশ্চর্যের কথা কি  
আছে !

কৃষ্ণ । দাদা, ছেড়ে দাও, ছেড়ে দাও, আমি ব্রজে বাই ।

বল । ভাই রে ! তোকে ধ'রলে কি আর ছাড়তে সাধ হয় ? দেখিন্  
ভাই ! এইরূপ ধরা যেন চিরদিনই ধ'রতে পাই । আমি কি  
তোর ব্রজগমনে বাধা দিব ব'লে ধ'রেছি ?—তা নয় । আমি কি  
জানিনে যে, তোর ইচ্ছায় কেউ বাধা দিতে পারে না ? তবে

অনেক দিন তোর ঐ শ্যামল শীতল অঙ্গ বক্ষে ধরি নাই, তাই আজ তোকে বক্ষে ক'রে বক্ষ শীতল ক'রলেম ।

উক্কব । ( স্বগতঃ ) ওঃ—মেঘ হ'তে যে এখন বর্ষণ হ'চ্ছে ! তা ত হবারই কথা ; মেঘ—সমুদ্র হ'তে যে পরিমাণে জল আকর্ষণ করে, আবার বর্ষণ দ্বারা সমুদ্রকে সেই পরিমাণে জল অর্পণ ক'রে, পূর্বধান পরিশোধ করে । এ কৃষ্ণ-মেঘও তেমনি ব্রজবাসীদের নয়ন সমুদ্র হ'তে, যে পরিমাণে অশ্রুজল আকর্ষণ ক'রেছেন, আজ আবার সেই পরিমাণে অশ্রুজল বর্ষণ ক'রে, পূর্বধান পরিশোধ ক'রছেন । যদি বল যে, সাধারণ মেঘে আর এ কৃষ্ণ-মেঘে কি সাদৃশ্য আছে ? কিন্তু দেখতে গেলে, উভয় মেঘেই সম্পূর্ণরূপে সৌসাদৃশ্য আছে । কেননা, মেঘের বর্ণ কৃষ্ণ, তা এ কৃষ্ণ মেঘও কৃষ্ণবর্ণ, এবং ধূম, জ্যোতি, জল ও বায়ুর দ্বারা মেঘের সৃষ্টি হয়, তা এ কৃষ্ণমেঘেও সে সব উপাদান আছে ; কারণ, ব্রজবাসিগণের প্রেমরূপ ধূম, ভক্তিরূপ জ্যোতি, স্নেহরূপ জল, ভালবাসারূপ বায়ু, এ সবই ত ঐ কৃষ্ণমেঘে বিদ্যমান আছে । আর এ মেঘের আরও বিশেষত্ব আছে ; সাধারণ মেঘে বজ্র আছে, এ মেঘে সে বজ্রপাতের আশঙ্কা নাই ; আর সে মেঘের জল মস্তকে পতিত হ'লে, শরীর অসুস্থ হয় ; কিন্তু এ মেঘের কৃপা-বারি পতিত হ'লে, তাকে আর ভব-রোগে অসুস্থ হ'তে হয় না । সে মেঘ উদিত হ'য়ে, সকল সময়েই যে বর্ষণ করে, তা নয় ; কিন্তু এ মেঘ যদি একবার ভক্তের হৃদয়াকাশে উদিত হন, তাহ'লে আর বর্ষণ না ক'রে ক্ষান্ত হন না । তাই এই মেঘ উদিত দেখে, কৃপাবারী পানের জন্ম, মেঘের কাছে এসে উপস্থিত হ'য়েছি, দেখি, বারিপানে

পিপাসা দূর হয় কি না ? আহা ! কৃষ্ণলীলার প্রত্যেক ব্যাপারেই লোক-শিক্ষার গুঢ় উদ্দেশ্য নিহিত র'য়েছে। যে—এই ভাবের ভাবুক, সেই এই কৃষ্ণলীলার ভাব উপলব্ধি ক'রতে পেরেছে। আজ জগৎসখা কৃষ্ণ, জগৎকে এই শিক্ষা দান ক'ব'ছেন যে, এইরূপে দানের প্রতিদান দিতে হয় ; অন্তকে কষ্ট দিলে, এইরূপে আমার স্তায় পরিণামে কষ্টভোগ ক'রতে হয়, শ্রিয়জনকে কাঁদালে, আমার মত এইরূপে কাঁদতে হয়। যাহ'ক, আজ অনেক দিন হ'তে মনে একটা সাধ ক'রেছিলাম ; দেখি, এই সুযোগে সে সাধ পূর্ণ ক'রতে পারি কি না ? শুনেছিলাম, গোলোকধামে আর এই ভুলোকের বৃন্দাবনধামে কোনও প্রভেদ নাই ; তাই বাসনা ক'রেছি যে, একবার বৃন্দাবনে গিয়ে, প্রাণসখার বিলাসধাম দর্শন ক'রে আস্ব ; আর প্রাণসখা, যাদের সখা সম্বোধন ক'রে উচ্ছিষ্ট ফল স্মৃষ্টি ব'লে সমাদরে ভক্ষণ ক'রতেন, সেই ব্রজরাখালগণের স্বাভাবিক সরলতা সন্দর্শন ক'রে, প্রাণমন শান্ত ক'র'ব। আর পিতা ব'লে, সখা যার বাধা বহন ক'রেছেন ; মাতা ব'লে, যার হস্তের বন্ধন-বেদনা সহ্য ক'রেছেন ; সেই নন্দ-বশোদার গান্ধপরা দর্শন ক'রে, আত্মাকে কৃতার্থ ক'র'ব। আর সেই বিনোদিনী, যার মান-ভঞ্জন ক'র'বার জন্ম, সখা আমার, তার চরণ পর্যন্ত ধারণ ক'রতে কুণ্ঠিত হন নাই ; সেই অভিমানিনী শ্রীমতিই বা কেমন ধনী, তাও একবার দেখে আস্ব। দেখি, যদি বাঙাময় আমার হৃদয়ের ভাব বুকতে পেরে, আমার বাঙ্গা পূর্ণ করেন ! ( প্রকাশ্যে ) সখা ! রোদন সম্বরণ কর। আর কেন, ব্রজের ধার তোমার শেষ হ'য়েছে।

কৃষ্ণ । সখা ! সখা ! আমি জীবন ভ'রে কাঁদলেও ব্রজের ধার শোধ ক'রতে পারব না ! সখা তুমি ব্রজবাসীদের হৃদয় দেখ নাই ; ব্রজবাসীদের হৃদয়ে, কেবল এক আমার মূর্তি ভিন্ন আর অন্য মূর্তি নাই । তাদের প্রাণ, মন, সুখ, ঐশ্বর্যা, সবই আমাতে অর্পণ ক'রেছে । এক নয়ন-জল ভিন্ন তাদের আর কিছুই নাই । আমি তাদের সর্বস্বান্ত ক'রেছি । তাদের দেহ-তরণীর কাণ্ডারী যে এক আমি, আমি ভিন্ন তাদের দেহ-তরণী অচল হ'য়ে র'য়েছে ।

উদ্ধব । সখে ! শুধু ব্রজবাসীদের কেন, এই জগৎবাসী সকলেরই দেহ-তরণীর কাণ্ডারী এক তুমি । তুমি যদি আত্মরূপে দেহমধ্যে বাস না কর, তাহ'লে সকল দেহই জড়ত্ব প্রাপ্ত হয় ।

কৃষ্ণ । সখে ! তোমরা যতই বল, কিন্তু কিছুতেই আমার মন শান্ত হবে না ।

উদ্ধব । কৃষ্ণ হে ! তা জানি । তোমাকে যে কেউ শান্ত ক'রতে পারে না, তা জানি । তুমি নিজে শান্ত না হ'লে, তোমাকে আবার কে কবে শান্ত ক'রতে পেরেছে ? প্রচণ্ড বায়ুকে যেমন অন্য কেহ স্থির ক'রতে পারে না, তোমাকেও তেমনি অন্য কেহ স্থির ক'রতে পারে না ।

কৃষ্ণ । উদ্ধব । যারা আমার দেখবার জন্য প্রাণান্ত পণ ক'রতে উদ্যত, আমি নিষ্ঠুরের স্ত্রায় কেমন ক'রে তাদের দেখা না দিয়ে, এই মথুরায় রাজ্যভোগ উপভোগ ক'রব ?

উদ্ধব । হাঁ হে রাধাকান্ত ! প্রাণান্ত পণ না ক'রে, কে কবে তোমাকে লাভ ক'রতে পেরেছে ? যতদিন প্রাণের মায়া থাকে, ততদিন কি তোমায় কেউ লাভ ক'রতে পাবে ?

কৃষ্ণ । তবে যাই সখা ! আমার বিদায় দাও । আমি ব্রজে বাই, তোমরা মথুরায় রাজকাৰ্য্য কর ।

উদ্ধব । কাকে বিদায় দেব ?—তোমাকে ? বলি হাঁ হে হৃদয়ের ধন ! তোমাকে বিদায় দিয়ে, কাকে ল'য়ে থাকুব হরি ? ধন-অন্বেষণকারী ব্যক্তি যদি কখনও ধনের দেখা পায়, তাহ'লে কি সেই ব্যক্তি, সেই বহু পরিশ্রম-লব্ধ ধন পরিত্যাগ ক'রতে পারে ? আমরাও যে, তোমাকে বহু সাধনের পর লাভ ক'রেছি ; আজ কেমন ক'রে সেই সাধনের ধন,—জীবনধন তোমা ধনে বিদায় দেব ? তবে বৃন্দাবনে যাবার জন্ত তোমার মন যখন ব্যাকুল হ'য়েছে, তখন এক কাজ কর ; আমার হৃদয়-বৃন্দাবনে এস ; এ বৃন্দাবনও তোমার অভাবে শ্মশান সমান হ'য়েছে । স্নেহ-বশামতী তোমা হারা হ'য়ে, মৃতপ্রায়ভাবে তোমার আশা-পথ চেয়ে আছেন । জ্ঞানরূপ নন্দ অন্ধ হ'য়ে, সাধন-উপানন্দের আশ্বাসবাক্যে এখনও জীবিত র'য়েছেন । প্রেমাঙ্গি-রাখালগণ, মলিনভাবে তোমার অন্বেষণ ক'রছে । আর আত্মরূপিণী রাধা, ধর্ম-বিবর্কিনী সুবৃত্তি-নিচয়রূপ অষ্টমখীসঙ্গে সম্মিলিতা হ'য়ে, ভক্তিরূপা প্রিয়সখী বৃন্দায় জাতনাবাক্যে আশ্বস্তা হ'য়ে, তোমার আসার আশায়, আশা-বমুনাপথে দাঁড়িয়ে আছেন এবং কুবৃত্তি-কুটীলা, জড়ভারূপ আয়ানের সহিত একত্র হ'য়ে, আত্মরূপা রাধাকে কত কষ্ট প্রদান ক'রছে । তাই ব'লছি, হে উদ্ধবের হৃদয়-বৃন্দাবনের নিত্যধন ! একবার এই বৃন্দাবনে এস । আত্মরূপা রাধার সহিত মিলিত হ'য়ে, বৃন্দাবনের দুর্দশা দূর কর । ভয় নাই, এ বৃন্দাবনে আর অক্রুর আশ্রমে না, আর তোমাকে মথুরায় যেতে হবে না

বল । ভাই কৃষ্ণ ! আমার কথা শোন । তুমি নিজে না গিয়ে, তোমার সখা এই উদ্ধবকে বৃন্দাবনে প্রেরণ কর ; তাহ'লে বৃন্দাবনের সংবাদও পাওয়া যাবে এবং বুদ্ধিমান উদ্ধবের বাক্কৌশলে, ব্রজবাসিগণও আশ্বস্ত হবে ; তাহ'লেই আমাদের সকল দিক রক্ষা হবে । তুমি যদি এখন বৃন্দাবনে যাও, তাহ'লে তোমার সখা শ্রীদামের বাক্য লঙ্ঘন করা হবে এবং সেই স্মরণে যদি মগধেশ্বর জরাসন্ধ এসে উপস্থিত হয়, তাহ'লে মথুরায় সর্বনাশ হবে । অতএব উদ্ধবের যাওয়াই যুক্তিসঙ্গত । ভাই রে ! ঘটনাস্রোতে কেন বাধা দিতে উদ্বৃত হ'য়েছ ? কালের বশে যা ঘটবার, তা ঘটবেই । এ সব ঘটনা-ঘটনার ঘটক যে এক তুমি ; তবে নিজেই ঘটনা-কর্ত্তা হ'য়ে, আবার নিজেই সেই ঘটনার ব্যতিক্রম ক'রতে সাধ কেন ভাই ? লোকশিক্ষার জন্মই তোমার নরদেহ-ধারণ ; সে সব কি তুমি আজ ভুলে গেলে ? না, তাই বা বলি কি ক'রে, তোমার কি কোন কর্ম্মে ভুল আছে ? স্থূল, সূক্ষ্ম সব কর্ম্মই যে তোমার সম্পাদন ক'রতে হয় । তুমি যে সদা সচেতন ; তোমার যদি চেতনার অভাব হবে, তবে আর তোমাকে সচেতন ক'রবে কে ?

উদ্ধব । বলদেব ! এটি তোমার সম্পূর্ণ ভ্রম । মনে নাই কি ?— কমলিনীর কলঙ্কভঞ্নের কথা মনে নাই কি ? যেদিন চৈতন্যদেব, কমলিনীর কলঙ্কভঞ্জন ক'রতে, অচৈতন্য হ'য়ে প'ড়েছিলেন ; সেদিন কে এ চৈতন্যদেবের চৈতন্য-সম্পাদন ক'রেছিল ? সেদিন ঐ বৈষ্ণনাথের বক্ষের নিধি, নিজেই বৈষ্ণবেশ ধারণ ক'রে, নিজের চৈতন্য নিজেই সম্পাদন ক'রেছিলেন । তা ভাই ! তোমার ভায়ার কাছে কিছুই অসম্ভব নাই । স্বাম হে !

ও আআরামে সকলি শোভা পায়। ও ব্রজরাজে সবই  
সাজে,—ওর কাছে সম্ভব অসম্ভব কিছুই নাই। ও কেশবে  
সবই সম্ভবে।

গীত

কেশবে ভাই সব সম্ভবে।

বল ব্রজরাজে                      কিবা নাহি সাজে।

ওরই সাজে যে সাজে সব ॥

কভু হরি ব্রজে রোগী সাজে সাজে,

হরি-বৈষ্ণ-সাজে কভু বা বিরাজে।

( গোপী সমাজে )

বিদেশিনী সাজে,                      করে বীণা বাজে।

ধরে ব্রজে রাধার শ্রীপদ-পল্লবে।

কভু শ্যামা সাজে অসি কর-মাকো।

কে বুঝে হে শ্যামে বল হে সহজে,

( ভবের মাকো )

যে পদ-সরোজে,                      হৃদয়-সরোজে

ভেবে নজে অঘোর, যাহার ভাবে ॥

কৃষ্ণ । দাদা ! উদ্ধব কি আমার হ'য়ে, আমার সাধের ব্রজের দশ  
দেখতে যাবে ?

উদ্ধব । ( স্বগতঃ ) হরি, হরি, হরির প্রতিকর্মেই চাতুরী। আমি  
বন্দাবনে যাব কি না, তাই আবার দাদাকে জিজ্ঞাসা করা  
হ'চ্ছে ; কিন্তু ও দাদা যে কে, তাও জানি, আর উনি যে কে,  
তাও জানি ! কৃষ্ণ মনে করেন যে, আমি প্রচ্ছন্নভাবে থেকে,  
সাধারণ মানবের কায় কাজ ক'রব, তাহ'লে আর আমার কেউ  
চিন্তে পাববে না ; কিন্তু হায় ! তা কি হয় ? পদ্মরাগ-মণিতে  
সূর্য্যাকিরণ পতিত হ'লে যে, সে মণি উজ্জ্বলাকার ধারণ  
ক'রবেই ; তখন কি পদ্মরাগ-মণিকে কেউ কাচ-মণি ব'লে



মনে ক'রবে? এও তেমনি ভক্তের ভক্তিরূপ সূর্য্যরশ্মির সঙ্গে, ঐ কৃষ্ণ-পদ্মরাগমণির মিলন হ'লে, ভক্ত—ও মণির যে গুণ, তা তৎক্ষণাৎ বুঝে লবে। যাই হ'ক, আমার বাসনা প্রায় সিক্ত হবার সময় এসে উপস্থিত হ'য়েছে। এখন দেখি, বলদেব কি উত্তর দেন।

বল। ভাই কৃষ্ণ! আমি জানি, উদ্ধব তোমার পরম সখা। তোমার আদেশ পালন ক'রতে, উদ্ধব কখনই অসম্মত হবে না, বরং সাগ্রহের সহিত সুসম্পন্ন ক'রবে।

কৃষ্ণ। ( উদ্ধবের হস্তধারণপূর্ব্বক ) সখা! সখা! তুমি আমার পরম প্রিয়সখা! তুমি আমার এই অনুরোধটা রক্ষা কর, তুমি ভিন্ন অন্তে কেউ পারবে না।

উদ্ধব। ব্রজেশ্বর! তোমাব কথার ভাবে বোধ হ'চ্ছে যে, আমি তোমার যথার্থ প্রিয়সখা নই।

কৃষ্ণ। কেন, কেন সখা?

উদ্ধব। নয় বা কিসে? আমাকে যদি তুমি যথার্থ-ই সখা ব'লে মনে ক'রতে, তাহ'লে কি তুমি আমার ব্রজে পাঠাবার জন্ত ওরূপ অনুরোধ ক'রতে? না, আমি তোমার বাক্য প্রতিপালন ক'রব কি না ব'লে, তোমার মনে সংশয় উপস্থিত হ'ত? আমার প্রতি যখন তোমার এই সামান্য বিশ্বাসটুকু নাই, তখন আমি নিশ্চয় জেনেছি যে, আমাতে তোমাতে সখ্যভাবও নাই। পরস্পরের অন্তরের ভাব, পরস্পরে না বুঝতে পারলে কি মিত্রতা হ'য়ে থাকে? তা কৃষ্ণ! মনে ক'র না যে, আমি তার জন্ত দুঃখিত হ'য়েছি; বরং তোমার এই কথায় আমি বড়ই পুলকিত হ'য়েছি; তোমার মিত্র হ'লে, তার যা পরিণাম হয়,

তা ত এই ব্রজবাসীর দ্বারাই প্রমাণ পাচ্ছি। বরং ভেবে দেখেছি যে, তোমার সঙ্গে মিত্র-ভাব অপেক্ষা, শত্রু-ভাব অবলম্বন করাই শ্রেয়ঃ। কারণ, তোমাকে পীড়ন না ক'রতে পারলে, তোমার দ্বারা কোন ফল লাভ করা যায় না। খনি হ'তে মনি লাভ ক'রতে হ'লে, সেই খনিকে উত্তমরূপে খনন ক'রতে হয়; নতুবা সেই খনির উপর কেবল কোমল কর দ্বারা স্পর্শ ক'রলে, মনি লাভ করা যায় না। সূবর্ণকে অনল দ্বারা দগ্ধ না ক'রলে, সেই সূবর্ণ দ্বারা কখন মনোমত অলঙ্কার প্রস্তুত করা যায় না। ঘৃত লাভ ক'রতে হ'লে, মছন-দণ্ড দ্বারা দুগ্ধকে মছন ক'রতে হয়। তাই ব'ল্ছিলাম, তোমার মিত্র হওয়া অপেক্ষা, শত্রু হওয়াই ভাল।

কৃষ্ণ। সখা! আর আমাকে তিরস্কার ক'রে কষ্ট দিও না।

উদ্ধব। কি ব'লে কৃষ্ণ! কষ্ট পেয়েছ?—আমার কথায় তুমি কষ্ট পেয়েছ? তবে আমার কষ্টেরও শেষ হ'য়েছে, ফললাভের আশাও হ'য়েছে। আর বৃথা সময় নষ্ট ক'রব না, তোমার সাধের ব্রজধামে যাত্রা করি।

কৃষ্ণ। সখা! তবে যাও। আমার এই বাখালের সাজ পরিধান ক'রে যাও। তাহ'লে ব্রজবাসীরা পরম তুষ্ট হবে। তারা আমার রাখালবেশ দেখতে বড় ভালবাসে। এই লও সাথে! মোহনচূড়া লও। এই ধর সাথে! বংশীধরের বংশী ধর। এই পর সাথে! পীতবাসের পীতবাস পর। ( অর্পণ )

( উদ্ধবের কৃষ্ণবেশ পরিধান )

বল। আহা উদ্ধব! এখন তোমাতে আর কৃষ্ণতে কোন প্রভেদ নাই। ব্রজবাসীরা তোমায় কৃষ্ণ ব'লেই মনে ক'রবে। বুঝলাম

ভাই! কৃষ্ণের মনের ভাব এতক্ষণে বুঝলাম! ভক্তিতে আর কৃষ্ণতে যে কোন প্রভেদ নাই, সেই ভাব জগৎ-হৃদয়ে বিকাশ ক'রে দেবার জন্তে, ভায়া আমার, তোমাকেই এই সাজে সাজালেন। ধন্য, ভক্ত উদ্ধব! তুমিই ধন্য।

উদ্ধব। সখে! তবে এখন আসি।

কৃষ্ণ। আর কি ব'লব। প্রবাসী বছদিন পরে আপন দেশের সংবাদ জানবার জন্তে, কোন আত্মীয়কে প্রেরণ ক'রলে, তার সঙ্গে কত নূতন নূতন সামগ্রী দিয়ে দেয়; কিন্তু সখে! আজ আমি তোমার সঙ্গে কি সামগ্রী প্রদান ক'রব? তারা ত এক আমা ভিন্ন অন্য কোন সামগ্রী কামনা করে না। তবে আর কি দেব? তবে এই ধর, আমার চক্ষের জল ধর; এই জলের অংশ, আমার ব্রজবাসীকে অংশ ক'রে দান ক'র। এ জল পেলে, তাদের চোখের জলের অনেক নিবৃত্তি হবে। আমার দুঃখিনী মাকে, তুমি একবার আমার হ'য়ে, আমার মত মা মা ব'লে ডেকে এস। সে আমার অনেকদিন মা ডাক শোনে নাই। আর আমার প্রাণের সখা রাখালগণকে, একবার প্রাণের সঙ্গে কোলে ক'রে এস। আমার ধবলী শ্যামলী ধেনুগণের মুখে আদর ক'রে, তৃণ জল দিয়ে এস। তারা আমার হাতের তৃণ জল ভিন্ন, আর কারো হাতে খায় না। আর প্রেমময়ী রাধাবিনোদিনীকে, একবার এই মোহন-বাঁশীর রব শুনিয়ে এস। বৃন্দা-আদি সখীগণকেও আমার কথা ব'ল। সকলকেই আমার সত্বর আগমনের আশ্বাস দিয়ে এস। আমার বড় সাধের শুক সারীকে একবার কৃষ্ণনাম শুনিয়ে এস। সখা হে! আর কি ব'লব, যে যাতে সুখী হয়, তাকে সেই রূপে সুখী ক'র। আর এক কথা সখে!

দেখ যেন, তুমি তাদের কান্না দেখে কেঁদে ফেল না ; হৃদয় পাষাণ  
ক'রে, সেই শোকের পুরীতে প্রবেশ ক'র । তাদের সেই হাহাকাণ্ড  
শুনে যেন দিশেহারা হ'য়ে যেও না ; তাহ'লে আর তাদের বে  
সাহায্য ক'রবে ? আর কিছুই বলবার নাই, তুমি যাও । আমি  
তোমার আশা-পথ চেয়ে রইলাম ; তুমি সত্বর প্রত্যাগমন ক'রে  
আমার চঞ্চল মনকে সুস্থ ক'রবে ।

উদ্ধব । সখে ! তবে চ'ল্লেম । ( যাইতে যাইতে স্বগতঃ ) হরি-বোল,  
হরি-বোল । দেখরে ব্রহ্মাণ্ডবাসি ! এই উদ্ধবের সৌভাগ্যের  
প্রতি একবার চেয়ে দেখ । আজ আমি কৃষ্ণ-বেশে বৃন্দাবনে  
যাত্রা ক'রলাম । হরি-বোল—হরি-বোল । ( উদ্ধবের প্রস্থান )

বল । তবে আর কেন ভাই ! ব্রজের বিষয় ত একরূপ নিশ্চিত হওয়া  
গেল, ভক্ত উদ্ধবের বাসনা পূর্ণ ক'রবার পথও পরিষ্কার করা  
হ'লো ; এখন পুনরায় রাজকর্মে নিযুক্ত হওয়া যাক্গে ।

### জনৈক দূতের প্রবেশ

বল । কি রে দূত ! সংবাদ কি ?

দূত । দেব ! আবার সেই জরাসন্ধ, যুদ্ধের জন্ত এসে উপস্থিত হ'য়েছে ;  
এবার সে অনেক সৈন্যসামন্ত সঙ্গে এনেছে ।

বল । ভাই কৃষ্ণ ! পাপাত্মা জরাসন্ধ বারংবার পরাস্ত হ'য়েও নিরস্ত  
হ'চ্ছে না, পুনরায় যুদ্ধার্থে আগমন ক'রেছে ; অতএব চল,  
আর কালবিলম্বে প্রয়োজন নাই, সত্বর নির্লজ্জকে সমুচিত শাস্তি  
প্রদান করি গে ।

কৃষ্ণ । চলুন চলুন ।

( সকলের প্রস্থান )

# যষ্ঠ অঙ্ক

প্রথম দৃশ্য

[ বৃন্দাবন-গোষ্ঠ ]

উদ্ধবের প্রবেশ

দব । ( স্বগতঃ ) অহো ! এই সেই শ্রীকৃষ্ণের ক্রীড়াক্ষেত্র গোষ্ঠ ।  
যে গোষ্ঠে, শ্রীকৃষ্ণ রাখাল-বেশে, রাখাল সঙ্গে গোচারণ  
ক'রতেন ; যে গোষ্ঠে এসে, কৃষ্ণ ক্ষুধায় ক্লিষ্ট হ'লে, গোপ-উচ্ছিষ্ট  
অতি স্নিগ্ধ ব'লে ভক্ষণ ক'রতেন ; যেখানে গোলোকনাথের  
গোকুল-লীলা অবলোকন ক'রবেন ব'লে, কৈলাসনাথ  
কৈলাসেশ্বরীর সঙ্গে এসে উপস্থিত হ'য়েছিলেন ; যেখানে  
চতুশ্চুখের গর্ভ খর্ব হ'য়েছিল ; যেখানে কৃষ্ণ-পদে কুশাস্কুর  
বিদ্ধ হ'লে, ভক্ত রাখালগণ দত্ত দ্বারা সেই কুশাস্কুর উত্তোলন  
ক'রে দিত ; আজ আমি সেই ভগবানের পদাঙ্কপরিশোভিত  
গোষ্ঠক্ষেত্রে এসে উপস্থিত হ'য়েছি । দেখ রে নয়ন ! দেখ,  
যা দেখবার জন্ম ব্যাকুল হ'য়েছিলি, আজ নিমেষশূন্য হ'রে  
সেই গোকুলগোষ্ঠ দর্শন ক'রে, মনের কষ্ট দূর কর । কিন্তু  
কৈ ? সেই কৃষ্ণ-সখা রাখালগণ কৈ ? আমি যে বড় আশা  
ক'রেছিলেম যে, সেই কৃষ্ণ-সখা রাখালগণের নিকট হ'তে,  
কেমন ক'রে কৃষ্ণ-সঙ্গে সখ্য স্থাপন করা যায়, তা শিক্ষা  
ক'রব ; কিন্তু আমার সে সাধ ত পূর্ণ হ'ল না ! তবে

সখা যে ব'লেছিলেন, আমার অদর্শনে রাখালেরা যমুনা-ব  
জলে জীবন বিসর্জন ক'বতে উদ্যত হ'য়েছে, তবে কি তাই  
হ'ল ? না, তাই বা ভাবছি কেন ? যারা কৃষ্ণ-সখা, তারা  
কি কৃষ্ণ-হাবা হ'য়ে, প্রাণ বিসর্জন দিতে পাবে ? যাই হ'ক,  
এই স্থানে অপেক্ষা করি। গোধূলি ত উপস্থিত ; নিশ্চয়ই  
রাখালগণ ধেয়ু ল'য়ে এই পথে গমন ক'রবে। আহা !  
কৃষ্ণ-বিবাহে প্রকৃতিও যেন বিবাদ-ভাব প্রকাশ ক'রছে।  
ভাস্কর ক্ষীণ-কব হ'য়ে অস্তাচলে গমন ক'রছে ; কিন্তু দেখে  
বোধ হ'চ্ছে,—যেন দিনমণি সমস্ত দিন নীলমণির অন্বেষণ  
ক'বে, হতাশ মনে, ক্রান্তভাবে, রোদন ক'বতে ক'বতে,  
আরক্তিমনেহে আপন গৃহ প্রত্যাগমন ক'রছেন। উন্নত  
বিটপীকুলকে দর্শন ক'বে জ্ঞান হ'চ্ছে, যেন তরুগণ আপন  
আপন মস্তক উন্নত ক'বে, কৃষ্ণকে অনুসন্ধান করবার জন্য বহু-  
দূর পর্য্যন্ত দৃষ্টিপাতপূর্বক দণ্ডায়মান র'য়েছে। বিহঙ্গমগণও  
যেন কৃষ্ণ-সন্ধান না পেয়ে, নীরবে আপন আপন কুলার প্রতি  
ধাবিত হ'চ্ছে।

নেপথ্যে সুরে—

“কৃষ্ণ রে ! কৃষ্ণ বে ! কৃষ্ণ রে ! আর ভাই !”

উদ্ধব । ওঃ, কি করুণ সুর ! বোধ হয়, ব্রজবালকগণ কৃষ্ণ কৃষ্ণ ব'লে,  
পথে পথে কেঁদে বেড়াচ্ছে। ঐ যে, রাখালগণ ধেয়ুবংশ সঙ্গে  
এই দিকেই আসছে। আচ্ছা, আমি এখন একটু অন্তরালে গিয়ে,  
এই রাখালদের বিশ্বস্তালাপ শ্রবণ করি।

( অন্তরালে গমন )

গীত গাহিতে গাহিতে শ্রীদাম, সুদাম, দাম, বসুদাম  
প্রভৃতি রাখালগণের প্রবেশ

গীত

কাঁহা গিয়া কানাইয়া গোকুল তেয়াগি বে ।  
ঘাট মাঠ ফিরি, বাট, হাট ঘুরি, কানু তুঁয়া লাগি রে ॥  
না শুনয়ি গোষ্ঠে সুমোহন বেণু,  
ঘন ঘন ঘন ফুকারয়ে ধেনু,  
ঝর ঝর ঝরে, ছুঁ ছুঁ আঁখি ঝোরে, তুঁয়া অমুরাগী রে ॥  
তুঁয়া নাম করি যত গোপগণ,  
কাঁদিয়ে সবহু ভাসয়ে বয়ান,  
ঘুরত ফিরত, নাহিত সোঁ যত, তুঁ-শ্রাম বিয়োগী রে ॥  
বরজ-ছলল মুরলী বাজাওয়ে,  
হেলে ছলে নেচে বরজে আওয়ে,  
হা হা, নন্দলালা, হৃদয় কি আলা, কাঁহে তু বিরাগী রে ॥

দাম । কৈ শ্রীদাম-দাদা ! তুই তো নিত্যই বলিস্ যে, আজ আমাদের কানাই আস্বে । কিন্তু কৈ ? একদিনও ত তোর কথা সত্য হ'ল না ? তুই কেন মিথ্যা কথা ব'লে, আমাদের মনে আশার সঞ্চার ক'রে দিস্ ?

বসু । না ভাই দাম ! আর আমরা শ্রীদাম-দাদার কথায় ভুল্বে না । শ্রীদাম-দাদাও—সেই কানাইয়ের সখা কি না ? তাই ও (ও) তার মত আমাদের সঙ্গে চালাকি করে ; ওর কথা শুনে, মনে কেবল আশা বাড়ে ।

শ্রীদাম । ভাই রে ! আশা না থাকলে, আমরা কি নিরে থাক্বে ?

তার আসার আশায় যে আমাদের প্রাণ এখনও আছে ; তার আশা-বৃন্তে যে আমাদেরব জীবন-কুসুম বন্ধ হ'য়ে র'য়েছে ভাই ! নতুবা এ শুষ্ক জীবন-কুসুম এত দিন কবে শুষ্ক হ'য়ে যেত । সুদাম । তাতে আর ক্ষতি কি ছিল ? যার জন্ম প্রাণ, সেই যখন আমাদের ছেড়ে গেছে, তখন আর এ প্রাণ রেখে ফল কি ? এত কষ্ট পাবার চেয়ে, প্রাণত্যাগ করাই ভাল । সেদিন তুমি যদি আমাদের আশা না দিতে, তা হ'লে আমরা সেই দিনই যমুনার জলে প্রাণ দিয়ে তাকে ভুলে যেতাম ।

শ্রীদাম । সকলে প্রাণত্যাগ ক'রে কানাইকে ভুলবে ব'ল্ছ ? ঠা ভাই ! তাব মনে যদি আমাদের কষ্ট দিবার ইচ্ছাই থাকে, তা হ'লে কি জীবন বিসর্জন দিলেও, সে কষ্টের হাত হ'তে উদ্ধার পাবার সাধ্য আছে ? আবার জন্মান্তরে এইরূপ কষ্ট পেতে হবে । তা ভাই ! ম'বলেও এখন কষ্ট যাবে না, তখন প্রাণত্যাগ না ক'রে, আর সকলে মিলে, কেবল কৃষ্ণ কৃষ্ণ ব'লে কাঁদি ; তা'হলেও যদি কোন দিন সেই বনমালীর দেখা পাই ।

দাম । না ভাই ! আমি আব সহ্য ক'রতে পারি না । তার কথা মনে হয়, আর যেন প্রাণ কেঁদে কেঁদে গুঁটে । অমনি ইচ্ছা হয় যে, এখনি ছুটে গিয়ে ভাই কানাইকে দেখে আসি । আর ব'লে আসি যে, ভাই কানাই ! এই কি তোমার মনে ছিল ? এই কি তোমার ভালবাসা ? এই কি তোমার রাখালদের প্রতি দয়া মায়া ? যাদের প্রাণসখা ব'লে বই ডাকতিস্ না, যাদের মুখের এঁটো-ফল খাবার জন্ম কত ব্যাকুল হ'তিস্, আজ কেমন ক'রে তাদের ভুলে, এই মথুরায় রাজা হ'য়ে র'য়েছিস্ ভাই ? ভালবাসলে কি এরূপ ক'রে কাঁদাতে হয় ?



বসু । হাঁরে দাম ! তাতে কি সেই নির্দয়ের দয়া হবে ? সে এখন রাজা, আমরা যে তার প্রজা রাখাল, তার কি আর সে সব কথা মনে আছে ? সে এখন দেখা হ'লে হয় ত কথাই কইবে না ।

দাম । তার পায়ে ধ'রে কাঁদলেও কি তার দয়া হবে না ? রাজা হ'লে কি সে আগেকার কথা সব ভুলে যাব ? কাঁদলেও যদি তার দয়া না হয়, তা'হলে তার কাছে এই বুক চিরে দেখাব, আর ব'লব যে, 'দেখ্ রে রাজা ! দেখ্, তোর জন্ত এই বুকের মধ্যে কি আগুন জ্ব'লছে ! তুই বিনে এ আগুন আর নিব'বে না ।' বসুদাম রে ! এত ক'রে ব'লেও কি দয়া ক'রবে না ? আমাদের তেমন কানাই কি, এর মধ্যে এতই কঠিন হ'য়েছে ?

উদ্ধব । ( স্বগতঃ ) আহা হা ! কি সরলতা-মাখান মধুর বিলাপ রে ! এমন বিলাপ যে জীবন ভ'রে শ্রবণ ক'রতে ইচ্ছা হয় । এমন সরল নইলে কি কৃষ্ণের ভালবাসা লাভ করা যায় ? সাধে কি কৃষ্ণ এই রাখালদের উচ্ছিষ্ট ভোজন ক'রতেন ? বুঝলেম, যদি জগতে কোথাও কৃষ্ণকে কেউ সরলপ্রাণে ভালবেসে থাকে, তবে ব্রজের এই রাখালরাই বেসেছে । আজ আমার জন্ম সফল হ'ল । দেখি, রাখালেরা আরও কি বলে ।

বসু । শ্রীদাম-দাদা ! চল, আবার আমরা মথুরায় বাই ; আর একবার গিয়ে শেষ-দেখা দেখে আসি ; আর সেই কালশনীকে ব'লে আসি যে, হা ভাই মনোচর ! তুই যদি ব্রজেই না যাস্, তা হ'লে আমাদের মন চুরি ক'রে রেখেছিস্ কেন ? তুই ত এখন রাজা, তোর এখন অভাব কি ? তোর কাছে কত জনের মন-প্রাণ আছে ; আমরা কাঙ্কাল রাখাল, আমাদের যে একটা বই দু'টা

মন নাট, তাও তুই নিয়েছিস্ ; তা সে মনগুলিকে আমাদের  
ফিরিয়ে দে । তাহ'লে আব তোব জন্ম কাঁদব না, আব তোর  
জন্ম ভেবে-ভেদেও ম'বব না, আর তোকে নিতেও আসব না ।  
হ্যা ভাই ! এ শুনেও কি, সে আমাদের মনগুলিকে ফিরিয়ে  
দেবে না ?

শ্রীদাম । বসুদাম বে ! সে যে ভাই মনেবই রাজা, মনেব উপবই যে  
তাহার অধিকার ভাই ! তা, বাজার প্রাপ্য কি বাড়ায় তাগ  
ক'রে থাকে ? 'আব তাবে মনোচব ব' ? কিন্তু ভেবে দেখ  
দেখি ভাই ! সে ত ইচ্ছা ক'রে আমাদের মন চুবি কবে নাই,  
আমবা যে নিজেবাই মেধে মেধে তাকে মন বিলিয়ে দিয়েছি ।  
এখন বল দেখি, একবার দান ক'বলে, তাকে আব ফিরিয়ে  
নেওয়া যায় ?

সুদাম । ও শ্রীদাম-দাদাব কাছে কিছু ব'লে পাব পাবাব যো নাই ।  
ও সব-কথাই, সেই কানাইয়েব দিকে টেনে টেনে ব'লবে ।  
আস ভাই বসুদাম ! আমরা কানাইয়েব কাছে যাই । শ্রীদাম-  
দাদা না যায় নেই নেই ।

উদ্ধব । ( স্বগতঃ ) না, আব অদৃষ্ট হ'য়ে, সে দৃশ্য দর্শন করা যায় না ।  
রক্ষ-বিরহ-কাতর রাখালগণেব বোদন শুনে, চক্ষুর জল সংবৎন  
কবা কঠিন ; এই জন্মই সখা ব'লেছিলেন যে, দেখ, ব্রজবাসিদেব  
বোদন শুনে, নিজে যেন বোদন ক'ব না ; কিন্তু সখাব  
ধাক্য রক্ষা করা দুঃসাধ্য হ'য়ে এল । যা হ'ক্, এখন রাখালদেব  
নিকটে গিয়ে, রক্ষ-সংবাদ জ্ঞাপন করিগে ।

( রাখালদেব নিকটে গমন )

দাম । ( উদ্ধবকে আনিতে দেখিয়া কৃষ্ণভ্রমে আনন্দে বিহ্বল হইয়া উচ্চৈঃস্বরে ) ওরে ! এসেছে রে, এসেছে, আমাদের ভাই কানাই এসেছে । আমাদের কান্না শুনতে পেয়েছে । ( উদ্ধবের হাত ধরিয়া ) আর তোকে ছাড়ব না, এবার একেবারে প্রাণে প্রাণে বেঁধে রাখব ।

বসু । কানাই রে ! তোর কি মনে প'ড়েছে ?—ব্রজের বাখাল ব'লে কি তোর মনে প'ড়েছে ভাই ?

সুদাম । বসু ভাই কৃষ্ণ ! আর কষ্ট দিবি নে ? আর ব্রজ ছেড়ে যাবি নে ?

শ্রীদাম । কৈ ভাই ! তোমরা কাকে কানাই ব'লে ডাকছ ? ও ত আমাদের কানাই নয় !

দাম । না, কানাই নয় কে আর ব'লবে ! এই দেখনা, সেই বাণী, সেই চূড়া, সেই ধড়া, সেই অলকাতিলাকা ।

উদ্ধব । ( স্বগতঃ ) কৃষ্ণ হে ! এ কি বিপদে ফেল্লো ?

সুদাম । কেমন ভাই ! তুই আমাদের কানাই ন'স্ ?

উদ্ধব । ভাই বাখালগণ ! তোমরা অত উত্তলা হ'য়ো না । আমি তোমাদের কানাই নই, আমি তোমাদের সেই বাঁকাসথার একজন সখা, নাম—উদ্ধব । তোমাদের সংবাদ না পেয়ে, তোমাদের সখা বড় ব্যাকুল হ'য়েছেন, তাই আমাকে তোমাদের কাছে পাঠিয়েছেন ।

দাম । ( উদ্ধবকে ত্যাগ করিয়া দুঃখ এবং ক্রোধের সহিত ) কি ব'ল্লো ? তুমি আমাদের কৃষ্ণ নও ? তুমি কৃষ্ণ সাজে সেজে, আমাদের কষ্টের উপর কষ্ট দিতে এসেছ ? তুমি চোর, তুমি আমাদের প্রাণ-কৃষ্ণের সাজ চুরি ক'রে এনেছ ।

উদ্ধব । ভাই রে ! আমি চোরই বটে । আমি তোমাদের নিকট হ'তে কৃষ্ণপ্রেম এবং কৃষ্ণ-ভক্তিরূপ পরমধন চুরি ক'রতেই তোমাদের নিকটে এসেছি । কিন্তু ভাই ! আমি তোমাদের কানাইয়ের বেশ চুরি করি নাই । তোমাদের সখাই আমাকে এই সাজে সাজিয়ে দিয়েছেন । আমার ভাতে দোষ নাই ।

বসু । তবে তুমি এ সাজে সাজলে কেন ? সাজলে যদি, তবে আবার ব্রজে এলে কেন ?

উদ্ধব । ব্রজ কেন এলেম, তা ত পূর্বেই ব'লেছি ; তবে এ সাজে সাজলেম কেন, জিজ্ঞাসা ক'রতে পার ; তা ভাই ! এ সংসারে কেউ কি কিছু নিজে সাধ ক'রেই সাজে ? সেই সাজাবার কর্তা মাধব ; তিনি যাকে যে সাজে সাজান্, তাকে সেই সাজেই সাজতে হয় । ভাই রে ! জেনে রে'খ, কেউ আপনি সাজে না ।

### গীত

কে সাজে আপনি ।

ভব-রঙ্গালয়ে,                      সাজান্ জীবে ল'য়ে,  
তোমাদের সেই নীলমণি ॥

কেহ বা সাজে রাজা, কেহ বা সাজে ষজা, সাজাবার কর্তা যে তিনি,

যার যে সাজে,                      সাজাইলে সাজে,  
সেই সাজে তারে সাজান্ জানি ॥

শ্রীদাম । উদ্ধব ! তুমি আমাদের কৃষ্ণ-সখা ? তবে বল ভাই ! আমাদের সখা গোপাল কেমন আছেন ? রাখাল ব'লে তাঁর কি আর মনে আছে ?

উদ্ধব । ভাই ! তোমাদের সখা কেমন আছেন, তা আর জিজ্ঞাসা

ক'রুছ ? যিনি নিজেই মঙ্গলময়, তাঁর আবার মঙ্গলানঙ্গল কি ? আর তোমাদের কথা মনে আছে কি না, তাই জিজ্ঞাসা ক'রুছ ? ই্যা তাই ! তোমাদের এমন অকপট ভালবাসা কি তিনি ভুলতে পারেন ? দিবানিশি কেবল, তোমাদের বিষয়ই আলাপ করেন । তোমরা ও যেমন তাঁর জন্ত ব্যাকুল, সেই অকুলের কুল গোকুল-সখাও তেমনি তোমাদের জন্তে আকুল । তোমরা মনে ক'রেছ যে, গোকুলবিহারী গোকুল ছেড়ে মথুরায় গিয়ে রাজা হ'য়েছেন ব'লে, তোমাদের সব ভুলে গেছেন ; কিন্তু তা নয়, তাঁর মন-প্রাণ সকলই এই গোকুলে । তোমাদের পূর্বেও যেমন ভাল বাসতেন, এখনও তেমনি ভালবাসেন । তোমাদের দেখবার জন্ত তিনিও পাগল হ'য়ে বেড়াচ্ছেন ; কিন্তু কি করেন, তাঁর সখা শ্রীদামের অভিশাপ আছে যে, শতবর্ষ ব্রজ ছেড়ে থাকতে হবে ; তাই সেই শ্রীদামেব বাক্য-পালন জন্তই, ব্রজে আসতে পারছেন না । ও কি তাই ! আমার কথা শুনে, মস্তক অবনত ক'রলে কেন ?

শ্রীদাম । উদ্ধব ! কি ব'লব, আমিই সেই কৃষ্ণ-বিরহের মূল হতভাগ্য শ্রীদাম । আমি নিজেই আমাদের সর্বনাশ ক'রেছি । আমার জন্তই আজ ব্রজবাসিগণ কৃষ্ণশোক-সাগরে ভাসছে ।

উদ্ধব । তুমিই শ্রীদাম ?—তুমিই সেই কৃষ্ণ-সখা শ্রীদাম ? তবে তাই ! তোমার এ ভ্রম কেন ? তুমি রাধাকে অভিশাপ দিয়েছিলে ব'লে, আজ কৃষ্ণ-বিরহ ভোগ ক'রুছ । তার জন্ত আর অনুতাপ কেন ? সে অভিশাপ প্রদান করা কি কেবল তোমার ইচ্ছাতেই হ'য়েছিল ? তাও ত নয় ; তাতেও সেই ইচ্ছাময়ের সম্পূর্ণ ইচ্ছা ছিল । সে অভিশাপ না হ'লে কি, কৃষ্ণলীলা

প্রদর্শন করা হ'ত ? তবে ভাই ! যা করবার তা সবই সেই গোলোকনাথ ক'রে রেখেছেন । তোমরা কেবল কারণ মাত্র । ভাই ! তুমি যে কে, এবং ঐ রাখালগণই বা কে, তা ত আমি সবই শুনেছি । ভাই ! তোমরা সাধারণ রাখাল নও ; তোমরা সেই নিত্যধাম গোলোকধামের রাখাল ; কৃষ্ণগীতার সহায়তা ক'রতে এই বৃন্দাবনে এসে, গোপগৃহে জন্মগ্রহণ ক'রেছ । তবে কৃষ্ণ-বিরহে কাতর কেন ভাই ? বিরহই যে ভালবাসার সুখ ; তাই ব'লছি, আর কৃষ্ণের জন্ম চিন্তা ক'র না । আর সুধুর হৃদয় রোদন ক'র না । কৃষ্ণ তোমাদের ছাড়া নন । তোমরা দেহ,—কৃষ্ণ আত্মা । তোমরা আধার—কৃষ্ণ আশ্রয়, তোমার আকাশ,—কৃষ্ণ চন্দ্র, তোমরা জল,—কৃষ্ণ শৈত্য, তোমরা অনল,—কৃষ্ণ উত্তাপ, অতএব সেই ত্রিতাপ ভঙ্গনকারী শ্রীহরির বিরহ-চিন্তাই বা কেন ? তোমরা কৃষ্ণের অংশ হ'য়েও যদি তাঁর তত্ত্ব বুঝতে না পার, তবে জগতের লোকে তাঁর মাহাত্ম্য কিরূপে বুঝবে ভাই ? এই জগতে সখ্যভাব দ্বারা কৃষ্ণকে কিরূপে লাভ করা যায়, তার উদাহরণ কৃষ্ণ তোমাদের দ্বারাই প্রদর্শন ক'রছেন ! তবে তাই কব ভাই ! সেই ইচ্ছাময়ের ইচ্ছা পূর্ণ কর । সখ্যভাবের বিমল ছবি, এই জগত-পটে চিরদিনের জন্ম অঙ্কিত ক'রে যাও ; ভবিষ্যৎ-লোকে,—সেই ছবি দেখে শিক্ষা লাভ ক'রবে । আর এস ভাই ! আমাকে একবার আলিঙ্গন দান কর ; আমি জানি, তোমাদের অঙ্গ স্পর্শ ক'রলে, তাকে আর শমনে স্পর্শ ক'রতে পারে না ; কেন না, যে অঙ্গের সঙ্গে সেই শ্রীঅঙ্গের সঙ্গ হ'য়েছে, সে অঙ্গের আলিঙ্গন পেলে একেবারে আমার সকল খেলার

সাক্ষ হবে। সেই শ্রীমাধবের অঙ্গস্পর্শের যে কি গুণ, তা গয়াসুরের দ্বারাই প্রমাণিত হ'চ্ছে। গয়াসুরের মস্তকে সেই কমলাকাণ্ডের পদ-প্রাপ্ত পতিত হ'য়েছিল ব'লেই ত, সকলে সেই পতিত-পাবন পীতাসুরের পদাঙ্ক পরিশোভিত গয়াসুর-মস্তকে পিণ্ডপ্রদানপূর্বক, পতিত পিতৃপুরুষদিগকে পরিব্রাণ ক'রে থাকে।

শ্রীদাম। উদ্ধব! আজ তোমার কণার আনাদের জ্ঞানোদয় হ'ল। আমরা কানাইকে কেবল আমাদের মত বাখাল ব'লেই মনে ক'রতাম; কিন্তু এখন বুঝলেন যে, কৃষ্ণ কেবল আমাদের সখা নয়, সে এই ত্রিলোকের সখা। আমরা এতদিন কৃষ্ণকে কাছে পেয়েও, তাকে চিন্তে পারি নাই; তাই তাকে এঁঠো-কল খাইয়েছি, কত কষ্ট দিয়েছি। তবে বল উদ্ধব! আমাদের এ পাপ কিসে দূর হবে?

উদ্ধব। শ্রীদাম! তার জন্ম চিন্তা ক'রছ কেন ভাই? কৃষ্ণ-অধরে উচ্ছিষ্ট প্রদান ক'রেছ ব'লে, তোমাদের তাতে পাপ হয় নাই। গাপ-পুণ্যের কর্তা ত সেই কৃষ্ণ? তা সেই কৃষ্ণই বখন তোমাদের নিকট হ'তে উচ্ছিষ্ট ফল চেয়ে খেয়েছেন, তখন আর তোমাদের পাপের ভয় কেন? আর সেই পাপহারী হরি কাছে থাকতে কি, কাউকে পাপে স্পর্শ ক'রতে পারে? খগপতি বৈনভেয়কে দর্শন ক'রলে ভুজঙ্গগণ যেমন পলায়ন করে, তেমনি সেই পাপনাশন কৃষ্ণকে দর্শন ক'রলেও, পাপরাশি দূরে পলায়ন করে। আর ব'লছ যে, “সেই কৃষ্ণকে নিকটে পেয়েও তাকে চিন্তে পারি নাই”; তা ভাই! বাগকেরা এক উদর-পূরণের জন্মই দুগ্ধকে ভালবাসে; কিন্তু সেই দুগ্ধের যে অত্যাণ্ড

কি গুণ আছে, তা যেমন তারা জ্ঞানোদয় না হ'লে বুঝতে পারে না, তোররাও তেমনি কৃষ্ণের স্নেহেই মুগ্ধ হ'য়ে, কৃষ্ণকে ভালবাসতে ; কিন্তু কৃষ্ণ যে জগদীশ্বর, তা জানতে না। এখন জ্ঞানোদয়ের সঙ্গে সঙ্গে সেই গুণাকর কৃষ্ণের গুণ বুঝতে পারছ। তবে এখন যেমন কৃষ্ণ--কে, তা চিন্তে পেরেছ, তখন আর তার জন্ত চিন্তা কি ?

শ্রীদাম। না ভাই ! আর চিন্তা ক'রব না। আর কৃষ্ণের জন্ত চিন্তা ক'রব না, আর তার জন্ত কেঁদে কেঁদে আকুল হব না ; কেবল তার সেই নবজলধর-রূপ মনে মনে চিন্তা ক'রব, তা হ'লেই সুখ পাব। বাইরের দেখায় বিচ্ছেদ আছে, কিন্তু অন্তরের দেখায় আর বিচ্ছেদ নাই। কোন বস্তুর রূপ যদি মনে মনে চিন্তা করা যায়, তা হ'লে সে বস্তু কাছে না থাকলেও, সেই বস্তুর রূপ যেমন মনের সঙ্গে লেগে থাকে ; কৃষ্ণও তেমনি মনের সঙ্গে মিশে আছে, আর তাকে বাইরে দেখতে চাইনে।

উদ্ধব। তা আর চাইবে কেন ভাই ! মনের সঙ্গেই যে তার অধিক সম্বন্ধ। যখন মনের সঙ্গে তাকে মিশাতে পেরেছ, তখন আর বহিঃক্ষে তাকে দর্শনে ফল কি ?

দাম। হাঁ উদ্ধব ! আমি চোখ বুজে, মনে মনে হেবে দেখলেম যে, কৃষ্ণ আমাদের ছেড়ে যায় নাই, কৃষ্ণ আমাদের মনের সঙ্গেই আছে ; ঠিক তেমনি ক'রে বেণু বাজাতে বাজাতে, ধেনু ল'য়ে, কাণ্ড যেন আমাদের মনের মধ্যে বেড়িয়ে বেড়াচ্ছে। বেশ ত ভাই ! এ সন্ধান ত আমাদের কেউ ব'লে দেয় নাই, এ সন্ধান পেলে আর কৃষ্ণের জন্ত এত কাঁদতেম না। আমি এখন অবধি কৃষ্ণকে মনে মনেই চিন্তা ক'রব !



উদ্ধব । ( স্বগতঃ ) ধন্য হরি ! তোমার মায়া ! ( প্রকাশ্যে ) ভাই সব !  
এখন তোমাদের কৃষ্ণ-বিচ্ছেদ-কষ্ট দূর হ'ল ত ? তবে এখন  
চল ভাই ! আমাকে নন্দালয়ে নিয়ে চল ।

শ্রীদাম । চল ভাই ! তোমাকে বৃন্দাবনের দুর্বস্থা দেখাতে নিয়ে যাই ।

গীত

দেপ রে শশান-সম বৃন্দাবন, বৃন্দাবন ধন বিনে ।  
কোকিল-বৃজন, লমর-গুঞ্জন, নাহিক নিকুঞ্জবনে,  
সারী-শুকে স্থখে, ভাসে না ক মুগে, ভাসিছে হুখে বিপিনে ॥

যমুনা-জীবন বহে না উজান,

নাহি সে মধুর কল কল তান,

বৃন্দস সমীরে, সরসীর নীরে, নাচে না মরালগণে,

হেরে দিনমণি, মলিনী নলিনী, নীলমণি বিনে দিনে ॥

নন্দালয়ে উন্মাদিনী নন্দ-রাগী,

হাতে লয়ে বাদে ক্ষীর-সর-ননী,

হাহাকার রবে, ঘরে ঘরে সবে, কাদিছে গোপিনীগণে,

দেখিবে কিশোরীর, হ'য়েছে কি শরীর, বাশরীর পর না শুনে ॥

( উদ্ধব-সহ সকলের প্রস্থান )

## দ্বিতীয় দৃশ্য

[ নন্দালয় ]

কাষ্ঠনির্মিত কৃষ্ণকোলে উন্মাদিনী

যশোদার প্রবেশ

যশো। ও মা ! কে বলে কৃষ্ণ আমার মথুরায় গেছে ? এই যে আমার জীবনধন আমার কোলেই শুয়ে আছে । আমাব বক্ষের ধনকে বক্ষে ক'রেই রেখেছি ; পাছে অকুর এসে আবার মথুরায় নিয়ে যায় । একবার সেই নিষ্ঠুর দস্যু—আমার নয়নমণিকে হরণ ক'রে নিয়েছিল, আমি সেদিন হ'তে নীলমণি-হারা হ'য়ে, কেবল “নীলমণি রে ! নীলমণি রে !” বলে, পথে পথে কেঁদে বেড়িয়েছি । কত কষ্টে আবার আমার ষাটুকে কোলে পেয়েছি ; আর কি কোল ছাড়া করি ? আমি কি এমন ধন হারা হ'রে থাকতে পারি ? আর আমার গোপালকে কোলছাড়া ক'রবে না, আর বাখালাদের সঙ্গে গোষ্ঠেও বেতে দেব না । আহা ! এমন কোমল অঙ্গে কি সূর্যাতাপ সহ হয় ? গোপরাজকে বলবে যে, আর আমার গোপাল তোমার বাধা বহন ক'রতে পারবে না । এমন ধনকে কি কষ্ট ভোগ ক'রতে দেওয়া যায় ? যার মুখ দেখলে, শত্রুরা পর্যাণ্ড শত্রুভাব ভুলে যায়, তার মুখ না দেখে কি এক দণ্ড থাকা যায় ? আমার গোপালকে, কে না ভালবাসে ? ব্রজ-বাসিগণ ত গোপাল বলতে অজ্ঞান ; গোপিনীরা আমার

গোপালকে কোলে করবার জন্ত যেন অস্থির হ'য়ে বেড়ায়। মানুষের কথা দূরে থাক, যাকে না দেখলে, যার বাঁশী না শুনলে, ধেনুগুলি পর্যন্ত তৃণ-জল খেতে চায় না, তাকে কে না ভালবাসে? এই যে, গোপাল আমার দেখতে দেখতে ঘুমিয়ে প'ড়েছে, চোখ দু'টা বুজে র'য়েছে, দেখে বোধ হ'চ্ছে, যেন নীলকমল দু'টা নিমীলিত হ'য়ে আছে। দেখি দেখি, আমার যাদু-মণির চাঁদমুখখানা ভাল ক'রে প্রাণভ'রে দেখি। এ মুখ দেখে যে সাধ মেটে না। আবার গোপাল যখন আমার, এই চাঁদমুখ মধুর মা মা ব'লে ডাকে, তখন যেন আমার এই তাপিত প্রাণ শীতল হ'য়ে যায়। ডাকি, যাদুকে একবার ডাকি। না না ডাকব না, ডেকে আর বাছার সুম্ভাঙ্গাব না। ডাকি, ডেকে মধুর মা ডাক শুনি। আর মনের সাধে ঐ চাঁদমুখে ক্ষীর-সর-নবনী দি। গোপাল! বাপ আমার! চোখ মেল। এই নবনী এনেছি—নবনী খাও। (ব্যাকুলভাবে) এঁ্যা, কে কি বলে রে? অমন সর্ব্বনেশে কথা আবার কে বলে রে? আমার নীলমণি আমার কোলে গুয়ে র'য়েছে দেখেও, আমাকে— 'গোপাল ব্রজে নাই' ব'লে বিদ্রূপ ক'রছে। আমি কি পাগল হ'য়েছি যে, তোরা আমার দিনরাত কেবল, 'গোপাল তোমার ছেলে নয়, গোপাল দেবকীর ছেলে', ব'লে যন্ত্রণা দিস? তোদের আমি কি অনিষ্ট ক'রেছি যে, আমার অমন করে জ্বালাতন ক'রতে আসিস? যা, যা, তোরা আমার কাছ থেকে চ'লে যা। তুই আবার কে ম'রতে এলি? দেবকী? কি কি রাক্ষসী? দূর দূর, আমার গোপাল তোকে দেখলে ভয় পাবে। তুই দূর হ'য়ে যা। কি বলি ডাইনি! গোপাল তো'র ছেলে?

রাক্ষসীর উদরে কি এমন টাঁদের মত ছেলে জন্মায় ? মিছে কথা, গোপাল আমার গোপাল, আর কারুর নয় । তবুও গেলি নে ? এ কি, বড় যে আমার দিকে আসুছিস্ ? এঁ্যা, গোপালকে কি জোর ক'বে কে'ড়ে নিবি ? ( সভয়ে পশ্চাৎপদ হইয়া উচ্চৈঃস্বরে ) নিলে গো নিলে, আমার নীলমণিকে রাক্ষসীতে কেড়ে নিলে । তোমরা রক্ষা কর, রক্ষা কর, ওগো ! তোমরা আনাব নাহু-মণিকে, ডাকিনী দেবকীর কাছ থেকে এনে দাও । ঐ গ্রাস ক'রলে, ঐ গ্রাস ক'রলে, আমার গোপালকে রাক্ষসে গ্রাস ক'রলে ! হায় ! হায় ! হায় ! কেউ রক্ষা ক'রলে না রে ? আমি যাই কোথা ? ওগো আমার সর্বনাশ হ'ল, আমার অন্ধের নাগিক জীবনের জীবনকে, আজ রাক্ষসে গ্রাস ক'রলে । কেউ দেখলে না, কেউ শুনলে না, এ দুঃখিনীর দুঃখ কেউ বুঝলে না । তবে আর এ প্রাণ রেখে ফল কি ? গোপাল বে ! বাপ ! কোথায় গেলি ?

( পতন )

### অদূরে উদ্ধবসহ নন্দের প্রবেশ

নন্দ । ঐ দেখ বাপ ! যশোমতীর দুর্গতি একবার চেয়ে দেখ । গোপাল গোপাল ব'লে যশোমতী মূচ্ছিতা হ'য়েছে । কৃষ্ণশোকে অভাগিনী একেবারে উন্মাদিনী ; কারুরই প্রবোধ মানে না, কাউকে চিন্তেও পারে না, দিবারাত্র কেবল ঐ এক কাঁঠ নিশ্চিত কৃষ্ণমূর্ত্তি বক্ষে ক'রে বৃষে বেড়াচ্ছে । কখনও বা গোষ্ঠে গিয়ে, প্রাণ-গোপালের অনুসন্ধান ক'রে আসুছে, কখনও বা যমুনা-কূলে গিয়ে, কৃষ্ণের অঘেষণে সেই যমুনার জলেই বাঁপ

দ্বিতে উত্তত হ'চ্ছে। আহার নাই, নিদ্রা নাই, স্নান নাই ; কেবল  
হা কৃষ্ণ, হা কৃষ্ণ ব'লে অবিশ্রান্ত রোদন। বল দেখি উদ্ধব !  
এ দৃশ্য আর কেমন ক'রে সহ করা যায় ?

উদ্ধব। পিতঃ ! কি রূপে মায়ের চৈতন্য সম্পাদন করা যায় ? আমার  
যে দেখে ভয় হ'চ্ছে।

নন্দ। তুমি নূতন দেখছ, তাই তোমার ভয় হ'চ্ছে ; কিন্তু আমার আর  
ভয় বা ভাবনা কিছুই নাই ; সময়ে সময়ে মনে হয় যে, একরূপ  
অবস্থায় জীবন-ভার বহন করার চেয়ে, যশোমতীর মরণই মঙ্গল ;  
কাজেই আর সব সময়ে চৈতন্য-সম্পাদনের চেষ্টাও করি নে।  
চেতনা হ'লেই ত কেবল কৃষ্ণ কৃষ্ণ রব বই আর কিছুই নয়, তা  
হ'তে যতক্ষণ মূর্ছাবস্থা থাকে, সেই উত্তম। মূর্ছা ভিন্ন ত আর  
যন্ত্রণার লাধব হবে না। এ নিদাক্ষণ কৃষ্ণ বিরহানল নির্বাণের  
উপায় এক মূর্ছা ভিন্ন অন্য কিছুই নাই। নিদ্রাহীন বৃন্দাবনবাসী  
এখন মূর্ছা দ্বারাই নিদ্রাসুখ উপভোগ করে। উদ্ধব রে !  
বৃন্দাবন এখন মহাশ্মশান,—এ শ্মশানে কেহই জীবিত নাই।  
বৃন্দাবনবাসীর প্রাণ—কৃষ্ণ, সেই প্রাণ-কৃষ্ণ যখন বৃন্দাবনবাসীগণকে  
পরিত্যাগ ক'রেছে, তখন বৃন্দাবনবাসীগণ মৃত শব বই আর  
কি ? আর সেই সকল শবদেহ দিবানিশি বিরহানলে দগ্ধ  
হ'য়ে, বৃন্দাবনকে মহাশ্মশান সমান ক'রে তুলেছে। উদ্ধব !  
তোমার সখাকে একবার এই শ্মশানের অবস্থা ব'ল। আর  
কি ব'লব।

উদ্ধব। পিতঃ ! আপনি আর শোক প্রকাশ ক'রবেন না। এখন মা  
যশোমতীর চেতনালভের উপায় করুন।

নন্দ। আর অন্য উপায় নাই উদ্ধব ! উপায় এক কৃষ্ণনাম।

- কৃষ্ণনামের যে কি গুণ, তা বুঝতে পারি নে ; মূর্ছাকালেও কৃষ্ণ  
কৃষ্ণ ব'লে মূর্ছা, আবার সেই কৃষ্ণনাম শ্রবণে মূর্ছা ভঙ্গ ।
- উদ্ধব । তবে আমি সেই কৃষ্ণনামই উচ্চারণ করি । ( বশোদার কর্ণে )  
কৃষ্ণ ! কৃষ্ণ ! কৃষ্ণ !
- যশো । ( পতিত অবস্থায় জ্ঞানপ্রাপ্ত হইয়া ) আহা হা, আমার সাগর-  
সেচা-ধন কোথায় রে !
- নন্দ । উদ্ধব ! তুমি একবার হতভাগিনীকে মা ব'লে ডাক । তোমার  
কণ্ঠস্বর, আর গোপালের কণ্ঠস্বর একরূপই ।
- উদ্ধব । ওমা ! মা ! ( যশোদাকে কর্ণ উত্তোলন করিয়া শুনিতে  
দেখিয়া ) ওমা ! মাগো ! একবার উঠ মা !
- যশো । ওরে ! কে রে ! যেই হ'সু আর একবার অমনি ক'রে মা মা  
ব'লে ডাক ।
- উদ্ধব । মা ! মা ! একবার চোখ মেলে চেয়ে দেখ ।
- যশো । ( চক্ষু মেলিয়া ) এঁ্যা কে ? গোপাল ! আমার হারাণ ধন  
গোপাল ! আমার অন্ধের ষষ্টি গোপাল ! আমার স্নেহসাগরের  
সাধের নিধি গোপাল ! আয়, আয়, আয় রে ! আমার বুকে  
আয় । তেমনি ক'রে জড়িয়ে ধ'রে মা মা ব'লে ডাক । নীল-  
মণি রে ! ওরে আমি অনেকদিন তোর মুখের মা বোল শনি নাই  
রে ! ডাক রে যাহু ! ডাক, আমি প্রাণ ভরে শনি !

## গীত

কে এঁলি রে বাপ, মা মা ব'লে তুই কি আমার নীলমণি ।

আমায় মা-বোল ব'লে ডাক রে গোপাল,

আমি মা-বোল শোনা ভুলে গেছি,

( তুই যে দিন হ'তে ছেড়ে গেলি )

আমি সে দিন হ'তে আর শুনিনি ।

( মধুর মা-বোল ধ্বনি ) ( তোর মুখের )

আমি সে দিন হ'তে আর শুনিনি ॥

বাপ, ভুলে তোর এই ছুঃখিনী মাকে,                      মা ব'ল্‌তিস্‌ বল্‌ কার মাকে,  
( গোপাল, বল্‌ রে বল্‌ তোর কেমন সে মা )      ( মায়ের মায়া জানে কি সে না )

ক্ষীর সর নবনী তোরে দেয় কি সে মা,

নবনীর তরে তোরে বাঁধে ত না,

( চূড়া বেঁধে দেয় কি )                      ( নোহন )                      ( বামে হেলা ক'রে )

( শিখি-পাখা এ'টে দিয়ে )                      ( ও বাপ, আমার মতন তেমনি ক'রে )

বল্‌ অঞ্চলে কি বাঁধে নবনী ।

( মুখে দেবে ব'লে )

( চাঁদমুখে দেবে ব'লে )

বল্‌ অঞ্চলে কি বাঁধে নবনী ॥

গোপাল, দেখু সনে বেণু ল'য়ে,                      কোথা যেতিস্‌ গোঠে ধেয়ে,

রাখাল-রাজা সাজিয়ে, বল্‌ কে দিত রে যাহুমনি ।

( শ্রীদামসখা বিনে )

বল্‌ কে দিত রে যাহুমনি ॥

যশো । ( গাত্রোখান করিয়া ) কৈ ? আমার গোপাল কৈ ? আমায়  
মা ব'লে ডেকে কি আবার পাণ্ডিয়ে গেল ?

উদ্ধব । মা গো ! আমি তোমায় মা ব'লে ডেকেছি, আমি তোমার  
গোপালের সখা, নাম উদ্ধব ।

যশো । তবে তুমি গোপাল নও ? ( নন্দের প্রতি ) তুমি কে ?  
রাক্ষস ?

নন্দ । যশোমতি ! আমাকে চিন্তে পারছ না ? আমিও কৃষ্ণ-হারী  
হতভাগা নন্দ ।

যশো । না না, তুমি রাক্ষস । আর কি নেবে ? আমার যা ছিল, তা  
নিরে গেছ, আর কি নিতে এসেছ ?

উদ্ধব । মা গো ! তোর গোপাল তোদের দেখবার জন্য আমাকে পাঠিয়েছে, এখন স্থির হ'য়ে আমার কথা শোন ।

যশো । মিছে কথা, মিছে কথা ; গোপাল এখন মা পেয়েছে, রাজা হ'য়েছে, সে আমাদের কথা ভুলে গেছে । সে স্পষ্টই ব'লেছে, আমি তার মা নই ।

উদ্ধব । মা গো ! আমার কথা বিশ্বাস কর । আমি ব'লছি, গোপাল তোদের ভুলে যায় নাই । তোর স্নেহ-মমতার কথা তার মনে মনে গাঁথা র'য়েছে । গোপাল যখন তোর কথা আমাদের কাছে বলে, কখন তার নয়নদ্বয় হ'তে কেবল জলধারা বর্ষণ হয় । তাই ব'লছি মা ! আর কাঁদিস্ নে । আবার তোর নয়নমণি মাখনলাল বৃন্দাবনে আসবে, আবার তোকে তেমনি ক'রে মা, মা, ব'লে ডেকে, তোর তাপিত প্রাণ শীতল ক'রবে ।

যশো । কি বলি উদ্ধব । আমার মাখনলালের চক্ষে জল ? আমার তেমন চাঁদের চোখে জল ? হায় ! সে পুরীতে,—সে রাক্ষসের পুরীতে, আমার যাছুর চ'থের জল মুছিয়ে দিতে কি কেউ নাই রে ? উদ্ধব রে ! তুই আমাকে মথুরায় নিয়ে চল, আমার বাছুর চ'থের জল মুছে দিয়ে আসি ।

উদ্ধব । মা ! তোমার গোপাল যে পুরীতে যায়, সে পুরীতে কি আর রাক্ষস বাস ক'রতে পারে ? মা গো ! তোমার গোপালের চ'থের জল মুছে দেবার লোকের কি আর অভাব আছে ? এই ব্রহ্মাণ্ডের কে না তোমার গোপালকে ভালবাসে ? তাই ব'লছি, আর তোমাকে মথুরায় যেতে হবে না । নীলমণি আপনিই এসে দেখা দিবেন । এখন তুমি রোদিন সংবরণ ক'রে গৃহকর্মে মন দাও ।



যশো । কার গৃহ বাবা ! আর কার গৃহ-কৰ্ম্ম ক'ৰ্ব্ব ? আমার এই শূন্য সংসারের সব কাজই শূন্য হ'য়েছে ! যেদিন আমি সংসার-সুখের সম্বল,—কৃষ্ণহারা হ'য়েছি, সেই দিনই আমি সংসার-সুখের আশায় জলাঞ্জলি দিয়েছি । উদ্ধব রে ! আমার সবে ধন এক নীলমণি ; সেই নীলমণিকে যখন হারিয়েছি, তখন আর আমার আছে কি ?

উদ্ধব । মা গো ! তুমি যদি নীলমণি হারা হবে, তবে আর নীলমণিকে পাবে কে ? ছ'দিনের জন্ম চোখের অন্তরাল হ'য়েছে বটে, তা ব'লে কি তুমি গোপাল-হারা হ'য়েছ ? তা নয় মা ! পুত্র সন্তান কি কখন প্রবাসে গমন করে না ? এবং সেই পুত্র প্রবাসে গেলে, তার জননী কি এইরূপ পাগলিনী হ'য়ে উঠেন ? মাতা, পুত্রের কল্যাণ জানতে পারলেই পরম সুখ মনে করেন । তা মা ! তোমার এ পুত্রের কুশল জান্‌বারও প্রয়োজন নাই । যিনি সকলের কল্যাণদাতা, অধিক কি ব'ল্ব মাতঃ ! মনুষ্য-লোক ত দূরের কথা, তেত্রিশ-কোটি দেবতা পর্য্যন্ত ঝাঁর কাছে কল্যাণ-কামনা করলেন, সেই নিত্য-নিরঞ্জন গোলোকনাথ নারায়ণই যে তোমার গোপাল । তবে আর গোপালের অকল্যাণের সম্ভাবনা কি ? যে গোপাল অতি শৈশবে, পুতনা-নিধন, তৃণাবর্ত্ত-বধ, শকট-ভঞ্জন, এবং বাম-করতলে গিরি-ধারণ প্রভৃতি কত অলৌকিক কার্য্য ক'রেছেন, সেই পরমপুরুষ কি তোমার সামান্য গোপাল ? এ সকল দেখেও কি তোমাদের বিকার দূর হয় নি ?

যশো । উদ্ধব রে ! দেখেছি, সব দেখেছি, আমার গোপালের মুখে ব্রহ্মাণ্ড পর্য্যন্ত দর্শন ক'রেছি ; বিষপূর্ণ কালীদহ হ'তে রাখাল-

গণকে উদ্ধার ক'রতে দেখেছি। দেখলে কি হবে, কিছুই বুঝতে পারি না।

উদ্ধব। মা গো! আপন মন স্থির ক'রে, এই কথা মনে মনে চিন্তা কর যে, “গোপাল কেবল আমার নয়, গোপাল এই জগতের গোপাল, গোপালে আমারও যেমন অধিকার, অন্য সকলেরও তেমনি; তবে সকলের যে জিনিসে সমান অধিকার, সে জিনিস কেবল একজনে ভোগ ক'রতে পারবে কেন?”

যশো। উদ্ধব রে! তুই ব'ল্ছিষ্ বটে, আমি যে তা চিন্তা ক'রতে পারিনে। গোপাল ‘কেবল আমার নয়’, ‘গোপাল জগতের গোপাল’, এ কথা ভাবতে গেলে যে, আরও প্রাণ কেঁদে উঠে।

উদ্ধব। মা গো! সে কেবল তুই কেন? গোপালকে যে যখন পার, সেই তখন মনে করে যে, গোপাল কেবল আমারই। এরূপ ভ্রম মনে হওয়া, এও সে গোপালের খেলা। মা! তোর কৃষ্ণের মায়াতেই যে এ জগৎ আচ্ছন্ন। নতুবা যিনি এই সংসারকে প্রসব ক'রেছেন, যিনি বিরূপাক্ষের বক্ষের ধন, সেই কমলাক্ষকে কি কেউ পুত্র ব'লে মনে ক'রতে পারে? এই মায়া দূর না হ'লে, আর প্রকৃত জ্ঞান হবে না। তাই ব'ল্ছি যে, কেবল বৃথা রোদন না ক'রে, যাতে এই মায়া দূর হয়, তার উপায় কর। তাহ'লে আর কৃষ্ণ-বিরহের কষ্ট থাকবে না; চিবাদিন পরমানন্দে কাটাতে পারবে। মা গো! শোন, তোদের পূর্বজন্মের কথা বলি। পিতা নন্দ, পূর্বজন্মে পৃথিবীতে ‘দ্রোণ’ নামে পরিচিত ছিলেন এবং তুই তখন সেই দ্রোণ-পত্নী ‘ধরা’ নাম ধারণ ক'রে এই ধরাধামে বাস ক'রতিস্। শেষে

উভয়ে মিলিত হ'য়ে বহুদিন হরির তপস্যা ক'রেছিলি, এবং হরিও সন্তুষ্ট হ'য়ে, তোদের গৃহে পুত্রভাবে অবতীর্ণ হবেন ব'লে বর দান ক'রেছিলেন। মা গো! সেই সাধনার ফলেই হরিকে পুত্ররূপে লাভ ক'রেছি।

নন্দ। উদ্ধব! ব'লে দাও বাপ! কৃষ্ণের প্রতি আমাদের পুত্র-জ্ঞান কিসে দূর হবে?

উদ্ধব। পিতঃ! সে ভ্রম দূর ক'বতে হ'লে, কৃষ্ণতত্ত্ব অনুশীলন ক'বতে হয়। সেই তত্ত্ব আলোচনা, এবং তদ্বিষয় চিন্তা দ্বারাই, ক্রমে দিব্যজ্ঞানের বিকাশ হবে এবং কৃষ্ণ যে কি পদার্থ, তাও বুঝতে পারবেন। এখন যেমন কৃষ্ণকে নিজ পুত্ররূপে ভেবেই,—তার বিরহে কষ্টভোগ ক'রছেন, তখন আর সে ভাব থাকবে না; তখন মনে হবে যে, এই এক কৃষ্ণই জগতের পিতা, পালয়িতা এবং সংহর্তা। শুধু ক্ষটিক যখন সে বর্ণের সহিত মিলিত হয়, তখন যেমন সেই বর্ণে-ই প্রকাশিত হয়; কৃষ্ণও তেমনি সত্ত্ব, রজঃ, তম, এই ত্রিগুণকে আশ্রয় ক'রে, কখনও সৃষ্টিকর্তা, কখনও পালনকর্তা, কখনও বা সংহারকর্তা-রূপে অবস্থান করেন। পিতঃ! জগৎ-পিতা কৃষ্ণ,—বিশ্বব্যাপী। তিনি অনাদি, অনন্ত, অসীম। তাঁর জন্ম, মৃত্যু, হ্রাস, বৃদ্ধি কিছুই নাই। কৃষ্ণশূণ্য স্থান নাই। এখন বহিষ্চক্ষু দ্বারা সর্বত্র কৃষ্ণের সত্ত্ব উপলব্ধি ক'বতে পারছেন না বটে, কিন্তু যখন জ্ঞানচক্ষের দ্বারা দর্শন ক'বতে পারবেন, তখন দেখবেন যে, প্রত্যেক অণুতে পরমাণুতে পর্যন্ত, সেই পরব্রহ্ম কৃষ্ণের সত্ত্ব বিদ্যমান আছে। এক সূর্য্য যেমন প্রত্যেক ঘটমধ্যস্থ বারিতেই

প্রতিবিশ্বিত হ'য়ে থাকে, এক কৃষ্ণও তেমনি সর্বভূতেই নিরন্তর প্রতিবিশ্বিত র'য়েছেন। এখন ভেবে দেখুন দেখি, কৃষ্ণকে আর পুত্রভাবে ভাবতে গাধ হয় কি না? আর মনে ক'বে দেখুন দেখি, কংসবধের পর যখন, কৃষ্ণকে বৃন্দাবনে আনয়ন করবার জন্ত বহু যত্ন ক'রেছিলেন, তখন সেই কৃষ্ণ আপনাকে কি ব'লে বিদায় দিয়েছিলেন। সে সব কথা কি ভুলে গিয়েছেন? কৃষ্ণ তখন ব'লেছিলেন নয় যে, “এ সংসারে পিতা, মাতা, পুত্র, মিত্র প্রভৃতি এ সকল কিছুই নয়, কেবল মায়ামুগ্ধ জীব দিবানিশি আমার পুত্র, আমার কন্যা প্রভৃতি আমার আমার শব্দে, এই সংসারকে নিয়ত প্রতিধ্বনিত ক'রে তুলেছে। কিন্তু সবই মিথ্যা। এই মিথ্যা-জ্ঞান দূর না ক'রতে পারলে, কেহই প্রকৃত সুখ-শান্তির আশ্বাদন ক'রতে পারবে না! পার্থিব যে সুখ, সে কেবল কালকূটপূর্ণ-সুখা, কণ্টক-যুক্ত নলিনী, অগ্নি-গর্ভা শমীলতা; অতএব আমাকে আর পুত্রভাবে না ভেবে, আমাকে পরমাত্মরূপে চিন্তা করুন এবং আমাতেই আত্মসমর্পণ ক'রে, সাংসারিক কার্যসকল সম্পাদন করুন,— তা হ'লেই আপনাদের সকল বিকার দূর হবে। মেঘমুক্ত চন্দ্রকিরণে যেমন নৈশ-অন্ধকার দূরীভূত হয়, তেমনি বিকার-মুক্ত জ্ঞানালোকেও সকল অজ্ঞানতা দূরীভূত হবে। নতুবা আমাকে পুত্রভাবে ভাবলে, মনের বিকারও দূর হবে না, পুত্র-বিরহ যন্ত্রণারও অবসান হবে না।” কেমন, পিতঃ! কৃষ্ণ আপনাকে এই কথা ব'লেছিলেন নয়?

নন্দ। উদ্ধব রে! সত্য সত্যই ত কৃষ্ণ আমাকে এই সকল উপদেশ প্রদান ক'রেছিলেন। কিন্তু মূর্খ আমি, অজ্ঞান আমি,

তাই সে সব উপদেশ-বাণী বিশ্বত হ'য়ে, কেবল গোপাল  
 গোপাল ব'লে নিরন্তর রোদন ক'রছি। কিন্তু বাপ! আজ  
 তুমি আবার আমাকে সেই সকল কথা স্মরণ করিয়ে দিলে।  
 বুঝলেন, আমাদের চৈতন্য দান করবার জন্মই, সেই চৈতন্য-  
 টাঁদ কৃষ্ণ,—আজ তোমা হেন দুর্লভ জ্ঞান-পথের প্রদর্শক,  
 অজ্ঞান-তমসার প্রজ্জ্বলিত বর্তিকাকে আমাদের নিকট প্রেরণ  
 ক'রেছেন। উদ্ধব রে! এত দিনে ঘোর ভাগ্নল, আজ তোর  
 জন্মই আমি বিষম বিকার হ'তে মুক্ত হ'লেম। বুঝলেন,  
 প্রকৃত জহরী ব্যতীত, কেহ রক্ত চিন্তে পারে না। আমরা  
 এতদিন কৃষ্ণকে লালনপালন ক'রেও, তার যথার্থ তত্ত্ব অবগত  
 হ'তে পারি নাই; আর তুই সেই কৃষ্ণকে পাবামাত্রই, তার  
 স্বরূপ হৃদয়ঙ্গম ক'রতে পেরেছি। উদ্ধব রে! তুই সাধারণ  
 লোক ন'স; তুই বালক হলেও জ্ঞান-বুদ্ধ। তাই ব'লছি,  
 ওরে জ্ঞান-বুদ্ধ! আর আমাকে একবার আলিঙ্গন দান কর।  
 ( উদ্ধবকে আলিঙ্গন করিয়া ) এত দিনে যথার্থ কৃতার্থ হ'লেম।  
 দেখিস্ বাপ! আজ যেমন জ্ঞানালোকদানে আমার মনের  
 আঁধার দূর ক'রে দিলি, কিন্তু অদৃষ্ট-দোষে আবার বিকার  
 দ্বারা যদি আচ্ছন্ন হই, তা হ'লে পুনরায় এসে এই আলোক  
 প্রজ্জ্বলিত ক'রে দিস। আর তোর সখাকেও বলিস্, যেন সে  
 আর আমার মায়ায় আচ্ছন্ন করে না। আমি আর কিছুই  
 চাইনে, কেবল সেই চরম-সময়ে, যখন প্রাণ কণ্ঠাগত হবে,  
 তখন যেন সেই চরমের ধন চৈতন্যদেব আমার দেখা দেন; তা  
 হ'লে তাঁর সূচাক মুক্তি নিরীক্ষণ ক'রতে ক'রতে, এই চন্দ্রচক্ষু  
 চিরমুদ্রিত ক'রতে পারিব।

## গীত

ব'ল শ্রাণ গোপালে, নিদানকালে, সে যেন ভুলে না মোরে ।

নিদানের বাক্য সে যে, নিদানে নির্বাণ বিতরে ॥

যে দিনে কৃতান্ত এসে,

ধরিবে রে মম কেশে,

( দশার শেষে )

সে দিন যেন কৃষ্ণ এসে, শমন দমন করে ॥

অকূলের কাণ্ডারী সে যে,

বিরাজে কাণ্ডারী সেজে,

( ভাবের মাঝে )

ব'ল রে সেই ব্রজরাজে ( যেন ) দুস্তরে তারে অদোরে ॥

উদ্ধব । পিতঃ ! আপনি বৃথা কেন সে চিন্তা করছেন ? আমি সখার মুখে শুনেছি যে, জীবনান্তে আপনাদের বৈকুণ্ঠে স্থান হবে ।

নন্দ । যশোমতি ! প্রিয়ে ! আর ভাবছ কি ? আর গোপালের জন্ম বৃথা ভাবনা ক'র না । উদ্ধবের নিকট সবই ত শূন্যে । বল দেখি, এ সব শুনেও কি আর সেই গোপালের প্রতি পুত্র-ভ্রম থাকে ? তুমি ভাবছ যে, 'গোপাল আমার কেমন ক'রে সব ভুলে আছে, গোপাল আমার নবনী না খেয়ে, কেমন ক'রে মথুরায় রাজা হ'য়ে র'য়েছে ।' কিন্তু প্রিয়ে ! গোপাল যদি সাধারণ গোপাল হ'ত, তাহ'লে তুমি ও সব মনে করতে পারতে ; কিন্তু যে গোপাল এই ভব-নদীর কাণ্ডারী, যে গোপাল শঙ্খ-চক্র-গদা-গদাধারী স্বয়ং গোলোকবিহারী হরি, যে গোপাল সৃষ্টি-স্থিতি-প্রলয়কারী, যার নাম-সাগরের প্রতি তরঙ্গে তরঙ্গে কত সুখালহরী উচ্ছলিত হ'য়ে উঠে, সেই নামসুধার কাণ্ডারী কি তোমার সামান্য অঞ্চলবন্ধ সর-নবনীর ভিখারী ? যশোদে ! আমরা এতদিন বিষম ভ্রমের মধ্যে পতিত ছিলাম, তাই সেই কৃষ্ণকে চিন্তে পারি নাই ; কিন্তু প্রিয়ে ! এখন এস, আমরা

গোপালের প্রতি বাৎসল্যভাব দূর ক'রে, তাঁর সেই সুধামাথা কৃষ্ণনাম উচ্চারণপূর্বক, তাঁকে ভক্তিভাবে ভজনা ক'রতে শিক্ষা করি ; আর আমরা সংসারের কুহকে মুগ্ধ হ'য়ে, অস্তিমের পথ রুদ্ধ ক'রব না ; কেবল সেই সংসারের সার, জীবের মূলাধার, অপার ভব-পারাবারের কর্ণধার গোবিন্দের পদারবিন্দ হৃদয়মধ্যে ধ্যান ক'রতে ক'রতে, এ দেহভারকে ক্ষয় করি, নতুবা আর নিস্তারের উপায় নাই। যতই দিন গত হ'চ্ছে, ততই কালের বিকট-ছায়া নিকটবর্তী হ'য়ে আসছে। যশোমতি ! আর সময় নাই, এস এই বেলা শেষের সম্বল ক'রে রাখি।

শো। নাথ ! যতই বুঝাও, যতই কর, কিন্তু কিছুতেই আমার মনের আধার দূব হবে না। আমি হতভাগিনী মহাপাপিনী, নতুবা আমার মনের বিকার কাটছে না কেন ? আমি যতই মনে ক'রছি যে, গোপালকে আর পুত্রভাবে ভাবব না, কিন্তু নাথ ! ততই আমার গোপালের প্রতি পুত্র-স্নেহ যেন বদ্ধিত হ'চ্ছে, ততই আমার স্তনে দুগ্ধের সঞ্চার হ'চ্ছে। যার মুখে আদর ক'রে, ক্ষীর-সর-নবনী প্রদান ক'রেছি, যাকে গোঠে পাঠাবার জন্য নিত্য নিত্য ধড়াচূড়া দিয়ে সাজিয়ে দিয়েছি, যাকে স্বহস্তে স্তন্য পান করিয়েছি, আজ কেমন ক'রে ভাবব যে, সেই কৃষ্ণ— স্বয়ং গোলোকনাথ হরি। এ কথা ভাবতেও যে প্রাণ কেমন করে। তবে বুঝলেম, আর গোপালকে পাব না, আর জীবন থাকতে নীলমণির চাঁদবদন দেখতে পাব না !

নন্দ। যশোমতি ! তুমি জ্ঞানবর্তী হ'য়ে, এরূপ শোকাকুলা হ'লে সবদিকই যে নষ্ট হয় !

যশো । মহারাজ ! আপনি পুরুষজাতি, আর আপনি যদি রমণীজাতির হৃদয় বুঝতেন, তাহ'লে আর আমাকে ওরূপ প্রবোধ দিতেন না । সন্তানের জন্ম মায়ের প্রাণ যে কেমন করে, তা এক সেই মায়েই জানে, অন্যে কি জানবে ।

উদ্ধব । ( স্বগতঃ ) তাই ত ! পুত্রবৎসলা যশোমতীকে ত জ্ঞানপথে আনয়ন করা নিতান্ত সহজ নয়, তবে এখন কি উপায় কবি । গোপালের প্রত্যাগমনের আশ্বাস প্রদান ভিন্ন, অন্য কোন উপায়ে যশোমতীকে আশ্বস্তা করা যাবে না । তবে তাই করি । ( প্রকাশ্যে ) মা ! আমি তোমার দু'টা চরণ ধরে ব'লছি, তুই আমার কথা শোন, তোমার গোপাল আবার বৃন্দাবনে আসবে, আবার তোমার সকল যন্ত্রণা দূর হবে । মা গো ! কিছুদিনের জন্ম ধৈর্য্যাবলম্বন কর । তোমার অদর্শনে গোপাল একেই পাগলের মত হ'য়েছে, তাতে যদি আবার আমার মুখে তোমার এই দুঃখের কথা শোনে, তা হ'লে আর তোমার গোপাল প্রাণ রাখবে না ; তাই ব'লছি, আর দিবানিশি পথে পথে রোদন ক'রে না বেড়িয়ে, মনে মনে তোমার শ্রীমাধবের মঙ্গল-কামনা কর, যাতে সত্ত্বর সেই মথুরার কাণ্ড্য সমাধা ক'বে, বৃন্দাবনের ধন বৃন্দাবনে আসতে পারে । এখন কর মা ! আমায় কোলে কর । সখা আমাকে ব'লে দিয়েছে যে, আমার যশোদা-মায়ের কোলে একবার উঠে এস : সেই সাহসে তোমার কোলে উঠতে যাচ্ছি, নতুবা যে অঙ্কে গোপালের অঙ্গস্পর্শ হ'য়েছে, সে কোলে কি আমি উঠবার জন্ম সাহস ক'রতে পারি ?

যশো । আর বাপ ! কোলে আর । অনেক দিন এ কোল শুষ্ক



পড়ে আছে। তুই আমার গোপালের সখা, তোকে কোলে  
ক'রলেও আমার প্রাণ শীতল হবে। (কোলে করণ)

উদ্ধব। মা! চল এখন গৃহমধ্যে চল! আমার বড় ক্ষুধা পেয়েছে,  
আমাকে সর-নবনী খেতে দিবি চল।

বশো। উদ্ধব রে! মনে পড়ে, এমনি ক'রে কোলে উঠে, আমার  
গোপালও ক্ষীর-নবনী খেতে চাইত। বাপ রে! তোর আকার-  
প্রকার আমার গোপালের মত। তুই আমার কাছেই থাক।  
আর মথুরায় যাসনে।

নন্দ। শ্রিয়ে! চল এখন গৃহে গিয়ে উদ্ধবকে ভোজন করাইগে। ঐ  
যে নগরবাসিগণ কৃষ্ণনাম কীর্তন ক'রতে ক'রতে এইদিকে  
আসছে, চল আমরা গৃহে যাই।

কীর্তন করিতে করিতে বৃন্দাবনবাসি-

গণের প্রবেশ

গীত

আয় সকলে কৃষ্ণ ব'লে ডাকি বাহু তুলে।

কৃষ্ণপ্রেমে মেতে নাচি আয় কুতূহলে ॥

দারা, পুল, পরিবারে থাকিসনে ভুলে,

(তোর) কোথায় রবে বন্ধু সবে ছ'নয়ন মুদিলে ॥

অনায়াসে যদি শেষে, তর্বি অকূলে,

তবে, নাম-তরিতে প্রেমের বাদাম আয় দি রে তুলে ॥

(তোর) শমন শঙ্কা দূরে যাবে কৃষ্ণ-নাম নিলে।

(অঘোর) নামের ডকা দিগে শঙ্কা গেছে রে ভুলে ॥

(গাহিতে গাহিতে প্রস্থান)

## সপ্তম অঙ্ক

প্রথম দৃশ্য

[ মথুরা ]

বেগে জরাসন্ধ, সেনাপতি ও বিদূষকের প্রবেশ

জরা । সেনাপতি ! তুমি সহর সসৈন্তে প্রস্তুত হ'য়ে, পূর্বদ্বার আক্রমণ ক'রতে গমন কর ! আমি স্বয়ং এই দক্ষিণ-পথে থেকে, বালকদ্বয়ের পলায়ন-পথ রোধ করি ।

সেনা । বে অজ্ঞা ।

( প্রস্থান )

বিদূ । আর আমিও এই সসৈন্তে প্রস্তুত হ'য়ে আছি, আমাকে ভোজনাগারের পথটা দেখিয়ে দিন, আমিও স্বকার্যে প্রবৃত্ত হই গে ।

জরা । ভোজনাগারে আবার কার সঙ্গে যুদ্ধ ক'রবে বরশ্র ? আর তোমার যুদ্ধের প্রয়োজনীয় সৈন্তসামন্ত এবং অস্ত্রাদিই বা কোথা ?

বিদূ । কেন মহারাজ ! ভোজনাগারে লুচি, মণ্ডা, গজা প্রভৃতি যে সকল সুসজ্জিত বিপক্ষসৈন্ত আছে, তাদের সঙ্গে যুদ্ধ ক'রব । আর আমার সৈন্তসামন্ত অস্ত্রাদি কোথায় জিজ্ঞাসা ক'রছেন-

কেন, এই দেখতে পাচ্ছেন না বে, আমার দুই হস্তের দশটি অঙ্গুলিরূপ দশজন সুশিক্ষিত সৈন্যসামন্ত,—সমর করবার জন্য প্রস্তুত হ'য়ে আছে; আর এই দশনপংক্তিরূপ সুতীক্ষ্ণ অস্ত্র সকল, বদনরূপ তূণমধ্যে বিরাজ ক'রছে? মহারাজ! আপনারা দ্বন্দ্বযুদ্ধ ক'রে থাকেন, আর আমি দস্তযুদ্ধ ক'রে থাকি। উভয়ের মধ্যে তারতম্য এই যে, আপনাদের যুদ্ধে কদাচিৎ বিপক্ষের পলায়ন সম্ভাবনা থাকে, কিন্তু আমার দস্ত-যুদ্ধে সেটা হবার যো নাই। যেমন অস্ত্রবিদ্ধ হওয়া, অমনিই একেবারে ছিন্ন ভিন্ন হ'য়ে তৎক্ষণাৎ এই প্রকাণ্ড উদবরূপ যমালয়ে গমন করা। আপনাদের যুদ্ধে কারুর মৃত্যু হ'লে কেবল অত্যাঁই যমালয়ে যায়, আমার যুদ্ধে একেবারে সশরীরে যমালয়ে যেতে হয়।

জরা। বয়স! তা হ'লে ত তুমি একজন অসাধারণ যোদ্ধা। যা হ'ক, তোমার আর অণু যুদ্ধে গমন ক'রতে হবে না, তুমি আমার কাছেই থাক।

বিদু। মহারাজ! ঐটে আমায় মাপ ক'রবেন। আপনার সঙ্গে এই দক্ষিণের পথে থাকতে পারব না।

জরা। কেন মহাবীর! এ পথে থাকতে ভয় কি? আমি স্বয়ং এ পথে যুদ্ধার্থে দণ্ডায়মান।

বিদু। মহারাজ! আপনি স্বয়ং যে এ পথে দণ্ডায়মান আছেন, তা আমিও দেখছি; কিন্তু এ পথটার আমার বড় ভয়। তাই ব'লুছি, আমাকে আর সঙ্গী ক'রে রাখবেন না। আমি এ দক্ষিণের পথ ছেড়ে অন্য পথ দেখি গে।

জরা। তবে তুমি শিবিরে যাও।

বিদু। সেই ভাল। (স্বগতঃ) বাঁচা গেল বাবা। নানা ফিকিরে এ যাত্রাও প্রাণটা রক্ষা করা গেল। কিন্তু কয়দিন এরূপ চালাকি ক'রে বাঁচা যাবে? এমন যুদ্ধ-খোর রাজার কাছে এসেই পড়া গেছে যে, এর হারতেও লজ্জা নাই, যুদ্ধ ক'রতেও আপত্তি নাই। এই বাবা, সতের বার কেবল এই রঙ্গই দেখে আসছি! শূন্যে গিয়ে ঠেকবে? না আজই সাজ হবে, তা কে ব'লতে পারে। আজ উত্তর ছেড়ে যখন দক্ষিণের পথ ধ'রেছে, তখন বুঝি এইবারেই দক্ষিণেতে যেতে হয়। (নেপথ্যে শঙ্খধ্বনি) ঐ বাবা! পালাই।

(প্রস্থান)

জরা। হাঁ, ঐ সেই পাঞ্চজন্য শঙ্খনাদ হ'চ্ছে। দুর্ভাগ্য বালকদ্বয়কে এবার নিশ্চয়ই আমার হস্তে বিধ্বস্ত হ'তে হবে। এখন শীঘ্র উপস্থিত হ'লে হয়। যুগেন্দ্র যেমন শিকার দর্শনের জন্য উৎসুক হ'য়ে কালযাপন করে, আমিও তদ্রূপ আমার পরম শিকার গোপকুমারদ্বয়কে শিকার ক'রবার জন্য, উৎকণ্ঠিতভাবে সময়ক্ষেপ ক'রছি।

দূরে কৃষ্ণ ও বলরামের প্রবেশ

কৃষ্ণ। দাদা! এদিকে দেখছি, কেবল একা জরাসন্ধ সৈন্যে অবস্থান ক'রছে; কিন্তু আমার বোধ হয়, ধূর্ত জরাপুত্র, অন্তপথে অন্যান্য সৈন্যগণকে পুরী আক্রমণ ক'রবার জন্য প্রেরণ ক'রেছে; অতএব আপনি অন্য পথে বিপক্ষের গতিরোধ করুন গে, আমি এখানে জরাসন্ধের সঙ্গে যুদ্ধে প্রবৃত্ত হই।

বল। তবে আমি চ'ল্লোম। (বেগে প্রস্থান)

জরা ।

( কৃষ্ণকে দেখিয়া স্বগতঃ )

অহো ! হেরিলে ঐ ক্ষুদ্র গোপাঅর্জে,  
কে জানে, কেন বা ভীতি অজ্ঞাতে পশিয়া,  
বিকল্পিত করে মম নিষ্কম্প-হৃদয় ।  
না বুঝিতে পারি কিবা অসীম শক্তি,  
লুক্কায়িত আছে ঐ বালক-শরীরে ।  
বার বার কতবার সমর-প্রাঙ্গণে,  
না পারিছু কোনরূপে বধিতে বালকে ।  
দেখিব এবার, প্রাণপণে যুঝিয়া আহবে,  
পারি কি না উপযুক্ত প্রতিশোধ দিতে ।

কৃষ্ণ ।

( নিকটে আসিয়া বিদ্রুপভাবে )

কোন্ কাষে ? ওহে মগধ-সম্রাট !  
আসিয়াছ সৈন্তসহ পুনঃ মথুরাতে ?

জরা ।

তোমায় বধিতে, মথুরা নাশিতে,  
দহিতে অঙ্গনাগণে তব শোকানলে,  
আসিয়াছি পুনঃ এই মথুরানগরে ।

কৃষ্ণ ।

( বিদ্রুপভাবে )

এখনও আছে আশা ? ধন্য আশা তব,  
জীবনের একরূপ শাস্তি বটে ইহা ।

জরা ।

গোপের নন্দন ! বৃথা গর্ষ কিসে ?

দুর্বল, বীরত্বহীন সৈন্তগণে বধি'  
বাড়িয়াছে মনে তব এত অহঙ্কার ?

হাঁ, উপযুক্ত গর্ষ বটে তব,

নিরীহ কুরঙ্গগণে বধি' শরাঘাতে

ব্যাধ যথা করে মনে বীরত্ব-গরিমা ;  
 তেমতি রাখাল তুই,—বৃন্দাবন-গোষ্ঠে,  
 চিবদিন কাটিয়াছে পশুর পালনে,  
 ভাগ্যক্রমে ল'ভেছিহু মথুরা-রাজত্ব,  
 তাহে পুনঃ ব'ধেছিহু মম সৈন্যগণে,  
 অহঙ্কার কেন নাহি হবে ?

কৃষ্ণ ।

কি জানিবি তব্ব মম মোহাক্র দুর্শ্বতি !  
 সে জ্ঞান থাকিত যদি ও পাপ-অস্তুরে,  
 তা হ'লে কি—  
 ঘৃণ্য গোপাত্মজ ব'লে নিন্দিতিসু মোরে ?  
 কব্ নিন্দা, বল্ কটু-ভাষ,  
 পিশাচ ! বিন্দুমাত্র বিচলিত নাহি হব তাতে ।  
 শোন্ রে অজ্ঞান !  
 নাহি মম স্তুতি নিন্দা কিছু,  
 কেবল বাড়িবে তব পাপের প্রসার ।  
 উন্মুক্ত হইবে তব নরক-দুয়ার ।  
 হীনবল ফেকর চীৎকাব.  
 নাহি টলে কেশবী-অস্তুর ।

জরা ।

পাপীর পাপের কথা করিলে প্রকাশ,  
 হয় কি রে কভু তার নরকে আবাস ?  
 তব যত পাপ-কর্ম্ জলন্ত-অক্ষরে,  
 রহিবে অঙ্কিত এই জগতের পটে ।  
 কলহ-কালিমা তব সর্ব্বাঙ্গে মাখান,  
 তাই অঙ্গ কাল তব, তাই তো'র কৃষ্ণনাম ।

গোপ-কুলবালাকুলে কালিমা প্রদানি,—

আপনি ডুবিলি সেই কলঙ্ক-সাগরে ।

নিজ মাতুলানী রাখা, তার সনে পাশব আচার,

বলিতেও কলুষিত হয় রে রসনা ।

ঘৃণা আসে তোর সনে করিতে আলাপ ।

কৃষ্ণ ।

নিরস্ত হ, নিরস্ত হ, নিরোধ নারকী !

কৃষ্ণলীলা কি বুঝিবি তুই ?

তোর মত নরকের কীটে,

বুঝাইতেও নাহি সাধ হয় ।

যাক, বৃথাবাক্যে নাহি প্রয়োজন,

আয় যুদ্ধে, পাঠাই নরকে ।

জয় ।

বৃথা আশা শিশু ! তোর দুর্বল হৃদয়ে ।

করকা-আঘাতে নাহি চূর্ণ হয় মহীধর ।

হের বক্ষ—সুবিশাল মম,

হের বাহু—শালতরু সম ।

বজ্রতুল্য দৃঢ় মুষ্ঠ্যাঘাতে,—

বিচূর্ণিতে পারি তুঙ্গ হিমাদ্রির চূড়া ;

তুই কোন্ ছার ;

ক্ষুদ্র তৃণ সম করছরে ধরি,

এখনি করিব খণ্ড শত শত ভাগে ।

কৃষ্ণ ।

কতবার করিলি পামর !

বাকি এই বার ।

অভিমানি ! আত্মগানি নাহি হয় মনে ?

কেমনে বা উচ্চমুখে মণ্ডকের প্রায়,

বীর গর্ব করিস প্রকাশ ?

কেমনে ও কলঙ্কিত কলুষিত মুখ,

দেখান্ স্বদেশে গিরে আত্মীর মাঝারে ?

ধিক্ ধিক্ শত ধিক্ তোরে ।

### গীত

শত ধিক্ শত ধিক্ আজি তোরে ।

বৃথা আর, অহঙ্কার,—

কতবার ছুরাচার বধিলি তুই মোরে ॥

কি সাধ্য আছে যে তোর বধিবি তুই মোরে,

বামনের আশা যেমন শশী ধরিবারে,

( শোন্ রে পাষণ্ড )

লজ্বিতে কি পারে পঙ্গু ভুঙ্গ শৃঙ্গধরে ॥

কেমনে ও মুখ পাপী দেখাবি সমাজে,

নির্লজ্জ লজ্জা কি রে হয় না মনমান্দে,

( পালা রে নির্লজ্জ )

বিষ-হীন ভুঙ্গ যেমন পলায় বিবরে ॥

জরা ।

জ্বালালি বালক ! তুই বাক্যের ফুৎকারে,—

প্রচণ্ড এই ক্রোধ-বহ্নি হৃদয়ে আমার ।

আয়, তবে তৃণাছতি হবি রে অবোধ !

তোরে বিদম্বিয়া, শুধু না নিভিবে জ্বালা,

এ জ্বালায় দাউ দাউ করি জলিবে মথুরা-পুরী ।

অযাদব হইবে মেদিনী ।

আয় রণে হ অগ্রসর ।

( যুদ্ধ করিতে করিতে উভয়ের প্রস্থান )



অন্যপথে সভয়ে অস্থিরভাবে

সেনাপতির প্রবেশ

সেনা ।

কোথা যাই ? কোথা যাই ? কোথায় পলাই ?

যে দিকে ফিরাই আঁধি,

সেই দিকে, ভয়ঙ্কর, ভয়ঙ্কর, অতি ভয়ঙ্কর,—

শমন-কিঙ্কর দল নাচিছে উল্লাসে ।

অগণন ভূতগণ মস্তক-বিহীন,

ঘুরিছে, পতিত যত সৈন্ত-ঠাট-মাঝে ।

কিবা বিসদৃশ দৃশ্য হেরি বিশ্বমাঝে ।

ও কি—

পশিছে শ্রবণে ঐ, চক্রের ঘূর্ণন-ধ্বনি,

আসে বুঝি পুনঃ হেথা কৃষ্ণ চক্রপাণি ।

কৃষ্ণ ! কৃষ্ণ ! করি প্রণিপাত,

রক্ষা কর দুর্বলে শ্রীনাথ !

চক্রাঘাত না করিও শিরে,

ফিরে যাব স্বদেশে আমার ।

কৈ ? কোথা কৃষ্ণ ? কোথা চক্র তার ?

এ যে নক্রপূর্ণ জলধি সন্মুখে ।

অনন্ত কল্লোল ঐ উঠিছে আকাশে,

ক্রাসে কাঁপে দেব-দল যত ।

গ্রাস করিবারে ঐ আসে গ্রহকুল ।

প্রতিকূল বিধি আজি মম ।

একি ! একি ! দেখিতে দেখিতে,

বিষম বাড়বানল ভীষণ গর্জনে,  
 উঠিল বিমান-পথে সংসার দহিতে ।  
 লক্ লক্ শিখা ঐ বেড়িল আমায়,  
 জ্বলে গেল, পুড়ে গেল সর্ব্বাঙ্গ এবার,  
 পালাই পালাই, কোথায় পালাই ?  
 অগ্নি-শূন্য স্থান কোথা পাই ?

( পলায়নোদ্দেশ্যে এবং সহসা কৃষ্ণের প্রবেশ ও চক্রাঘাতে  
 সেনাপতিকে ভূমিতে পাতন )

কৃষ্ণ ।           গেল আজি মগধের মুখ্য সেনাপতি ।  
 পড়িয়াছে রাম-করে অশ্রু সৈন্যদল ।  
 বাকীমাত্র জরাপুত্র গর্বের আধার ।  
 পৃষ্ঠভঙ্গ দিয়ে পাপী পাইল উদ্ধার ।

জরাসন্ধকে বন্ধনপূর্ব্বক বলরামের প্রবেশ

বল ।   ভাই কৃষ্ণ !   পলায়িত,—তথাপি গব্বিত—মগধপতিকে এই বন্ধন  
 ক'রে এনেছি ।   এখন কি করা কর্তব্য বল ?

কৃষ্ণ ।   ( বিজয়পভাবে )   দাদা !   ক'রেছেন কি ?   উনি যে একজন  
 পৃথিবীর প্রবলপরাক্রান্ত সম্রাট, এবং জগতের অজের মনে ক'রে  
 সতত স্পর্দিত ।   ওঁকে কি, হীনবল গোপশিশু আমরা, বন্ধন  
 ক'রতে পারি ?

জরা ।   ( অবনতমুখে স্বগতঃ )   ওঃ !   কি শ্লেষ-বাক্য !   কর্ণকুহর রুদ্ধ হও ।

বল ।   ( ব্যঙ্গভাবে )   এঁর পরাক্রম কি কম ?   ইনি আবার বিনা  
 দোষে আপন পুত্রকে কারারুদ্ধ ক'রেছেন, নিজের কণ্ঠকেও  
 আবার সঙ্গে ক'রে যুদ্ধে আনা হয়, কুলগৌরবও কি নিহান

অন্ন ? এই সপ্তদশবার ক্ষুদ্র গোপ-শিশুর রণে পৃষ্ঠভঙ্গদান, বীরত্বও অসীম। তা ভাই ! আমরা যখন হীনবীৰ্য্য হ'য়েও, এমন বীৰ্য্যবান্ বীরপুরুষকে বন্দী ক'রতে পেরেছি, তখন আমাদেরও এ একটা পরম শ্লাঘার বিষয়। কৃষ্ণ ! আমার বোধ হয়, মগধরাজ কৃপা ক'রেই আমাদের বন্দীত্ব স্বীকার ক'রেছেন।

জরা । ( স্বগতঃ ) ওঃ অসহ ! এ বাক্য যেন তীক্ষ্ণ শেল-সম।

কৃষ্ণ । ( ব্যঙ্গভাবে ) দাদা ! এখন মগধরাজের বন্ধন মোচন ক'রে দিন, ওঁর বড় অপমান হ'চ্ছে। ঐ দেখুন, মগধেশ্বরের গর্বিত বদনের দিকে একবার চেয়ে দেখুন ; যার বদন হ'তে নিয়ত গর্ববাক্য বর্ষণ খ্যাতীত অল্প বাক্য বহির্গত হয় নি, তিনি এখন অবনতমুখে, নির্বিকার ভূজঙ্গের মত বন্ধন-যাতনা ভোগ ক'রছেন।

জরা । ( স্বগতঃ ) প্রতিহিংসা, প্রতিহিংসা।

বল । ( জরাসন্ধকে মোচনপূর্বক ) গর্বিত বর্ষর ! এই তোকে বন্ধন হ'তে মুক্ত ক'রলেম।

কৃষ্ণ । যাহ চলি অভিমানি ! আপনার দেশে।

সাজি পুনঃ সসৈন্তেতে কর আগমন।

ধরিত্রীর পাপ-ভার করিব হরণ।

চল দাদা ! কার্য্যান্তরে যাই।

( কৃষ্ণ ও বলরামের প্রস্থান )

জরা । ওহো ! এ হ'তে যে মৃত্যু ছিল ভাল।

এ যে জালা বৃশ্চিক-দংশন।

ঘৃণা, লজ্জা, ক্ষোভ, অভিমানে,

মরিলাম অন্তরে পুড়িয়া।

আশৈশব গর্ষিত-বদনে,  
 উচ্চশিরে অভিমানভরে,  
 জগতের শ্রেষ্ঠ ব'লে ছিলাম সংসারে ।  
 যক্ষ, রক্ষ, গন্ধর্ষ, কিন্নরে,  
 না চাহিত ভয়ে মোর পানে ;  
 আজি হায় এ কি হ'ল !  
 মর্প, অভিমান, সবই মম হইল চূর্ণিত !  
 সামান্য শিশুর করে গেল বীর্ষ্য বল ।  
 ছিঃ ছিঃ ! কি কহিবে সবে ।  
 কেমনে দেখাব এই কলঙ্কিত মুখ ?  
 কাপুরুষ বলি সবে দিবে টিটকারি ।  
 মত্তকরি-শক্তি মম কোথা গেল আজি !  
 অটল এ দেহ-শৈল ভাঙ্গিল রে এবে ।  
 ক্ষুদ্র লোষ্ট্রাঘাতে গিরি হইল বিচূর্ণ  
 পূর্ণ নাহি হ'ল মম প্রতিহিংসা-সাধ ।  
 কি কহিবে অস্তি মোর স্নেহের লতিকা ।  
 কত আশা বুকে বাঁধি র'য়েছে দে বসি,  
 ভাবিছে এবার হবে বাসনা পূরণ ;  
 আসিবেন পিতা মম প্রতিহিংসা সাধি !  
 কিন্তু হায় ! বাদী তাতে নির্দয় বিধাতা ।  
 রুদ্রতেজ হ'ল ব্যর্থ এতদিন পরে ।  
 তবে, নাহি যাব রাজ্যে আর ।  
 না পারিব ঘৃণিত বদন,  
 দেখাইতে মানব-সমাজে ।

শূন্যপ্রাণে ঘাই চলি কানন-মাঝারে ।  
 অথবা লুকাই গিয়ে পর্বত-গুহায় ।  
 জরাসন্ধ নাম আর না শুনিবে কাণে ।  
 নিভে গেছে জীবনের আলো,  
 নাহি আর উদ্যম উৎসাহ,  
 শত তন্ত্রী হৃদয়ের ছিন্নভিন্ন প্রায়,  
 প্রাণ কেন রহিল এখনও ?  
 তুচ্ছ প্রাণ হও বহির্গত ।  
 এস মৃত্যু আলিঙ্গন করি ।

গীত

যা রে ছার প্রাণ, হ'য়ে অবমান, এ দেহে রবি আর কি স্থখে ।  
 গেছে সব মান, গেছে অভিমান, মম সম ভবে দুখী কে ॥

যার তাপে কাঁপে সংসারে সকলে,  
 যার ভয়ে কাঁপে বান্ধুকী পাতালে,  
 তারে বধে আজি ব্রজের রাখালে,—

ভুঞ্জসে জ্বিনিল মূয়িকে ॥

ছিঃ ছিঃ মনে হয়, ঘৃণার উদয়, অঙ্গ ছ'লে যায়, কি করি উপায়,  
 পশিব গহনে, কিস্বা রে দহনে, নিশ্চয় ত্যজিব প্রাণ,

নিভাস্ত বিধাতা হ'য়েছে রে বাম,

নতুবা কি হয় তেন পরিণাম,

কি মুখে আর যাব নিজ ধাম,—

হাসিবে বৈরঙ্গ পুলকে ॥

বিদূষকের প্রবেশ

বিদু । ( দূর হ'তে স্বগতঃ ) ঐ যে, মহারাজ শিংডাক্সা বলদটীর মত  
 মুখখানি নীচু ক'রে, একলাটি দাঁড়িয়ে আছেন । এবার

বেশ শিক্ষা হ'য়েছে। একেবারে হাতে দড়ি, আর বাডাবাড়ি ক'ব্বাব যোটা ছিন না। তাডাতাড়ি আগু থেকে যেই পিট্টান মেরেছিলেম, তাই ত বঙ্গা; নইলে ত এতক্ষণ এখানে কুপো গডাগড়ি দিতে চ'ত। একবাব বাবা, যে নাকালটা হওয়া গিয়েছিল, সেই হ'তে আর যুদ্ধেব কাছেও ঘেঁষিনে। দুব হ'তে মজা মাবি। যা শত্রু পবে পরে; থাক, এখন মহাবাজের নিকটে যাওয়া যাক। ( কাছে গিয়ে প্রকাশ্যে ) মহাবাজ ! মহাবাজ !

জরা। বয়স্য ! আব কেন মোবে, বাজ সঙ্ঘোধন ?

প্রাণ ভিক্ষা দিয়েছে যাদব।

বয়স্য ! বয়স্য ! এ হ'তে আর কি আছে কলঙ্ক ?

বিদু। মহাবাজ ! এ আব কলঙ্ক কি ? সময় বুঝে নরম গবম সকলকেই হ'তে হয়। ছলে বলে কার্যসিদ্ধি হ'লেই হ'ল। আবাব যখন ফাঁক পাবেন, তখন আবাব সেই ভুজঙ্গের ছায় গর্জন ক'বে উঠবেন। অতএব এর জন্ত আর সন্তাপ কি ? চলুন, এখন মগধে যাই। পুনরায় যুদ্ধের আয়োজন কবা যাক গে।

জবা। বয়স্য ! আর নাই সে আশা আমাব,

কোথা পাব সৈন্তদল, যা ছিল মঙ্গল,

জীবন-মরণ সাথী মহাবথিগণ,

একে একে আমা তবে সবে,—

প্রাণপণে করিয়া সমব,

সুইয়াছে রণক্ষেত্রে অনন্ত-শয়নে।

হায়, হায় ! আমা লাগি বীরশূন্য হইল মগধ !

ওহো ! সেনাপতি ! সেনাপতি !  
 সকলেই গেলে চ'লে ত্যজিয়ে আমার ?  
 এ বিশ্বসংসারে আজি নিঃসহায় আমি ।  
 ঝঞ্ঝা-বিতাড়িত,—ছিন্নভিন্ন বনমাঝে,  
 বজ্রাহত মহীঝুহ মত,  
 একা আমি রহিছু জীবিত ।  
 তবে আর বৃথা কেন জীবনে প্রয়াস,  
 যাই পুনঃ একেশ্বর করি গে সংগ্রাম ।  
 প্রাণ নিব, কিংবা দিব এই পণ মম ।  
 হর হর বম্ বম্ ববে,  
 শূন্যী শঙ্কুসম বেগে নিফেপিব শূল ।  
 মহামন্ত্রে গঠিত পঠিত, গরলের ফলকা—  
 ফলকে, ঝকি দামিনী ঝলক,—  
 মুহূর্ত্তে পোড়াবে দুই দুঃস্থ বালক ।  
 বিশ্ব-ধ্বংসী শক্তিশেলে মথুরানগরী,  
 সপ্ততলে পাঠাইব যাদব-সহিতে ।  
 বংশে বাতি দিতে না রাখিব একটা বালক ।  
 নতুবা এ ঘণিত জীবন, অরাতির পরিত্যক্ত,—  
 কলঙ্ক-পূরিত,—বিষম বৃশ্চিক-দষ্ট, নিকৃষ্ট জীবন,  
 ভীষণ আহবে আজি দিব বিসর্জন ।

বিদূ । ( স্বগতঃ ) তাতে আমার বড় একটা অসাধও নাই, তবে কি না  
 উদরদেবের কিঞ্চিৎ লোকমান আছে । ( প্রকাশ্যে ) মহারাজ !  
 এই ব্রাহ্মণ বয়স্কের কথা রাখুন । ও সব কল্পনা পরিত্যাগ  
 ক'রে, এখন মগধে চলুন । আবার নূতন নূতন সৈন্য সংগ্রহ

করুন। শেষে এসে যত্নবংশ ধ্বংস করুন। যদিও আপনি মনে ক'রলে, একাকীই সমস্ত যাদব নাশ ক'রতে পারেন, তথাপি এখন সেটা ক'রবেন না; কারণ, আপনি এখন যুতসৈন্য-গণের শোকে নিতান্ত অস্থির; এ অবস্থায় কি মতি স্থির ক'রে যুদ্ধ ক'রতে পারবেন? আপনাকে আর এ সব বিষয় আমি অধিক কি বুঝাব, আপনি একজন পরম জ্ঞানবান্, বুদ্ধিমান্; অতএব আর বিলম্ব না ক'রে চলুন, এখন স্বদেশে যাই।

( জরাসন্ধের হস্তধারণপূর্বক প্রস্থান )

### কৃষ্ণ ও বলরামের পুনঃপ্রবেশ

কৃষ্ণ। এইবার মগধরাজের দর্পচূর্ণ হ'য়েছে।

বল। আমার ইচ্ছা ছিল যে, পাপাত্মাকে একেবারে বিনাশ ক'রে ফেলি।

কৃষ্ণ। মগধরাজকে বিনাশ না ক'রবার কারণ ছিল; ভবিষ্যতে মগধরাজ দ্বারা, আমার কোনও উদ্দেশ্য সিদ্ধ ক'রতে হবে এবং মগধেশ্বর, মধ্যম-পাণ্ডব বৃকোদরের করেই বিনষ্ট হবে। এই সব কারণেই দুর্ভাত্মাকে বধ করি নাই। কিন্তু দাদা! আমাদের আর এখন মথুরায় বাস করা উচিত নয়; কারণ, জরা-পুত্র যতদিন জীবিত থাকবে, ততদিন কিছুতেই মথুরা-আক্রমণে নিরস্ত হবে না, অথচ ওকে বধ করাও হবে না; কেবল বৃথা আমাদের সৈন্যক্ষয় করা হবে। সেই জন্তু আমি ইচ্ছা ক'রেছি যে, সমুদ্রমধ্যে দ্বারকাপুরী নির্মাণ ক'রে, সেখানে গিয়ে সকলে বাস করি। এতে আপনার কি মত?

বল। ভাই! তোমার যাতে মত, আমারও তাতে মত; এখন চল, বিশ্রাম-ভবনে যাই। ( উভয়ের প্রস্থান )



# অষ্টম অঙ্ক

[ বৃন্দাবন-কুঞ্জ ]

বৃন্দা ও রাধিকার প্রবেশ

রাধা । কৈ সখি ! এ যে শূন্য কুঞ্জ, এখানে ত আমার নিকুঞ্জ-বিহারী  
নাই, তবে আমার এখানে নিয়ে এলি কেন ?

বৃন্দা । যেখানে ধাই, সেখানেই ত ঐ কথা বল, তবে আর যাব  
কোথা ?

রাধা । চল যাই যমুনা-পুলিনে ।

বৃন্দা । সেথা কি পাইবি বাধে ! সে নীলবরণে ?

রাধা । তবে চল তমালের তলে !

বৃন্দা । পাগলিনি ! পাবি কি লো পীতবাসে তমালের মূলে ?

রাধা । তবে, চল যাই গোঠপানে ।

বৃন্দা । নাই সে রাখালরাজ আর ত সেখানে ।

রাধা । ( পাগলের স্থায় )

দেখ্ দেখ্ দেখ্ ওই আকাশের কোলে,  
পীত-ধড়া-পরা মোর গাম্ভীর্য দোলে ।  
কেমনে ধরিব সখি কর্ লো উপায়,  
যেতে যেতে যদি কালা লুকাইয়া যার ।

বৃন্দা ।

কৈ রাধে ! নীলাকাশে শোভে নীলকায়,  
 হের ও যে বায়ুভরে মেঘ উড়ে যায় ।  
 পীত-ধড়া ব'লে যারে হেরিছ নয়নে,  
 চেয়ে দেখ, সৌদামিনী খেলে নবধনে ।

## গীত

ওলো, কই কই রাধে নীলকায় ।  
 গগনের কোলে দোলে,  
 ও ত নীলকায় নয়, নীলকায়প্রায়, নীলাশ্বরে নীল-নীরদ ধায় ॥  
 পীতধড়া-বেড়া কোথা বিনোদিনি,  
 চেয়ে দেখ, ও যে শোভে সৌদামিনী,  
 দৃষ্টিভ্রম তোর কেন হ'ল ধনি, এত ভ্রম কভু ভাল ত নয় ॥  
 কালার লাগিয়ে হ'লি দিশেহারা                      কান্ধালিনী রাই পাগলিনী-পারা,  
 ( দেখে বুক কেটে যায় তোর এই ধারা )  
 তুই বিনে মোদের আর ত কেউ নাই,  
 ভয়, বৃষ্টি তোরে হারাই হারাই,  
 সেই কান্ধন-বরণ, কেন তোর গো নাই, বিয়হে মলিন কোমল কায় ॥

রাধা । দেখ সখি ! চাতকিনী ধায় কেন নীরদের পাশে ?

বৃন্দা । বারিপানে তুষা দূর করিবার আশে ।

রাধা । হিংসা বাড়ে চাতকিনী হেরে ।

আহা ! ওরা কেমন পিরাসা মিটায়,

আমি মরি প্রাণের তুষায় ।

ওগো চাতকিনি !                      অত গরবিনী,

হ'য়েছ লো কেন বল শুনি ?

আমি(ও) একদিন,                      কাটিয়েছি দিন,—  
 পেয়ে কাছে শ্রাম গুণমণি ॥  
 সেদিন গিয়েছে,                      সে স্মৃথ ভেঙ্গেছে,  
 সে আলো নিভেছে মম ।  
 এবে বিবাদিনী,                      শ্রাম-কাঙ্কালিনী,  
 ফিরি পাগলিনী সম ॥  
 যা রে মেঘ দূরে,                      ( এই ) বৃন্দাবনপুরে,  
 উদয় হ'য়ো না আর ।  
 তব রূপ হেরি,                      প্রাণকান্তে স্মরি,  
 দহে প্রাণ অনিবার ॥  
 তব বরিষণ,                      করি দরশন,  
 ঝরে আঁখি শতধার ।  
 চপলা-চমকে,                      হৃদয় চমকে,  
 দেখিতে না পারি আর ॥  
 আয় বৃন্দে ! আয়,                      রব না হেথায়,  
 ঝাঁপ দি গে যমুনার জলে ।  
 মরিব মরিব,                      কার আশে রব,  
 যাবে জ্বালা জীবন ত্যজিলে ॥

বৃন্দা ।

গীত

ভুলে যা, ভুলে যা, ভুলে যা কিশোরি ।  
 কেন ম'রবি ধনি, ( কালার বিচ্ছেদ জ্বালায় জ্ব'লে জ্ব'লে )  
 ভেবে পাগলিনী বুঝি হবি মো প্যারি ॥

রাধা । বৃন্দে ! ষথার্থ-ই আমি পাগল হ'য়েছি ।

বৃন্দা ।—

গীত

কালার প্রেমের ফাঁদে,                      পড়িলি বল্ কেন রাধে,  
ভাসিলি যে বিষম বিষাদে,  
( কেন ভজিলি তারে ) ( রাধে )  
বিষ পান করিলি মাধে মাধে ॥

রাধা । বৃন্দে ! তবে কি আর আমার শ্যামচাঁদ ব্রজে আসবেন না ?

বৃন্দা ।—

গীত

নিঠুর সে বাঁকাশ্যাম,                      আসবে না আর ব্রজধাম,  
ক'রে চতুরালী বনমালী গেছে মথুরাধাম,  
আর কৃষ্ণনাম করিসনে রাধে ॥  
( প্রাণের জ্বালা যাবে গো )

রাধা । কৃষ্ণ-নাম বিনে যে, আর কোন নাম মুখে আসে না বৃন্দে !

বৃন্দা ।—

গীত

শুনিরে বাঁশরী তান,                      ভজিলি রাই কুল-মান  
ভজিলি সেই নন্দের দুলালে । ( রাধে গো )  
( ব্রজে কলঙ্কিনী-নাম কিনিলি )  
সুখাপান অভিলাষে,                      ধাইলি শশীর পাশে,  
সুখা তব না মিলিল ভালে । ( রাধে গো )  
( শশী লুকাল যেন নবধনে )

রাধা । বল্ দেখি বৃন্দে ! সেই নীলমণির মনে একবারও কি, এই  
হতভাগিনীর কথা উদয় হয় না ?

বৃন্দা ।—

গীত

শুন ওগো বিনোদিনি,                      রাজা এখন সে নীলমণি,  
জুটেছে তার ভাল রাজরাণী,  
বাঁকা কালশশী, সুরঙ্গশশী, কুবুজা পেয়েছে মারী ॥

রাধা ।—

গীত

কেমনে ভুলিব তারে, আমি ভুলিতে না পারি সখি ।  
সেই কালরূপ অপরূপ, আমার ম'জেছে সেই রূপে অঁাখি ॥

ভুলিব ভাবিলে সই রে,

ভুলার কথা ভুলে যাই রে,

ভেবে কুল আর নাহি পাই রে, ভাসি অঁাখি-নীরে,

সেই কৃষ্ণনাম অবিরাম, করে আমার প্রাণপাখী ॥

যেদিকে ফিরাই অঁাখি, কালরূপ সেদিকে দেখি,

নয়ন যুদিলে সখী, কালরূপ নিরখি,

( আমার ) অন্তরে বাহিরে কাল, বল্ গো বৃন্দে করি বা কি ॥

বৃন্দা । শ্রীমতি ! একটু শাস্ত হও, দিবানিশি আর অমন ক'রে কেঁদো  
না । কেঁদে কেঁদে যে অন্ধ হ'য়ে যাবি ।

রাধা । বৃন্দে ! কেঁদে কেঁদে অন্ধ হ'য়ে যাব ব'ল্ছ, অন্ধ হওয়াই যে  
আমার উচিত বৃন্দে ! এ নয়নে আর যখন সে মোহনরূপ  
দেখতে পাব না, তখন আর এ দৃষ্টিশক্তিতে কল কি সখি ?  
আমায় কাঁদতে নিষেধ ক'র না, কাঁদাই আমার সুখ, কাঁদাই  
আমার শাস্তি ; যতক্ষণ জীবন-ভার বহন ক'রতে হবে, ততক্ষণ  
কেবল কেঁদে কেঁদেই কাটাব । প্রাণসখি ! প্রাণ-পাখী যখন  
এ দেহ-পিঞ্জর হ'তে উড়ে গেছে, তখন আর এ শূন্য পিঞ্জর কেন  
প'ড়ে রইল ? এক একবার ম'রতে সাধ হয়, কিন্তু আবার  
কি জানি, কোন্ দুর্ভাগ্যের আশায় এ পাপ-প্রাণের মারা  
ছাড়তে পারি নে । সখি রে ! শ্রাম-বিরহে যে এত কষ্ট, তাতো  
আগে কখনও জানতে পাই নাই । বৃন্দে ! আগে যদি জানতে  
পেতেম, তা হ'লে কি আর তেমন ক'রে শ্রামকে অত লাঞ্ছনা  
দিতেম ? বৃন্দে ! আজ আমার এক এক ক'রে সকল কথাই

মনে প'ড়ছে, আর অমুতাপে যেন বুক ফেটে যাচ্ছে। হায়! আমি কতদিন অভিমানভরে তাঁকে কত কাঁদিয়েছি; আমার পদে ধ'রে কত সাধনা ক'বনে আমার সেই দুর্জয় অভিমান ভঞ্জন ক'রতে পারেন নাই। কতদিন আমি নিষ্ঠুরার মত শ্রামকে ব'লেছি যে, তুমি আমার কুঞ্জ আর এস না। আহা বৃন্দে! শ্রাম আমার সেই নিষ্ঠুর কথা শ্রবণ ক'রে, কাঁদতে কাঁদতে,—“রাধে! তবে যাই? প্রাণময়ি! তবে যাই?” ব'লে এক এক পা গিয়েছে, আর ছল্ ছল্ চ'খে আমার দিকে ফিরে ফিরে চেয়েছে। আমি মহাপাপিনী, পরিণামে আমার এইরূপ দুর্গতি ভোগ করতে হবে ব'লেই, তখন আমার সেরূপ দুর্বুদ্ধি উপস্থিত হ'য়েছিল। বৃন্দে! লোকে রত্ন পেলে কত যত্ন ক'রে রক্ষা করে, আমি আমার নীলকান্তমণিকে হাতে পেয়েও অনাদরে ফেলে দিয়েছি।

বৃন্দা। বিনোদিনি! সবই জানি, সবই স্বচক্ষে দেখেছি; কিন্তু কি ক'রবি বল, এখন ত আর সে অমুতাপে কোনও লাভ নাই, কেবল সস্তাপ বৃদ্ধি হবে মাত্র। তোর দিন দিন যেরূপ অবস্থা দেখছি, তাতে যে আর অধিক দিন তোকে ধবাধামে দেখতে পাব, তা বোধ হয় না। আহা! সে রূপ নাই। কৃষ্ণপক্ষে ব শশি-কলার ত্রায়, যেন দিন দিন ক্ষীণ হ'য়ে যাচ্ছে।

রাধা। বৃন্দে! সবাই বলে, রাই পাগল হ'য়েছে। বৃন্দে! আমার অদৃষ্টে কি এত কষ্টও ছিল যে, অবশেষে পাগলিনীও হ'তে হ'ল। হায়! আমি জাতি-কুল-মান সব বিসর্জন দিয়ে, ব্রহ্মপুরে কলঙ্কিনী নাম ধ'রেছি, এতদিনে আবার পাগলিনীও হ'লেম? বৃন্দে! আমার বিষ দে, আমি বিষ খেয়ে ম'রব।

তুই যদি আমার ব্যথার ব্যথী হ'স্ তবে আমাকে বিষ এনে দে।

ওঃ আমি পাগল ! ( রোদন )

বৃন্দা । বিষাদিনি ! বিষ খেয়ে প্রাণত্যাগ ক'রবে ব'ল্ছ ; কিন্তু তাতে ত তোর মৃত্যু হবে না। তোর হৃদয়মধ্যে অহরহঃ যে বিরহবিষ সঞ্চারিত হ'চ্ছে, সেই বিষের সঙ্গে, বৃশ্চিক-বিষ মিশ্রিত হ'লেই অমৃত হ'য়ে উঠবে। বিবে বিষে যে অমৃত হয়, তা কি তুই জানিস্ নে ?

রাধা । তবে আমার অনল জ্বলে দে ।

বৃন্দা । তাতেও ত কোন ফল হবে না। যে চিন্তানলে দিবানিশি দগ্ধ হ'চ্ছিস্, তাতে যখন বেঁচে আ'ছিস্, তখন কি আর এই সামান্ত চিত্তানলে তোর প্রাণ বাবে ?

রাধা । তবে কি আমার মরণ নাই বৃন্দে ? জীবন ভ'রেই কি এইরূপ দুঃসহ যাতনা ভোগ ক'রতে হবে ? হা হৃদয়বন্ধু ! হা রাধিকার জীবন-সর্বস্ব ! একবার দেখা দাও। ব্রজের জীবন ! ব্রজে এস, বিরহিণী ব্রজবালাকে আর বিরহ-সাগরে ভাসিও না। কৃষ্ণ ! প্রাণকাস্ত ! এই কাঙ্গালিনী কমলিনীর কণ্ঠে কি তোমার আর কষ্ট হয় না ? এ কুঞ্জকাননের কথা কি আর বলনাও কর না ? কালিন্দীর কুলকুল-তানের কথা মনে হ'লে কি, তোমার কঠিন প্রাণ কেঁদে উঠে না ? কলঙ্কভঞ্জন হরি ! যার কলঙ্কভঞ্জন করবার জন্ম কত কষ্ট পেয়েছিলে ; কুটিলার কালা মুখের কটুকথা হ'তে কাটাবার জন্ম, কুঞ্জবনে স্বয়ং কৃষ্ণকালী হ'য়ে, যার মনঃকষ্ট দূর ক'রেছিলে ; আজ তুমি কোথায় ? কুঞ্জবিহারি ! একদিন কুঞ্জকুটীরে তোমার কোমল কর-পল্লবে, আমার মুখ-খানি ধ'রে, কথায় কথায় ব'লেছিলে নয় যে, কমলিনি !

এ কৃষ্ণ-সরোবরে তুমিই একমাত্র কমলিনী ! এ কৃষ্ণ-কমলে কখনও পৃথক হবে না । কৈ কৃষ্ণ ! সে কথার ত কোন কায ক'রলে না । কালিয়বারি ! কালীদেহে কালীর দমন ক'রে রাধালদেবের প্রাণরক্ষা ক'রেছিলে, কিন্তু এ কলঙ্কিনীর কালী কি দমন ক'রবে না ? তা যদি না কর, তবে এক কৰ্ম ক'র আমি যখন কৃষ্ণ কৃষ্ণ ব'লে প্রাণত্যাগ ক'রব, তখন তোমা ঐ কালবরণ কালরূপখানি যেন একবার দেখতে পাই, তাহ'লে আর আমাকে কাল-কিঙ্করে করে করে বন্ধন ক'রে, কষ্ট প্রদান ক'রতে পারবে না । কৃষ্ণ হে ! কাঙ্গালিনীর এই কথাটি রক্ষা ক'র ।

বৃন্দা । কমলিনি ! একটু ধৈর্য্য ধর, এত অধীর হ'য়ো না । তুমি যদি দিনরাত অমনধারা কৃষ্ণ কৃষ্ণ ব'লে কাঁদবে, তা হ'লে লোবে কি ব'লবে বল দেখি ? একে শ্যাম-শোকে পাগল, তাতে যদি আবার লোকে গজনা দেয়, তা হ'লে যে আরও কষ্ট হবে ।

রাধা । বৃন্দে ! তুই আজ আমায় বড় দুঃখের সময় হাসালি । তুই আমাকে, লোক-গজনার ভয় দেখাচ্চিস্ : লোক-গজনার ভয় কি আর আমার আছে ? লোকের কথায় আমার কিছু হবে না । পাগলিনীর আবার লোক-লজ্জা কি ?

বৃন্দা । ( স্বগতঃ ) না, রাইকে আর কিছুতেই বুঝিয়ে উঠতে পা'রলেম না । শুনেছিলেম, বিরহই প্রণয়ের সুখ, হরি ! হরি ! এই যদি সুখ, তবে দুঃখ আর কাকে বলে ? হা নিষ্ঠুর কৃষ্ণ ! তুমি এমন ক'রেও সরল-প্রাণে ব্যথা দিলে ? তুমি যে এত কপট, এত চতুর, তা একদিনও বুঝতে পারি নাই । তোমার ছলনায়



ভুলে, আজ ব্রজের ললনাকুল, বিষম অকুল-সাগরে ভাসছে !  
 যুগ-ধরা ফাঁদে যুগ প'ড়লে, ব্যাধ যেমন দূর হ'তে সেই যুগের  
 যন্ত্রণা দেখে আনন্দিত হয়, তুমিও তেমনি—তোমার প্রেমের  
 ফাঁদে গোপিনীরূপ যুগীগণকে আবদ্ধ ক'রে, এখন দূর থেকে,  
 বেশ রঙ্গ দেখছ । বলি, এই কি তোমার উচিত ? ব্রজেশ্বর !  
 তুমি এইরূপ ক'রবে ব'লেই কি, যখন অক্রুর-রথে মথুরায় গমন  
 কর, তখন সেই রথচক্রনিষ্পেষিতা ছিন্ন-লতা-সম ভূপতিতা  
 রাধাকে, আবার আস্ব ব'লে আশ্বাস দিয়েছিলে ? হা নির্দয় !  
 আশা দিয়ে কি এইরূপে নিরাশ ক'রতে হয় ? প্রেম ! কে বলে  
 তুই স্বর্গের জিনিস ?—তুই বিষম নরক । কে বলে তুই নন্দন-  
 কানন ?—তুই ভীষণ মরুভূমি । তুই যার হৃদয়ে একবার প্রবেশ  
 করিস, তাকে একেবারে পথের কাঙ্গাল না ক'রে, ক্ষ্যান্ত  
 হ'সনে । কে বলে তুই সুখা ?—তুই বিষম হলাহল । তোর  
 কুহকে প'ড়লে, লোকে কুল, মান, ঘৃণা, লজ্জা, এ সবই বিসর্জন  
 দেয় । কত জীবন-কুসুম তোর আঘাতে, অকালে হৃদয়-বৃত্তচ্যুত  
 হ'য়ে যাচ্ছে । তুই মরীচিকা ; তাই লোকে তোকে সুখের  
 সরোবর মনে ক'রে, তোর দিকে ধাবিত হয় । তোর অসাধ্য  
 কিছুই নাই । তোর সংস্পর্শে, কত হৃদয়-সরোবর শুষ্ক মরুভূমিতে  
 পরিণত হ'চ্ছে ; কত জীবন-তরণী তোরই জন্ত, চিরদিনের মত  
 হতাশা-সাগরে নিমজ্জিত হ'চ্ছে ; তোরই জন্ত আজ আমরা,  
 এমন সোণার কমল রাইকে হারাতে ব'সেছি ।

রাধা । বৃন্দে ! এতক্ষণ ভেবে কি কোন উপায় ক'রতে পারলি ?”

বৃন্দা । শ্রীমতি ! যদি কোনও উপায়ই থাকতো, তা হ'লে এতক্ষণ  
 কি তোর কথার অপেক্ষা ক'রতাম ? না তোর এই শেষ-দশা

ব'সে ব'সে দেখতেম ? তা হ'লে এতক্ষণ তোর প্রাণকাস্তকে এনে, তোর মনপ্রাণ শীতল ক'রে দিতেম, কিন্তু—

রাধা । আর কিন্তু কেন বৃন্দে ! আমি বুঝেছি, সব বুঝেছি, আর আমার উপায় নাই । বৃন্দে ! আর তোদের উপায় চিন্তা ক'রতেও হবে না ; আজ আমি নিজের উপায় নিজেই ক'রব, এ সত্বপায় ভিন্ন আর আমার অন্য উপায় নাই । সখী রে ! আমার একটি প্রার্থনা, আমার এ উপায়ে কোন বাধা দিও না । রাধার আজ শেষ দিন । তবে মনে বড় আশা ছিল যে, একবার— শুধু একবার, জন্মের মত শুধু একবার, সেই নবীনমেঘখানিকে দেখে, আর তার সেই রাধানাম-সাধা বাণীর সব শুনে, আর তার সেই সচন্দন তুলসী-শোভিত চরণখানি হৃদয়ে ধারণ ক'রে, এ প্রাণ পরিত্যাগ ক'রব । কিন্তু তা হ'ল না, আমার সে আশা পূর্ণ না ; তাই আজ চ'ল্লেম, আজ জন্মের মত ব্রজ ছেড়ে, তোদের ছেড়ে চ'ল্লেম, আমার এ যাত্রার লীলা-খেলা যা হবার, তা আজ হ'তে শেষ হ'ল । বৃন্দে ! যদি কখনও তোদের সেই বৃন্দাবন-চাঁদ বৃন্দাবনে আসেন, তবে তাকে এই কর্ণহার ছড়া প্রদান করিস্, তিনি যেন দুখিনীর এই অন্তিম-পার্শ্বনাটি রক্ষা করেন । আর একটি কাণ্ড করিস্ ।—

গীত

মরিলে ভাসিয়ে দিও যমনার জলে ।

সেই কাল জলে,

কালার রূপ জলে,

আমি সেই শ্রামরূপেতে যাব মিলে ॥

চন্দনে তুলসী মাধি,

( আমার ) সর্ব অঙ্গে দিও সখি

আর সেই কৃষ্ণনাম ( অঙ্গে দিও লিখি, )

আমার শমন-শঙ্কা ঘাবে চ'লে ॥

আরও একটি কথা রাখিস্,                      আমার কর্ণশূলে কৃষ্ণ বলিস্,  
 দেখিস্ ভুলিস্নে ( আমার মরণ দেখে )  
 তোদের ভার যাবে এই রাখা ম'লে ॥

( বৃন্দার কোলের উপর মূর্ছা )

বৃন্দা ।—

গীত

শ্রাম-সোহাগী রাখা, রাখা কেন এমন হ'লো গো ।  
 কাঞ্চন-লতিকা ধনী ধুলার ঢ'লি প'ড়'ল গো ॥ ( ভূমিতলে রক্ষা )  
 রাখা-চাঁদ বুঝি আজ অস্তে গেল,  
 ব্রজ অ'ধার ক'রে চাঁদ ডুবিল রে,  
 নাহি পূরল তব পিয়ার পিয়ারা,  
 মরমে মিশিয়ে গেল মরমের আশা,  
 দেখা যায় না তোর এ বিষম দশা,  
 রাখে, এই দশা কি দশম-দশা রে ॥

( বিশাখাকে আসিতে দেখিয়া )

দেখে যা বিশাখা এসে,—রাই বুঝি মরে, বুঝি মরে, বুঝি মরে,  
 বিনোদিনী ব'লে আর সুধাবি লো করে ।

পাখী উড়ে গেল ( সাধের পাখী )                      ( ঐ দেখ্ কৃষ্ণ-বুলি ব'লতে ব'লতে )  
 ( সাধের পিঞ্জর গুচ্ছ করি )                      ( সোনার পিঞ্জর প'ড়ে রইল ) ॥

শ্রামা সখীর প্রবেশ

শ্রামা । বৃন্দে ! বৃন্দে ! রাই আমাদের কেন সহসা এমন হ'রে  
 প'ড়'ল ?

বৃন্দা ।—

গীত

বিরহানল দাহনে, দহিল রাখা-জীবনে,  
 না পাইল শ্রাম-দরশন ( অস্তাগিনী ) ।

শ্রামা । রাই ! রাই ! একবার কথা ক ; এই দেখ্ তোঁর শ্রামা সখী  
এসে, তোকে কত ডাক্ছে, একবার কথা ক ।

বৃন্দা ।—

গীত

নব্বন বারি-আশে, চাতকিনী ধাওল,  
বিষম বজ্র তার হিয়াতে বাজিল, ( হায় গো )  
( ধনী জ্বালায় জ্বালায় জ্ব'লে ম'লো গো ( শ্রামের বিচ্ছেদ-জ্বালায় )  
( কেন ম'জেছিল রাই ) ( কৃষ্ণ-প্রেমে ) ।

বিশাখা । বৃন্দে ! এতদিনে বুঝি আমাদের রাধা-সঙ্গ সাজ হ'ল ।

বৃন্দা ।—

গীত

রাধা-সঙ্গ হ'ল সাজ,  
মোরা আর ত ফিরে পাব না রাই ।  
আর কি রাধিকার সনে, রাধিকা-রমণে, দরশনে অঁধি জুড়াইব ।  
( ওলো ) তুই ত যত নাটের গুরু বিশাখা,  
আমার রাই ত কিছু জান্ত না গো,  
তোঁর ঐ শ্রামরূপ অঁাকা, দেখিয়ে রাধিকা, ম'জেছিল বাঁকা-শ্রামে ।

বিশাখা । কমলিনী ! একবার উঠ্ । একবার তোঁর মুখের শেফ  
কথাটী শুনি ।

ভ্যজ লো কিশোরী ভূতল-শয়ন,  
সখী বলি মোরে কর সস্তাষণ,  
মুদে ছ'ময়ন, ভুলে সখিজন, শূন্য করিলি রাধে বৃন্দাবন ॥

বিশাখা । বৃন্দে ! আমারই দোষ, আমিই রাধার এ মৃত্যুর কারণ ।  
হায়, হায় ! আমার জগুই রাই আজ ব্রজপুরী অন্ধকার ক'রে  
চ'লে গেল বৃন্দে ! আমি যে, আর এ প্রাণশূন্য প্রতিমা দেখতে  
পারিনে ।

দৌড়িতে দৌড়িতে ললিতার প্রবেশ

ললিতা । ( পথ হ'তে ) ওগো ! ওগো ! আমি যে আর আনন্দ রাখতে পারছি নে, আমাদের কালাচাঁদ এসেছে । বিশাখা ! বিশাখা ! রাই কোথা ?

বিশাখা । ললিতে ! এতদিনে আমরা রাই-হারা হ'য়েছি । আমাদের সাধের চাঁদকে, আজ কাল-রাহতে গ্রাস ক'রেছে । আমাদের আশ্রয়-তরণী, আজ কাল-সাগরে এ জন্মের মত ডুবে গেছে ।

ললিতা । এঁ্যা, এঁ্যা, কি ব'লিস্ বিশাখা ? তোর কথা যে কিছুই বুঝতে পারছি নে । আমি যে বড় সাধ ক'রে, রাইকে সুসমাচার দিতে এসেম । হায় ! হায় ! চাতকিনী এতদিন মেঘের আশায় থেকে, শেষে মেঘ উদয় হবার সময় প্রাণত্যাগ ক'রলে !

বিশাখা । ত্রৈ দেখ ললিতে ! শ্রীমতীর সোণার অঙ্ক আজ ধূলায় প'ড়ে গড়াগড়ি যাচ্ছে । আর আমাদের কৃষ্ণে কাষ নাই ।

ললিতা । ( রাধাকে দেখিয়া ) হায় ! হায় ! একটা কথাও শুন্তে পেলেম না, জন্মের মত রাধার শেষ কথাটিও শুন্তে পেলেম না । হায় বৃন্দে ! আমাদের কি হবে ?

বৃন্দা । আর কি হবে, যা হবার তা হ'য়েছে, এখন আর, সকলে মিলে রাধার অঙ্ক যমুনার জলে ভাসিয়ে দিইগে, আর আমরাও— সেই সঙ্গে সঙ্গে প্রাণ বিসর্জন দিইগে । রাই আমাদের একা থাকতে পারবে না ; রাই আমাদের জীবন-মরণের সাথী ব'লেই জান্ত, আর, আমরা এখন তার সেই মরণের সাথী হইগে । আর শ্রাম যদি ষথার্থ-ই এসে থাকেন, তা হ'লে তাঁকে পথ

হ'তে ফিরিয়ে দিয়ে বল্গে যে, আর আসতে হবে না। যার জন্মে  
তোমার আসা, তার আশার শেষ হ'য়েছে।

### অদূরে উদ্ধবের প্রবেশ

উদ্ধব।

( স্বগতঃ )

একি, প্রাণ কেন কাঁপে কুঞ্জ প্রবেশিতে ?

কি যেন এক হতাশের ভীষণ ভ্রমসা,

গ্রাসিয়াছে এ কুঞ্জ-কানন।

কৃষ্ণ-বিরহের লক্ষণ সকল,

ফুটিয়াছে তরুপত্র কুসুম-স্তবকে।

যাই দেখি আত্মাশক্তি রাধিকা কোথায়।

ধন্য হই সেই পদ করি দরশন।

( নিকটে আগমন )

ললি। এই যে, আমাদের রাই-মারা ফাঁদ কালাচাঁদ নিজেই এসে উপস্থিত  
হ'য়েছেন।

বৃন্দা। কৈ ললিতে ? ও ত আমাদের কৃষ্ণ নয় ; কৃষ্ণ হ'লে বন্ধিম নয়ন  
থাকত, ত্রিভঙ্গিম ঠাম থাকত, বক্ষ তৃষ্ণপদ-চিহ্ন থাকত, এঁর  
ত সে সব চিহ্ন কিছুই নাই। আর কৃষ্ণ এলে, আমাদের এ  
শুক-হৃদয়ও প্রেমরসে পূর্ণ হ'ত। একে দেখে যে বাৎসল্যরসের  
উদয় হ'চ্ছে। আর কৃষ্ণ এলে, এই শুক কুঞ্জ আবার মুঞ্জরিত  
হ'রে উঠত।

বিশা। তোমাকে আমাদের কালাচাঁদের গায় দেখাচ্ছে, তুমি কে ?

উদ্ধব। আমি কৃষ্ণ-সখা উদ্ধব। শ্রীমতীকে কৃষ্ণ-সংবাদ প্রদান  
ক'রতে এখানে এসেছি ; আমাকে শ্রীমতীর কাছে নিয়ে চল।

বৃন্দা । আর শ্রীমতীকে কৃষ্ণ-সংবাদ দিতে হবে না, আর তার কাছেও যেতে হবে না । এখন ফিরে মথুরার যাও, গিয়ে তোমাদের মথুরানাথকে ব'ল যে,—বৃন্দাবনে, বৃন্দা ব'লে এক সুখরা রমণী আছে, তাতেও যদি তোমাদের রাজা আমাকে চিন্তে না পারে, তা হ'লে ব'ল যে,—যে তোমাকে বৃন্দাবনে বিদেশিনী সাজিয়ে দিবেছিল, সে এই করটি কথা ব'লে দিবেছে যে,—যে তোমার জন্ম আপনার পতি পর্যন্ত ত্যাগ ক'রেছিল ; —যে তোমার পাদপদ্মে জীবন-যৌবন সর্বস্ব সমর্পণ ক'রেছিল ; —যে তোমার বংশীধ্বনি শুন্বার জন্ম, যমুনার তীরে গিয়ে ব'সে থাকত ; যে ধনী, কুঞ্জবনে অলির গুঞ্জনধ্বনি শুন্লে তোমারই পদের নূপুরধ্বনি মনে ক'রে উন্মাদিনী হ'য়ে উঠত ; শিখিপুচ্ছ দেখলে,—যে তোমারই চূড়ার শিখিপুচ্ছ মনে ক'রে, দৌড়ে গিয়ে ময়ূরের কাছে উপস্থিত হ'ত ; আকাশে মেঘ উদয় হ'লে কৃষ্ণ-জ্ঞানে মেঘের কাছে ছুটে যাবার জন্ম যে ব্যাকুল হ'য়ে উঠত ; সৌদামিনী দেখলে, তোমারই পীতধড়া ভেবে, পাগলিনীর গায় হ'য়ে উঠত ;—যে তোমার নিদারুণ বিরহানলে দগ্ধ হ'য়ে, দাব-বন্ধা হরিণীর গায় দিশেহারা হ'য়ে কালযাপন ক'রত ; সেই রাধা,—সেই সরলা শান্তিময়ী রাধা—সেই তোমার প্রেমের ভিখারিণী রাধা,—আজ তোমার কৃষ্ণ-নাম ক'রতে ক'রতে জন্মের মত সকল বাধা হ'তে অব্যাহতি লাভ ক'রেছে ; আজ সেই কাঞ্চনবরণী কমলিনী, কুঞ্জবনে—তোমারই সাধের কুঞ্জবনে, তোমারই চরণস্পৃষ্ট ধূলিমধ্যে, তার সোণার অঙ্গ ঢেলে দিবেছে ; আর তোমার চিন্তা ক'রতে হ'বে না, লোক-দেখান ব্রজের মায়া ; আর তোমাকে দেখাতে হবে

না ; এখন নিশ্চিত হ'য়ে, কুজারাণীর সঙ্গে মথুরার রাজসিংহাসন  
আলো কর।

উদ্ধব । বৃন্দে ! তোমার কথার ভাব যে, আমি কিছুই বুঝতে  
পারছি নে।

বৃন্দা । আর কি বুঝবে, আমাদের রাই-চাঁদ আজ চিরদিনের মত  
অস্তমিত হ'য়েছে। ঐ দেখ, অভাগিনী সহকার-চ্যুত মাধবীর  
শ্রায় ভূমিতে প'ড়ে আছে।

উদ্ধব । ( স্বগতঃ ) তাইত ! একি হ'ল, এ যে বিষম সমস্যা ! কৃষ্ণ-  
বিরহে রাধার মৃত্যু, নিতান্ত অসম্ভব ! যিনি আত্মশক্তি মহামায়া,  
তার কি মৃত্যু সম্ভব ?—কখনই না। ঐকে দর্শন ক'রলে  
জীবের মৃত্যুভয় নিবারণ হয়, তাঁকে কি মৃত্যুতে স্পর্শ ক'রতে পারে ?  
তবে বোধ হয় মহামায়া, মায়া-নিদ্রায় মোহিত হ'য়ে স্বপ্নযোগে  
মাধবসঙ্গে মিলিত হ'চ্ছেন ; দেখি, কৃষ্ণ-নাম কর্ণে প্রদান ক'রে  
দেখি। ( প্রকাশ্যে ) বৃন্দে ! তোমাদের ভ্রম হ'য়েছে, শ্রীরাধা  
প্রাণত্যাগ করেন নাই ; এই আমি তোমাদের কমলিনীর চেতন  
সম্পাদন করি ( কর্ণে কৃষ্ণ-নাম প্রদান )।

রাধা । ( চৈতন্যপ্রাপ্ত হইয়া ) কৈ কৃষ্ণ ? কোথা কৃষ্ণ ? এই যে ছিলে,  
দেখতে দেখতে কোথায় লুকালে ?

উদ্ধব । ( স্বগতঃ ) আহা আমি কি ক'রলেম, স্বপ্নযোগে শ্রীমতীর  
কৃষ্ণ-মিলন ভঙ্গ ক'রলেম ? না, তাইবা ভাবছি কেন ? এ নিত্য-  
মিলনের কি কখনও ভঙ্গ হ'তে পারে ?

রাধা । কে তুমি হে কৃষ্ণ-সম নীরদবরণ ? ( গাজোখান )

উদ্ধব । মা ! আমি তোমার চরণ-প্রার্থী—কৃষ্ণসখা উদ্ধব । তোমাদের  
কুশল সংবাদ জানবার জন্য কৃষ্ণ আমাকে পাঠিয়েছেন।



রাধা । কি ব'লে ? তুমি কৃষ্ণসখা উদ্ধব ? বল উদ্ধব ! আমার প্রাণ-কৃষ্ণ কুশলে আছেন ত ?

উদ্ধব । মা গো ! কুশলময়ের আবার কুশল অকুশল কি ? সম্প্রতি তোমার অদর্শনে সমধিক মানসিক অকুশল ভোগ ক'রছেন ।

বৃন্দা । উদ্ধব ! আজ তোমার জন্ম আমরা রাইকে পুনরায় দেখতে পেলেম । আমরা হুঃখিনী গোপবালা, তোমাকে আর কি পুরস্কার প্রদান ক'রব, তোমার এ উপকার আমরা কখনও বিস্মৃত হ'তে পারব না ।

রাধা । উদ্ধব ! কি ব'লে, প্রাণ-কৃষ্ণের অকুশল ? এই কথা শুন্বার জন্মই কি, আমার মূর্ছাভঙ্গ হ'য়েছিল ?

বৃন্দা । তোর যদি এমন বুদ্ধি না হবে, তা হ'লে তোর এমন দশাই বা হবে কেন ? বলি রাধে ! তুই যঁার জন্ম কেঁদে কেঁদে ম'রতে ব'সেছিলি, আর সে তোর জন্ম একটু কষ্ট পাবে, তা তোর সহ হবে না ? এ কেমন কথা, অত বাড়াবাড়ি কিন্তু আমার ভাল লাগে না ।

রাধা । বৃন্দে ! আমি কষ্ট পাই, আমি কাঁদি, সে আমার অদৃষ্টের দোষ, তাতে তাঁর দোষ কেন হবে বৃন্দে ?

বৃন্দে । তবে আর কেঁদে কেঁদে মর কেন ? অদৃষ্ট ভেবেই ব'সে থাকলে হয় ।

রাধা । কেঁদে যে কোনও ফল নাই তা জানি, তবে যে কাঁদি কেন, সেও আমার অদৃষ্টের দোষ ।

উদ্ধব । ( স্বগতঃ ) আহা কি অদ্ভুত আত্মবলিদান রে ! এই উজ্জল কৃষ্ণ-প্রেমের ছবিখানি দর্শন ক'রে, নয়নযুগল সার্থক হ'ল, আত্মা পবিত্র হ'ল ।

রাধা । উদ্ধব ! তুমি যখন ব'লছ যে, কৃষ্ণ ব্রজের কুশল জানবার জন্ত তোমাকে পাঠিয়েছেন, তখন সেই ব্রজের কুশলকে ব'ল যে, কৃষ্ণশূন্য বৃন্দাবনে যেমন কুশল হওয়া সম্ভব, সেইরূপই দেখে এলেম ।

উদ্ধব । ও মা কেশব-ললনে শ্রীরাধে ! ও কি কথা মা ! কৃষ্ণশূন্য বৃন্দাবন ! একথা ত তোঁর মুখে শোভা পায় না । হিমশূন্য হিমালয়, মলয়শূন্য বসন্ত, সৌরভহীন পদ্ম, কিরণশূন্য ভাস্কর থাকা যেমন অসম্ভব, তেমনি কৃষ্ণশূন্য বৃন্দাবন থাকাও অসম্ভব । ও মা জগৎকল্যাণি ! সেই কৃষ্ণ নিজ মুখেই ত তোঁর কাছে ব'লেছেন যে, "বৃন্দাবনং পরিত্যজ্য পাদমেকং ন গচ্ছামি" বৃন্দাবন ছেড়ে আমি এক পদও অন্ত্র যাব না । তবে কি মা ! কৃষ্ণবাক্য মিথ্যা হবে ?

বৃন্দা । বেশ কথা, এ বড় মন্দ নয়, মাথা নাই তবুও ব'লতে হবে যে, মাথা ব্যথা হ'য়েছে ; পুকুরে জল নাই, তবুও ব'লতে হবে— পুকুর জলে পরিপূর্ণ । কৃষ্ণ বৃন্দাবনে নাই দেখছি, তথাপি ব'লতে হবে, কৃষ্ণ বৃন্দাবনেই আছেন ; না ব'লে কৃষ্ণবাক্য মিথ্যা হয় ; এইরূপ প্রবোধ মনকে দেওয়া মন্দ নয় কিন্তু ।

উদ্ধব । বৃন্দে ! বাহুভাবে কৃষ্ণকে তোঁরা দেখতে পাচ্ছনা ব'লেই মনে ক'রেছ যে, কৃষ্ণ বৃন্দাবনে নাই ; কিন্তু তা নয়, সেই ব্রজের-দুলাল ব্রজেই আছেন ।

বৃন্দা । আর মথুরায় রাজসিংহাসন আলো ক'রছেন, সে তবে কে ?

উদ্ধব । সেও—সেই কৃষ্ণ ।

বৃন্দা । এক কৃষ্ণ আবার কয় স্থানে থাকেন ?

উদ্ধব । বৃন্দে ! কৃষ্ণ যে ব্রহ্মাণ্ডময়, এই ব্রহ্মাণ্ডের সকল স্থানেই তিনি

বিগ্ৰহমান আছেন; তিনি এক ভিন্ন আবার দোসর পাবেন কোথা ? বৃন্দে ! সেই কৃষ্ণকিশোরের আর দোসর নাই । এই যা দেখ্ছ, যা শুন্ছ, যা ভাব্ছ, সে সবই কৃষ্ণ । তিনিই রজনী, তিনিই দিবা, তিনিই চন্দ্র, তিনিই সূর্য্য, তিনিই অনন্ত আকাশ, তিনিই ক্ষিতী, তিনিই জল, তিনিই সমীরণ, তিনিই মথুরা, আবার তিনিই বৃন্দাবন, তিনিই রাধা, তিনিই বৃন্দাদি অষ্টসখী । তিনিই শব্দ, তিনিই গন্ধ, তিনিই রূপ, তিনিই রস, তিনিই স্পর্শ,—সেই সর্কশক্তিমান্ নীরদবরণ কৃষ্ণই সব । তিনিই আবার নিরাকার কুটস্থ-চৈতন্য । কেবল লীলার জগ্গ, সেই জ্যোতির্ময় হরি, অংশরূপে বিকীর্ণ হ'য়ে নামান্তর এবং রূপান্তর গ্রহণ করেন মাত্র । তাঁর অনন্ত মায়ায় মুগ্ধ হ'য়ে, জীবগণ তাঁর স্বরূপ অবগত হ'তে না পেরে, নানারূপ সন্দেহে পতিত হয় । যারা জ্ঞানমার্গে তাঁকে লাভ ক'রতে চায়, তাদের মনে আর এক বিকার স্থান পায় না । যারা সরল প্রেমমার্গে তাঁকে লাভ ক'রতে চায়, তারাই তাঁর সাকার ভাব দর্শন করে, এবং দৈববশতঃ সেই সাকার ভাব দর্শন ক'রতে না পারলে, তাঁর বিরহ অনুভব করে । সেই অনন্ত-প্রেমময় হরি, প্রেম-ভক্তি দ্বারা কিরূপে তাঁকে লাভ করা যায়, তাই দেখাবার জগ্গ, তোমাদের ল'য়ে এই খেলা খেল্ছেন । তাই ব'ল্ছি, তোমরা যেন এ সরল প্রেম-পথ পরিত্যাগ ক'র না । এ পথে অনেক বাধাবিঘ্ন থাকলেও, পরিণামে এ পথ অনন্ত প্রেম-মাধুর্য্যে পরিপূর্ণ, তোমাদের এই প্রেম-ব্রতের শেষ ফল—মধুময় অনন্ত-মিলন, সে মহামিলনে বিরহের সংস্পর্শও নাই । তাই ব'ল্ছিলেম, এমন পথ কখনও ত্যাগ ক'র না । দেখ্তে

পাবে, অচিরাৎ সেই তোমাদের হৃদয়-বৃন্দাবনে পূর্ণচন্দ্র এসে উদয় হবেন। তখন আমার কথার সত্যাসত্য বুঝতে পারবে। আর মা কেশব-বাসনা! তোমাকে আর কি ব'লব, তুমি ত সবই জান; তবে জেনে শুনে মধ্যে মধ্যে আমাদের কেন ব্রাহ্মিজালে জড়িত কর? মা গো! তুই যে নিত্যধামের নিত্যানন্দময়ী রাধা, সে সবই আমি সখার মুখে শুনেছি; কেবল কৃষ্ণনামের বিজয়-পতাকা উড়াবার জন্য, শ্রীদামের শাপের ছল ক'রে, এই বৃন্দাবনে এসে জন্মগ্রহণ ক'রেছি।

বৃন্দা। উদ্ধব! আমরা সামান্য পশুপালিকা গোপবালা, আমরা কৃষ্ণ-মাহাত্ম্য কি বুঝব? তোমার কথার আমরা আশ্বস্তা হ'লেম। তোমার সখাকে গিয়ে ব'ল যে, যেন এই জ্ঞানহীনা ব্রজাসুন্দারদের চরণে আশ্রয় দেন।

উদ্ধব। তা আর আমাকে ব'লতে হবে কেন? সে চিন্তামণির কিছুই অবিদিত নাই। (রাধার প্রতি) ওমা গতিদায়িনী রাধে! এখন এই উদ্ধবের গতির উপায় ক'রে দে মা! আমি গতি পাব ব'লে, তোর কাছে এসেছি। মায়ের কৃপা হ'লেই, সেই পরমপিতা পীতাম্বরের কৃপা হবে। লোকে তরণীর আশ্রয়ে সমুদ্রে গমন করে, শেষে সেই সমুদ্র হ'তে যেমন বাহ্যিক দ্রব্য লাভ করে, আমিও তেমনি তোমার চরণ-তরণী আশ্রয় নিলেম; এখন অক্ষুকুল কৃপা-বায়ু পেলেই, সেই মুক্তি রত্নাকর কৃষ্ণ-সাগরে পতিত হ'য়ে, শীঘ্রই আমার বাহ্যিক মুক্তি-রত্ন লাভ ক'রতে পা'রব।

রাধা। উদ্ধব! তোমার মুক্তির উপায় আর আমাকে ক'রে দিতে হবে কেন? তুমি যখন সেই মুক্তি-সাগর-তীরেই র'য়েছ, তখন আর তরণীর প্রয়োজন কি?

উদ্ধব । মা গো ! তরণীর প্রয়োজন আছে বৈ কি ? সে কৃষ্ণ-সাগরের  
গভীর জল ভিন্ন যে, সে রত্ন পাওয়া যাবে না । কূল হ'তে সে  
যে অনেক দূর । তাই তোমার চরণ-তরণীর আশ্রয় নিতে এসেছি ।  
এখন দে মা ! তোমার অজ্ঞান সন্তানে পদ-তরণী দে ।

গীত

দে মা অজ্ঞান সন্তানে পদ-তরণী ।

আমি যাব রত্ন অন্বেষণে, কৃপা কব্ গো জননি ॥  
কৃষ্ণ রত্নাকর-তলে, মুক্তি-রতন মিলে, ( মা গো )  
ঐ তরী পেলে, অবহেলে, কুতূহলে ত'রে নি ॥

স্তব

উদ্ধব ।

নমস্তে করুণাময়ি, কেশব-কামিনি !  
কমলিনি, কৃপাময়ি, কৈবল্য-দায়িনি !  
বিশ্বরূপে, বিশ্বাস্তুরি বিজ্ঞা-বিধায়িনি !  
নমস্তে বিমলে, বৃন্দাবন-বিলাসিনি !  
নমস্তে নিস্তার-কার্ত্তি, নরক-বারিনি !  
নমস্তে মা নবদুর্গে, নমঃ নারায়ণি !  
মহামায়ে, মহাবিঘ্নে, মাধব-মোহিনি !  
নমস্তে মা মহালক্ষ্মি, মায়ী-বিনাশিনি !

মা গো ! তবে এখন আসি । ও মা গোপাঙ্গনাগর্গ ! আমি এখন  
মথুরায় বিদায় হ'চ্ছি ।

( প্রস্থান )

বাধা । চল বৃন্দে ! সকলে আমরা যমুনার কূল পর্য্যন্ত কৃষ্ণ-সখা উদ্ধবের  
অনুগমন করি ।

( সকলের প্রস্থান )

## নবম অঙ্ক

[ গভীরা রজনী—মগধ-প্রান্তর ]

উদাস-ভাবে জরাসন্ধের প্রবেশ

জরা ।                      অহো ! কিবা ভয়ঙ্কর গভীরা যামিনী ।  
স্বপ্নে স্বপ্নে অন্ধকার,                      সূচি-ভেদ্য ছুর্নিবার,  
উগরিছে অনিবার যেন রে ধরণী ॥  
তাহে পুনঃ ঘনঘটা,                      চকিত দামিনী-ছটা,  
কড়্ কড়্ জলদের ভীষণ গর্জন ।  
শন্ শন্ প্রবাহিত ভীম প্রভঞ্জন ॥  
কিবা ভয়ঙ্কর সাজ,                      ধরিয়াছে ধরা আজ,  
নাহি সেই শান্তিময়ী প্রকৃতি এখন ।  
প্রলয়ের কথা বুদ্ধি,                      স্মরণ হ'য়েছে আজি,  
উচ্ছ্‌ঙ্খল-ভাব তাই ক'রেছে ধারণ ॥  
নাহি ফেরে ফেরদল,                      সভয়ে বিটপি-তল,—  
ত্যজি রহে লুকাইয়া গভীর গহ্বরে ।  
পিশাচ-তাণ্ডবে যেন,                      কাঁপে ধরা ঘন ঘন,  
হেরি কত বিভীষিকা এ ঘোর-প্রান্তরে ॥  
এ দুর্যোগে এ প্রান্তরে,                      আসিহু কিসের তরে,  
ত্যজি নিজা সুখ-শান্তি ত্যজিয়া প্রাসাদ ?

স্বপ্ন-দৃষ্টা সে রমণী, কোথা গেল নাহি জানি,  
 যার উপদেশে আজি হইল বিবাদ ॥  
 অপূর্ব স্বর্গীয় জ্যোতি, কত কমণীয় কান্তি,  
 হেরিহু সে মুখে আমি অমিয়-মাধুরী ।  
 পাপ-তাপ পূর্ণ হবে, সে মূর্তি না সম্ভবে,  
 ভেঙ্গেছে মায়ায় ঘোর সে কামিনী হেরি ॥  
 সংসারের অসারতা, মানবের কুটিলতা,  
 বুঝেছি সকলি আজি পেয়ে দিব্যজ্ঞান ।  
 প্রতিহিংসা ক্রোধ লোভ, সম্ভোগ লালসা ক্ষোভ,  
 দূরে গেছে বীরভাব দর্প অভিমান ॥  
 ঘোর নিদ্রায় অভিভূত, ছিহু হায় অবিরত,  
 না দেখিহু এতদিন পবিণাম-পথ ।  
 ইন্দ্রজাল-প্রহেলিকা, মায়াবিনী মরীচিকা,  
 এ সংসারে নরে সদা দেখায় বিপথ ॥  
 মায়ায় মোহিনী-মন্ত্রে, এ বিশাল রাজ্যতন্ত্রে,  
 সুখের মন্দির বলি ভাবিতাম হায় ।  
 এবে দেখি আঁধি মেলে, পূর্ণ রাজ্য হলাহলে,  
 শান্তি-সুখ না দেখিহু তায় ॥  
 তুচ্ছ রাজ্য-আশে কত, বধিয়াছি শত শত,  
 নিরীহ মানবকুল করাল অসিতে ।  
 কত রাজ্যে অগ্নিদান, কত প্রজা বলিদান,  
 করিহু পিশাচ সম আমি অবনীতে ।  
 নিশ্চয় করম-ফল হইবে লভিতে ॥

## মগধ-বিজয় গীতাভিনয়

( নেপথ্যে ভাগ্যলক্ষ্মী )

গীত

এ ভব-সংসারে,                      প'ড়ে ঘোর অন্ধকারে,  
 মায়া-মোহে ভুলেছ রাজন ।  
 হের কাল আছে ব'সে,                      ধরিবে তব কেশে,  
 করে করে করিবে বন্ধন ॥

জরা ।

( গীত শুনিয়া সবিস্ময়ে )

এ ঘোর নিশীথকালে, ভীষণ প্রাস্তরে,  
 অনন্ত আধারবাশি ভেদিয়া সহসা,  
 কোথা হ'তে কামিনীর কণ্ঠস্বর ক্ষরে !  
 কৈ ? কোথা ? দৃষ্টিশক্তি আবরে তমসা ।  
 আধারে আলোক, অন্ধে নয়ন-দায়িনি !  
 কে তুমি ? কোথায় আছ ? কহ গো জননি !

( নেপথ্যে পুনঃ গীত )

আমি জীব-ভাগ্যে থাকি,                      নাম ধরি ভাগ্যলক্ষ্মী,  
 ধর্ম্মাধম্মে সাক্ষী সদা হই  
 অজ্ঞান মুঢ় নরে,                      মোরে দেখিতে নারে,  
 অনন্তে মিশিয়ে যে রই ॥

জরা । ভাগ্যলক্ষ্মী ! ভাগ্যলক্ষ্মী ! তুমি,  
 কোথা যাও ত্যজি মোরে আজি ?

( নেপথ্যে পুনঃ গীত )

দেখা রে মনে ভেবে,                      কে তুমি কোথায় এবে,  
 কি কাব্য করিলে সাধন ।  
 কোথা বা যেতে হবে,                      কত দিন ভবে রবে,  
 একভাবে যাবে না. কখন ॥



জরা ।

তাই ত !—

কেবা আমি, কি কায সাধিতে,  
কোথা হ'তে আসি, কোথা বা যাইব ?  
কিছু যে বুদ্ধিতে নারি বিষম সমস্যা,  
আমার আমিত্ব-ভাব যায় যে ভাসিয়া ।

( নেপথ্যে পুনঃ গীত )

মেল রে মেল আঁখি,                      দেখ সকলি ফাঁকি,  
ছায়াবাজি সম সব ।

রাজ্য ধন জন,                              সংসার-স্বপন,  
আপন নহে ত এ সব ॥

জরা ।

বুঝিলাম এ সংসার ছায়াবাজি সার ।  
এই আছে এই যাবে বুদ্ধবুদ্ধ সমান ।  
ক্ষণমাত্র ক্ষণপ্রভা ঝলসি নয়ন,—  
যেমতি মিলায় পুনঃ জলদ-মাঝারে ;  
বহু-শিল্পকর্ম-পূর্ণ এ ভব-সংসার,—  
তেমতি মিশিয়ে যাবে অনন্তের গায়ে ।  
তাই বন্ধু দারা পুত্র সকলি অসার,  
কেবল বিকার মাত্র অনন্ত যায়ার ।  
বৃথা ভাবি বৃথা করি আমার আমার,  
আমার বলিতে ভবে কিছু নাহি আর ।

( নেপথ্যে পুনঃ গীত )

খেলা ভাঙ্গিবে যবে,                      প্রাণ-পাখী উড়ে যাবে,  
ছ' আঁখি মুদিবে যখন ।

সেদিন সব প'ড়ে রবে,                      কিছু না সঙ্গে যাবে,  
ভাব দেখি সেদিন কেমন ॥



বিকার বুচিল এবে, ফুটিল জ্ঞানের আঁখি,  
চিনিলাম চিন্ময় কেশবে ।

আজ হ'তে নিশি দিন, সাধিব সে পরমাত্মা,  
মোক্ষদাতা শ্রীরাধা-বল্লভে ।

তবে আর মিছে কেন সংসারে রহিব,  
ছিঁড়িয়া ফেলিব সব মায়া'র বন্ধন ।

যাও মায়া, যাও মেহ, যাও অভিমান,  
এ হৃদয়ে আর নাহি তোমাদের স্থান ।

রাজ্য-সিংহাসন আজি সকলি ত্যজিব,  
যেমন পথিক ! তেমনি গথিক সাজিব ।

( মস্তক হইতে মুকুট লইয়া )

রে মুকুট মণিময় মস্তক-ভূষণ !

গর্ভের আধাররূপে ছিলি মোর শিরে ।

এই তোরে ত্যজিলাম জনমের মত,

আর না করিব তোরে মস্তকে ধারণ ।

( মুকুটত্যাগ )

( কণ্ঠহার লইয়া )

ওরে কণ্ঠ-সুশোভন বহুমূল্য হার !

মায়া'র-শৃঙ্খল সম ছিলি কণ্ঠে মোর ;

আজি তোরে ছিন্ন করি ফেলিলাম দূরে ;

না হবে এ কণ্ঠে তোর আর অধিকার !

( হারত্যাগ )

( অসির প্রতি )

রে করাল কালরূপি প্রদীপ্ত-কুপাণ !

কত নর-রক্তরাগে হ'য়েছ রঞ্জিত ;  
 যাও আজি দূর হও মম কর হ'তে,  
 না হবে শোণিত-পান এ করে থাকিলে ।

( অসিত্যাগ )

আর কেন বর্ষ, চন্দ্র অধর্ম-কিঙ্কব,  
 ত্যজ মোরে আজ হ'তে একে একে সবে !

( বর্ষ-চন্দ্র ত্যাগ )

ওরে অঙ্গ আভরণ ! কারুকার্যময়,  
 কি ভুলাম্ তুই মোরে বিজলি বলকি ?  
 সে ভুল গিয়েছে মোর আর না ভুলিব ।  
 কৃত্রিম সৌন্দর্যে তোব আর না মোহিব ।  
 উলঙ্গ অঙ্গেতে ছিনু জননী-জঠরে,  
 সেই ভাবে এসেছিনু এ ভব-মাঝাবে ।  
 কোথা ছিলি তোরা সব তখন আমার ?  
 শেষদিন সঙ্গে সঙ্গে যাবি কি আমার ?  
 তবে কেন রূথা অঙ্গে বহি ভার এব ?  
 যে বেশে এসেছি, পুনঃ সে বেশে ফিরিব ।

( আভরণ খুলিতে উদ্যোগ )

( মায়ার আগমন ও বাধাপ্রদান )

মায়া ।

মহারাজ । মহারাজ ! করেন কি ? করেন কি ?

জয়া ।

( উদাস মনে ) আর নহি মহারাজ আমি ।

সামান্য পথিক মাত্র সেজেছি এখন ।

সিংহাসন, রাজ্য, ধন, প্রভুত্ব, গৌরব,  
করিয়াছি বিসর্জন নিস্পৃহ-অন্তরে ।

কে তুমি ললনা-কুল-অমূল্য-রতন ?

কি নাম তোমার ? কহ কিবা প্রয়োজন ?

মায়া ।

পরিচয় দিব শেষে, আগে বল মোরে,

কি কারণে রাজ্য ছাড় উদাসীর বেশে ?

জবা ।

কার রাজ্য ? কেবা রাজা ? কে ত্যজে রাজত্ব ?

ভব-পারে বিশ্বরাজ করেন বসতি ;

তার কাছে রাজা প্রজা অভেদ সকলি ।

অতি ক্ষুদ্র কীট হ'তে মানব অবধি,

সমভাবে তার দৃষ্টি করে আকর্ষণ ।

আমি কে ? অনন্ত-প্রবাহ-মাবে--

এক বিন্দু জল-বিশ্ব নহি ত রে আমি ।

উঠিব, ফুটিব, পুনঃ যাব অনন্তে মিলায়ে,

বিষম দায়িত্ব-পূর্ণ রাজত্বের ভার,

কি শক্তি আছে মম করিতে বহন ?

মায়া ।

মহারাজ ! হাসি পায় কথা শুনি তব ।

এ সব অসার কথা কোথায় শিখেছ ?

জবা ।

অসার সংসারে, সার কিবা আছে আর ?

বিচঞ্চল প্রপঞ্চ জগতে,

যে দিকে নেহারি, সেই দিকে যেন—

অলীকতা অসারতা র'য়েছে চিত্রিত ।

বিচিত্র সে বিশ্বশিল্পী বিশ্ব-বিরচন,

মায়া-জালে এ সংসার ক'রেছে আচ্ছন্ন ।

মায়ী ।

জরী ।

মহারাজ ! এ বৈরাগ্যের উপদেষ্টা কে ?  
 উপদেষ্টী ভাগ্যলক্ষ্মী জগৎ-জননী,  
 আধারে আলোক দান ক'রেছেন তিনি ।  
 গভীর সুষুপ্তি হ'তে হ'য়েছি জাগ্রত,  
 স্বপনের রাজ্যে আর না করিব বাস ।  
 যাই, যাই, ক্রমে ঐ দিন চ'লে যায়,  
 না না, দিন কোথা ! ও যে—যুগ চ'লে যায় !  
 প্রতি পল, প্রতি দণ্ড, প্রত্যেক প্রহর,  
 প্রতি তিথি, প্রতি মাস, প্রত্যেক বৎসর,  
 যায় আর ব'লে যায় শোন রে মানব ।  
 ঐ দেখ—মৃত্যু-রাজ্য বিরাজে সম্মুখে ।  
 আমি হায় ! মূঢ়-নর মোহেতে মোহিয়া,  
 অনন্ত বিরাট কাল-কাটাইলু বৃথা ।  
 মিছে কাজে আর নাহি কাটাব সময়,  
 ভেসে যাই ভেসে যাই প্রবাহের মুখে ।  
 থাক রে মহিষি ! তুমি মগধ-অন্দরে,  
 মিলিব অনন্ত-ধামে আবার উভয়ে ।  
 প্রাণসম সহদেবে করিয়ে মোচন,  
 শুন হরিনাম-গাঁথা কুমারের মুখে ।  
 বৃক্ষপদে প্রাণমন ক'র সমর্পণ,  
 ভবার্ণবে দেবে কুল অকুল-কাণ্ডারী ।  
 বিনায় লভিলু আজি সকলের কাছে,  
 উদ্বাণ হইয়া যাই শাস্তি-অন্বেষণে ।  
 ভাগ্যলক্ষ্মি ! দয়াময়ি ! জননি ! কোথায় ?

থলে দাঁও হতভাগ্যে শান্তির দুয়ার ।  
পিপাসু পথিক মরে দারুণ তৃষায়,  
শান্তির অমিয়-ধারা ঢাল শান্তিময়ি !

মায়া । ( স্বগতঃ ) বটে, বটে ! পোড়ারমুখী ভাগ্যলক্ষ্মীর এতদূর সাহস যে, আমার শক্তি হ্রাস ক'রতে চেষ্টা করে ? আমি মায়া ! সংসারে সকলেই আমার বশীভূত ; মায়া না থাকলে এ সংসার এতদিন কিছুতেই স্থির থাকতো না । সেই মায়ার শক্তিকে বিনষ্ট করবার জন্তে, ভাগ্যলক্ষ্মী আজ এই জরাসন্ধের হৃদয়ে বৈরাগ্যসঞ্চার ক'রে গেছে ? আচ্ছা দেখি, আমার শক্তি বড়, না ভাগ্যলক্ষ্মীর শক্তি বড় । এখন ছল অবলম্বন ক'রে, জরাসন্ধকে মুগ্ধ ক'রতে হ'চ্ছে । ( প্রকাশ্যে ) মহারাজ ! আপনি ব'লছেন যে, ভুল কাটিয়েছি ; কিন্তু আমি দেখছি, আপনি আরও ভুলের মধ্যে প'ড়েছেন । আপনি যাকে ভাগ্যলক্ষ্মী ব'লে মনে ক'রেছেন ; তার প্রভাবণায় প্রভাবিত হ'য়ে, এই মগধপুরী শত্রুহস্তে সমর্পণ ক'রতে উদ্বৃত্ত হ'য়েছেন ; সে যথার্থ ভাগ্যলক্ষ্মী নয়, সে আপনার পূর্ব-শত্রু দ্বারকানাথ শ্রীকৃষ্ণ প্রেরিতা কোন মায়াবিনী । সম্মুখ-সমরে আপনাকে পরাজয় করা কঠিন ব'লে, দ্বারকানাথ এরূপ কৌশল অবলম্বন ক'রেছেন ; কেননা, আপনি বিরাগী হ'য়ে সংসার ত্যাগ ক'রলে, মগধরাজ্য অনায়াসেই শ্রীকৃষ্ণের অধিকারভুক্ত হবে ।

জরা ।            কি বল রমণি ? বুদ্ধিতে না পারি কিছু ।  
                      ভাগ্যলক্ষ্মী নহে সে রমণী ?  
                      কেমনে জানিলে তুমি ?  
                      কেন বা না দেহ তব নিজ পরিচয় ?

মায়া ।

মহারাজ ! জানি আমি এ তিন সংসার,  
রাখি আমি সকল সংবাদ ।  
মায়াবতী নাম মোর জানিও রাজন্ !  
ভালবাসি তোমা আমি, তাই নরবর !  
মতিভ্রম তব না আসিবার তরে,  
করিয়াছি হেথা আগমন ।

জরা ।

সত্য কথা কহ কি কামিনী ?  
কৃতাজলি শুন গো ললনা,  
ক'রো না ছলনা মূঢ় !  
বিষম ধাঁধাঁয় এবে পড়িলাম আমি ।

মায়া ।

সত্য কথা কহি, মিথ্যা নাহি জানি,  
বিশ্বাস করহ মোরে ।  
দূর কর মনের বিকার ।  
বৈরাগ্য না সাজে তব ।  
কে ব'লেছে সংসার অসার ?  
কে ব'লেছে সংসার নরক ?  
হের নৃপ ! আঁখি মেলি,  
দেখিবে সংসারে আছে স্বর্গের সোপান ।  
অসার এ কথা, নাহি পাইবে সংসারে ।  
প্রেমের সংসার ছাড়া শান্তি কোথা আর  
বৃথা খোঁজ নরবর ! শান্তির দুয়ার ।

জরা ।

( স্বগতঃ ) এ যে বড় সুন্দর রমণী ;  
তাঁহে পুনঃ সুমধুর বাণী ।  
মণিকাঞ্চনের যোগ হেরি একাধারে ।



কোমল অঙ্গেতে কিবা ছুটেছে মাদুরী,  
হবে বুঝি বিধাতার মানস-নিশ্চিত ।  
এমন সরল মুখে চতুরতা না সম্ভবে ।

( একদৃষ্টে মায়াব মুখনিরীক্ষণ )

মায়া । কি ভাব্ছ বল দেখি ?

জরা । ভাব্ছি নে, তোমায় দেখ্ছি ।

মায়া । আমার কি দেখ্ছ ?

জরা । তুমি বড় সুন্দর, তাই দেখ্ছি ।

মায়া । তুমি কি সুন্দর ভালবাস ?

জরা । সুন্দর কে না ভালবাসে সুন্দরি !

মায়া । তবে বল দেখি, এ সব সুন্দর ফেলে কোথা চ'লে যাচ্ছিলে ?

জরা । তোমার মত সকলেই ত এ সংসারে সুন্দর নয় ।

মায়া । সবই কি সুন্দর হ'য়ে থাকে ? সবই যদি সুন্দর হ'ত, তাহ'লে  
কি সুন্দরের এত আদর থাকত ? আকাশে একমাত্র চাঁদ সুন্দর,  
সেই একমাত্র চাঁদের আলোতেই জগৎ আলোকিত হয় ।

জরা । মায়াবতি ! তুমি সত্য সত্যই আমাকে ভালবাস ?

মায়া । না বাস্লে এখানে আস্বে কেন ?

জরা । কৈ আর কখন ত আস নাই ?

মায়া । আস্বে না কেন, এসেছি ; তবে তোমায় দেখা দিই নাই ।

জরা । কেন দেখা দাও নাই সুন্দরি ?

মায়া । তুমি আমার ভালবাস, কি না বাস জানতে পারি নাই ব'লে  
দেখা দিই নাই । আজ তোমার এই শোচনীয় অবস্থা দেখে,  
দেখা না দিয়ে থাকতে পার্লাম না ; মহারাজ ! এখন আমার  
একটি কথা শুন্বে ?

জরা । তোমার কথা শুনব ? আমার অতৃপ্ত শ্রবণ চকোর যে, তোমার বাক্য-সুধা পান করবার জ্ঞাত বাস্তু । তুমি একটি কেন, তুমি জীবন ভ'রে যদি আমার কাছে এইরূপ অবিরত কথা বল, তা'হলেও আমি বিরক্ত হব না । এখন কি ব'ল্বে বল ।

মায়া । আমার ইচ্ছা যে, তুমি আবার সংসারী হয়ে, রাজ-সিংহাসন আলোকিত কর ।

জরা । তা'হলে তুমি আমার কাছে থাকবে ত ?

মায়া । কাছে থাকবো ব'লেই ত ব'ল্ছি মহারাজ !

জরা । সুন্দরি ! বুঝিলাম প্রেমের সংসার !

প্রেম-চক্ষে সকলি সুন্দর ।

প্রেমে শান্তি, প্রেমে সুখ, প্রেমে পরিতোষ ;

কামিনী-কামন-প্রেমে সুধা-প্রশ্রবণ ।

ফিরিব সংসারে পুনঃ, প্রেমিক সাজিব,

প্রেমের প্রবাহে প্রাণ দিব ভাসাইয়ে ।

এস মায়াবতি ! কাছে প্রেমের পুতলি !

অতৃপ্ত-নয়নে তব বদন নেহারি ।

মায়া । ( নিকটে গিয়া স্বগতঃ )

কোথা ভাগ্যলক্ষি ! আয় দেখসে এবার,

গেল তব উপদেশ মায়ার মায়ায় ।

মায়ার অসাধ্য বল্ কি আছে সংসারে ?

পারি আমি ঘটাইতে অঘট ঘটন ।

এই মাত্র ছিগ যেই সংসার-বিরাগী,

করিলাম তারে পুনঃ প্রেম-অনুরাগী ।

( প্রকাশে ) মহারাজ ! হের ঐ ! আশা, নেশা, পিয়ানা সকলে ;  
আসিতেছে তব মন তুষ্ণিবার তরে ।

গীত গাহিতে গাহিতে আশা প্রভৃতির প্রবেশ  
ও নৃত্য এবং মুকুট কণ্ঠহার প্রভৃতি  
দ্বারা রাজাকে সজ্জিতকরণ

গীত

শ্রেম-মাগরে ভাস্ছে তরী কে যাবি গো আর ।

কে যাবি রে আর গো তোরা জোয়ার বয়ে যায় ॥

শ্রেমের হাওয়া লাগলে নায়ে,

শ্রেমের পারে যায় গো নিয়ে,

শ্রেমিক পেলে, অবহেলে,

বিনামূলে ভাসি.র নিয়ে যায় ।

( রাজাকে লইয়া সকলের প্রস্থান )

## দশম অঙ্ক

[ ইন্দ্রপ্রস্থ ]

বিমর্ষভাবে যুধিষ্ঠির, ভীম ও অর্জুনের প্রবেশ

যুধি । ভ্রাতঃ বৃকোদর ! ভ্রাতঃ পার্থ ! আমার মানসিকবৃত্তি ক্রমেই শোচনীয়ভাব ধারণ ক'রছে । দারুণ দুশ্চিন্তার বিষম কীটে, ক্রমেই আমাকে জর্জরিত ক'রে তুলছে । দেবর্ষি নারদ যেদিন আমায় রাজসূয়-যজ্ঞ করবার জ্ঞান, পরলোকগত পিতৃ-দেবের আদেশ জ্ঞাপন ক'রে গেলেন, সেইদিন হ'তেই আমার এই চিন্তার সূত্রপাত । ভাই রে ! আমরা অতি হীনবল ক্ষুদ্র । আমরা কেমন ক'রে সেই দুষ্কর রাজসূয়-যজ্ঞ সম্পন্ন ক'রব ? না ক'রলেও যে পিতৃদেবের স্বর্গপ্রাপ্তি-বাসনা পূর্ণ হবে না এবং সেই পিতৃবাক্য-লঙ্ঘন-জনিত মহাপাপ-সাগরে, আমাকে নিমগ্ন হ'তে হবে । উত্তম সদ্গতি প্রাপ্ত হবার জন্যই পিতা, পুত্র-কামনা ক'রে থাকেন এবং সেই পুত্র-প্রদত্ত জল-পিণ্ড দ্বারা, পরলোকগত পিতা স্বর্গাদি লাভ ক'রে থাকেন ; কিন্তু আমি এমনই হতভাগা যে, সেই পিতৃ-আজ্ঞা পালন ক'রতে অক্ষম হ'লেম । ভাই রে ! কেবল নৃপতি-নামকে কলঙ্কিত করবার জন্যই এই যুধিষ্ঠির মস্তকে রাজ-মুকুট ধারণ ক'রেছিল ।

মাতঙ্গের ভার বহন করা, ক্ষুদ্র পতঙ্গের পক্ষে নিতান্ত অসম্ভব ।  
ভাই রে ! তোরা আমাকে বিদায় দে, আমি রাজ্য, ধন, জন,  
সব পরিত্যাগ ক'রে, জটা-বকল পরিধানপূর্বক অরণ্যে প্রস্থান  
করি, তোরা রাজত্ব পালন কর ।

গীত

বিদায় দে রে আমারে যাব রে বনে ।

জন্মের মত তোদের ছেড়ে—

জটা-বাকল অঙ্গে ধ'রে,—

ত্রিশঙ্গে স্মরণ ক'বে ফিরিব বিজনে ॥

তোদের করে রাজাধন, করিলাম আজ সমর্পণ,

ধর্মভাবে ক'র সবে রাজা-সকলে পালন,

আমার রাজ্য-আশা, সুখ পিপাসা, নাই রে ভাই আর এ জীবনে ॥

আছে কে ত্রিলোকে এমন, ভাগ্যহীন আমার মতন,

জন্মাবধি নিরবধি করিলাম কেবল রোদন,

আমার পাপ-প্রাণ ত অন্ত হয় না, যজ্ঞগা জুড়াই কেমনে ॥

ভীম । দাদা ! কেন এই বৃথা চিন্তায় আকুল হ'য়ে, রাজ্য-ধন সব  
পরিত্যাগ ক'রে, অরণ্যের আশ্রয় নিতে অভিলাষী হ'য়েছেন ?  
আমরা চার-ভাই থাকতে আপনার কিসের চিন্তা ? আমরা  
আপনার রাজস্বয়-যজ্ঞের সমস্ত প্রয়োজনীয় সাধন ক'রে দেব ।  
আপনি দেখছেন, আমরা ক্ষুদ্র এবং দুর্বল ; কিন্তু আমি বলি,  
কেন ? কিসে আমরা ক্ষুদ্র এবং দুর্বল ? আমরা মহান্ এবং  
অমিত-পরাক্রমশালী । দাদা ! জগতে আমাদের মত ভাগ্যবান্  
আর কে আছে ? স্বয়ং কৃষ্ণ যখন আমাদের বন্ধু, তখন

আমাদের অসাধ্য কি আছে ? এমন পরম-বল কৃষ্ণ সহায় থাকতেও আমরা যদি দুর্বল, তবে আর এ ব্রহ্মাণ্ডমধ্যে সবল কে ? ( কৃষ্ণকে আসিতে দেখিয়া ) ঐ দেখুন ধর্মরাজ ! আমাদের ইহপরকালের সম্বল, আপনার এই আকস্মিক চিন্তা-ব্যাধির মহৌষধি পার্থ-সখা দ্বারকানাথ কৃষ্ণ এসে উপস্থিত হ'য়েছেন । ( কৃষ্ণের প্রতি ) আয় রে আয় পাণ্ডব-সখা কৃষ্ণ ! আজ দেখে যা, আমাদের ধর্মরাজ আমাদের পরিত্যাগ ক'রে, বনবাসের জন্ত উদ্বেগী হ'য়েছেন । প্রাণকৃষ্ণ রে ! দেখিস্ ভাই, আমরা যেন এমন দাদা-হারা না হই । দাদা যাতে রাজ্যে থাকেন, তার উপায় কর । গোবিন্দ রে ! ঐ দেখ, দাদার আমার নিরানন্দময় বদনখানি, অবিরল নেত্র-নীরে অভিষিক্ত হ'চ্ছে । তোকে ব'লছি, তুই ধর্মরাজের নিরানন্দভাব দূর ক'রে দে । ভাই রে ! ভীম পাষণ বটে, কিন্তু ঐ দাদার চ'ক্ষে জল দেখলে, এই কঠিন পাষণেও স্রোতস্বতী প্রবাহিত হয় ।

### কৃষ্ণের প্রবেশ

কৃষ্ণ । ( বুদ্ধিরের প্রতি ) দাদা ! দাদা ! আজ আপনার একি ভাব দেখছি ? পূর্বে আমি এলে কত আনন্দিত হ'য়ে উঠতেন, কিন্তু আজ আমাকে দেখে আরও বিষণ্ণভাব ধারণ ক'রে, মুখ অবনত ক'রলেন কেন ? আপনাদের সকলের কুশল ত ? পিসীমা কুন্তী ও প্রিয়সখী পাঞ্চালী এঁরা সকলেই ভাল আছেন ত ?

বুধি । এস ভাই কৃষ্ণ এস । আমাদের কুশল অকুশলের কথা আর

আমাকে জিজ্ঞাসা ক'রছ কেন ভাই ! সে সংবাদ ত আমাদের হ'তে তুমিই অধিক জান। তুমি যখন কুশলে রাখ, তখন কুশলে থাকি ; আবার তুমি যখন অকুশলে রাখ, তখন সেই-ভাবেই থাকি ।

কৃষ্ণ । দাদা ! আমি ত আপনাদের কুশলেই রেখেছি, তবে আপনার এরূপ ভাবাস্তর কেন ?

ভীম । হাঁ রে কৃষ্ণ ! তুই আমাদের কুশলে রেখেছিস্ ব'ল'ছিস্, কিন্তু বল দেখি ভাই ! যারা নদীর জলে অবগাহন ক'রে নান ক'রতে ভালবাসে, তারা কি গৃহে ব'সে কুপোদকে নান ক'রে, সেইরূপ তৃপ্তিলাভ ক'রতে পারে ? আমরাও তেমনি, তুই নিকটে থাকলে যে রূপ কুশলে সময়ক্ষেপ ক'রতে পারি, তুই দূরে থেকে কুশল প্রদান ক'রলে, আমাদের তাতে সেরূপ কুশল হবে কেন ? তুই কাছ ছাড়া হ'স্ ব'লেই ত আমাদের নানারূপ অকুশল ভোগ ক'রতে হয়। ভাই রে ! আমাদের হ'তেও দাদা তোকে বেশী ভালবাসেন। তাই তোকে না দেখলেই দাদার ভাবাস্তর উপস্থিত হয় ।

শর্জুন । সখে ! তুমি থাকতে আমরা দাদা-হারা হব ? তুমি ত একদিন ব'সেছিলে যে, পঞ্চপাণ্ডবে পরস্পর কখনও বিচ্ছিন্ন হবে না ; তবে আজ দাদা আমাদের বিচ্ছেদ-সাগরে ডাসিয়ে, রাজ্য ছেড়ে চ'লে যেতে চাচ্ছেন কেন ? হাঁ ভাই ! শেষে কি আমাদের হ'তে কৃষ্ণ-বাক্যও মিথ্যা হবে ? সখে ! আমরা যে জন্মাবধি এক দাদা ভিন্ন আর কিছু জানিনে ; ঐ একমাত্র ধর্ম্মতরুর সূনীতল ছাড়াতেই যে, আমরা আশ্রয় গ্রহণ ক'রে আছি। আজ যদি সেই আশ্রয়তরু হারা হই, তবে আর

দাঁড়াব কোথায় ? তাই ব'লছি সখে ! এখন যাতে ধর্মরাজের মনঃকষ্ট নষ্ট ক'রতে পার, তাই কর ।

কৃষ্ণ । ( স্বগতঃ ) আহা ! পাণ্ডবদের মধ্যে কি ভ্রাতৃসন্তোষ ! পাঁচটা প্রাণ যেন একসূত্রে গাঁথা । জগতের সকল লোকে যদি এই পাণ্ডব-চরিত্র আদর্শ ক'রে শিক্ষালাভ করে, তাহ'লে আর গৃহে গৃহে ভ্রাতৃবিরোধ-রূপ অনল প্রজ্জ্বলিত হ'য়ে, সোণার সংসার-গুলিকে মহাশ্মশানে পরিণত ক'রতে পারে না । একতা-সিন্ধু হ'তে যে সুধার উৎপত্তি হ'তে পারে, পরিণামে পাণ্ডবগণই তার একমাত্র জলন্তু দৃষ্টান্ত হবে । সেই সুধারস আশ্বাদন করবার জন্তেই আমি পাণ্ডবগণের দাসত্ব স্বীকার ক'রেছি । বা হ'ক, এখন জ্যেষ্ঠপাণ্ডবের বৈরাগ্যভাব দূর ক'রতে হ'চ্ছে । ( প্রকাশ্যে ) ধর্মরাজ ! এখন আপনার এই বৈরাগ্যের কারণ প্রকাশ ক'রে আমার উৎকর্থা দূর করুন ।

যুধি । ভাই রে ! আমার এই বৈরাগ্যের কারণ আর কি ব'লব ? 'সেদিন দেবর্ষি নারদ-মুখে শুন'লেম যে, আমাদের পরলোকগত পিতৃদেব, প্রেতপুরে বাস ক'রছেন এবং পিতৃদেব দেবর্ষিকে এই কথা ব'লেছেন যে, যুধিষ্ঠির যদি রাজসূয়-যজ্ঞ ক'রতে পারে, তা হ'লেই আমি প্রেতলোক হ'তে উদ্ধার হ'য়ে, অক্ষয় স্বর্গলাভ ক'রতে পারি ; নতুবা চিরদিনই আমাকে এই প্রেতলোকে অবস্থান ক'রতে হবে । এই কথা শ্রবণ অবধিই আমার একরূপ ভাবান্তর উপস্থিত হ'য়েছে । কৃষ্ণ রে ! আমাদের তেমন ধন-বল বা লোক-বল নাই যে, রাজসূয়-যজ্ঞ দ্বারা পিতৃদেবের আদেশ প্রতিপালন ক'রতে পারি । তবে ভাই ! যদি পিতৃ-বাক্যই পালন ক'রতে না পার'লেম, তা হ'লে আর এই ছার



রাজ্য-ঐশ্বর্যে ফল কি ? আমি সুবর্ণ-মুকুট মস্তকে ধারণ ক'রে রাজসিংহাসনে উপবেশন ক'রুব, আর আমার পিতৃদেব কোথায় অন্ধকারময় প্রেতপুরে বাস ক'রে, নিদারুণ যন্ত্রণা ভোগ ক'রবেন, তা আমার কখনই সহ হবে না। রাজভোগ সম্মুখে ক'রে, যখন পিতার কষ্টের কথা মনে প'ড়বে, তখন কেমন ক'রে এই নরাধম যুধিষ্ঠির, সেই ভোজনগ্রাস মুখে তুলে পাপ উদর পূর্ণ ক'রবে ? যদুনাথ ! বল দেখি, যে হতভাগ্য পুত্র পিতার পারলৌকিক পিপাসা দূর ক'রতে পারে না, তার আর রাজা হ'য়ে রাজসিংহাসনকে কলঙ্কিত ক'রবার আবশ্যক কি ? তার মত নারকীর মানব-সংসর্গ ত্যাগ ক'রে, দিবাভীত পেচকের ন্যায় অন্ধকারময় বিজন অরণ্যে বাস করাই শ্রেয়ঃ। তাই মনে ক'রেছি যে, ভীম, অর্জুন, নকুল, সহদেব,—এদের হাতে রাজ্যভার সমর্পণ ক'রে, আমি সন্ন্যাসব্রত গ্রহণ ক'রুব এবং তোমাকেও এই জ্ঞান দ্বারকা হ'তে আনয়ন ক'রেছি যে, আমি বনবাসে যাবার সময় তোমার অভয়পদে, আমার প্রাণসম ভ্রাতাগণকে রক্ষা ক'রে, এদের চিন্তা হ'তে নিষ্কৃতিলাভ ক'রুব। লোকে প্রবাসে গমন ক'রবার সময়ে, নিরাশ্রয় পরিবারবর্গকে কোন বিশ্বাসী বন্ধুর আশ্রয়ে রেখে যায় ; তা কৃষ্ণ ! তোমার মত বিশ্বাসী বন্ধু আর আমার কে আছে ? তাই ভাই ! তোমার কাছেই সব রেখে গেলেম, তবে তোমাকে কিছু ক্লেশ স্বীকার ক'রতে হবে। কেননা, অন্য প্রবাসী দেশে প্রত্যাগমন ক'রে, সেই আশ্রয়দাতা বিশ্বাসী বন্ধুর নিকট হ'তে আপন পরিজন-গণকে গ্রহণ পূর্বক, বন্ধুকে সে ভার হ'তে নিষ্কৃতি প্রদান করে ; কিন্তু জীবনবন্ধু ! আমার ত আর দেশে প্রত্যাগমন ক'রবার

বাসনা নাই, তাই তোমাকে এ ভার চিরদিনই বহন ক'রতে হবে। তা ভাই! তোমার তাতে ক্রেসই বা কি? ভার বহন করাই ত তোমার কাজ। কূর্মরূপে যখন ধরনীদেবীর গুরুতর ভার বহন ক'রতে পেরেছ, বামকরে যখন গিরিভার বহন ক'রতে পেরেছ, তখন কি আর সামান্য পাণ্ডব-ভার-বহনে তোমার বেশী কষ্ট হবে? তা নয়! গিরিধর! তবে আর কেন? এখন তোমার ভার তুমি গ্রহণ কর, আমি এই দুর্ভর রাজ্যভার হ'তে অবসর গ্রহণ করি।

## গীত

ধর ভার ধরাধর, হে মুগ্ধারি।

তুমি বই কে আছে ভারী ॥

করলে গিরি ধরি, রাখিলে গোকুলে হরি,

তাই বলি হে গিরিধারি,

পাণ্ডবের ভার নয়কো ভারী ॥

প্রবাসে চ'লেছি আমি, দেখিও সকলি তুমি,

আর যেন হে জগৎস্বামী,

ভাবনায় না হই হে ভারী ॥

ভীম। শুনলি ভাই কৃষ্ণ! দাদার মর্যাদাসিক কথামূলি শুনলি ত? এ শুনোও তুই যখন কোন কথা ব'ল্ছিষ্ নে, তখন বুঝ্লেম, ধরা হ'তে পাণ্ডবের নাম বিলুপ্ত করাই তোর অভিলাষ। কিন্তু আমি ব'ল্ছি, ষুধিষ্ঠির যে মুহূর্তে এই ইন্দ্রপ্রস্থ পরিত্যাগ ক'রবে, সেই মুহূর্তে দেখতে পাবি যে, এই ভীম, অর্জুন, নকুল, সহদেবের মৃতদেহ, কালিন্দীর ধরশ্রোতে ভেসে বেড়াচ্ছে। অথবা দেখতে পাবি যে, তোরই সশ্রুখে প্রজ্জ্বলিত হুতাশন-মধ্যে

সকলের জীবন-আহুতি দিবে, তোর ভক্তবৎসল নামের গৌরব প্রচার ক'রছে। কেমন কৃষ্ণ! তা হ'লে তোর গৌরব-বৃদ্ধি হবে ত? (বুদ্ধিষ্টির প্রতি) আর ধর্মরাজ! তোমাকে আর আমাদের ভার কৃষ্ণকে অর্পণ ক'রে নিশ্চিত হ'তে হবে না; আমরা নিজেরাই আমাদের ভার দূর ক'রে, তোমাকে যাবজ্জীবনের মত আমাদের চিন্তা হ'তে অব্যাহতি প্রদান ক'রবে। তুমি বনে যাবেই ত, তবে ক্ষণকাল অপেক্ষা ক'রে, আমাদের ভাবনা হ'তে একেবারে জন্মের মত পরিত্যাগ লাভ ক'রে যাও। আমাদের জন্ম তুমি এবং কৃষ্ণ অনেক কষ্ট পেয়েছ, এখন তোমরা আমাদের জন্ম কষ্ট সহ্য ক'রতে নিতান্ত কাতর, তাই আজ তোমাদের সেই কষ্টের পথে কণ্টক রোপণ ক'রে, স্মৃথের অনন্ত পথ পরিষ্কার ক'রে দেব। আর কাল-বিলম্বেই বা প্রয়োজন কি? এই ত সময়, এই সময়ই ত মৃত্যুর উপযুক্ত সময়, এমন মাতেলুক্কণ আর পাব না। (অর্জুনের প্রতি) হাঁ রে অর্জুন! আর ভাবছিস কি ভাই! ডাক, একবার নকুল-সহদেবকে ডাক, এমন সুসময় ত্যাগ করিস্ নে। ঐ দেখ্ ধর্মরাজ সম্মুখে, আর ঐ দেখ্ কালবারণ স্বয়ং নারায়ণ স্থিরভাবে দাঁড়িয়ে আছেন। এখন যদি প্রাণত্যাগ ক'রতে পারি, তাহ'লে আর নরকে গমন করবার ভয় থাকবে না; কিন্তু এ সময় ত্যাগ ক'রলে, আর নরক হ'তে উদ্ধার হবার উপায় থাকবে না। কেননা, ধর্মরাজ বনে গেলে, সেই সঙ্গে সঙ্গে ঐ ধর্ম-সুহৃদ কৃষ্ণও গমন ক'রবে। কৃষ্ণ তোকে যতই সখা ব'লে ডাকুক, যতই ভালবাসুক না কেন, সে সবই জান্বে কেবল ধর্মরাজের জন্ম। সরোবরের ক্ষুদ্র তরঙ্গগুলির সঙ্গে, জ্যোৎস্নার

যে অত মাথামাথি ভাব দেখা যায়, সে কতক্ষণ ? যতক্ষণ শশধর আকাশে উদ্ভিত থাকে ; কিন্তু যখনই শশধর অস্তাচলে গমন করে, তখনই অমনি জ্যোৎস্নার সঙ্গে, সেই তরঙ্গগুলিরও বিচ্ছেদ হ'য়ে যায়। তাই ব'লছি, আয় এই বেলা সকলে প্রাণত্যাগ ক'রে, শমন-শঙ্কা হ'তে পরিত্রাণ লাভ করি।

কৃষ্ণ । ধর্মরাজ ! শুন্ছেন ত ? মধ্যম পাণ্ডবের হৃদয়ের ব্যথা-মাথা কথাগুলি শুন্ছেন ত ?

যুধি । ভাই ! শুন্ছি, পাষাণে বুক বেঁধে সবই শুন্ছি ; কেন যে এখনও এ হৃদয় বিদীর্ণ হচ্ছে না এবং কেন যে এখনও এই কর্ণকুহর রুদ্ধ হচ্ছে না, তাই ভাবছি। প্রাণকৃষ্ণ রে ! ভীমের প্রাণ বড় সরল, আমাকে সুখী করবার জন্য ভীমের প্রাণ সর্বদাই পাগল। আজ সেই সরলপ্রাণে আমি বিষম গরলধারা বর্ষণ ক'রেছি। কৃষ্ণ ! আমি এই পাণ্ডবকুলের মহাকাল, আমি হ'তেই পাণ্ডবংশ ধ্বংস হবে। এই কালভুজঙ্গ যুধিষ্ঠিরের আশ্রয় গ্রহণ ক'রলে, তাকেও দংশন-যাতনা সহ ক'বতেই হবে। মৃগতৃষ্ণা-প্রভারিত পথিকগণ যেমন জলভ্রমে, আরও ভয়ঙ্কর প্রতপ্ত বালুকারাশির মধ্যে গিয়ে উপস্থিত হ'য়ে, শেষে মৃত্যুমুখে পতিত হয়, এই ভীম, অর্জুন, নকুল, সহদেব, এদের পক্ষে আমিও তদ্রূপ ; এরা বিষম-ভ্রমে পতিত হ'য়ে, স্নেহের এবং ধর্মের আধার মনে ক'রে, আমাকেই আশ্রয়রূপে গ্রহণ ক'রেছে। কিন্তু আজ আবার আমিই এদের মৃত্যুর কারণ হ'য়ে, মৃত্যুমুখে পতিত করবার জন্য উচ্ছোঁগী হ'য়েছি। তাই রে ! বল দেখি, এ নারকীর তবে কি গতি হবে ? আমি এখন কোন পথ অবলম্বন করি ? যে পথে গমন ক'রতে

অভিলাষ ক'রছি, সেই পথেই বিপদের করালমূর্তি যেন বৃহৎ বদন ব্যাদান ক'রে, আমাকে গ্রাস করবার জন্ত দণ্ডায়মান র'য়েছে। যদি বন-গমন না ক'রে রাজত্ব পালন করি, তা হ'লে পিতৃ-আজ্ঞা লঙ্ঘনে চিরদিন পাপকীটের তীব্রদংশন সহ্য ক'রতে হবে ; আর যদি অরণ্যাশ্রয় গ্রহণ করি, তাহ'লে আবার ভ্রাতৃগণের মৃত্যু দর্শন ক'রতে হবে। হে নিক্রপায়ের উপায় গোবিন্দ ! এখন আমি কোন্ পথ অবলম্বন করি, অনুমতি কর।

কৃষ্ণ। আমার মতে বনবাস-বাসনা বিসর্জন দিয়ে, ইন্দ্রপ্রস্থে থেকে রাজসূয়-যজ্ঞ সম্পাদন করুন, তাহ'লে আপনার উভয়দিকই রক্ষা হবে।

যুধি। কৃষ্ণ ! সেই রাজসূয়-যজ্ঞ করবার ক্ষমতাই যদি আমার থাকত, তাহ'লে আর রাজ্যত্যাগ করবার বাসনা ক'রব কেন ? যদি বল যে বনবাসী হ'লেও ত, যজ্ঞ দ্বারা পিতৃদেবের পরিতোষ সাধন করা অসম্ভব। কিন্তু ভাই ! তখন মনে একটা বিশ্বাস থাকবে যে, এখন আর আমি রাজা নই, সামান্ত বনবাসী মাত্র ; বনবাসীর পক্ষে রাজসূয়-যজ্ঞানুষ্ঠান করা অসম্ভব এবং অবৈধ ; সুতরাং সে চিন্তা হ'তে অনেক পরিমাণে অব্যাহতি লাভ করা যাবে।

কৃষ্ণ। ধর্মরাজ ! এ আপনার বৃথা সন্দেহ। আপনি যদি রাজসূয়-যজ্ঞ সম্পাদন ক'রতে না পারেন, তবে, জগতে যে আর কেহই কখনও পারবে না। এমন মহা-মহারথী ভ্রাতাগণ থাকতে, আপনার আবার অসাধ্য কি আছে ? এই ব্রহ্মাণ্ডে এমন কি কঠিন কর্ম আছে, যা পাণ্ডবগণ সিক্ত ক'রতে পরাভূত হবে ?

যুধি । ভাই দ্বারকাপতি ! লক্ষ নৃপতি পরাজয় ভিন্ন যে এ যজ্ঞ পূর্ণ হবে না । বল দেখি, এই লক্ষ নৃপতিগণকে পরাজয় করবার শক্তি কি আমাদের আছে ? আর শুনেছি যে, পূর্বকালের যে যে রাজা, এই যজ্ঞের অনুষ্ঠান করতে কার্যক্ষেত্রে অবতীর্ণ হ'য়েছেন, সেই সেই নৃপতিগণকেই বিষম বিপন্ন হ'তে হ'য়েছে । অতএব কেমন ক'রে, এই লক্ষ ভূপালকে বশীভূত ক'রব এবং কিরূপেই বা নির্বিঘ্নে এই মহাযজ্ঞ সমাধা ক'রব ?

কৃষ্ণ । মহারাজ ! মঙ্গলকাজ ক'রতে গেলেই তাতে বিঘ্ন আছে । বিবেকসম্পন্ন ব্যক্তিগণের তাতে বিচলিত হওয়া কর্তব্য নয় । আর আপনি এই লক্ষ রাজাকে পরাজয় করা অসম্ভব বলে মনে ক'রছেন ; কিন্তু আমি মনে ক'রেছি যে, বিনাক্রমশেই নরপতিগণ আপনার বশীভূত হবেন এবং বিনাযুদ্ধে বিনাক্রমশে এই কার্য সিদ্ধ হবার এক কৌশলও হ'য়েছে । শিশুপাল, দস্তবক্র প্রভৃতি দুর্দান্ত রাজনৃপতি সকলেই এখন মগধরাজের নিত্যান্ত অনুগত, এবং এ ভিন্ন যে সকল ভূপতিগণ মথুরায়ুদ্ধে মগধপাতিকে সাহায্য প্রদান করেন নাই, তুরায়া জরাসন্ধ তাহাদিগকে শৃঙ্খলাবদ্ধ ক'রে, নিজ কারাগৃহে রুদ্ধ ক'রে রেখেছে । অতএব ধর্মরাজ ! হৃদয় হ'তে যেমন একমাত্র বাসনাকে নাশ ক'রতে পারলে, চতুর্কর্গ-সাধন অতি সহজসাধ্য হ'য়ে উঠে, তেমনি সেই মগধেশ্বর জরাসন্ধকে বিনাশ ক'রতে পারলেই, অন্যান্য রাজগণকে বশীভূত করাও আমাদের পক্ষে অতিশয় সহজ-সাধ্য হ'বে ।

যুধি । কি বললে কৃষ্ণ ! জরাসন্ধকে বধ ক'রতে হবে ? যে জরাসন্ধ

জগতের অজ্ঞেয় ব'লে বিখ্যাত ; যে জরাসন্ধের পরিত্যক্ত গদার ঘূর্ণন-ধ্বনিতে, তোমার মথুরা বিকম্পিত হ'য়েছিল ; যে জরাসন্ধ অষ্টাদশবার যুদ্ধ ক'রেও, তোমার করে অব্যাহতি লাভ ক'রেছে, যে জরাসন্ধ রুদ্রদেব কৈলাসনাথের পরম ভক্ত ; যার করে সেই মহারুদ্র-প্রদত্ত মৃত্যুর দোসরস্বরূপ মহাশেল বিরাজ ক'রছে ; যে জরাসন্ধের নাম ক'রলে ত্রিভুবন কম্পবান্ হ'য়ে উঠে ; সেই জরাসন্ধকে বধ ক'রতে হবে ? এ যে জেনে শুনে হতাশনে ঝাঁপ দিতে হবে । বিষম ঘূর্ণিপাক সম্মুখে দর্শন ক'রে, সেই গভীরগর্জনকারী পাকমধ্যে ইচ্ছা ক'রে যে তরণীসহ গমন ক'রতে হবে ভাই !

ভীম । ক'রতে হ'লই বা ; শিক্ষিত কর্ণধার যদি তরণীর কর্ণ ধারণ ক'রে থাকে, তাহ'লে সেই ঘূর্ণিপাকে তরণী কখনও নিমগ্ন হয় না । দাদা ! আমরা যে এই কর্ণধার সঙ্গে ক'রে সেই ঘূর্ণিপাকে গমন ক'রব । এমন শিক্ষিত কর্ণধার থাকতে কি, আর তরণী মগ্ন হবার আশঙ্কা আছে ?

যুধি । কৃষ্ণ রে ! জরাসন্ধ-বধ ভিন্ন কি অন্য কোন উপায় নাই ? আমি বলি কি যে, প্রথমতঃ বৈধ শাস্তি-কর্মাদি দ্বারা পৃথিবীকে সুস্বাধ্য ক'রে, শেষে সেই জরাসন্ধকে বধ করা যাবে । কেমন ভাই কৃষ্ণ ! তুমি এ কথায় কি বল ?

ভীম । না, না, তা হবে না । প্রথমতঃ জরাসন্ধ বধ, অবশেষে শাস্তি-আচরণ ; নতুবা অশাস্তি নিবারণ হবে না । দাদা ! বীরত্বে আর শাস্তিতে অনেক তারতম্য । বীরত্বই হ'ল ক্ষত্রিয়দিগের প্রধান ধর্ম, আর শাস্তি-আচরণ হ'ল নিরীহ বিপ্রগণের পক্ষে প্রধান ধর্ম । মহারাজ ! আপনি ধর্মের আধার হ'য়ে, এমন

ক্ষত্রধর্ম-বিগর্হিত কর্ম ক'রতে উচ্চত হ'চ্ছেন কেন? যে রাজা বীর-ভাব পরিত্যাগপূর্বক, শান্তির কোমল ছায়ার আশ্রয় গ্রহণ ক'রতে অভিলাষ করে, বীরভোগ্যা রাজলক্ষ্মী তাকে কাপুরুষ মনে ক'রে, তখনই তার অঙ্কশ্রয় ত্যাগ ক'রে স্থানান্তরে প্রস্থান করেন। দাদা! আজ ভাগ্যদোষে, স্বয়ং ধর্মকেও আবার ধর্মোপদেশ দিতে হ'চ্ছে, এ হ'তে আর মনস্তাপের বিষয় কি আছে? দাদা গো! একবার সেই মহাকীর্তিশালী ভরত, ভগীরথ, প্রভৃতি নৃপগণের কীর্তিকলাপ স্মরণ ক'রে দেখুন; তাঁদের সেই ক্ষত্রিয়োচিত বাহুবলের গরিমা, অত্যাপি সেই মহাত্মাদিগের নামগুলিকে যেন এই সংসার-ফলকে অভিনবভাবে অঙ্কিত ক'রে রেখেছে। আর জরাসন্ধকে বধ ক'রতে এত আশঙ্কাই বা কেন? কেন, আমরা কি বীর নই? আমাদের বাহুতে কি বল নাই? আমাদের এই সুদীর্ঘ শালপ্রমাণ বাহু কি, কেবল অঙ্গের শোভা সম্পাদনের জন্তই সৃষ্ট হয়েছে? আর সুবিশাল বক্ষ কি, কেবল কণ্ঠমালা দ্বারা ভূষিত হবার জন্তই সৃষ্ট হ'য়েছে? আপনি একবার মাত্র অকুমতি প্রদান করুন. তা হ'লে দেখুন, এই ভীম এবং অর্জুন দুই ভাই মিলিত হ'য়ে. এই সমাগরা পৃথিবীকে জয় ক'রে, স্রষ্টমনে অক্ষতশরীরে পুনরায় আপনার পাদপদ্ম দর্শন ক'রতে পারে কি না। কেন? এই ভীমার্জুনের বলবীর্ঘ্য কি আপনি প্রত্যক্ষ করেন নাই? যেদিন দ্রৌপদীর স্বয়ম্বরে অর্জুনকর্তৃক লক্ষ্যবেধ হ'য়েছিল, সেই দিন,—এই পৃথিবীর প্রত্যেক রাজা আমাদের বিপক্ষে অস্ত্রধারণ ক'রে ছিলেন। দাদা! সেই দিনকার কথাটা একবার মনে ক'রে



দেখুন ত ! সেই সহায়-সম্পদ-বিহীন অস্ত্রাদিশূন্য ছদ্মবেশধারী  
 ভীম অর্জুন দুইজনে, সেই সকল দ্রোপদী-লাভ-বিমুখ প্রলয়-  
 বিক্ষোভিত-সাগর-তরঙ্গ-সদৃশ, অগণিত স্পর্ধিত উত্তেজিত  
 রাজন্যবর্গকে, মাতঙ্গপদ-বিদলিত-পদ্মবনের গায় দলিত, মথিত  
 ও লাঞ্চিত ক'রে, জয়-শ্রী লাভ ক'রেছিলাম কি না ? সেদিন  
 ছিলাম পথের কাঙ্গাল, আর আজ ত আমরা রাজা । এখন  
 আমাদের সহায়সম্পদ আছে, অস্ত্র আছে, যুদ্ধোপযোগী সকলই  
 আছে, এ অবস্থাতেও আপনার জরাসন্ধ-বধের জন্য ভাবনা ?  
 আর দাদা ! যদিও আমাদের কিছু নাই থাকে, তা হ'লে সব  
 হ'তে যা শ্রেষ্ঠ এবং যা সার, সেই জগদিষ্ট কৃষ্ণ ত আছে ?  
 সেদিন ত কৃষ্ণও কাছে ছিল না । নদী পার হবার সুন্দর  
 উপায় থাকতেও যদি কেউ নদী পার হবার ভাবনা করে, তবে  
 তার আর উপায় কি ? দাদা ! ঐ দেখুন, আপনার এই বৃথা  
 শঙ্কা দর্শন ক'রে, অর্জুন কেমন বিষণ্ণভাব ধারণ ক'রেছে ।  
 যে অর্জুন গাণ্ডীবে জ্যারোপণ ক'রলে, স্বর্গ-মর্ত্য-পাতাল  
 ত্রিলোক কম্পিত হয় ; যে অর্জুন পরীক্ষা-ক্ষেত্রে, বৃক্ষ-শাখাস্থ  
 বিহঙ্গমের অপাঙ্গদেশে বাণবিদ্ধ ক'রে পরীক্ষার্থীগণের শীর্ষস্থান  
 অধিকারপূর্বক, শিক্ষা-গুরু দ্রোণাচার্যের অতি প্রিয়শিষ্যরূপে  
 পরিগণিত হ'য়েছিল ; এবং যে অর্জুনকে শ্রীমাধব স্বয়ং সুখা  
 ব'লে সম্ভাষণ ক'রেছেন ; যার রথে ঐ দাশরথী নিজেই সারথির  
 পদ পর্য্যন্ত গ্রহণ ক'রেছেন ; দাদা ! সেই কৃষ্ণ-সুহৃদ অর্জুন কি  
 সাধারণ বীর ? জরাসন্ধ ত দূরের কথা, স্বয়ং ইন্দ্র পর্য্যন্ত ঐ পার্থ-  
 সমরে স্থির থাকতে পারেন কিনা সন্দেহ । কিন্তু হায় ! এমন  
 বীরশ্রেষ্ঠ অর্জুন যার সহোদর, তাঁরও আবার যুদ্ধাশঙ্কা ?

অর্জুন । দাদা ! আপনার চরণ-স্থানি ধ'রে মিনতি ক'রে ব'লছি, আপনি নিঃশঙ্কচিত্তে আমাদিগকে অমুমতি প্রদান করুন ; দেখুন, আপনার রাজস্বয়-যজ্ঞের অন্তরায় দুষ্ট জরাপুত্রকে বধ ক'রতে পাবি কি না । দাদা গো ! যদি আপনার যজ্ঞ সম্পাদন ক'রতেই না পারি, তবে বৃথা এই গাণ্ডীবভার বহন ক'রছি কেন ? এ গাণ্ডীবী কি কেবল বনবিহঙ্গের ক্ষুদ্র প্রাণ বিনাশের জন্তই, গাণ্ডীবে বাণ-যোজনা শিক্ষা ক'রেছিল ?

কৃষ্ণ । ধন্যরাজ ! দেখুন, সকলেই আপনাব যজ্ঞপূর্ণ করবার জন্ত প্রস্তুত, অতএব আপনি আমাব বাক্যের প্রতি বিশ্বাস স্থাপন ক'রে, মধ্যম-পাণ্ডব এবং তৃতীয়-পাণ্ডবকে আমার সঙ্গে প্রেরণ করুন ; দেখবেন, অচিরাৎ আমরা মগধ-বিজয় এবং কারারুদ্ধ রাজকুলগণকে মুক্তপ্রদানপূর্বক, আবার সেই সকল কারামুক্ত নৃপগণকে আপনার বশভূত ক'রে, শীঘ্রই ইন্দ্রপ্রস্থে প্রত্যাগমন ক'রব ।

যুধি । না ভাই ! আর চিন্তা ক'রব না । তুমি যখন ভীমার্জুনের সঙ্গে থাক'বে ব'লছ, তখন আর আমার চিন্তা কি ? ভাই পাণ্ডবসখা ! তোমার জন্তই অগ্ণাপি পৃথিবীর সঙ্গে পাণ্ডবনামের সম্বন্ধ আছে । আমরা শৈশবে পিতৃহীন অবস্থায়, জ্ঞাতগণ কর্তৃক নানাবিধ নিগ্রহ ভোগ ক'রে, কেবল দুঃখেব প্রবলপ্রবাহেই ভাসুছিলাম ; তুমি কাণ্ডারী হ'য়ে, এই দীনহীনদিগকে নিজগুণে কৃপা ক'রেছিলে ব'লেই, আমরা সেই সব বিপদার্ণব হ'তে উত্তীর্ণ হ'তে পেরে-ছিলাম । দেখ ভাই ! এইরূপ কৃপাই যেন তোমার পাণ্ডবগণের প্রতি চিরদিন থাকে ।

ভীম । ( সহর্ষে ) আশা ! এমন সত্য-ফলদায়ক মহৌষধি তিন্ন কি.

কেবল মুষ্টিযোগ দ্বারা দাদার এ ব্যাধির আরোগ্য হ'ত ? আমরা এতক্ষণ ব'সে কেবল মুষ্টিযোগই প্রদান ক'রেছি ; কিন্তু যেই কৃষ্ণ-বৈশ্য এসে উপযুক্ত ঔষধি প্রদান করেছেন, অমনি দাদার দুশ্চিন্তা-ব্যাধির শান্তি হ'রেছে । প্রাণকৃষ্ণ রে ! সাথে কি ভাই, তোকে এত ভাল বাসি ? সাথে কি তোকে দেখবার জ্ঞান প্রাণ এত পাগল হ'য়ে উঠে ? তোকে সর্বদা প্রাণের সঙ্গে রাখ'ব ব'লেই ত, প্রাণ-পাথীকে এতদিন ব'সে কেবল কৃষ্ণ-বুলি লিখিয়েছি । আমি জানি, তোকে যে যখন প্রাণ খুলে ডাকে, তুই তখনই তাকে দেখা দিস্ । সেই ভয়েই আমাদের প্রাণপাথী সর্বদা কৃষ্ণ কৃষ্ণ ব'লে ডাকছে । তা হ'লে তুই আর অন্তের ডাক শুনে, সেখানে চ'লে যেতে পার'বিনে । কেন না, তুই যেই একপদ অগ্রসর হ'বি, অমনিই পাথী তোর পিছন থেকে, কৃষ্ণ কৃষ্ণ ব'লে ডাকতে থাকবে, আর তোর যাওয়া হবে না । কিন্তু দেখিস্ ভাই ! এই পাথী যেদিন শিকলী কেটে, পিঞ্জর ভেঙ্গে উড়ে যাবার চেষ্টা ক'র্বে ; তখন যদি তোকে ডাকবাব অবকাশ না পায়, তা হ'লে তুই সেই পাথীর পলায়নকাল পর্য্যন্ত কাছে থাকিস্ ; তা হ'লে আর কালরূপ মার্জ্জারে তাকে ধ'রতে সাহস ক'র্বে না । কৃষ্ণ রে ! সকলেই তোকে সাধনা ক'রে, তোর কৃপালাভ ক'রে থাকে ; কিন্তু রে পাণ্ডব-বন্ধু ! পাণ্ডবেরা সাধনা কাকে বলে, জানে না ; পাণ্ডবেরা জানে কেবল এক প্রাণভ'রে ভাল-বাসতে ; কিন্তু দেখিস্ ভাই ! ভালবেসে অবশেষে যেন কেঁদে বেড়াতে না হয় ।

বুধি । জীবনকৃষ্ণ ! আজ তোমাকে বড় কষ্ট দি়েছি । তুমি এলে, তোমার সঙ্গে আজ তেমন ক'রে কথা বলি নাই ।... তা ভাই !

লোকে অনেক সময় নিজের দুঃখ হ'লে, আত্মীয়জনের প্রতি অভিমান ক'রে থাকে। কৃষ্ণ রে! আমরা তোমার উপব্যতীত কার উপর অভিমান প্রকাশ ক'রবো ভাই! তুই বই আর আমাদের আপন জন কে আছে? আর তোমার সদানন্দময় মূর্তিখানি দর্শন ক'রেও যে তখন আমাদের নিরানন্দভাব দূর না হ'য়ে, বরং অধিকরূপে নিরানন্দ ভাব উপস্থিত হ'য়েছিল, তারও কারণ আছে; আপন প্রাণের বস্তুকে যদি আনন্দেব সময় নিকটে প্রাপ্ত হওয়া যায়, তাহ'লে সেই আনন্দ দ্বিগুণ পরিমাণে বর্দ্ধিত হয়, আবার নিরানন্দের সময় প্রিয়জন নিকটে এলে, সেই নিরানন্দভাবও পূর্বাপেক্ষা বৃদ্ধিপ্রাপ্ত হয়। বর্ষা-সময়ে যখন জলের বৃদ্ধি হ'তে আরম্ভ হয়, তখন যদি মেঘবর্ষণ হয়, তাহ'লে সেই জল আরও বৃদ্ধিপ্রাপ্ত হয়,—আবার শরৎ-সময়ে জলের হ্রাস আরম্ভ হ'লে, তখন যদি মেঘে বারিবর্ষণ করে, তাহ'লে সেই জলাশয়াদির বারি বর্দ্ধিত না হ'য়ে হ্রাসই হ'য়ে থাকে। তাই ব'লছি ভাই! তুমি যেন তার জন্ত কিছু মনে ক'র না।

কৃষ্ণ। দাদা! আপনারা কেন আমাকে এত কথা ব'লছেন? আমি কখনই আপনাদের প্রতি অসন্তোষ হই না। আপনারা যতদিন আমাকে ভালবাসবেন এবং যতদিন আমাকে স্বইচ্ছায় ত্যাগ না ক'রবেন, ততদিন আমি আপনাদেরই থাকব।

যুধি। ভাই! কি ব'ল্লে? জীবনকৃষ্ণ! কি ব'ল্লে ভাই? আমরা তোমাকে ত্যাগ ক'রব? দেহ আত্মাকে ত্যাগ করে, না আত্মা দেহকে ত্যাগ করে? হে আত্মারূপিন্! এই পঞ্চপাণ্ডবরূপ পঞ্চভূতময় দেহখানির আত্মা যে এক তুমি; তবে আমরা

তোমাকে ত্যাগ ক'রব কিরূপে? আর তাও যদি স্বীকার না কর, তা হ'লেও তোমাকে ত্যাগ ক'রতে পারি নে; কারণ, তুষাতুর ব্যক্তি অনুসন্ধান ক'রে যদি শীতল বারি প্রাপ্ত হয়, তাহ'লে সে কি কখনও সেই শীতল সলিল পরিত্যাগ ক'রতে পারে? আমরাও যে তেমনি দিবানিশি তোমার কৃপা-বারি পান ক'রবার জন্ত কাতর, এবং বহু অশ্বেষণে তোমার কৃপা বারি লাভ ক'রেছি। যদি বল যে, বারি পান ক'রলে যখন পিপাসা দূর হয়, তখন আর সে বারির প্রতি আদর থাকে না; কিন্তু কালবারি! আমাদের এই দারুণ পিপাসার ত আর নিবৃত্তি হ'চ্ছে না; যতই তোমার কৃপা-বারি পান ক'রছি, ততই যেন পিপাসার প্রাণ কণ্ঠাগত হ'চ্ছে। হে তুষা-নিবারি! আমরা এ পিপাসার শাস্তি ক'রতে চাই নে; যেন মরণ-সময় পর্য্যন্ত এ পাণ্ডব-পিপাসা পাণ্ডব-সখা পীতাম্বরেই থাকে। কিন্তু পীতবসন! দেখ যেন এ পিপাসার সঙ্গে পার্থিব অর্থাঙ্গির পিপাসার যোগ হ'রে, পরলোকের পথ অপরিষ্কার না করে।

গীত

রে'খ পীতবসন দাসের এই নিবেদন।

তুমি পাণ্ডবের বড় বান্ধব হে,

তাই বন্ধু ব'লে বিপদকালে,

দেখা দিয়ে ক'র বিপদ বারণ।

প্রাণের পিপাসা বাড়ে,                      ওহে হরি তোমার হেরে,

দেখ যেন, সেই তুষার মনে,—

বুধা ধনের তুষায় না হয় হে মিলন।

যুধি। ভ্রাতঃ বৃকোদর! ভ্রাতঃ পার্থ! এস তাই! আজ তোমাদের উভয়কে মাধব-করে সমর্পণ ক'রে দি; তাহ'লে আর তোমাদের

মগধ-বিজয়ের ভাবনা থাকবে না। ( ভীম এবং অর্জুনকে কৃষ্ণসমীপে লইয়া ) কৃষ্ণ! ধর, ভাই! আমার মেহ-সাগরের অমূল্যরত্নদ্বয়কে ধর, এই রত্নদ্বয় আমার নিকট হ'তে তোমার কাছে থাকতেই অধিক ভালবাসে; তাই তোমার করে আজ সঁপে দিলেম। ভাই গোবিন্দ! যুদ্ধক্ষেত্রে যদি জরাসন্ধ কর্তৃক বিষম আঘাত প্রাপ্ত হয়, তাহ'লে তোমার ঐ কোমল কর-পল্লব দ্বারা আঘাত-স্থান একবার স্পর্শ ক'র, তাহ'লেই এদের সকল বেদনা দূর হবে। আর ভাই ভীম, অর্জুন! তোমরাও যেন মুহূর্তকাল মাধব নাম বিস্মৃত হ'য়ো না। “সর্বকার্যেষু মাধব”; যদি বল, মাধব স্বয়ং সঙ্গে থাকতে, তবে নাম স্মরণে লাভ কি? কিন্তু ভাই! তা নয়। কৃষ্ণ-সম্বন্ধে সে নিয়ম নয়; কৃষ্ণ হ'তে ঔর নামগুলিরই গুণ বেশী। তা যদি না হবে, তবে ভোলানাথ ঔকে দিবানিশি হৃদয়ে ধারণ ক'রেও, হরিবোল, হরিবোল ব'লে পাগল হবেন কেন? তাই ব'লছি ভাই! যেন কৃষ্ণকে পেয়ে ঔর নাম ভুলে যাস্ নে। ( কৃষ্ণ-করে সমর্পণ করিয়া ) কৃষ্ণ! বল ভাই একবার নিজমুখে বল, যে আমার ভীম অর্জুনকে তুমি আবার এনে আমার করে দেবে? ভীম অর্জুন যে আমার যুগল বাছ; তাই ভয়, পাছে বাহশূন্য হ'য়ে যুধিষ্ঠিরকে থাকতে হয়।

ভীম। দাদা! ও কি কথা? বলি ও আবার কি কথা? শুভকার্যে যাবার সময় ও সব অলক্ষণ চিন্তা কেন? কৃষ্ণ নিজেই যখন ব'লে-ছেন যে কোন চিন্তা নাই, তখন আবার চিন্তা করা কেন? এখম আপনি ও-সব হুশ্চিন্তাকে মন হ'তে দূর ক'রে, কেবল কল্যাণ-চিন্তা ক'রতে ক'রতে, আমাদিগকে স্ফটমনে বিদায় দিন।

নকুল সহদেব রইল, তারাই আমাদের প্রত্যাগমন কাল পর্যন্ত আপনার শ্রীচরণ সেবা ক'রবে। এখন দিন্ দাদা! ভীম অর্জুনকে পদরজঃ দিন্। আর রে আর অর্জুন! আর, ধর্মরাজের পদরজঃ গ্রহণ ক'রবি আর। আমরা কেবল এই পদরজঃ মস্তকে ক'রে এবং এই পদযুগল সেবা ক'রে কৃষ্ণকে প্রাপ্ত হ'রেছি। অতএব কৃষ্ণ কাছে থাকলেও দাদার পদধূলি ত্যাগ করতে পারবো না। ( অর্জুন ও ভীমের পদরজঃ গ্রহণ ) ভাই চক্রধর! তুই অগ্রসর হ, আমরা তোর ধ্বজবজ্রাঙ্কুশ-শোভিত পদতল দেখতে দেখতে গমন করি।

কৃষ্ণ। দাদা! কোন ভয় নাই। এ কৃষ্ণ থাকতে পাণ্ডবের একটি কেশমাত্রও কেহ স্পর্শ ক'রতে পারবে না। আপনি এখন যজ্ঞের অন্তিম বিষয় সংগ্রহ ক'রতে থাকুন।

যুধি। ভাই কৃষ্ণ! আমরা নিতান্ত অজ্ঞ ব'লেই অকারণ ভয়ে বিহ্বল হ'য়ে পড়ি; নতুবা যিনি সৃষ্টিস্থিতিপ্রলয়ের কর্তা, যার প্রতি লোমকূপে কত অনন্তকোটি ব্রহ্মাণ্ড বিরাজ ক'রছে, সেই তোমা হেন ধনে কাছে পেয়েও, কতরূপ অলীক অভাবনীয় আশঙ্কা ক'রে কষ্ট পাব কেন? ভাই নীরদবরণ! বিদায় কালে তোমার ঐ নবদূর্বাদলনিভ কোমল অঙ্গথানা একবার আমার এই অঙ্গের সঙ্গে স্পর্শ করিয়ে যাও। শুনেছি, তোমার পদস্পর্শে কাষ্ঠতরুণী সূবর্ণময় হ'রেছিল, পাষাণও মানবী হ'রেছিল, আর এই যুধিষ্ঠিরের পাপাঙ্গ কি পবিত্র হবে না?

( কৃষ্ণসহ আলিঙ্গন )

কৃষ্ণ। ( স্বগতঃ ) আহা! ধর্মরাজের অঙ্গস্পর্শ ক'রে আমার অঙ্গ শীতল হ'ল। যা হ'ক, এখন মগধপুরে গিয়ে প্রথমতঃ আমার

প্রাণের ভক্ত সহদেবকে ছদ্মবেশে দেখা দিতে হবে ; সেখানে  
মা হৈমবতীও ছদ্মবেশে সহদেবকে সর্বদা রক্ষা ক'রছেন, তাঁর  
সঙ্গেও দেখা হবে। ( প্রকাশ্যে ) তবে দাদা ! আমরা এখন  
আসি ?

যুধি । চল ভাই ! আমিও কিয়দূর তোমাদের অনুগমন করি ।

( সকলের প্রস্থান )



## একাদশ অঙ্ক

[ মগধ কারাগার ]

শৃঙ্খলাবদ্ধ ও পাষণ-পীড়িতভাবে সহদেব শায়িত

সহ । ( সরোদনে ) হা কৃষ্ণ ! দেখা দিলে না ? এত ডাকছি, এত কাঁদছি তবুও দেখা দিলে না ? তবুও কাঙ্গালের প্রতি তোমার দয়া হ'ল না ? কৃষ্ণ হে ! আর যে পাষণ-পীড়ন সহিতে পারিনে !

বেত্রহস্তে প্রহরীর প্রবেশ

প্রহ । ওরে হতভাগ্য ! আবার সেই ঘ্যান্ঘ্যানানি ? ঐ এক বুলি আর ভাল লাগে না, আর কিছু নূতন থাকে ত তাই ধর ।

সহ । প্রহরী ! কৃষ্ণনাম কি পুরাতন হয় ? যতই বুলি, ততই নূতন ব'লে বোধ হয় ।

প্রহ । বাবা । ঢের ঢের ছেলে দেখেছি, কিন্তু তোর মত এমন একগুঁরে ছেলে, আমার চৌদ্দপুরুষ কেউ কখন দেখেনি । এত প্রহার, এত পাষণ-চাপা, বাবা ! তবুও তোর ঐ পচা বুলি ছাড়াতে পারলেম না । তোর মত ছেলেকে একটু জুজুর ভয় দেখালেই আত্মকে উঠে ; কিন্তু তোকে জুজু কেন, জুজুর বাবাও যদি এসে উপস্থিত হয়, তা হ'লেও কিছু ক'রতে পারবে না । কোথায় রাজার ছেলে ব'সে ব'সে কত রাজভোগ খাবি,

মনের আনন্দে যা ইচ্ছে তাই ক'রে বেড়াবি, তা না হ'য়ে আজ যমের দক্ষিণদোরে ঘোর আধারময় কারাগারের ধূলায় প'ড়ে, না খেয়ে না নেয়ে, শুটকিমাছের মত দিনরাত আমার প্রহার আর পাষণ-চাপ সহ ক'রছিস্। তোর কপাল নিতান্ত পুড়েছে, নইলে এ দশা হবে কেন ?

সহ। প্রহরি! আর আমাকে বাঁচিয়ে রাখ কেন, আমাকে মেরে ফেল। যখন আমাকে কৃষ্ণই দেখা দিলেন না, তখন আর বেঁচে থেকে ফল কি ?

প্রহ। তার ত কসুর ক'রছিনে, তাই বা মরিস্ কই ? আর কোন ছেলে হ'লে, সে কবে এত দিন পটল তুলত। তুই যে দেখছি যমের অরুচি হ'য়ে উঠলি।

সহ। প্রহরি! তবে কি আমার মরণ নেই ? চিরদিনই কি আমাকে এইরূপে কষ্ট পেতে হবে ?

প্রহ। গতিও ত সেই রকমই দেখছি। তুই কৃষ্ণ বুলিও ছাড়'বিনে আর তোর এ কষ্টও যাবে না।

সহ। প্রহরি! কৃষ্ণবুলি ছেড়ে আর কোন্ বুলি ধ'র'ব ? কৃষ্ণবুলি বই যে আমি আর কিছু জানিনে। হা কৃষ্ণ! প্রাণকৃষ্ণ কোথায় আছ।

প্রহ। আবার বুলি ধ'র'লি ? আরও কিছু প্রহার খাবার ইচ্ছে হ'য়েছে বুঝি ?

সহ। প্রহরি! তুমি আমার কি ভয় দেখাচ্ছ ? আমি মরণ সময় পর্য্যন্তও কৃষ্ণবুলি ছাড়'ব না।

প্রহ। আচ্ছা, আমিও তবে প্রহার করা ছাড়'ছিনে।

( ঘন ঘন বেত্র প্রহার )

সহ । কৃষ্ণ ! কৃষ্ণ ! ম'লেম, ম'লেম, আর এ দারুণ প্রহার সহ হয় না ।  
দয়াময় । দয়া কর, দয়াল নামের গুণ দেখাও ।

গীত

কোথায় আছ দয়াময়, হও হে সদয়, দেখা দেও মুরারি ।  
আর, এ ঘোর-যাতনা, সহে না সহে না, বুঝি আজ প্রাণে মরি ।  
( এই বিপদে রাখ হে হরি ) ( তুমি বিপদ কারণ-কারী )  
( দেখ ) বাধিয়ে শৃঙ্খলে মোরে, পাবাণে পীড়ন করে,  
( দেখে দয়া কি হয় না হে হরি ) ( তবে দয়াল নাম ধ'রেছ কেন )  
দেখ প্রহরে প্রহরে মোরে প্রহারে কঠিন প্রহরী ।  
পড়িয়ে ঘোর অন্ধকারে, ( আজ ) প্রাণ যায় হে কারাগারে,  
( আমি মরি তাহে কতি নাই হে ) ( আমার এই আশঙ্কা সদা মনে )  
পাছে হরিনামের পরিণামে কলঙ্ক রটে হে হরি ॥

প্রহ । না, না, এতেও কিছু হ'ল না, একথানা পাঁচ-মণে পাথর  
চাপিয়ে দি । ( পাথর চাপাইয়া ) কেমন, বলি এখন কেমন  
লাগছে ?

সহ । উঃ উঃ ! বুক ভেঙ্গে গেল, আর নিঃশ্বাস ছাড়তেও পারছিনে ।  
প্রহরি ! তোমার কি দয়াও নাই ?

প্রহ । দয়া আছে কি না, তা দেখতে পাচ্ছি স্নেহ ? যদি বাঁচতে চাস,  
তবে ও বলি ছাড় ।

সহ । প্রহরী ! আমি তা পারব না, আমি কৃষ্ণনাম ছেড়ে থাকতে  
পারব না । তোমার যদি সাধ মিটে না থাকে, তবে দাঁও, আরও  
পাষণ এনে বুক চাপা দাও, আরও বেজাঘাত কর, আমি তাতে  
মানা করব না । প্রহরি ! প্রাণ যে যাবে, তা জানছি ; তবুও  
সেই মধুর হরিনাম ছাড়তে পারবো না । এখন আমার যে  
যাতনা দিচ্ছ, কিন্তু কৃষ্ণনাম ছেড়ে ম'লে, তখন এ হ'তে আরও

বেশী যাতনা ভোগ করতে হবে ; সে যম-যাতনায় যে আরও কষ্ট । কিন্তু যদি কৃষ্ণ-বুলি ব'লতে ব'লতে ম'রতে পারি, তাহ'লে আর আমার যম-যাতনা হবে না ।

প্রহ । এখনও ভ্যানর ভ্যানর ছাড়লিনে ? তোর দেখছি যম ঘুনিয়ে এসেছে । ( পুনঃ প্রহার ) এই যে, এবার আর বুলি বেরয় না, চোক উল্টিয়ে পড়ল যে, ম'রলো নাকি ? তা ম'রলেই বা ক্ষতি কি, আপদ গেলেই বাঁচি । মহারাজের টানা হুকুম আছে, যতক্ষণ বুলি না ছাড়বে, ততক্ষণ প্রহার, তাতে বাঁচে আর মরে । না, না, ঐ যে চোকে পলক পড়ছে ; ম'রবে না, ওর মরণ নাই । থাক, কিছুক্ষণ এই ভাবেই থাক, আমি ততক্ষণ আর আর করেদীগুলো দেখে আসি । বাবা ! করেদীও ত কম নয়, কারাগারের সব ঘরগুলিই পূরে গেছে, নরক আজকাল খুব গুলজার । যা হ'ক, খুব বরাতটা ফাঁদিয়েছিলাম ; কত রাজা, কত রাজপুত্র যে আমার হাতের প্রহার সহ্য ক'রছেন তার আর ঠিকানাই নাই ; এখন যাই ।

( প্রস্থান )

সহ । উঃ, উঃ, পিপাসা, পিপাসা, বড় গিগাসা । একটু জল, প্রাণ যার' একটু জল । কে আমার একবিন্দু জল দেবে ? পাগলী-মাকেও আজ দেখতে পেলেন না । অন্তদিন সে এসে জল খাইয়ে যার, আজ সেও আমার জল দিতে এল না । ওমা ! মা গো ! কোথায় আছ মা ! আমার একটু জল । মা গো ! যার মুখ না দেখলে, একদণ্ড থাকতে পারতে না, আজ তোমার সেই সহদেব দেখ জল জল ব'লে প্রাণ দিচ্ছে ! দিদি ! তোমার সঙ্গেও আর দেখা হ'ল না ! দিদি ! একবার জন্মের মত

আমার শেষ দেখা দেখে যাও । ওঃ আর যে কথা কইতে পারছিলেন । সব আঁধার সব আঁধার, শরীর অবশ হ'য়ে আসছে । কৃষ্ণ ! কৃষ্ণ ! নিদানবন্ধু ! নিদানকালে দেখা দাও । হরি ! আজ হ'তে আমার হরিনাম করা ফুরাল, আর তোমাকে ডাকতে পারব না । আজ হারুণ পিপাসায় প্রাণ গেল ।

গীত

পিপাসায় প্রাণ গেল হে হরি ।

জল বিনে যে মরি মরি ॥

হ'ল না সাধনা                      আশা মিটল না,

রহিল মনেতে বাসনা ।

ঐ যে শমনে প্রাণ লয় বুঝি হরি ॥

সহ । হ—রি—বো—ল—হ—রি—বো—

( অচেতন )

বারিপাত্র-হস্তে শ্রীকৃষ্ণের প্রবেশ এবং সহদেবের মুখে  
জলপ্রদান ও মস্তক কোলে লইয়া উপবেশন ।

সহ । ( জলপান করিয়া ) আঃ—আঃ—আঃ—

কৃষ্ণ । আর জল দেব ভাই ?

সহ । কে তুমি আমাকে এই মরণকালে জল দিয়ে বাঁচাতে এসেছ ?  
পাগলী-মা কি তোমাকে পাঠিয়েছে ? আমি ত তোমার চিন্তে  
পারছি নে ।

কৃষ্ণ । আমাকে এর পরে চিন্তে পারবে । এখন তোমার পিপাসা দূর  
হ'য়েছে ত ?

সহ । হাঁ, জলের পিপাসা দূর হ'য়েছে বটে, কিন্তু আরও যে এক প্রবল  
পিপাসা আছে, তা আর দূর হ'ল না ।

- কৃষ্ণ । ভাই ! কেঁদ না ! তোমার সকল পিপাসারই শাস্তি হবে ।
- সহ । তুমি আমাকে বারবার ভাই ব'লে ডাকছ ; কিন্তু আমাকে ভাই ব'লে ডাকবার ত আর কেউ নাই । এক প্রাপ্তি দিদি ডাকত, তা সে যে কোথায় তা'ও জানিনে ।
- কৃষ্ণ । সে সব কথা এখন থাক, এখন বল দেখি ভাই ! তোমার আর কি কষ্ট হ'চ্ছে ? তোমার হাত-পায়ের বাঁধন খুলে দি, বৃকের পাষণ ফেলে দি, শেষে চল ভাই ! দুই জনে পালিয়ে যাই ।
- সহ । না ভাই ! তা ক'র না । পিতা যখন আমাকে এই ভাবেই রাখতে প্রহরীকে ব'লে দিয়েছেন, তখন যদি আমি পালিয়ে যাই, তাহ'লে আমার জন্তু নিশ্চয়ই প্রহরীরও প্রাণ যাবে । তাই ব'লছি আমি পলায়ন ক'রে প্রাণ বাঁচাতে চাইনে । আমি যেমন আছি, তেমনিই থাকি । যখন হরিই আমাকে কৃপা ক'রলেন না, তখন আমার এ প্রাণ যাতে যায়, তাই ভাল । ভাই ! তুমি যেই হও, আমার যাতে সত্ত্বর প্রাণ যায়, তার চেষ্টা কর, আর তুমিও এখান হ'তে সত্ত্বর পালিয়ে যাও । প্রহরী এসে তোমাকে দেখতে পেলে, তোমাকেও আমার মত যাতনা দেবে ।
- কৃষ্ণ । ( স্বগতঃ ) আহা ! সহদেবের কি সরল ধর্মভয় । নিজের প্রাণ যায় সেও ভাল, তথাপি নিজের জন্তু পাছে অন্যের প্রাণান্ত হয়, সেই ভয়েই আকুল । এমন ধর্ম-প্রাণ ভক্ত-শিশু কি আর কেউ আছে ? ধ্রুব, প্রহ্লাদের পরেই সহদেব । কৃষ্ণনামের জন্তুই সহদেবের এই অবস্থা । তা হ'ক এই দুর্বস্থার পরিণাম বড়ই মধুময় । ভক্ত সহদেবের পরিণামফল মধুময় ক'র'ব ব'লেই, এতদিন দেখা দি নাই । শীঘ্রই সহদেবের সুখের দিন উপস্থিত হবে আর অধিক কাল বিলম্ব নাই । প্রবল ঋটিকার

পর যেমন প্রকৃতি এক মধুর শাস্ত্যাব ধারণ ক'রে, সহদেবও তেমনি দুঃখকষ্ট হ'তে পরিত্রাণ লাভ ক'রে, শাস্তির বিমল আনন্দ উপভোগ ক'রবে। ( প্রকাশে ) সহদেব! চোখ বুজে রইলে কেন ভাই ?

সহ। আমার চোখ বুজে থাকা, আর না থাকা ছই-ই সমান। চোখ বুজেও আঁধার দেখি, চোখ চাইলেও আঁধার দেখি। ভাই! তুমি জল দিয়ে কেন আমার বাঁচালে ?

কৃষ্ণ। তুমি জল জল ব'লে কাঁদলে কেন ?

সহ। আর কাঁদব না। আগে মরবার ভয় ছিল, তাই কেঁদেছি ; আর সে ভয় নাই, বেঁচে থাকলেও যখন প্রতিদিনই এইরূপ জল জল ব'লে কাঁদতে হ'বে, তখন আমার মরণই মঙ্গল।

কৃষ্ণ। না ভাই! তুমি ম'রবে কেন ? তুমি ম'রলে, আমার বড় কষ্ট হবে।

সহ। তোমার কষ্ট হবে কেন ভাই ? আমার এই কষ্ট দেখে, আমার পিতামাতারই যখন কষ্ট হ'চ্ছে না, তখন আর তোমার কষ্ট হবে কেন ভাই ?

কৃষ্ণ। না ভাই! তোমাকে ম'রতে দেব না। তোমার যাতে কষ্ট দূর হয়, তাই ক'রব।

সহ। ভাই। আমার দুঃখ তুমি দূর ক'রবে ? এক মরণ ভিন্ন যে আমার এ দুঃখ দূর হবে না ভাই !

কৃষ্ণ। আবার ঐ কথা কেন ভাই ? মরণের কথা আমার কাছে তুলতে পা'রবে না।

সহ। আচ্ছা ভাই! তুমি আমার অন্ত এত ক'রছ, কিন্তু তোমার নিজের পরিচয় দাও না কেন ভাই ?

কৃষ্ণ । আমার পরিচয় এর পরে পাবে ।

সহ । তুমি কেন আমার জন্ত এত ক'রছ ?

কৃষ্ণ । তোমায় যে আমি ভালবাসি ভাই ! তাই তোমার জন্ত প্রাণ  
কেমন করে !

সহ । আমার ভাল বেস না । আমাকে ভালবাসলে, কেবল কাঁদতে হবে ।

কৃষ্ণ । সহদেব ! ভাই ! তুমি এমন কথা ব'লো না, আমি তোমাকে  
আরও ভালবাসব ।

সহ । ভাই ! তুমি কে ? তোমার পায়ে পড়ি, বল তুমি কে ? আর  
তুমি কেমন ক'রেই বা এই কারাগারে উপস্থিত হ'লে ?  
ভাই ! তুমি এমন মিষ্টি কথা কোথায় শিখেছিলে ? তোমার  
কোলে মাথা রেখে বড় শান্তি হ'চ্ছে । আর আমার গায়ে  
হাত বুলুচ্ছ, তাতে যেন আমার সকল শরীর শীতল হ'য়ে যাচ্ছে ।  
পাষাণের ভারও যেন আর তেমনধারা ভারী ব'লে বোধ হ'চ্ছে  
না । ভাই ! বল, বল তুমি কে ?

### গাহিতে গাহিতে পাগলী-মার প্রবেশ

#### গীত

কে বলে দয়াল তারে,

দয়া নাই ক তার অন্তরে

কাঁদাতে সে ভাল বাসে,

কাঁদে না সে কার তরে ॥

অকূলে ভাসিয়ে শেষে,

কূলে ব'সে ব'সে হাসে,

কোলে তুলে লয় না রে সে, তাইতে বলি পাষণ তারে ॥

কৃষ্ণ । ( স্বগতঃ ) এই যে মা হৈমবতী ; পাগলিনীবেশে আমাকেই  
তিরস্কার ক'রতে ক'রতে এখানে আসছেন । আহা ! মায়ের এই  
ছদ্মবেশ কি মধুর !



সহ। পাগলী-মা ! তুই এসেছিস্ ? আজ জল জল ব'লে, প্রাণ যাবার ঘো হ'য়েছিল। শেষে এই দয়াবান্ ইনি এসে আমাকে জল পান করিয়েছেন। পাগলী-মা ! তোর মত ইনিও আমাকে ভালবাসেন।

পাগলী। বাবা ! পাগল আজ বড় ক্ষেপে উঠেছিল, তাই আজ আস্তে আমার দেরি হ'য়েছে।

সহ। পাগলী-মা ! আর কতদিন এ ভাবে কাটাৰ ? কৃষ্ণ আমাকে আর দয়া ক'রলেন না।

পাগলী। বাবা ! সত্য সত্যই তাঁর দয়ামায়া নাই। আমি আগে তা জানুত্বেম না, তাই তোমায় ঐ কথা ব'লেছিলাম, এখন দেখছি সে বড় নিষ্ঠুর।

কৃষ্ণ। সে নিষ্ঠুর তুমি কিসে জানলে ?

পাগলী। ফলের দ্বারাই বৃক্ষের পরিচয়। হি হি হি !

কৃষ্ণ। কৈ ? ইক্ষুরও ত ফল নাই, তাই ব'লে কি তাকে কেউ চিন্তে পারে না ? বরং ইক্ষুই সকল বৃক্ষ হ'তে অনেকাংশে উপকারী, তার রসও অতি মধুর।

পাগলী। না গো না, সকলের পক্ষে নয়। যারা তাকে পেষণ ক'রতে পারে, তারাই তার উপকার এবং সুরস আশ্বাদন ক'রতে পারে ; আর যারা অতি শিশু, তারা তা পারে না।

কৃষ্ণ। তবে হরিকে শঙ্কর এত ভালবাসেন কেন ?

পাগলী। হি হি হি, সে কেবল পাগল হবার জন্ত।

কৃষ্ণ। কেন, শঙ্কর কি হরির কুপালাভ ক'রতে পারেন নাই ?

পাগলী। পারবেন না কেন গো ! পেয়েছে ; যা কিছু ছিল, তা সেই শঙ্করই নিয়ে ব'সে আছে, আর কারুর পাবার ঘো নাই।

কৃষ্ণ । এ তোমার ভুল ধারণা ।

পাগলী । আমার না গো, সে ভুল তোমার ।

কৃষ্ণ । তবে তাকে ভক্তের ঠাকুর বলে কেন ?

পাগলী । আমি বলি, ভক্তকে কাঁদাবার ঠাকুর । হি হি হি, সে নাকি  
আবার ভক্তের ঠাকুর, কেবল ছলনায় চতুর ।

কৃষ্ণ । পাগলিনী । সে দোষ হরির নয়, সে দোষ তার জননীর ;  
কারণ তার জননী হ'লেন মহামায়া, তা মহামায়া নিজেই যখন  
ছলনাময়ী, তখন তার সন্তান ত ছলনাময় হবেই ।

পাগল । ছলনাই না হয় তার মায়ের কাছে শিখেছে, কিন্তু দয়া না  
থাকাটা কার কাছে শিখেছে ?

কৃষ্ণ । আমি ত ব'লছিই যে, তিনি দীনের দয়াল ; তবে যদি  
দয়ার কিছু অভাব হ'য়ে থাকে, তা'হলে সে সেই মায়ের  
দোষ । কেন না, তার মা হ'চ্ছেন পাষণনন্দিনী পার্বতী ।  
তা মা যখন পাষণী, তখন ছেলের কঠিন হওয়া বড় আশ্চর্যের  
বিষয় নয় ।

সহ । পাগলী-মা ! তোমরা ঝগড়া ক'রছ কেন ? আর আজ তুমি  
আমার কাছে হরির নিন্দাই বা ক'রছ কেন ? কৃষ্ণ-নিন্দা শুনে  
আমার বড় কষ্ট হয় ।

পাগলী । না বাবা ! এই চুপ ক'রলেম । আর তোমার কৃষ্ণ-নিন্দা  
ক'রব না । ( কৃষ্ণের প্রতি জনাস্তিকে ) যা হ'ক কৃষ্ণ ! মায়ের  
কথায় যেন মনে কিছু ক'র না । আজ অনেক দিন পরে  
তোমার শ্রামসুন্দর মূর্তিখানি দর্শন ক'রে ত্রিনয়ন সার্থক হ'ল ।  
এখন বল দেখি হরি ! এই ছদ্মবেশেই থাকবে না, সহদেবকে  
নিজের পরিচয় দেবে ? না, এখনও পরীক্ষার শেষ হয় নাই ?

কৃষ্ণ । না জননি ! আর পরীক্ষার প্রয়োজন নাই ; যথেষ্ট হ'য়েছে ।  
জরাসন্ধের সময়ও উপস্থিতপ্রায় ; আমি পাণ্ডুতনয় ভীম ও  
অর্জুনকে সঙ্গে ক'রে এই মগধপুরে উপস্থিত হ'য়েছি ; শীঘ্রই ভীম  
কর্তৃক জরাসন্ধ নিহত হবে এবং বন্দিগণও মুক্ত হবে । আর  
আমার প্রাণের ভক্ত সহদেবকে এই মগধ-সিংহাসনে প্রতিষ্ঠিত  
ক'র্ব্ব । এখন আর সহদেবকে আত্মপরিচয় প্রদান ক'র্ব্ব না ।  
তাহ'লে আমার অভিসন্ধি প্রকাশ হ'তে পারে । কেন না,  
জরাসন্ধকে একটু কৌশলে বিনাশ করাতে হবে ।

পাগলী । হরি হে ! তোমার খেলা তুমিই জান । তুমি যা ভাল বোঝ  
তাই কর ।

কৃষ্ণ । মা গো তোমার জন্মই আমার ভক্ত সহদেব নানা বিপদ হ'তে  
মুক্ত হ'য়েছে । মা গো ! কৃষ্ণভক্তের অকল্যাণে পাছে আমার  
গৌরবের হ্রাস হয়, এই ভয়েই তুমি সর্বদা আমার ভক্তকে রক্ষা  
ক'রেছ । মা গো ! আমার প্রতি যদি তোর এত মায়াই না  
থাকবে তবে তোকে মা ব'লে ডাকব কেন ?

পাগলী । আমি কি কেবল তোমার গৌরব রক্ষার জন্মই সহদেবকে  
এতদিন রক্ষা ক'রেছি ? তা নয়, হরি-ভক্তের অঙ্গস্পর্শ ক'রে  
আত্মাকে কৃতার্থ ক'র্ব্ব এবং ঐ সূত্রে তোমাকে দেখতে পাব এই  
ব'লেই আমি তোমার ভক্তকে রক্ষা ক'রেছি ।

কৃষ্ণ । তবে মা ! আজ এখন বিদায় হই । আবার শীঘ্রই সাক্ষাৎ  
হবে । এই যে সহদেবও নিদ্রিত হ'য়েছে, এই সময়েই যাওয়া  
কর্তব্য ।

পাগলী । চল কৃষ্ণ ! আমিও যাই । ঐ যে প্রহরীও আসছে ।

( উভয়ের প্রস্থান )

## প্রহরীর পুনঃপ্রবেশ

প্রহরী । এই যে ছোঁড়াটা চোক বুজেই আছে । নিখাস প'ড়ছে দেখছি তবে মরে নাই । মহারাজের এখন নূতন হুকুম, কুমারকে এবার মশানে নিতে হবে এবং সেখানে গিয়ে কেটে ফেলবার ভয় দেখাতে হবে ; যদি সেই ভয়ে ঐ পোড়া বুলি ছাড়ে । যাই এখন যেমন আছে, এই ভাবেই নিয়ে যাই ।

( শায়িত সহদেবকে লইয়া প্রস্থান )

# দ্বাদশ অঙ্ক

প্রথম দৃশ্য

[ মগধ রাজপথ ]

বিদূষকের প্রবেশ

বিদূ। লোকে কথার ব'লে থাকে যে, “পেটের দার বড় দায়” । এক-  
মাত্র পেটের জন্তই মানুষ বিব্রত । ভাই বল, বন্ধু বল, এ সবই  
এক পেটের জন্ত । এই উদরের চিন্তা না থাকলে, আর চিন্তা  
কি ছিল ? “কা কস্ত পরিবেদনা ।” বিশেষতঃ, আবার  
আমার পক্ষে । উদরের ভাবনাটা সাধারণ অপেক্ষা আমার  
কিছু প্রবলা । আমার এ ব্রহ্মাণ্ড-ভাণ্ডোদরটা যেন কিছুতেই  
আর পূর্ণ হ'তে চায় না । ইচ্ছাটা যেন এই জগৎ-ব্রহ্মাণ্ড সবই  
একবারে গ্রাস ক'রে ফেলে । লোকে ক্ষুধার একনাম সাধু-  
ভাষায় জঠরানল ব'লে থাকে । কিন্তু আমি দেখছি, যদি  
কেবল “অনল” হ'ত, তা হ'লে জল দিলেই নির্বাণ হ'ত ; এ তো  
তা নয়, এর নাম “বাড়বানল” ; এ অনল জলে নির্বাণ হবার  
নয় । আজন্মটাই কেবল উদরদেবের সেবাশ্রদ্ধা ক'রেই কাটিয়ে  
দিলেম । “যত কিছু উপার্জনঃ এই উদরদেবে সমর্পণঃ” ।  
তা, নিজের উপার্জনে কুলাবার নয়, ভাগ্যে এমন ব্রাহ্মণ-ভক্ত

রাজা জরাসন্ধের আশ্রয় পেয়েছিলাম। মহারাজের অন্ত বত দোষ থাক না কেন, কিন্তু দেবদ্বিজে বিশেষ ভক্তি! এই ভক্তিতেই মহারাজের মুক্তি হবে, সন্দেহ নাই। শাস্ত্রেই আছে যে, “তস্মিন্তুষ্ঠে জগতুষ্ঠং।” অর্থাৎ কি না, আমাদের সন্তুষ্ট ক’রতে পারলেই জগৎ তুষ্ঠ থাকে। যা হ’ক, মহারাজের এই সুবহৎ ভোজনাগারটি আমার জন্য সর্বদাই উন্মুক্ত র’য়েছেন। গিয়ে উপস্থিত হ’তে পারলেই হল। এরূপ অব্যাহত দ্বার না থাকলে কি এ জঠরদেবের পূজাটা ষোড়শোপচারে সুসম্পন্ন করা যে’ত? নতুবা নিজের উপার্জনের উপর নির্ভর ক’রলে, কবে এতদিন পৈতৃক বাস্তুভিটের উপর ঘুঘুর নৃত্য আরম্ভ হ’ত। এই সেদিন শুনলেম যে, মহারাজকে না কি কতকগুলি পরী এসে কোথায় নিয়ে গেছে; আমি শুনেই ত একেবারে ব্রাহ্মণীশম্মার বহৎ ধ্বজবজ্রাঙ্কুশ চিহ্নযুক্ত বপুখানির উপরেই মূর্ছা গিয়েছিলেন; শেষে যখন শুনলেম যে, মহারাজ পুনরায় আগমন ক’রে, এক মহাযজ্ঞের আয়োজন ক’রছেন, তখন বেঁচে উঠলেম। যাই, এখন দেখা যাক্গে, যজ্ঞের কত দূর কি উদ্যোগ করা হ’য়েছে।

নেপথ্যে—

শুন সবে নগরবাসী হ’য়ে এক মন,  
মহারাজ জরাসন্ধের এই নিমন্ত্রণ।  
কাল সকালে রাজবাড়ীতে রুদ্রপূজা হবে,  
( আর ) হাজার হাজার বন্দিগণে বলিদান দেবে।  
ভাই, বন্ধু, পুত্র, কন্যা সঙ্গে ক’রে সবে,  
রাজবাড়ীতে বলিদান দেখতে সবাই যাবে।

বিদু। ঐ যে, ঘোষণা-প্রচারক, যজ্ঞের কথাই প্রচার করে বেড়াচ্ছে। তবে আগামী কল্য ফলাহারের বন্দোবস্তও বিশেষরূপেই হবে। তবে এখন সেই পাকা-ফলারের স্তোত্রটা একবার আবৃত্তি করে রাখি।

স্তব

ত্বাং নমামি লুচি-দেবং চক্রাকার-গঠনম্ ।  
 চিনি-সহ, তব দেহ, খেতে অতি সুরসম্,  
 আন্তে আন্তে দন্তে দন্তে করি তোমা চর্ষণম্,  
 ত্বাং নমামি লুচি-দেবং চক্রাকার-গঠনম্ ॥  
 ত্বাং নমামি কচুরি হে ! খর্ষাকার-শরীরম্ ।  
 ভেলে লুণে অঙ্গ তব করে ময়রা বর্জনম্,  
 কচর্ মচর্ শব্দে কর পেট-মধ্যে গমনম্,  
 ত্বাং নমামি কচুরি হে ! খর্ষাকার-শরীরম্ ॥  
 ত্বাং নমামি রসগোল্লে ! রসপূর্ণ রসিকম্ ।  
 চর্ষ্য চোষা লেহ্ ত্বং হি, ত্বং হি ত্রিগুণাত্মকম্,  
 রস-রঞ্জে রসে রহ অঙ্গ করি মজ্জনম্,  
 ত্বাং নমামি রসগোল্লে ! রসপূর্ণ রসিকম্ ॥  
 ত্বাং নমামি পানিতোয়ে ! হংসডিম্ব-স্বরূপম্ ।  
 চুষে চুষে তব রসে পেট করি পূরণম্,  
 ময়রা ব'সে হেসে হেসে পয়সা করে গ্রহণম্,  
 ত্বাং নমামি পানিতোয়ে ! হংসডিম্ব-স্বরূপম্ ॥

ইতি শ্রীফলাহারশাস্ত্রে অঘোর-কৃতং ফলাহারস্তোত্রং সমাপ্তম্ ।

যদক্ষরং পরিব্রষ্টং মাত্ৰাহীনঞ্চ যদ্ভবেৎ  
পূৰ্ণং ভবতু তৎ সৰ্বং স্বৎপ্রসাদাৎ ফলাহার ॥

### প্রণাম

সত্ৰঃ ক্ৰুধাবিনাশী ত্বং লম্বোদর-প্রপূরক ।

নৃত্যস্তি পেটুকা যস্মাৎ ফলাহার নমোনমঃ ॥

( সাষ্টাঙ্গে প্রণামপূৰ্বক প্রস্থান )

—

### দ্বিতীয় দৃশ্য

[ যজ্ঞাগার ]

( স্থাপিত শিবলিঙ্গ-সম্মুখে হাড়ীকাঠ এবং  
অগ্ন্যাগ্ন্য পূজোপকরণ )

বন্দী রাজগণকে লইয়া প্রহরিগণের প্রবেশ

প্রহ। আর কি দেখ্ছ ? আজ এই হাড়ীকাঠেই তোমাদের বলিদান হবে ।

( একদিকে রাজগণকে লইয়া অবস্থান )

পট্টবস্ত্র-পরিহিত জরাসন্ধের প্রবেশ

জরা। প্রহরিগণ! কারাগৃহ হ'তে সমস্ত বন্দিগণকে এখানে আনয়ন ক'রেছ ত ? দেখ, যেন একটা বন্দীও অবশিষ্ট না থাকে ।



প্রহ। মহারাজ! সকলকেই এনেছি, কেবল রাজকুমারকে আনতে পারি নাই।

জরা। কেন? কেন?

প্রহ। মহারানী স্বয়ং এসে রাজকুমারকে মুক্ত ক'রে নিয়ে গেছেন।

জরা। আচ্ছা! সে বিষয় এর পরে বিবেচনা করা যাবে, এখন তোমরা বিশেষ সতর্কতার সহিত বন্দিগণকে রক্ষা কর। আমি রুদ্র-পূজার প্রবৃত্ত হই।

শুন, অস্ত্র রক্ষিবর্গ! আমার আদেশ,

সিংহদ্বার কর রক্ষা—অতি সাবধানে।

যতক্ষণ রুদ্রপূজা না হইবে শেষ,

ততক্ষণ কীট কি পতঙ্গ,

কেহ যেন না পশে এ পুরে।

ঘটিলে পূজার বিঘ্ন, প্রমাদ ঘটবে।

একে একে সকলের শির কাটা যাবে।

( পূজার উপবেশন )

( করপুটে ) রুদ্রদেব! রুদ্রতেজঃ লভিবার তরে,

পূজিব তোমায় আজি বিশ্বপত্রদলে।

আশুতোষ! লহ পূজা প্রসন্ন-অস্তরে,

দিব নরবলি আজি তোমায় তুষিতে।

স্তব

কুন্তিবাস কপালভৃৎ কন্দর্প-দলন,

কপর্দী করাল-কাল-কণ্টক-নাশন।

ত্রিলোচন ত্রিলোকেশ ত্রিতাপহরণ,

ত্রিশূলে ত্রিপুর-রিপু ত্রিপুর-ত্রাশন।

পরমেশ পশুপতি পার্শ্বতী-বল্লভ,  
 পঞ্চানন পরশুপ পাতকি-হুল্লভ ।  
 বিশ্বনাথ বিশ্বরূপ বিশ্ববিঘাতক,  
 বামদেব বিরূপাক্ষ বিশ্ববিনাশক ।  
 ভব ভীম ভবারাধ্য ভূতি-বিভূষণ,  
 ভূতপতি ভুবনেশ ভৈরব ভীষণ ।  
 মহাকাল মহারুদ্র মদন-মথন ।  
 মহেশ্বর মহাদেব মহেন্দ্র-মোহন ।  
 নমঃ শঙ্কু শূলী শিব শশাঙ্ক-শেখর ।  
 নমঃ সর্ক সদানন্দ সতীশ শঙ্কর ।

( বম্ বম্ শব্দে গালবাণ্ড করণ )

( নেপথ্যে বজ্রধ্বনি )

জরা । ( সকম্পে ) হের রক্ষি ! কোথা ছেন ভৈরব নিনাদ ।

( নেপথ্যে পূর্ববৎ ধ্বনি )

জরা । ( সবিস্ময়ে ) পুনঃ শুনি ভয়ঙ্কর ধ্বনি ।

( নেপথ্যে পূর্ববৎ ধ্বনি )

জরা । আবার আবার সেই ভীষণ নিনাদ ।

টল্‌মল্‌ করিছে নগরী ।

নাহি পারি, স্থিরভাবে পূজিতে মহেশে ।

সবেগে জনৈক দূতের প্রবেশ

দূত ।

মহারাজ ! মহারাজ !

গিরিব্রজে অদ্ভুত ব্যাপার !

দেখিলাম ছিন্ন ভিন্ন সঙ্কেতের ভেরী

তুর্জয় সে নাগদ্বর ত্যজিয়াছে দ্বার,  
পঞ্চগিরি চূর্ণ হ'য়ে মিশেছে ধূলার ।

জরা ।

কি বলিলি ?

ছিন্ন ভেরী, চূর্ণ গিরি, অদৃশ্য ভুজঙ্গ ?  
কে করিল ছেন কৰ্ম দেখ্ জরা করি ।

( দূতের প্রশ্ন )

জরা ।

অহো ! কে এমন ধরাধামে জন্মিল বীরেন্দ্র !

ইচ্ছিল সে মম সনে বিরোধ সাধিতে ।  
কোন্ পিপীলিকা আজি মরিবার তরে,  
পাখা মেলি উড়িল রে গগন-প্রাঙ্গণে ।

কোন্ ফেরু মৃত্যু আলিঙ্গিতে,  
নিদ্রিত কেশরি-কেশ করিল কৰ্ষণ ।

কোন্ মূঢ় নিজ ক্ষুদ্র জীবন-তবণী,  
ভাসাইল জলধির প্রবল-প্রবাহে ।

বুঝিলাম ধরা হ'তে,

নৃপ-নাম করিবারে লোপ—

বিধি-ইচ্ছা হ'য়েছে প্রবল ।

( ভয় ও বিস্ময়ের সহিত )

এঁয়া, এঁয়া, এঁয়া,

একি হেরি ? কৃধিরের উষ্ণ প্রশ্রবণ—

অকস্মাৎ ছুটিছে চৌদিকে ।

বুঝিলাম বিপদের পূর্বসূত্রপাত ।

সৈন্তগণ !

ধর আমি দূঢ় করি ।

হের ঐ পদ্মপালসম—

আসে শত্রু অগণন ।

হও অগ্রসর, বীরমদে মাতি—

বধ শত্রু, বধ শত্রু,

একপদ (ও) পুরীমাঝে না দিও আসিতে ।

কোথা সৈন্যদল ! হও সাবধান ;

ঐ আসে ঐ আসে শত্রু পুরী-মাঝে ।

বধ শত্রু, মার শত্রু, কাট শত্রু স্তূতীক্ষ অসিতে ।

মার মার রবে মহামার উঠাও ঘরিতে ।

ছছকারে কাঁপাও ব্রহ্মাণ্ড ।

না, না, না, তিষ্ঠ ক্ষণকাল,

বুঝি আগে, শত্রু কিন্মা মিত্র ।

( কিঞ্চিৎ পরে )

হা, হা, হা. ( হাস্য )

কি ভ্রম, কি ভ্রম, কোথা শত্রু !

শত্রু মোর নাই পৃথিবীতে ;

তবে আচস্থিতে শত্রুশঙ্কা কেন বা হইল ?

কে ও ? রুদ্রদেব ! ভুবনপূজ্য রুদ্রদেব ! আমার পরমারাধ্য  
প্রমথ-পতি রুদ্রদেব ? কেন দেব ! আজ এ মূর্তি কেন ? ও যে  
বড় ভীষণ মূর্তি, ও মূর্তিতে ত ভক্তের মন ভোলে না ; ও যে  
প্রভো ! সেই সংহার-মূর্তি ; আমাকে কি সংহার ক'রবে ?  
পশুপতি ! আমার কি তবে সেই সময় উপস্থিত হ'য়েছে ? না,  
না, এখনও সে সময় উপস্থিত হয় নাই ; তবে ও মূর্তি কেন ?  
কৈ প্রভো ! সেই শান্তিময় প্রশান্ত সদানন্দ শিবমূর্তি কৈ ? কৈ

সেই সিদ্ধিপানবিভোর আধনিমীলিত নয়নের সেই ঢুলু ঢুলু মধুর  
ভাব কৈ ? আজ শশাঙ্কের শীতল রশ্মিতে, কে প্রচণ্ড মার্তণ্ডের  
তীক্ষ্ণ কিরণ মিশা'রে দিল ?

ওঃ ! ওঃ ! কি ভয়ঙ্কর দৃশ্য !  
আপিজল রক্ষজটা উর্দ্ধভাবে শিরে ।  
ত্রিলোচনে মুহুমূহু বলকে অনল ।  
বম্ বম্ বব বম্ ঘন বাজে গাল ।  
মধ্যে মধ্যে অট্টহাস বিশ্বনাশকারী ।  
তাহে পুনঃ ডিমি ডিমি ডমরুর ধ্বনি ।  
ভীষণ ভূজঙ্গকর্থে উগরে গরল,  
লটপট কটী-তটে করে চর্ম্ম-বাস ।  
টল্‌মল্ করে গঙ্গা মস্তক উপরে ।  
এ কি হে প্রমথনাথ ! কেন হেন ভাব ?  
ভক্তের কোমলভাবে,  
নাহি মিলে উগ্রভাব তব ।

ও কি ? ও আবার কি কর ?

ত্রিশূল উত্তোলন কর কেন ? যে ত্রিশূলে ত্রিপুরাসুরকে নিধন  
ক'রেছিলে, যে ত্রিশূলে ত্রিলোক সংহার কর, সেই ত্রিশূল ?  
সেই মহাপ্রলয়কারী বিশ্বঘাতী ত্রিশূল আজ ভক্তের প্রতি  
উত্তোলন ?

এ কি কর্ম্ম কর পঞ্চানন !

ভক্তে বধি ভক্তঘাতী নাম লবে ?

ও কে ? ও আবার কে ? কৃষ্ণ নর ? গোপ-তনয় কৃষ্ণ নর ?  
সেই ত বটে, সেই গোপালক কৃষ্ণই ত বটে ।

রুদ্রদেব !

অস্পৃশ্য নারকী ঐ গোপকুলাঙ্গার,

আমার পরমশত্রু কৃষ্ণ ছুরাচার ।

তারে কেন তব পাশে হোরি ?

এ দৃশ্য যে নাহি সহ্য হয় ।

ও কি হেরি পুনঃ !

রুদ্রদেব প্রবেশিল কৃষ্ণদেহ-মাবে,

কি আশ্চর্য্য ! সুদীর্ঘ সেই ভীম কলেবর

কৃষ্ণের ঐ ক্ষুদ্র কলেবরে,

দেখিতে দেখিতে গেল মিশাইয়া ।

সূচীরক্রে প্রবেশিল প্রবল মাতঙ্গ ?

এ কি ? চন্দ্র, সূর্য্য, নক্ষত্রমণ্ডলী,

স্বর্গ, মর্ত্য, রসাতল একে একে সবে,

প্রবেশিছে কৃষ্ণ-লোম-কূপে !

যেদিকে নেহারি, সেই দিকে—

কৃষ্ণ-দেহ করি বিলোকন ।

বিশ্বব্যাপী বিশ্বরূপ এ যে অপরূপ,

এই কি সেই সৃষ্টি-স্থিতি-প্রলয়-কারণ ?

এই কি সেই মহাবিকু বিরাটপুরুষ ?

এ হ'তে কি ব্রহ্মাণ্ডের হ'য়েছে প্রসব ?

এ হ'তে কি মহামায়ার হ'য়েছে উদ্ভব ?

আ হা হা ! এ আবার কি রূপ রে !

সুন্দর সুনীল কিবা রাজীব-লোচন,

শিখি-পুচ্ছ-শিরে শোভে ভুবন-মোহন ।

ধ্বজ-বজ্রাকুশ-রেখা রাজে পদতলে,  
সুচারু চিকণ কিবা গুঞ্জমালা গলে ।

কৃষ্ণ ! কৃষ্ণ ! আহা কি মধুর নাম, কৃষ্ণনাম, মরি কি মধুর নাম !  
পিপাসার শান্তি, ভবক্ষুধার নিবৃত্তি, রসনার অনন্ততৃপ্তি, বাসনার  
একান্ত বিরতি, কি মধুর নাম ! আনন্দের লহরী, শান্তির মাধুরী,  
সুখের বল্লরী, কি মধুর নাম !

রসনা রে !

কর পান, প্রাণ-ভরি কৃষ্ণ-নাম-সুধা,  
প্রাণ-পাথী ! কর গান কৃষ্ণ-নাম-গাথা ।

নয়নযুগল !

হের রূপ নবঘনশ্যাম,

মূঢ় মন ! ভাব ঐ পদ অবিরাম ।

গীত

দেখ আঁখি আঁখি-ভরি, কিবা অপরূপ মাধুরী ।

শিরে শোভা মনোলভা শিখি-পাথা মরি মরি ॥

ত্রিভঙ্গ বক্ষিম-ঠাম,

নবীন নীরদ-শ্যাম,

সুমধুর রাধা-নাম-সাধা বাঁশী করে হেরি ॥

ধ্বজ-বজ্রাকুশ-রেখা,

পদতলে কিবা আঁকা,

মোহন রূপেতে দেখা, দিও অঘোরে মুরারি ॥

জরা ।

ওকি, ওকি, ওকি,

অন্ধকার নরক-আগাব,

কত পাপী পরিত্রাহি ডাকে ।

ঘুণা, ঘুণা,

উগরিছে মুহূর্হঃ নারকীর দল,

কৃমি সহ পুতিগন্ধ পুরীষের রাশি ।

কোথা বা জ্বলিছে ঐ প্রচণ্ড কটাছে,  
 ছ ছ শব্দে হতাশন পাপী দহিবারে ।  
 কোথা বা ভূজঙ্গ করে ভীষণ গর্জন,  
 কোথা বা কবন্ধশ্রেণী ভীম-দরশন ।  
 কোথা বা ভ্রমিছে দীর্ঘ নাসিকার দল,  
 কোথা বা ডাঙ্গস হাতে হাঁকে কাল-দুত ।  
 কোথা বা ঘুরিছে চক্র অতি দ্রুতবেগে,  
 কোথা বা নাচিছে বক্র বিকট-দশন ।  
 কোথা চক্র, কোথা ব্যাঘ্র, কোথা বা হর্ষাক্ষ,  
 কোথা বা উড়িছে উগ্র গৃধ্র রক্ত-কণ্ঠ ।  
 ওহো হো,  
 ঐ আসে, ঐ পশে, ঐ বুঝি গ্রাসে,  
 ঐ ডাকে, ঐ হাঁকে, ঐ বুঝি নাশে ।  
 গেল গেল প্রাণ গেল কে আছে কোথায় ?  
 রক্ষ মোরে, রক্ষ মোরে, করি কৃতাজলি ।  
 কে ? না, কিছুই না, সব প্রহেলিকা,  
 দেখিলু স্বপনমাত্রে যত বিভীষিকা ।  
 রক্ষিগণ ! বন্দিগণে কর বলিদান,  
 রুদ্রপূজা বিধিমতে করি অবসান ।

( নেপথ্যে ) মাঠে: মাঠে:—

বল যত বন্দিগণ হরি হরি ধ্বনি,  
 বিষম বিপদে ত্রাণ করিবেন তিনি !

জয়া ।

কে রে ? কুলান্দার পুত্র বুঝি ?  
 কুলান্দার সহদেব ! তিষ্ঠ ক্ষণকাল ।



বন্ধিগণ । হরি বোল, হরি বোল, হরি বোল ।

জরা । সাবধান, না করিস্ শত্রু-নাম )

অদূরে বিপ্রবেশে কৃষ্ণ, ভীম ও অর্জুনের প্রবেশ

জরা । ( স্বগতঃ ) কে ইহারা তিন জন ?

ব্রাহ্মণসূচক পবিত্র যজ্ঞীয়সূত্র বিলম্বিত গলে ।

কিন্তু অস্ত্ৰচিহ্ন কেন হেরি ব্রাহ্মণ-শরীরে ?

ছদ্মবেশী শত্রু কিবা ?

যে হ'ক্ সে হ'ক্,

বিপ্রবেশে আসিয়াছে সমীপে যখন,

করিব বিপ্রের সম শ্রীপদ পূজন ।

( প্রকাশে )

প্রণমি হে দ্বিজত্রয় ! চরণ-পঙ্কজে,

কি বাসনা ? কহ দাসে, করিব পূরণ ।

আর এক কথা মোর শুন দ্বিজগণ !

কি কারণে পুষ্পমালা ক'রেছ ধারণ ?

বিপ্রকণ্ঠে পুষ্পমালা শাস্ত্রের নিষেধ,

তাই বাড়ে সন্দেহ অন্তরে ;

দেহ সবে নিজ পরিচয় ।

কৃষ্ণ । পুষ্পমালা রাজলক্ষ্মীর প্রিয়,

তাই মালা ক'রেছি ধারণ ।

জরা । রাজলক্ষ্মীর প্রিয়, কিন্তু বিপ্রলক্ষ্মীর নয় ?

কৃষ্ণ । দিয়েছি কি বিপ্র ব'লে তোমা পরিচয় ?

জরা । তবে কেন যজ্ঞসূত্র ধরিয়াছ গলে ?

- কৃষ্ণ । বিনা ক্লেশে পুরীমাঝে প্রবেশিব ব'লে ।
- ভরা । কোন্ পথে এলি তোরা গিরিব্রজমাঝে ?
- কৃষ্ণ । পঞ্চগিরি চূর্ণ করি আসি গুপ্তপথে ।
- ভরা । ছিল যে ঘারেতে ভেরী ভীম নাগদ্বয় ?
- কৃষ্ণ । সে সব ক'রেছি মোরা প্রথমেই ক্ষয় ।
- ভরা । হাঁ, চোর তোরা পাইলু প্রমাণ,  
রক্ষি ! কর বন্দী চোর তিন জনে ।
- কৃষ্ণ । নাহি চোর, শত্রু আমি তব ।
- ভরা । ছিঃ ছিঃ, শিশু তুই,  
করে শত্রু ছিলি মম ।
- কৃষ্ণ । মগধরাজ ! স্মরণ হয় না ? যার সঙ্গে অষ্টাদশবার সংগ্রাম ক'রে পরাস্ত হ'য়েছিলে ; যে তোমাকে বন্ধনমুক্ত ক'রে প্রাণভিক্ষা দিয়েছিল ; যার চক্রধারায় তোমার প্রধান প্রধান সৈন্যগণ, সেনাপতিসহ মথুরা-রণক্ষেত্রে নিহত হ'য়েছিল ; আমি তোমার সেই পূর্ব-অরি কৃষ্ণ ।
- ভরা । কি ? কৃষ্ণ ! তুই সেই কৃষ্ণ ? তুই সেই গোপোচ্ছিষ্টভোজী—  
গোপ-পাদুকাবাহী—গোপী-কুল-সতীত্বাপহারী—দুষ্ট—নিরুষ্ট—চিত্ত-  
কৃষ্ণ ? যে আমার ভয়ে ভীত হ'য়ে, মথুরা পরিত্যাগপূর্বক  
সমুদ্রমধ্যে গিয়ে বাস ক'রেছিস, ওরে তুই সেই কৃষ্ণ ? হাঁ রে,  
নির্লজ্জ বালক ! আজ আবার তোর এ ভ্রম্যতি হ'ল কেন ?  
আর, ও-দু'টীকেই বা সঙ্গে ক'রে এনেছিস্ কেন ? বল ওর  
কে ?
- কৃষ্ণ । ইনি তোমার কালস্বরূপ পাণ্ডুপুত্র, মধ্যমপাণ্ডব বৃকোদর ।  
যে বৃকোদর অযুত মত্তহস্তীর বলধারণ করে ; যে বৃকোদরের

মুষ্ঠাঘাতে, তোমার চেত্যা আদি পঞ্চপর্বত চূর্ণ হ'য়েছে ; ইনিই সেই ভীম । আর এই সেই তৃতীয়পাণ্ডব অর্জুন । যে অর্জুন খাণ্ডবদাহনে দহনের অনুকূলতা ক'রে, অতুলনীয় গাণ্ডীব লাভ ক'রেছিল ; যে অর্জুন, লক্ষ্যবেধে বীরনেপুণ্যে পরাকাষ্ঠা-প্রদর্শনপূর্বক, জগতে অদ্বিতীয় ধনুর্ধর নাম ধারণ ক'রেছে ; এই সেই ধর্মরাজ যুধিষ্ঠিরের তৃতীয় সহোদর এবং আমার প্রিয়সখা অর্জুন ।

জরা । দুর্বৃত্ত ! ক্ষান্ত হ, ক্ষান্ত হ, যথা বাচালতা প্রকাশ ক'রতে হবে না ! এখন বল, তোদের উদ্দেশ্য কি ?

ক্রমঃ । উদ্দেশ্য মহৎ । প্রথমতঃ এই সকল বন্দিগণকে মোচন করান ; যদি তুমি সহজে মোচন না কর, তাহ'লে দ্বিতীয় উদ্দেশ্য তোমাকে বধ করা । এখন যদি মৃত্যুভয় থাকে, তবে এই নির্দোষ নৃপগণকে মুক্ত কর ; নতুবা মৃত্যুর জন্ত প্রস্তুত হ'য়ে সংগ্রামে অগ্রসর হও ।

জরা । কার সঙ্গে সংগ্রামে অগ্রসর হব রে, হতভাগ্য ! তুই ত ভীক, কাপুরুষ, তরুর, তোর সঙ্গে যুদ্ধ ক'রে আর কলঙ্ক সঙ্কলন ক'রতে প্রবৃত্তি নাই । তবে তোর যদি নিতান্তই সংসারবাসনা পরিত্যাগ করবার সাধ হ'য়ে থাকে, তবে আর এই পদাঘাতেই—  
( পদাঘাতে উদ্বৃত ) ।

ভীমার্জুন । সাবধান ! সাবধান !!

জরা । হা হা, তোরা নিতান্ত দুর্বল, তোদের ওরূপ স্পর্শাদর্শনে হাশ্বের অবতারণা হয় মাত্র । হতভাগ্য নিরোধগণ ! তোরা কেন এই গোপাধমের সহিত প্রাণ বিসর্জন দিতে এসেছিস্ ?

ভীম । ওরে অহঙ্কারী জরাপুত্র ! আমরা প্রাণ-বিসর্জন দিতে

এসেছি, কি তোর প্রাণ-বিসর্জন করতে এসেছি, তা অনতি-  
বিলম্বেই দেখতে পাবি। হাঁ রে নরাধম! তুই আমাদের  
দুর্বল মনে ক'রে উপহাস ক'রলি; কিন্তু অন্ধ! দেখতে  
পাচ্ছি না যে, আমাদের পরমবল স্বয়ং কৃষ্ণ সঙ্গে রয়েছেন;  
আমরা একমাত্র কৃষ্ণ সহায় ক'রে তোর মত শত শত জরা-  
সন্ধকে, ক্ষুদ্র, অতি ক্ষুদ্র, ক্ষুদ্রাদপি ক্ষুদ্রতুল্য জ্ঞান করি।  
পাপিষ্ঠ! কৃষ্ণ-নিন্দা? কৃষ্ণ-অপমান? কৃষ্ণদাসের সম্মুখে কৃষ্ণ-  
অপমান? হুম্মতি! কৃষ্ণের অহুমতির অপেক্ষায় র'য়েছি;  
নতুবা, তোর ঐ পাপ-মুণ্ড এতক্ষণ ভীমের বামপদতলে  
বিদলিত হ'ত।

জরা। ওরে ভীম! তোর কৃষ্ণ ত পশু অপেক্ষাও নিকৃষ্ট, ওর কি নিন্দা  
বা মানের ভয় আছে?

ভীম। না আর না, আর পারলেম না, আর পাপাত্মার কথা  
সহ্য ক'রতে পারলেম না। আর কৃষ্ণের অহুমতির  
অপেক্ষাও ক'রতে পারলেম না। কৃষ্ণের বিনাহুমতিতে, তোকে  
বধ করার যে পাপসঞ্চয় হবে, তোর ঐ নরকতুল্য বদন-  
মণ্ডল ছিন্ন ক'রে, সেই রক্তের দ্বারা সেই পাপরাশিকে ক্যালন  
ক'রব। অর্জুন! আর দেখিস্ কি? আর তোর সখার  
অপেক্ষা করিস্ নে। আমরা সম্মুখে জীবিত থাকতে, নরাধম  
কৃষ্ণকে পদাঘাত ক'রতে উত্তত হয়? এত সাহস? ওঃ!  
আমরা এখনও পাপাত্মাকে নিধন না ক'রে স্থির হ'রে আছি?  
ভাই কৃষ্ণ! এখনও অহুমিত দিচ্ছি নে? এখনও দাঁড়িয়ে  
দাঁড়িয়ে নিজের অপমান সহ্য ক'রছি? তুই যেন ভাই  
নির্বিচার, তোর যেন স্তুতি বা নিন্দা নাই; কিন্তু আমরা তোর

কোন নিন্দা বা অপমান সহ্য ক'রতে পারি নে ; আমাদের ত হৃদয়  
বিকারশূন্য হয় নাই ।

জরা । গণ্ডমূৰ্খ ! গোপাধমের দাস ! ক্লগকাল অপেক্ষা কর, আমি  
অস্ত্রাগার হ'তে অস্ত্র আনয়ন ক'রে তোকে প্রদান করি ।  
নিরস্ত্রের সঙ্গে যুদ্ধ ক'রব না । প্রহরিগণ ! সাবধান, যেন এই  
ধূর্তগণ পলায়ন না করে ।

( সবেগে প্রস্থান )

কৃষ্ণ । এস, আমরাও বেশ পরিবর্তন করি ।

( সকলের রণবেশধারণ )

যুদ্ধসাজে গদাঘৃষ্মক্কে দূরে জরাসন্ধের প্রবেশ

এবং পশ্চাৎ হইতে রাণীর বাধা-প্রদান

করিতে করিতে প্রবেশ

জরা । মহিষি ! যাও ফিরি অস্ত্রপুরে ।

হের ঐ সঙ্খুখে আমার,

শক্র-সিংহ করে আশ্ফালন ।

রাণী । মহারাজ ! মহারাজ !

নাহি দিব সিংহের সমীপে যেতে ।

জরা । এ কি কথা ক্ষত্রিয়-রমণী ?

রাণী । কাঁদে প্রাণ তব তরে ।

জরা । কেন এত অধীরা মহিষী ? নিশ্চয় জিনিব রণ ।

রাণী । মহারাজ ! প্রবোধ না মানে মন ।

মনে হয় প্রমাদ ঘটিবে ।

জরা ।

বাক্র বুক পাষণে মহিষি !

বীরের রমণী তুমি, বীর-কর্মে বাধা নাহি দিও

কি কহিবে বীরসুনাগণে ?

ত্যজ মোরে,

বধি অরি সত্বর ভেটিব তোমা ।

রাণী ।

প্রাণনাথ ! অধীনীরে দিও না বেদনা ।

হেরি কুস্বপন গভীর নিশিতে,

কুলক্ষণ হেরি চারিদিকে,

দিব না এ জীবন থাকিতে,

প্রাণকান্ত ! সমরে যাইতে ।

জরা ।

রাণি ! স্বপনের অলীক আশঙ্কা,

মনে নাহি দিও স্থান ।

জে'ন মনে না বটিবে অমঙ্গল,

সুখমঙ্গল হইবে নিশ্চয় ।

ছাড় জরা, যাই রণে, বিলম্ব না সয় ।

বিলম্ব হারিবে শত্রু ভীত মনে করি ।

রাণী ।

আগে বধ মোরে, কর শেষে সমবে গমন ।

জরা ।

ঘটালে জঞ্জাল রাণি !

আজীবন স্বাধীন জীবনে,

বীরধর্ম ক'রেছি পালন ।

এ কি দায় আজি !

রমণী-অঞ্চলতলে লুকায়িত দেখে,

শত্রু-ভয় নিবারিব কেমনে মহিষি !

ছিঃ ! ছিঃ ! বড় ঘৃণা, বড় ঘৃণা সে,

তা হ'তে যে মৃত্যু ভাগ গণি ।  
জান তুমি আমার হৃদয় ।  
পুরুষত্ব জীবনের সার ।  
নহি নারী-মুখাপেক্ষী কাপুরুষ-মত ।  
তবে কেন আজি  
বাধা দাও সমরে যাইতে ?

রাণী ।                   প্রাণনাথ ! প্রাণ ত বুঝে না ।  
ভয় পাছে তোমা হারা হই ।  
সহকার বিনে মাধবী দাঁড়ায় কোথা ?

জরা ।                   ( সক্রোধে ) জানি না দাঁড়ায় কোথা ?  
না পারে দাঁড়াতে,  
প'ড়ে যাক ভূমিতলে ।  
কি আশ্চর্য্য ! রমণী-অস্তর,  
কেবল অহিত-চিন্তা আত্মীরজনের ।

রাণী ।                   মহারাজ ! করি যোড় কর,  
রাধ হে দাসীর কথা ।

জরা ।                   এ কি জ্বালা, কেন কথা শোন না মহিষী ?  
প্রাণ দিয়ে পারিবে না রক্ষিতে আমার ।  
বৃথা কেন কাঁদ মোর কাছে ?  
কঠিন এ বীরের হৃদয়,  
শত অশ্রুপাতে গলাতে নারিবে ।  
কোন্ বীর ক্ষত্রিয়-সমাজে,  
নারী-বাক্যে না করে সমর ?

কোন্ বীরাজনা বল, তোমার সমান,  
 যুদ্ধোন্মত্ত বীরপতি হেরি,  
 উল্লাসে না হর আত্মহারা ?  
 কোন্ বীরাজনা, কাপুরুষ পতি ল'য়ে,  
 ভালবাসে দিবানিশি,  
 কাটাইতে প্রেম-আলাপনে ?  
 যাহ রাগি ! বিলম্ব ক'র না ।  
 নহি তব ক্রীড়ার পুত্তলী,  
 বীর আমি জরাসন্ধ নাম ।

রাগী ।

( পদধারণপূর্বক )

ধরি পায়, রাখ পায়, প্রাণকান্ত আজি,  
 নতুবা ঐ পদাঘাতে ঘুচাও জঞ্জাল ।

জরা ।

ফলে শেষে তাই হবে ।:

ছাড় পদ, ছাড় পথ, তিষ্ঠিতে না পারি ।

ঐ শোন রণভঙ্গা বাজিছে আবার,

ঐ শোন জয়টাক বাজে উচ্চরোলে,

উৎসাহে নাচিছে প্রাণ ছুটিছে শোণিত ।

ছাড় রাগি ! রণরঙ্গে মাতিব এখনি ।

ভীম ।

আর রে পাপিষ্ঠ জরাপুত্র ছরাচার !

প্রাণভয়ে কাপুরুষ-সম,

রমণী-অঞ্চল ধরি র'য়েছিস্ ভীক ?

জরা ।

হের রাগি ! সিংহের বিবরে পশি,

শিবা-আক্ষালন ।

নাহি পারি সহিতে তিলান্ন ।



( ভীমের প্রতি উচ্চৈঃস্বরে )

তিষ্ঠ রে পবনসুত ! বধিব সত্বর ।

ছাড়ি রাণি ! অন্তঃপুরে যাও ।

আর না রহিতে পারি ।

রাণী ।

বধ মোরে মহারাজ !

জরা ।

দূর হও অভাগিনী ।

( পদদ্বয় মোচন )

রাণী ।

প্রাণনাথ ! প্রাণনাথ !

জরা ।

দূর হও ডেক না পশ্চাতে ।

( বেগে ভীম-সমীপে গমন )

রাণী ।

হা ভাগ্য ! এতদিনে হইলি বিমুখ !

ভাঙ্গিলি জন্মের মত অভাগীর সুখ ।

যাই যাই, বাঁপ দিগে জলন্ত-আগুনে,

ছার প্রাণ রাখিব না আর ।

( সরোদনে প্রস্থান )

জরা ।

আয় রে তঙ্কর-ত্রয় ! আয় একে একে,

পাঠাই মুহূর্তমাত্রে শমন-আগারে ।

অর্জুন ।

সত্য বটে তঙ্কর আমরা,

কিন্তু, না হরিব অশ্রুধন,

হরিতে এসেছি তোর ঘৃণিত জীবন ।

কি দেখাস্ কৃতান্তের ভয় ।

নাহি ডরি কৃতান্তে আমরা ;

হের ঐ রহে সঙ্গে শমন-ধমন,

কি সাধ্য কালের আছে লভিতে জীবন ।

জরা ।

ওরে মূর্খ ! পার্থ কুলদার !  
 ঐ বুঝি শমন-দমন তোর ?  
 ব্রজপুরে প্রতি ঘরে ঘরে,  
 ভাণ্ড হ'তে করিত যে নবনী হরণ ;  
 সেই কৃষ্ণ কবে হ'ল শমন-দমন ?  
 বন্ধনের চিহ্ন দেখ্ র'য়েছে এখন (৩) ।

গীত

বল্ রে বল্ পাপিষ্ঠ, দুষ্ট কৃষ্ণ কবে ইষ্ট হ'ল ।  
 কে না জানে, ও কুজনে, কলঙ্ক-কালিমায় কাল ॥  
 জামে জগজ্জন, বৃন্দাবন-বিবরণ,  
 গোপিনী-বসন-হরণ গোধন-চারণ,  
 ছিঃ ! ছিঃ ! যুগা হয়, দিতে রে পরিচয়  
 হুমিষ্ট উৎকৃষ্ট যার গোপোচ্ছিষ্ট বনফল ॥

অর্জুন । ওরে জ্ঞানাক্র ! তোর যদি সে দৃষ্টি-শক্তিই থাকবে, তাহ'লে  
 কি তোর ঐ রসনা কৃষ্ণ-নিন্দা ক'রতে সাহসী হ'ত ? বুঝ্লেম,  
 নরকও তোর বাসস্থানের উপযুক্ত নয় । আয়, এখন অগ্রসর হ,  
 তোর পাপ-রসনা দ্বিধা করি ।

জরা । কার সঙ্গে রণে অগ্রসর হব রে বর্ষর ? তোর সঙ্গে ? সে  
 ছুরাশা যেন তোর মনেও কখন স্থান পায় না । তোর সঙ্গে  
 যে দিন অস্ত্রধারণ ক'রে যুদ্ধ ক'রতে হবে, সে দিন দেখ্‌বি,  
 পশ্চিমদিক্ হ'তে সূর্য্যোদয় আরম্ভ হ'য়েছে । ওরে ! খগপতি  
 বৈনভের কি নাগগণের সহিত যুদ্ধ ক'রে তাদের প্রাণ সংহার  
 ক'রে থাকে ? তোকে যদি সংহার ক'রতে হয়, তাহ'লে আর  
 সমরে অবতীর্ণ হ'তে হবে না, কেবল মাত্র একটি মুষ্টিঘাতেই

তোর জীবন-লীলা শেষ ক'রব। তাই ব'লছি রে হীনবল পার্থ।  
তোর সঙ্গেও নয়, আর তোর ঐ বাঁকাসথা কৃষ্ণের সঙ্গেও নয় ;  
যুদ্ধ যদি ক'রতে হয়, তবে এক ভীমের সঙ্গেই ক'রব।

ভীম। আচ্ছা আচ্ছা, তাই হবে। আমিও তাই চাই। অনেক দিন  
মল্লযুদ্ধ এবং গদাযুদ্ধ করবার সুযোগ ঘটে নাই, আজ এই উত্তম  
সুযোগ উপস্থিত।

জরা। বৃকোদর ! স্মর তব ইষ্টদেবে,  
ভীমশূন্য হবে বসুন্ধরা।

ভীম। হের ঐ ইষ্ট মম বিরাজে সম্মুখে।  
থাকিতে ঔষধি কাছে ব্যাধিতে কি ভয় ?  
স্থির মনে জানিস্ বর্ধর !  
ভীমশূন্য না হবে ধরণী।  
এক ভীম যাবে, পুনঃ শত ভীম হবে।  
হের ঐ ভীম-কায় বিরাটপুরুষে ;  
প্রতি লোম-কুপমাঝে কত ভীম রাজে।

জরা। ওরে ভীম ! সাধে কি তোকে লোকে গণ্ডমূর্খ বলে ? মূর্খ !  
কোন্ চ'ক্ষে তুই ঐ রাখালশিশুর অঙ্গে, শত শত ভীম বাস  
ক'রতে দেখলি ?

ভীম। ওরে নরাধম ! জ্ঞানচ'ক্ষে দেখেছি, তোর সে চক্ষু নাই। তাই  
তুই কৃষ্ণকে রাখাল ব'লেই মনে ক'রছিস্। তবে যে আমি মূর্খ,  
সে কথাও মিথ্যা বলিস্ নাই। মূর্খ না হ'লে তোর মত মূর্ধকে,  
কৃষ্ণ-অঙ্গে, ভীম দেখতে ব'ল্ব কেন ? অন্ধকে আলোক দেখিয়ে  
দিলে, সে তা দেখতে পাবে কেন ? তার চ'ক্ষে যেমন অন্ধকার  
তেমনই অন্ধকার।

জরা । গণ্ডমূর্খের সঙ্গে তর্ক করাও একপ্রকার মহাপাপ । তার সে অন্ধ-বিশ্বাস কিছুতেই দূর হয় না, বৃথা রসনার শ্রান্তিবর্জন করা মাত্র । অরণ্য-মধ্যে রোদন ক'রলে, অরণ্য যেমন সে রোদন-দর্শনে দুঃখিত হয় না, বা রোদন-কারীকে সাহুনা করে না ; মূর্খকে উপদেশ দিতে গেলে, মূর্খও তেমনি তার কোনও মর্শ্ব গ্রহণ ক'রতে পারে না । যা হ'ক্, আর বৃথা বাক্যব্যয় নিশ্চরোজন ; এই গদা গ্রহণ কর, আমি প্রস্তুত । ( গদা প্রদান )

ভীম । ( গদা গ্রহণ করিয়া ) রাবণের গৃহস্থিত মৃত্যুবাণ যেমন তার বিনাশের কারণ হ'য়েছিল, তোর গৃহস্থিত এই গদাও তেমনি আজ তোরই বিনাশের কারণ হবে ।

দেখ অন্ধ ! চাহিয়ে আকাশে ।  
নিয়তির জয়ডঙ্কা বাজে ভীমরবে ।  
ঐ শোনু বলিছে নিয়তি ।  
ভীম-করে লীলা তোর হবে অবসান ।  
( কৃষ্ণের প্রতি ) বাসুদেব !  
কর তবে অনুমতি মোরে ।  
জরাসন্ধ সনে রণে হইব প্রবৃত্ত !

কৃষ্ণ ।  
কর রণ বৃকোদর ! নির্ভীক-অস্তুরে,  
হবে নাশ মগধ-ভূপতি ।

জরা ।  
দেখ্ বসি গোপাধম !  
কেবা করে বধে ।

( উভয়ের গদাযুদ্ধ )

ভীম ।  
এইবার মল্লযুদ্ধে বধি তোর প্রাণ ।  
( উভয়ের মল্লযুদ্ধ )

ভীম । ( সহসা জরাসন্ধের বক্ষের উপর বসিয়া )

এইবার নরাধম ?

জরা । ওঃ ওঃ ওঃ ! বৃহৎ পর্বত যেন চাপিল বক্ষেতে ।

ভীম-ভার না পারি সহিতে ।

উপবাসী নাহি অঙ্গে বল,

প্রাণপণ করি ভীমে ফেলিব ভূতলে ।

( ভীমকে ভূমিতে পাতন )

কৃষ্ণ । বৃকোদর ! দেখ দেখ ! ( পত্র দ্বিখণ্ডপূর্বক ভীমকে সঙ্কেত প্রদর্শন ) ।

ভীম । ( জরাসন্ধের একপদ নিজপদ দ্বারা চাপিয়া, অন্য পদ হস্ত দ্বারা উত্তোলনপূর্বক ) এইবার যাবি কোথা ?

জরা । ওহো ! বুঝ্লেম, আর রক্ষা নাই, আজই ভীমের হাতে ভব-লালা সাক্ষ হ'ল । কৃষ্ণ ! কৃষ্ণ ! কৃষ্ণ ! তারকব্রহ্ম কৃষ্ণ ! এত দিন পরে তুমি কে, তা চিনেছি । দয়াময় ! অজ্ঞানের গত অপরাধ ক্ষমা কর । পতিত-পাবন ! পাপী ব'লে পাপ-সাগরে পরিত্যাগ ক'রে পলায়ন ক'র না ! কর্ণধার ! ঐ যে সম্মুখে অকুল-পাথার, পাপীকে পার ক'রে দাও ।

### গীত

ভব-কর্ণধার, ভব-পারাবার, কর কর এবার পার হে ।

হেরে প্রলয়-তরঙ্গ, শিহরিছে অঙ্গ, নিবার আতঙ্ক আমার হে ॥

শক্রতা পরিহরি এস হরি হৃদে,

অঁাধি মুদে দেখি তোমায় অস্তিম-সুহৃদে,

( কত দেখেছি ) ( সে যে শক্রভাবে ) সে যে অঁাধার মাঝে অন্ধ হ'য়ে )

এবার ফুটেছে হে অঁাধি, ওহে কমলাখি, দেখিব রাজীব চরণ ।

আজি, শেষের দেখা দেখে নিরে, আমি ছাড়িব এ সংসার হে ॥

ভবে এসে, রিপূর বশে, কত খেলা খেলেছি,  
পাপের প্রবাহ মাঝে সদাই ডুবেছি,

( সাধ মিটেছে ) ( আমার খেলা খেলবার ) ( আমার ইহকালের সকল খেলার )  
এবার ভবের খেলা সাক্ষ. হ'ল হে ত্রিভঙ্গ, শমন-প্রসঙ্গ, নাশ হে ॥  
তুমি বিনে কে বহিবে, এ পাতকীর পাপ-ভার হে ॥

জরা । আঃ—আঃ—আঃ—না—রা—য়—ণ,—না—  
( ভীম কর্তৃক জরাসন্ধকে দ্বিখণ্ডকরণ ও মৃত্যু )

অসিহস্তে উন্মাদিনী অস্তির প্রবেশ

অস্তি । ওঃ ওঃ জ্বলে গেল, জ্বলে গেল,  
প্রতিহিংসা না হ'ল সাধন ।  
বন্ধমধ্যে অগ্নিকুণ্ডে জলে,  
পুড়ে গেল অস্থি মজ্জা সব ।  
ছারখার হ'ল প্রাণ ।  
নিভাব নিভাব আজি কৃষ্ণের ক্রোধে ;  
কৈ সে ? কৈ সে ?—  
পতি-হস্তা পিতৃ-হস্তা,—কৈ সে পায় ?  
ঝেথারে আমায়—  
করি পান রক্ত তার ।  
পিপাসায় প্রাণ যায়,  
করিব ক্রোধের পান ।  
ঐ যে, ঐ যে, পিতা অনন্ত-শয়নে ।  
পিতঃ ! পিতঃ !  
যাও নিজা ধরণীর কোলে,

চিরদিন কর শ্রান্তি দূর,  
 করিবে তনয়া তব শক্রর নিপাত ।  
 ( বিকটভাবে ) হা, হা, হা, হা, হা, হা,  
 আয় তোরা ডাকিনী যোগিনী ।  
 নাচিবি আমার সনে রক্ত পান করি ।  
 উঃ উঃ উঃ ! জ্বলে যায়, ফেটে যায় বুক,  
 কোথা যাই ? কোথা যাই ? কোথায় জুড়াই ?  
 কোথা গেলে শান্তি পাব ?  
 এ যে মরুভূমি,  
 ধূ ধূ করে ভীষণ প্রান্তর ।  
 না, না, না, এখানে না,  
 বহু দূর যেতে হবে—  
 হা হা হা, হা হা হা,  
 ভয় দেখাস্ কে তুই ভীষণ ?  
 বীরবালা আমি,  
 নাহি ডরি বিভীষিকা হেরি ।  
 প্রতিহিংসা প্রতিহিংসা,  
 না হইল জীবনে সাধন ।  
 পিতঃ ! পিতঃ ! দাঁড়াও দাঁড়াও,  
 যাবে অস্তি তব সঙ্গে ।  
 না পারি তিষ্ঠিতে আর ।  
 পিতঃ গো ! তনয়ারে কর সাধ ।

( পতন ও মৃত্যু )

কৃষ্ণ ।

রুক্মিণী ! বন্দীগণে কর মুক্তিমান ।

বন্দিগণ । ( বন্ধনমুক্ত হইয়া ) হরিবোল হরিবোল ।

কৃষ্ণ । যাও নৃপ ! সবে চলি নিজ নিজ দেশে ।

করিবেন রাজস্বয় রাজা যুধিষ্ঠির,

হইবে সকলে তাঁর যজ্ঞেতে সহায় ।

( বন্দিগণের প্রস্থান )

কৃষ্ণ । চল, সকলে আশ্রিত্য দূর করিগে ।

( সকলের প্রস্থান )

### তৃতীয় দৃশ্য

[ মগধ-পুরী ]

কৃষ্ণ. কাচারুক্কে সহদেব ও পাগলী-মার প্রবেশ

কৃষ্ণ । আর কেঁদ না সহদেব ! তোমার পিতা অনন্তমুক্তি প্রাপ্ত হ'য়ে-

ছেন ; মুক্ত পুরুষের জন্ম কি কাঁদতে আছে বৎস ?

পাগলী । বাবা ! ঐ কৃষ্ণপদে মন স্থির কর, তাহ'লে আর কোন

দুঃখ, কোন কষ্ট থাকবে না । এতদিনের পর তোমার সাধনার

সিদ্ধি হ'য়েছে, কৃষ্ণ তোমাকে দেখা দিয়েছেন ; আর কি সহদেব !

আজ তুমি গৃহে ব'সে সাধনার ব'লে, ঐ যোগীঋষির সাধনার ধনকে

দেখতে পে'লে, এ হ'তে আর সৌভাগ্যের কথা কি আছে বাপ ?

এতদিনে আমার কাজও সুসিদ্ধ হ'ল । তবে বাবা ! তোমার

পাগলী-মাকে এখন বিদায় দাও ।



কৃষ্ণ । বৎস সহদেব ! তোমার মত ভাগ্যবান পুরুষ এ সংসারে কে আছে ? স্বয়ং ভগবতী এতদিন পাগলী-মা সেজে, তোমার কাছে এসেছেন, তুমি চিন্তে পার নাই ।

সহ । কি কি পাগলী মা, পাগল নয় ? স্বয়ং দুর্গতিহারিণী দুর্গা বুঝলেম কৃষ্ণ ! তোমরা যতক্ষণ চিন্তে না দেবে ততক্ষণ তোমার কাছে থাকলেও, চিন্তে পারবার সাধ্য নাই । আহা ! আমার কি ভাগ্যবল ! আমি ঘরে বসে দুর্গা ও হরির দেখা পেলেম ! মা দুর্গে ! এতদিন পাগলী-মা নাম ধরে আমার কাছে পাগল সেজে আস্‌তিস্ ; কত অশ্রুর কথা বলেছি, তার জন্ত আমাকে ক্ষমা কর মা ।

পাগলী । না বাবা ! তাতে তোমার কোন দোষ হয় নি ।

কৃষ্ণ । সহদেব ! এখন তোমাকে এই মগধরাজ্যের রাজা হ'তে হবে ।

সহ । কৃষ্ণ ! তোমাকে পেলে কি আর রাজা হ'তে সাধ করে ? আমি রাজা হ'তে চাইনে, রাজা হ'লে তোমাকে ভুলে যাব, রাজকার্য্য বড় কঠিন ।

কৃষ্ণ । না সহদেব ! রাজা হ'লে তুমি আমাকে ভুলে যাবে না । ধর্মপথে থেকে প্রজাপুঞ্জের প্রতিপালন করাই রাজার কর্তব্য । আর তুমি যখন রাজপুত্র, তখন এ রাজ্যে তোমারই অধিকার ; নিজের অধিকার পরিত্যাগ ক'রলে, কর্তব্যভ্রষ্ট হ'তে হবে । পদ্মপত্রের সহিত জলের যেমন অবিমিশ্রিত ভাব, রাজপদের সঙ্গে তোমার মানসিক বৃত্তিরও তেমনি অনাসক্ত ভাব থাকবে ; অধচ সূচারূপে রাজকার্য্য সম্পাদিত হবে ।

পাগলী । এখন কৃষ্ণ ! ভক্তকে ত ধন্য ক'রলে, কিন্তু যেজন্য এত কাণ্ড

ক'রলেম, বলি আমার সে বাসনা কি পূর্ণ ক'রবে না ?

কৃষ্ণ ! কি বাসনা মা শবাসনা ! বল, এখনই পূর্ণ ক'রব ।

পাগলী । তোমার ব্রজদুলাল রূপ একবার দেখতে বাসনা । কনক-  
বরনী রাধা-লতা-বিজড়িত সেই ব্রজমোহন বেশ অনেকদিন  
দেখি নাই ।

কৃষ্ণ । ( স্বগতঃ ) মহামায়ার ইচ্ছা যে, আমার যুগলরূপ প্রদর্শন ক'রে,  
জগতের নিস্তারের উপায় ক'রে দেন ; নতুবা আজ হৈমবতীর  
নূতন ক'রে, যুগলরূপ দেখবার সাধ হবে কেন ? ( প্রকাশ্যে )  
মা ! এই আমি যুগলরূপ ধারণ ক'রলেম ।

মধ্যস্থলে শ্রীকৃষ্ণের যুগলরূপ, দুই পার্শ্বে চামরধারিণী

ব্রজরাখালগণের দুইভাগে অবস্থান

দুর্গা । সহদেব ! দেখ বাপ ! শ্রীকৃষ্ণের যুগলরূপ দেখ । ওরে  
ব্রহ্মাণ্ডবাসী পাপী ! মহাপাপী ! কে কোথায় আছিস্,  
একবার সকলে এসে যুগলমিলন দর্শন ক'র ! আজ আর  
ভক্ত অভক্ত নাই, যার ইচ্ছা সেই দেখতে পাবে । মুগ্ধ  
জীবগণ ! যদি ভব-সাগরে পার হবার সাধ থাকে, তবে  
আজ এই মধুর যুগলরূপ দর্শন ক'রে, মাধব-লীলার মধুরতা  
হৃদয়ঙ্গম কর ; তাহ'লে আর পাপের জন্ম ভাবতে হবে  
না । বল, সকলে বদনভ'রে উচ্চৈঃস্বরে মধুর হরিবোল  
বল । রাখালগণ ! তোমরা একবার মনের সাথে রাধাকৃষ্ণের  
শুণ গান কর ।

গীত

গাও গাও গাও গাও রে সবে, রাধাকৃষ্ণের গুণ গাও ।  
মনের হরষে সবে, ভাস ভাবের তরঙ্গে ।  
আধ কৃষ্ণ আধ রাধা যুগল মাদুরী রে,  
নবদল পাশে যেন শোভে সৌদামিনী রে ॥  
আধ অঙ্গে পীতধড়া, আধ নীলাম্বরী রে,  
নীলাম্বর মাঝে যেন হাসে পূর্ণশশী রে ॥  
আধ শিরে শিখিপাখা, আধ দোলে বেণী রে ॥  
আধ করে পদ্ম, আধ করে মোহন বেণু রে ॥  
যুগলধুরতি অঘোর হের নয়ন ভরি রে,  
বদন ভরিয়াে সবাই বল হরি হরি রে ॥

সমাপ্ত

## যাত্রায় অভিনীত পুস্তকাবলী

পাচকড়ি চট্টোপাধ্যায়—জয়মাল্য ১৥০, মহারাশূর ১৥০,  
মা ১৥০, মীনা ১৥০, সৌমিত্রী ১৥০, ধর্মপথ ১৥০ ।

রামহুজ্জত কাব্য-বিশারদ—ভীষ্ম-বিজয় ১৥০, পুষ্পল  
মোচন ১৥০, পাঞ্চালী ১৥০, সহস্রক্ক রাবণবধ ১৥০, ভীষ্মার্জুন ১৥০,  
ভার্গববিজয় ১৥০, মহামায়া ১৥০, হংসাবসান ১৥০, বাচস্পতি ১৥০ ।

শশুপতি চৌধুরী—কল্যাণী ১৥০, সুযজ্ঞ ১৥০, শ্মশান ১৥০ ।

কেশবচন্দ্র বন্দ্যোপাধ্যায়—ত্রিশঙ্কু ১৥০, অংশুমান  
১৥০, জড়ভরত ১৥০ ।

অতুলকৃষ্ণ বসুমল্লিক—সগরাভিষেক ১৥০, প্রমীলা ১৥০ ।

রাইচরণ সরকার—খেতার্জুন ১৥০, বেদ-উদ্ধার ১৥০,  
গন্ধেশ্বরী ১৥০, পাষণ্ড-দলন ১৥০, কর্মফল ১৥০ ।

ফনীভূষণ বিদ্যাবিনোদ—তর্পণ বা কর্ণবধ ১৥০, বাসুদেব  
১৥০, পূজনীয়া ১৥০, রামাহুজ ১৥০, সৈরিকী ১৥০, পাষণী ১৥০,  
ভাগ্যদেবী ১৥০ ।

শঙ্করভূষণ কবিরত্ন—মহামানব ১৥০, দুর্গোৎসবে সমাধি  
১৥০, যুগসন্ধি ১৥০ ।

জ্ঞানেন্দ্রনাথ বন্দ্য—ত্রিপুরারি ১৥০, শ্রীদুর্গা ১৥০, শ্রীকৃষ্ণ  
১৥০, সন্ধ্যা ১৥০ ।

গজেন্দ্রকুমার চট্টোপাধ্যায়—বাগ্মণী ১৥০, বঙ্গবালী  
১৥০, কৃষ্ণমাতা ১৥০ ।

গুরুদাস চট্টোপাধ্যায় এণ্ড সন্স্  
২০৩/১১, কর্ণওয়ালিস্ ষ্ট্রীট, কলিকাতা

